

اَوْقَافُهَا بُرْطَانُنِيكَ

بِالْحُجَّةِ الْكَلْبَاءِ

ق

ظَارِكُ رَجَائِي



دار الفؤاد العلبي

شهزاده باشی - اوقاف اسلامیه مطبعه سی

۱۳۳۹



اوقاف اسلاميه و مباني خيريه نك جهت علميه و تاريخيه سته دائر
بر كتاب ترتيب ايدلك اوزره مقدما اوقاف هايون ناظرينك رياسته
بعض ذواتدن مركبا تشكيل اولنان قوميسيون هيئي - مذاكرات
واقعہ اوزرينه - تاريخ، احكام اوقاف ، آثار و مباني وقفیه، تشکيلات
نظارت ، تراجم احوال انجمنلرينه انقسام ايلش و تراجم احوال انجمنی
اوقاف هايون نظارتنك تاريخچه سيله ابتدای تشکيلندن شمدي به
قدر مقام نظارته تعيين بيوريلان ذوات كرامك ترجمه حاللريني تحرير
مأمور اولش ایدی . تراجم احوال - بوانجمنه رياست ایدن - اوقاف
اسلاميه موزه سی اداره مجلسی اعضاسندن ولايات ممتازه و مختاره قلمی
مدیری ابن الامین محمود کمال بك و تاريخچه نظارت ، انجمن مذکور
اعضاسندن قيود وقفیه عربی مترجمی حسين حسام الدين افندی
طرفلرندن تحرير ايديلهرك بعون الله تعالى بوكره طبع و نشرينه
مباشرت اولنمشدر .





بسم الله تيمنا بذكره الجليل

عالم بشریتی — مدنیت حقیقه نك روحی اولان — مكارم اخلاقه دعوت ایدن دین مبین اسلام، هر شخصك حقه و خلقه قارشى وضع فردیسنی و هیئت انسانیه یه قارشى وظیفه اجتماعیه سنی — احتوا ایلدیكى احكام فاضله ايله — ارانه ایتكده در .

« تعاونوا على البرّ والتقوى » آیت کریمه سیله جمعیت بشریه یی شاهراه فضیله سوق ایدن شریعت منجیه اسلامیه ، تعاون مشترکی مكارم اخلاقك اقسام مهمه سندن عد ایدرك اصحاب استطاعتی — دنیوی و اخروی مستلزم سعادت اولان — اویله بروظیفه مبارکه ايله مكلف ایلشدر .

عالم اسلامده تعاون مشترکی ایفایه خادم اولان احكام شرعیه دن بری (وقف) درکه : اصول و دلائلی، فروع و مسائلی کتب فقهیه ده مفصلدر .

وقف لغه برشینی دائماً طور درمق [۱] و شرعاً برمالی ملکیتدن چیقاروب منافعی شرائط مخصوصه اوزره مؤبدأ برجهت خیره تخصیص ایدرك صاقلامق [۲] معناسه در . وقف ایدن کیسه یه (واقف) ، وقف ایدیلن ماله (موقوف) ، تخصیص ایدیلن جهته (موقوف علیه) دینیر .

[۱] (قاموس)

[۲] (کتب فقهیه دن بدایع)

وقف امور خیریه و عبادات مالیّه دن اولدینی مناسبتله رحمة العالمین صلی الله علیه وسلم افندمن حضرتلرندن و چاریار کزین و صحابه فضائل قرین رضوان الله تعالی علیهم اجمعین حضرتلندن صدوری شرعاً ثابت اولان [۱] بر سنت شریفه در .

« خیر الناس من ینفع الناس » سر عالینسنه نائل اولق ایچون هر صورتله بذل مجهود ایدن رجال اسلام، هر دورده بوسنت شریفه یه توسل ایلد مدنیّت اسلامیّه یی اعلا، و اذکار جمیله لرینی ده السنّه انامده ابقا ایتدیلر .

کرام رجالک هم خداپسندانه سیله تمادیاً تزايد ایدن اوقاف اسلامیّه نک تمیه سیله حسن اداره سی مهمات دینه صره سینه کیرمش و اداره اوقافه (نظر) دینمشدر .

نظر، لغه برشیئه بصیرتله باقوب تدقیق و تدبیر ایتک و شرعاً برشیئده بطریق الولایه وجه مشروع اوزره تصرف ایدرک آتی حسن تسویه ایتک معناسنه در . بوکا (نظارت) ده دینیر .

لسان شریعتده (نظارت) ایکی قسمدر . بری (نظارت عامه) درکه حل و عقد امور انام و تنفیذ قضا و اجرای احکام، دست کفایتلرینه مفوض اولان ذواتده اولور .

دیگری (نظارت خاصه) درکه تسویه امور ایتم و رؤیت اوقاف اسلام کی خاصه بر مهمه مشروعه نک تمشیتنه مأمور ایدیلن کیمسه لرده اولور . بناءً علیه بروقفک، یا خود اوقاف متعدده نک متولینسنه (ناظر) دینیر [۲]

مؤخرأ ولی الامر طرفندن بروقفک اداره اموری عهده لرینه تولیه و توجیه اولتان ناظرلره (متولی وقف) دینمش و ناظر، معنای

[۱] کتب فقهیه دن بدایع
[۲] (اشباه و نظائر فقهیه)

عمومیده استعمال ایدلشددر . بناءً علیه (ناظر) عنوانی متولیرک احوالته دقت و اوقاف اسلامیة نك اداره عمومیه سنه نظارت ایدن ذواته تخصیص اولنشددر .

واقفلردن ایلک دفعه کندی وقفه خاصه نظارت ایدن ذات ، حضرت (عمر الفاروق) رضی الله عنهدر . [۱] رسالتناه صلی الله علیه وسلم اقدمز حضر تیرنك وقف بیوردقلری (فذك) [۲] بانچه سنه عامه نظارت ایدنلرك برنجیسی ده حضرت (ابوبكر الصديق) رضی الله عنهدر . [۳]

۸۸ سنه هجریه سنده (ولید بن عبدالمك) شامده (امویه جامعنی) بنا ومصالحنه ایلک دفعه قری ومزارع تخصیص وارصاد ایلدی [۴] . (ولید بن عبدالمك) طرفندن بو جامع شریفك امور ومصالحنه وقری ومزارع موقوفه سنه ۸۸ سنه هجریه سنده ایلک دفعه (ناظر)

[۱] مشارالیهك نظارتی (بدایع) ده مسطوردر . كتاب الاولیاتده مذکور اولدنی اوزره عصر اسلامده ابتدا وقف ارض ایدن (عمر الفاروق) بن الخطاب بن نفیل العدوی القرشی در . ۱۳ سنه هجریه سی جاذی الاخره سنده خلیفه و ۲۳ سنه هجریه سی ذی الحجه سنك اواخرنده التمش اوچ یاشنده شهید اولدی .

[۲] فذك بانچه سی ، مدینه منوره ده روضه مطهره جوازنده ایدی . بوسدقه نبویه حضرت (ابوبكر وعمر) افندیلمز حسن محافظه و حاصلات سنویه سنی فقرايه تصدق بیوردلری حالده (دوات بنی امیه) دورنده مروان بن الحکم اولادی تملك ایدرك میراثلرینه ادخال ایتمشلردی (جامع الدول) [۳] عتدالجمانده مسطور اولدنی اوزره (ابوبكر الصديق) عبدالله بن ابی قحافه عثمان بن عمرو التیمی القرشی ۱۱ سنه هجریه سی ربیع الاولنك واسطنده خلیفه اولدی و ۱۳ سنه هجریه سی جاذی الاخره سنده التمش اوچ یاشنده ارتحال ایلدی .

[۴] عقدالجمانده بو جامع شریفك ارضی ، مقداری ، بناسی ، مقدار مصارفی حقنده تفصیلات واردر . حکمداران اسلام طرفلردن متوالیاً تعمیر قلمشدر . ۱۳۱۳ سنه سی اوائلنده محترق اولدیقندن اخیراً اعمار ایدلشددر .

نصب ایدیلن ذات ، رجال امویہ دن (واقد) القرشیدر . [۱]
 ۱۳۳ سنہ ہجریہ سندھ حکومت عباسیہ قوماندانی (عبداللہ بن علی)
 جامع مذکورى - امویلرہ دغماً - یمش کون آخور اتحاد [۲] ایتدیکی
 حالده ۹۲۳ ده سلطان (سلیم خان) اول حضر تلى فوق العاده
 تعظیم و اوقافی تنظیم بیوردی [۳]

[۱] عقدالجمانده مذکور اولدینی اوزره (واقدالقرشی) بو جامع شریفک
 بنا امینی و ختامنده ناظرى اوله رق (هشام بن عبدالملک) دورنده ۱۲۱ تاریخه
 طوغرى وفات اتمشدر .

[۲] عقدالجمان و جامع الدول

[۳] قیود و قفیه اداره سندھ موجود اولان و قفیه نك دیباجه سی و ثائق
 تاریخیه دن معدود اولدینی جهته عیناً تحریر ایدلدى : (الحمد لله العظیم السلطان
 الملك العزیز الدیان الفاتح ابواب الاحسان المانغ جزبل الامتنان المعطى من احبه
 واصطفاه اعظم الممالك حتى سلك به فى دفع الطغاة ورفع البغاة اعدل المسالك
 احمده على وافر بره الشامل واشكره على واسع فضله المديد البسيط الكامل
 واشهد ان لاله الاالله وحده لا شریک له شهادة لم یزل قائلاً باقضى المرام مظفراً
 ومنصوراً باللائكة الکرام نصرأ مؤذراً واشهد ان سیدنا محمدأ عبده ورسوله
 ارسله کافاً للناس دليلاً وامیناً وانزل علیه کتابه العزیز انا فتحناک فتحاً مبیناً
 وایده بالؤمنین والنصر ونصره بالرعب مسيره شهر و هب مع من اتبع سنته
 قلباً سلباً و امر بالصلاة علیه بقوله یا ایها الذین آمنوا صلوا علیه وسلموا تسلیماً
 صلى الله علیه وعلی آله وصحبه الاشداء علی الکفار الاسداء اذا ازاغت الابصار
 ماخفت الویه لها بالفتح والنصر وظهر فجر العدل علی اهل العصر وسلم وکرم
 وشراف وعظم وبعد فلما انعم الله سبحانه علی العباد ومن علی الاقالیم والبلاد ووضع
 الارض والفساد ومهد بالاصلاح اصالح مهاد باسباغ ظله الوریف بحول ركب
 المقام الشریف مولانا السلطان اسکندر الزمان (سلیم خان) بن السلطان بایزید
 خان ابن عثمان سیف الله المشهور الملك العادل المظفر المنصور خلد الله ملكه
 و سلطانه ونصر جیوشه واعوانه وجددله فی کل یوم نصرأ وملكه بساط الارض
 برأ وبحراً واستقراره علی کرسی الاسلام الارض المقدسة دمشق الشام ودخل
 جنة وادبها وشاهد ما اودعه الله فیها من انوار الانبیاء و آثار الاولیاء وتحقق
 انها نزهة الابصار وعروس الامصار ومعبد الابرار وتوات فیها صلاته واکثرت
 فی زواياها ومساجدها صدقاته لاسیما جامعها الذی هو رابع المساجد ونزهة العالم کف

عالم اسلامه ايلك دفعه مدرسه بنا ايدن تورك امراسندن نيسابور
حاكمي (امير نصر بن سبكتكين) در. بو ذات ٤٢٠ تاريخنده (١)

والساجد وانه اغدق فيه من انعامه وعم مستحقه بوابل اكرامه وفاض مديد
حنوه وعطفه بوعده الشريف (بمزيد جهاته ووقفه) واختار النظر في تسديد
احكامها وتشبيد قواعد الشريعة المطهرة واحكامها ومولانا وسيدنا العبد الفقير
الى الله سبحانه الاكمل فضله واحسانه الشيخ الامامى العالمى العلماى والمحققى
المدققى الفاضلى الحاكمى قاضى القضاة شيخ الاسلام هو ابوالمعالى زين العابدين
محمد شاه الفنارى الحنفى [*] ادام الله ايامه الزاهره وجمع له بين خيرى الدنيا
والاخره واقام للنظر فى امر جامعها المشار اليه والمولى فى هذا الكتاب عليه
من ظهرت لدى المقام الشريف ديانته واشتهرت عفته وامانته لشموله بانوار المعارف
الربانية وبوارق اللطائف العرفانية هو سيدنا العبد الفقير الى الله تعالى الشيخ الامام
العالم العامل القدوة العارف الكامل نقي الدين بركة المسلمين هو والصدق ابو بكر
خليفه بن ابي القاسم الباوردى محدثاً الحلبي مولداً اجرى الله الحيرات على يديه
ومتمه بالنظر اليه بادر الى قبول الانعام الشريف وامثل ذلك وسلك في مباشرته
احسن المسالك وتقصد جهات الجامع المشار اليه واحواله وصرف لمستحقه امواله
واجتهد في عمارته حساً ومعنى مقتبساً من نور مشكاة سنا الخشكار الاسنى حيث
علم من شيمه الشريفة على التحقيق بانوار عرفانه الباهر والتخلق بحقيقة قوله
عز وجل انما يعمر مساجد الله من آمن بالله واليوم الآخر ووقف على كتاب وقفه
الصريح ورأى ايصاله وتنفيذه مولانا قاضى القضاة المشار اليه فاتصل به ونفذ لديه
التنفيذ الصحيح وادى اجتهاد المشار اليهما الى نقله وحكايته فى السفر المجله ليكون
فى الحزائن الشريفة مخلص حفظه عند تداول الايدى عليه من الاخلاق والجلد
يحمل ما لا تحمله الاوراق ويكون فى الحزائن الشريفة محفوظاً وبعين العناية ملحوظاً
والحزائن الشريفة ببركته محروسه وبأمن بيهجته مأنوسه فبدر الاذن الكريم العالى
المولوى العالمى العلماى المحققى الحاكمى الفاضلى الكبير مولانا وسيدنا قاضى
القضاة شيخ الاسلام ابى المعالى زين العابدين الفنارى الحنفى الناطر فى الاحكام
الشرعية بمحروسة الشام استقلالاً المنوه باسمه الكريم فى هذا الكتاب ادام الله
ايامه الزاهره واسبغ عليه نعمه الفاخره واحسن اليه فى الدنيا والاخره بكتابة

[١] مدرسة نظاميه (٤٥٨) ده بنا ايدلشدر .

[*] مشارايه ، عمى الدين محمد شاه بن على بن يوسف بن شمس الدين الفناريدر .
٩٢٣ ده اناطولى وروم ايللى قاضى عسكرى اولدينى حالده ٩٢٩ ده وفات ايتشدر . مشاهير
فضلا دندر .

نیسابورده ایلک دفعه مدرسه ناصریه بی بنا و املاک عظیمه وقف
ایندی (۱)

هذا الكتاب المبارك وتسطيره وانشائه عنه وتحريره متضمنا لحكاية الصريح
المشار اليه وما حوته الفاظه ومعانيه من ثبوت وحكم وتنفيذ وغيره على ما شرح
فيه نسطر عن اذنه الكريم زادنا الله من فضله العميم فاشهد على نفسه الكريمة
حرسا لله تعالى وحماها وصانها ورعاها ومن سائر الاكفات والفن وقاها وشكر
في مصالح الاسلام والمسلمين مسعاها ومسراها من حفر من السادة والمعدلين
بمحروسة الشام اشهد على نفسه الزكية في مجلس حكمه العزيز ومحل ولايته بها
وهو اذ ذاك جائز القضايا نافذ الاحكام ما حى النقض والابرار وذلك في اليوم
المبارك من شهور عام اربعة وعشرين وتسعة ائمة اجرى الله تمامها وقدر في خير
ختامها بمنه وطوله وقوته وحوله انه ثبت عنده ثبت الله مجده وانجح قصده وصح
لديه افاض الله نعمه عليه بشهادة سيدنا الفقير الى الله تعالى الشيخ الامام العالم
الفاضل العمدة نجم الدين شرف العلماء اوجد الفضلاء مفتي المسلمين ابي الفضل
محمد بن المرحوم سيدنا العبد الفقير الى الله تعالى الشيخ الفاضل العمدة شمس الدين
جلال العلماء اوجد الفضلاء عمدة الحكم ابي عبدالله محمد بن الرهبري الحنفي
نفع الله به ورحم سلفه وسيدنا العبد الفقير الى الله تعالى الحساب العالي القضائي
الافضل افضل الدين فخر الرؤساء بقية السلف الصالحين ابي الفضل محمد بن المرحوم
سيدنا العبد الفقير الى الله تعالى الشيخ الامام العالم العلامة اقضى القضاة محي الدين
مفتي المسلمين مفيد الطالبين صدر المدرسين ولي امير المؤمنين ابي زكريا محي بن
الامنائ الشافعي ايداه الله تعالى ورحم سلفه الكريم وسيدنا الفقير الى الله تعالى
الشيخ زين الدين بقية السلف الصالحين ابي الخير عبدالكريم بن المرحوم سيدنا
العبد الفقير الى الله تعالى الشيخ شمس الدين بركة المسلمين ابي عبدالله محمد الاسدي
الحنفي اعزاه الله تعالى ورحم سلفه الذين عرفهم مولانا الحنفي المشار اليه وقبل شهادتهم
بما رأى معه قبولها شرعاً امهدنا وسيدنا الفقير الى الله سبحانه الامل فضله
واحسانه قاضي القضاة محي الدين شيخ الاسلام بهاء الانام حسنة الايام محقق القضايا
والاحكام عز السنه مؤيد الشريعة قانع المبتدئين لسان المتكلمين سيف المناظرين

(۱) بوقعه، تاج الدين عبد الوهاب السبكيك (طبقات الفقهاء) سنده
مذكور در «جامع الدول» ده بيان اولندي اوزره «نصر بن سبكتكين»
برادري سلطان محمود بن سبكتكين طرفندن ۳۸۹ ده نيسابوره حاكم اولدى.
۴۲۱ تاريخندن صكره وفات ايندى .

ممالك مختلفه ده حكومات اسلاميه تشكل ايتدكجه مدارس وخيرات شريفه تكثر ايدرك هر وقتك نظارتى علمادن برذاته توجيه و بونلرك احوالى حكام شرعيه طرفلرندن تفتيش ايدلدى .

۶۴۸ ده بلاد مصريه ده (الملك المغرايبك التركانى) نك هميتيله تشكل ايدن تورك حكومتى زماننده درت مذهبن برر (قاضى القضاة) و بونلرك اوزرينه (قاضى دارالعدل) و صكره (ناظر الاحكام الشرعيه) عنوانيله بر ناظر عمومى نصب ايدلديكى ائساده بتون اوقافك نظارت عامه سى ناظر الاحكام اولانلرك عهد لرينه ويرلدى .

(ناظر الاحكام) مأمورىتى يالكىز مركز اداره حكومت اولان مصره منحصر دكلدى . شام ، قدس ، حلب كى ايلات مركز لرينه ده برر ناظر الاحكام نصب اولندى .

شامده اك صوك ناظر الاحكام اولان (محي الدين عبدالقادر بن يونس الحنفى) ۹۲۳ ده سلطان سليم خان اول حضر تلرينك مظهر التفانى اولدى . [۱]

قدوة العلماء العامين بركة الملوك والسلاطين خالصة امير المؤمنين ابى المفاخر عبدالقادر بن يونس الحنفى الناظر فى الاحكام الشرعية بمحروسة الشام استقلالاً كان اسبغ الله خلاله وختم بالصلاحات اعماله على نفسه الكريمة حرسها الله تعالى وحماها فى مجلس حكمه العزيز بمحروسة الشام حالاً مباشرة للحكم العزيز بها يجمع مانسب الاشهاد به عليه فى اسجاله المنسوب اليه المشهود به عليه المسطر ظاهر كتاب الصريح الذى سينسخ ويحكى مضمونه هذا المجلد المبارك كلم بكلم ان شاء الله تعالى وان الامر جرى عنده فى مجلس حكمه المشار اليه على ما تضمنه اسجاله المشار اليه من الثبوت والتنفيذ وسائر مانسب اليه فيه على ما شرح فيه وهو مورخ بخطه الكريم بما مثاله الثالث من صفر الحير الميعون من شهر سنة تسع عشرة وتسعمائة ثبوتاً صحيحاً شرعياً الخ »

[۱] مذاهب اربعه دن برر قاضى نصبي وقاضى دارالعدل و ناظر الاحكام تعيينى (عقدالجان) ده وقضات و نظارك تراجم احوالى (الدرر الكامنه) كى تراجم كتابلرنده مفصل و عبدالقادر بن يونس ده صورتى بالاده محرر و قفيه ديباجه سنك خاتمه سنده مندرجدر .

حکومت سلجوقیه زماننده اوقافک تفتیش احوالی (قاضی العسکر)
اولان صدور علما درعهده ایتدی . (۱)

۷۳۰ تاریخنده قریم اوقافی نظارتنه نصب ایدیلن (الشریف
عبدالله العبری) ده (ناظرالاولاف) عنوانیه کورلدی . (۲)

دولت علیه عثمانیه نك ظهورندن اعتباراً اداره عثمانیه به داخل اولان
بلاد اسلامیه نك اوقافی تحریر ویکیدن فتح ایدیلن بلادده اوقاف عثمانیه
تکثیرایدملکه ناظرلرومفتش لر تعیین و اداره اوقافه اهتمام بیورلدی . (۳)
سلطان (اورخان غازی) حضرتلری ، بروسهده انشا ایتدیردیکی
جامع و زاویه اوقافک نظارتی ۷۶۰ ده مسند وزارتده بولان
(سنان پاشا) به توجیه بیورمقله دولت عثمانیهده ایلک دفعه اوقاف
هایون ناظری اولان مشار الیه (سنان پاشا) در . (۴)

۷۹۳ ده جلوس ایدن سلطان (ییلدیریم بایزید خان) حضرتلرینک

(۱) سلطان (عزالدین کیکاوس) ک ۶۱۶ و امیرادن (جلال الدین
قراطای) ک ۶۵۱ تاریخی وقفه لری کبی دورسلجوقیده یازلش اولان و ثائقده
(قاضی العسکر) اولان ذاتک تفتیش و تصدیق کورلمکده در .

(۲) ۷۲۷ ده قریم حکمداری اولان و اوتوز ییل حکومت ایدرک
قریمده بر دور عدالت کشاد ایدن (اوزبک خان) بن طغرل بن توقتا بک
زماننده قریم اوقاف ناظری و (عبری) نامیله مشهور اولان (السید الشریف
عبدالله) بن محمد العلوی البلوغانی (طبقات الاستوی) و (الدرر الکامنه) ده
مسطور اولدینی اوزره ۷۴۲ ده وفات ایتدی . مشاهیر فضلا دن ایدی .

(۳) قیود وقفیه اداره سنده موجود اولان وقفیه لریک تبعاتندن مستبان
اولدینی اوزره دولت عثمانیه نك بدايت اقبالندن اعتباراً بروسه کبی بلاد جسیمه
قاضیلری ، کندیلرینک قاضی اولدینی بلادک اوقافی تفتیشه مأمور اوله رق
(المفتش بالاولاف الرومیه) عنوانیه وقفه لری تدقیق و امضا ایتشلردر .

(۴) سلطان اورخان حضرتلرینک (۷۶۰) تاریخی وقفه سنده مشار الیهک
اسمی « الوزير الکبیر الامیر الخطیر سنان المله والدين يوسف بن الصدر الکبیر
مصلح الدین موسی بن الحاج مجد الدین عیسی الغالب علی اسمہ الشریف سنان پاشا »
صورتنده مسطوردر .

دور هایونلرنده هرولایته برر (مفتش احکام شرعیه) تعیین بیورلمقله اوقاف ایله نظارك احواله بو مفتش لر طرفندن نظارت ایدلای . [۱]
 ۸۱۶ ده جلوس ایدن چلبی سلطان (محمد اول) حضر تلرینك عصر هایونلرنده بتون حکام شرعیه نك ناظر احوالی اولمق اوزره مولانا (جمال الدین محمد چلبی) تعیین و (حاکم الحکام العثمانیه) عنوانی اعطا بیورلمقله اوقافك نظارت عمومیه سی مشارالیه طرفندن ایفا اولندی . [۲]
 ۸۵۵ ده جلوس ایدن ابوالفتح سلطان (محمد خان ثانی) حضر تلی استانبولده بنا واحداث ایلدیکی خیرات شریفه اوقافك نظارتی ۸۶۸ ده وزیر اعظم (محمود پاشا) یه [۳] و ۸۷۲ ده وزیر اعظم (اسحق پاشا) یه [۴] توجیه بیورمقله (صدرعالی نظارتی) بوتاریخندن ابتدا ایلدی .

صدر عالی نظارتی ، صدر اعظمك نظارتنه مشروط اولان اوقافك اداره عمومیه سی دیمکدر .

[۱] سلطان بایزید خان اولك دورنده تصدیق ایدیلان وقفیه لرده بو مفتش لك امضاسی کورلمکده در .

[۲] کمال دانشمندی وقفیه سنك ثبوت حکمنی (۸۲۱) ده تصدیق ایدن جمال الدین محمد بن الشیخ رمضان افندی (حاکم الحکام العثمانیه) عنوانی محل توقیعنده یازمشدر .

[۳] فاتح حضر تلرینك وقفیه سندن و صدرعالی دفترلرندن مستبان اولدینی اوزره استانبول پای تحت آغاذ ایدلدکن صکره ایلک دفعه اوقاف هایون ناظری اولان (محمود پاشا) نسلاً خروا تدر . بعدالاهندا دائره هایونده تربیه ایدیلهرك ۸۵۷ ده وزیر اعظم ، ۸۷۲ ده معزول ، ۸۷۳ ده قبودان دریا ۸۷۸ ده مقتول اولدی . فضلا ی وزراندندر . کوله لر دن ایلک وزیر اعظم اولان مشارالیه در .

[۴] (اسحق پاشا) اماسیه لی دوا تدار پاشازاده ابراهیم بکک مخدومیدر . استانبولك فتحنده وزیر ، ۸۷۰ ده وزیر ثانی ، ۸۷۲ ده وزیر اعظم ، ۸۷۶ ده معزول اولدی - بعده متقاعداً اینه کوله مقیم ایکن ۸۹۳ ده وفات ایتدی . ۸۹۱ تاریخی وقفیه سی وثائق تاریخیه دن معدوددر .

بو نظارت ، صدر عالی منتسبلی طرفندن تنظیم ایدیلن اوقافک نظارتی ، صدر اعظم اولانلره شرط وتخصیص ایدلمسندن طولای توسع ایدرک (رئیس الکتاب) اولان ذات طرفندن اداره ایدلدی [۱] سلطان مراد خان ثانی ومحمد خان ثانی حضراتنک زمان هایونلرنده هر ولایت ایچون برر (مفتش اوقاف رومیه) تعیین ایدلمکله برابر بتون اوقافک نظارت عامه سی قاضی عسکر اولان صدورعلما طرفلرندن ایفا ایدلدیکی وقیه لرده کوریلن تصدیقلردن آکلاشلمقده در .

سلطان (بایزید خان ثانی) حضرتلری ، استانبول وبلاذ سائرده بنا واحداث ایتدیکی خیرات شریفه اوقافک نظارتی ۹۱۲ تاریخده شیخ الاسلام (علاءالدین علی افندی) به توجیه بیورمقله (شیخ الاسلام نظارتی) بو تاریخدن باشلادی . [۲]

شیخ الاسلام نظارتی ، استانبولده مفتی الانام بولنان علمای بنامک نظارتنه مخصوص اوقافک نظارت عمومیه سی دیمکدر .

بو نظارت - عموم علما ومشیخت اسلامیہ منتسبلی اوقافک نظارتلری شیخ الاسلام اولان ذواته شرط وتخصیص ایدیلهرک توسع ایتمکله - (تذکره جی) افندیلر طرفندن اداره ایدلدی .

- سلطان (سلیمان خان اول) حضرتلرینک حلیله محترمه سی (خرم حاصکی سلطان) استانبولده بنا ایدلدیکی جمیع، مدرسه، عمارت

[۱] مؤخرأ رئیس الکتاب افندیلره نظارتی مشروط اولان اوقافده صدر عالی نظارتنه الحاق ایله اداره ایدلمکدر .

[۲] بو نظارت ، سلطان مشار الیه اداره ایدلمکدر . وقیه ده استانبولده کی مدرسه سی مدرسلکنی ده مفتی اولانلره شرط ایتمکله (درس وکالتی) بوندن نشأت ایتدی .

(علاءالدین علی افندی) اماسیه لی جمالی زاده کمال الدین احمد چلبینک خدومیدر . اماسیه مفتیلکندن مستغنی ایکن ۹۰۸ ده شیخ الاسلام اولدی . ذی الحجه ۹۳۱ ده وفات ایدلدی . فحول علمادندر .

کبی خیرات شریفه اوقافک نظارتی قپو آغاسی (خادم محمد آغا) یه شرط ایتمکله ۹۵۲ تاریخلرندن اعتباراً (قپو آغاسی نظارتی) حدود ایلدی [۱] قپو آغاسی نظارتی ، استانبولده سرای هایون قپو آغلرینه — که باب السعاده آغلری نامیله مشهوردرلر — نظارتی مشروط اولان اوقافک اداره عمومیه سی دیمکدر .

بو نظارت ، حرم هایونده اریکه نشین عصمت اولان خواتین و سلاطین ایله قپو آغلرندن و منتسبلرندن نظارتی قپو آغلرینه شرط ایدن ذواتک اوقافله توسع ایدرک (قپو خلیفه سی) اولان افندیلر طرفدن اداره ایلدی .

فقط ایلک دفعه دارالسعاده آغاسی اولان (حبشی محمد آغا) باب السعاده آغلرینک فوقیده بر نفوذ و اقتداره مالک اولدیغندن استحصال ایلدیکی اراده سیه اوزرینه ۹۹۵ سنه سی محرمندن اعتباراً (اوقاف حرمین ناظری) اولقله (حرمین نظارتی) بو تاریخندن باشلادی . [۲]

[۱] خرم سلطانک وقفیه سی بو شرطی احتوا ایتمکده در . باب السعاده آغلری ۹۹۰ تاریخه قدر غایت ذی نفوذ اولدیغندن خواتین و سلاطین عثمانیه نک اوقافنه ناظر اولدیلر . (خادم محمد آغا) قپو آغلرینک ک نفوذ لیلرندن ایدی . [۲] طونه یالیسند (اسماعیل کچیدی) آدلی موقعک تملیکی حقنده سلطان (مراد خان ثالث) حضرتلرینک دارالسعاده آغاسی حبشی محمد آغایه احسان بیوردینی اواسط محرم ۹۹۸ تاریخلی فرمان عالی صورتنده اوقاف حرمین نظارتک صورت احداث و توجیهی مذکور اولقله عیناً نقل ایلدی :

« هو العزیز الغنی المعنی المهیمن الافتاح وعنده مفاتیح الفلاح والنجاح تقدست اسمائه وتباعت نعمائه نشان شریف عالیشان سامی مکان سلطانی و طغرای غرای کیتی ستان خاقانی نفذ بالعون الربانی والمن المنانی حکمی اولدرکه چون حضرت واهب الآمال والعطیات وجناب مفیض آلاء والبرکات عمت میامن افضاله موافقت سمو عاطفت ومرافقت علو عنایتی ایله محرران بارگاه (توفی الملک من تشاء) دیوان هدایت نشان (ان الارض لله یورثها من یشاء) منشور سلطنت روز افزونی که مظهر آثار (انک لعلی خلق عظیم) در تویع رفیع الشان (والله یوفی ملکه من یشاء) برله موشح و علی و طغراکشان کارگاه (وجعلنا کم

اوقاف حرمین نظارتی ، حاصلاتک بر مقداری ، یاخود مجموعی
حلالاً ، یاخود مألأً [۲] حرمین شریفین اهاالیسنه مشروط اولان
اوقافک اداره عمومیه سی دیمکدر .

بونظارت ، تاریخ تشککندن صکره پادشاهان آل عثمان وخواتین
وسلاطین اوقافلرله دارالسعاده آغالری ومنتسبلی اوقافک نظارتلری
انضمام ایدرک فوق العاده اهمیت قازاندیغندن درت مأموریت ایله
اداره ایدلدی .

خلائف فی الارض) ابوان سامی مکان (یفعل الله ما یشاء و یحکم ما یرید) دن
صحائف خلافت و قلم حکمت نهای (ان الله خلق خلقهم لحوایج الناس)
ایله موقع و محلی ایلدیلر فلذلک بو آلاء والای ربانی و نعاء بانوای سبحانی ک اداء
مراسم حمد و ایفاء لوازم شکر ایچون (احسن کما احسن الله الیک) مقتضاسنجه
ذمت همت شاهانه مه واجب و لازم درکه ابواب مراحم خسروانه و مناهج
الطاف و اعطاف ملوکانه م مفتوح اولوب و ضیع و رفیع انعام عامدن بهره
مند و مرزوق و صغار و کبار فیض احساندن بر مراد و محظوظ اولوب سحاب
عاطم طمطر و امطار راقم قاطر اوله سیادرگاه عالمپناه و بارگاه سعادت دستکاهمه
صفوت نیت و صفای طوبت ایله اوقات خدمات و حضور و خلواتده اوامر و نواهی
پادشاهانه مه مترقب و مترصد اولان « عتبه علیه آسمان ارتفاع و سده سنیه
ثریا اجتماعده خدام واجب الاحترامدن رافع توقیع رفیع جهات طاع خاقانی
و دارنده مثال یمثال واجب الامثال جهانبانی افتخار الخواص و المقرین مختار
اصحاب العز و التکین معتمد الملوک و السلاطین و مقرب الحضرة العالیه الفائز بالدولة
السنية السامیه المنظور بانظار عنایة الملك الاعلی دارالسعادهم آغاسی محمد آغا دام
علوه و زاده سوده نک جایتنده مرکوز اولان صداقت و استقامتی و طینتنده مرموز
اولان دیانت و درایتی مقتضاسنجه حرم هایون عزت مقرونده خدمات مشکوره سی
سبق ایتدیکندن ماعدا حرمین شریفین شرفها الله تعالی و عظمها مه متعلق اولان
اوقافلره دخی حبیبی ناظر اولوب خدمت ایتکی سرمایه دولت دنیا و پیرایه عزت
عقبه ملاحظه ایدیتمکین لیل و نهار دامن درمیان ایدوب و بذل ماهوالقدور
و صرف سی مشکور ایدوب « (۱۱ دفتر حرمین ۴۷۲ صحیفه) .

[۲] مألأً ، مشروطه سی منقرض اولدینی تقدیرده حاصلاتی حرمین
فقراسنه مشروطه اولان اوقاف دیمکدر .

۱ — (اوقاف حرمین مفتشلیکی) درکه اوقاف سائرہ مفتشلرندن آیری اوله رق (۹۹۵) محرمنده تشکل ایتیش بر مأموریت شرعیه در . جملہ اوقاف هایون ایله اوقاف حرمین و ملحقانہ عائذ خصوصات شرعیہ بی رؤیتہ مأمور ایدی . ایلك دفعہ کبار مدرسیندن آماسیہ لی (محمد افندی) اوقاف حرمین مفتشی اولدی . [۱]

۲ — (اوقاف حرمین محاسبه جیلکی) درکه دارالسعاده آغالرینک زیر نظارتنده بولان جملہ اوقافک محاسباتی رؤیت و وقفیه لر یله جهاتی قید ایتمکه مخصوص بر مأموریت مهمه ایدی .

۳ — (اوقاف حرمین مقاطعه جیلنی) درکه اوقاف مذکورده دن مقاطعه یه مربوط اولان جملہ مسقفات و مستغلات موقوفه نك قیدینه ، انتقال و فراغه ، رسوم و حاصلاتنك اخذ و تحویلنه مأمور ایدی .

۴ — (دارالسعاده یازیحینلی) درکه دارالسعاده آغالرینک وظیفه مهمه کتابتنی ایفایه مأمور ایدی . دارالسعاده یازیحیلری ، آغالرك اسرار و حرکاتنه محرم و هردرلو مخبراتنه واقف اولدقلری جهته بونلرك اکثری نفوذ و اقتداره مالک ایدیلر .

بودرت مأمورك طوتمش اولدقلری دفاتر ، سیاقلرك اك كوزلی ، وثائق تاریخیه نك اك مکملی عد اولنه بیلیر .

بالاخره استانبول ، غلطه ، اسکدار ، ایوب قاضیلرینك ، دها صکره قبودان پاشا ایله یکیکچری آغالرینك ، سکبان باشی ، بوستانچی باشیلرك نظارتلری ده تحداث ایدرك استانبولده اوقاف نظارتلرینك مقداری اون ایکی یه بالغ اولدی . [۲]

[۱] محمد افندی ، اماسیہ لی ممك چلبی دیمکله مشهور اولان علمادن محی الدین محمد افندی نك مخدومی اولقله (ممك زاده) دینیر ۱۰۰۹ ذی القعدة سنده وفات ایتشد . مخدومی شیخ الاسلام (مصطفی افندی) در . [۲] بونلرك قیود وقفیه اداره سنده دفترلری واردر .

نظارتنلرك اك بيوكى (اوقاف حرمين نظارتى) ايدى . فقط
آغالردن بعضلرينك حرص وتسيبي ويازيچيلرينك طمعى قيود ومعاملات
وقيه ي تشويش ايلكده ايدى .

دارالسعادة آغالرى مياننده برنجى (حاجى بشير آغا) كى عالم ،
متقى ، مستشار مؤتمن ذوات كامله موجود ايسه ده ناقص العقل ، جاهل ،
غير مستقيم اشخاص ده چوق ايدى .

امور و ققيه ي اخلاص ايدن دارالسعادة آغالردن ايكنجى (بشير آغا)
شعبان ۱۱۶۵ ده عزل و قتل ، خلفى اوچنجى (بشير آغا) ذى القعدة
۱۱۶۸ ده عزل و مصره نئى ، بونك خلفى (ابوقوف احمد آغا) صفر
۱۱۷۱ ده عزل ونئى وربيع الاولده جلب و قتل ايدلدى . (۱)

جمادى الاولى ۱۱۶۸ ده دارالسعادة آغاسى اولان (جوهر آغا)
ايله ذى الحجه ۱۱۸۷ ده آغالنه تعيين قلنان بشنجى (بشير آغا) پك
زياده حريص و سادة دل اولدقلرندن ، يازيچيلرى ازميرلى (السيد
احمد افندى) جرأت بوله رق سوء استعمالاته قيام ايلديكندن جوهر
آغا ذى الحجه ۱۱۸۷ ده مصره ، احمد افندى شوال ۱۱۸۸ ده ازميره
اجلا ايدلدى . بشير آغاده رجب ۱۱۹۳ ده مدينه منوره يه كوندردلدى . (۲)

(۱) (سامى ، واصف تاريخلىرى) (حيلة الكبرى) .
(۲) سلطان (مصطفى ثالث) حضرتلى دارالسعادة آغاسى يازيچيلرك
احوالنه كسب وقوف ايتديكى جهتله وقيله لرنده اوقافنت نظارتى دارالسعادة
آغالرينه ومتولى قائم مقاملغنى ده امور اوقافه آشنا ومستقيم برذاته شرط ايدوب
يازيچيلرك متولى قائم مقامنه تعرض ايتمه لرئى اشارت بيورمىدى .
سلطان مشار اليك لاله لى دفترنده مقيد اولان وقيله سنده فقره شرطيه
شودر :

« صاحب رأى صائب وفائز فكر ثاقب مدير آزمونده كار ومتدين امانت
شعار احوال اوقافه وقوفده اهل خبر و صاحب وقوف و مدبر و دين وديانت
وصداقت واستقامتله معروف برسر دعاقل و خردمند كامل كسسه قائم مقام متولى
تعيين اولتور الخ » .

بو فقره شرطيه يه بناءً سلطان مشار اليك دور هايونلرنده ذى الحجه

حالبوکه : دارالسعاده آغالرينك (غواند ملحوظه) دينلن متابع
الورود عطايای سنيه ايله هدايای وزرادن ماعدا خزينه حرمينده
ومقاطعاتندن سنوی (۱۸۳,۰۰۰) واوقاف سائردهن (۳۱۹,۰۰۰) که

۱۱۷۳ ده ايلک دفعه ميرآخور ثانی (علی آغا) ، جدای الاخره ۱۱۷۴ ده
اندرون هايوندن مخرج (ابراهيم آغا) ، صفر ۱۱۷۵ ده اياصوفيه توليته
نقلندن هبةالله سلطان کنخداسی (السيد محمد طاهر آغا) ، ۱۱۸۱ اوائلنده
ضربخانه عامره ناظری (عزت محمد بك) متولی قائمقامی اولمشدی . « لاله
خزينه دفتری »

۸ ذی القعدة ۱۱۸۷ ده سلطان مشار اليك ارتحالنی متعاقباً يازيجی
(السيد احمد افندی) بو قائمقاملغه ده كوز ديكرك يازيجيلزه مشروطه
اولديغنه (جوهر آغا) يي اقتناع واغفال ايدوب يکی جلوس ايدن سلطان
(عبدالحميد خان اول) حضرتلرينه عرض کيفيته کنديك متولی قائمقاملغه
تعيني حقنده اراده سنيه يي حاوی آغا طرفندن تذکره استحصال ايتدی .

آغانك تذکره سی عيناً نقل اولندی : « قدوة الامجاد والاعيان حالا
حرمين شريفين محاسبه جیسی افندی دام مجده انہا اولورکه تحت
نظارتمزده اولان اوقافدن خداوندگار سابق مرحوم ومفقوره سلطان مصطفی
خان غازي طاب ثراه حضرتلرينك استانبولده لالهلی چشمه قرينده مجدداً بنا
بيوردقلری جامع شريف وملحقاتی اولان جوامع وخيرات سائرهلری اوقافی
توليت قائمقاملنی واقف مشاراليه حضرتلرينك عصر سلطنتلرنده حالا ضربخانه
عامره ناظری محمد عزت بك افندی عهدہ سنده اولوب بو دفعه شرط واقف
اوزره قائمقاملق اموري اداره ورؤيت ايچون حالا خدمت کتابتزده اولان
دارنده مکتوب السيد احمد افندی نصب وتعيين اولنق اوزره مبارک امرهايون
اطاعتقرون شرفصدور ايتمکين شرفريز صدور اولان امرهايون اطاعتقرون
موجبجه افندی مومي اليه قائمقام متولی نصب وتعيين اولنغين مکتوب تحرير
وارسال اولمشدر . وصولنده کردکرکه مشاراليه حضرتلرينك اوقاف شريفه
وملحقاتنك جزئي وکلی امور وخصوصی کافي السابق اداره ورؤيت ووقف
شريفي حمايه وصيانت ايتملری ايچون يندنه ابقا اولنق شرطيله اشبو مکتوبی
قله قيد ايليوب موجب مکتوب ايله عامل اولهسز »

اضعف العباد

۲۴ ذی القعدة ۱۱۸۷

الحاج محمد جوهر آغاء دارالسعاده

(لالهلی خزينه دفتری)

جمعاً (۵۰۲,۰۰۰) غروش [۱] راده‌سنده کی شخصصاتی، حرص و ارتکاب کبی حالات سقیمه به میدان ویرمیه‌جک قدر مستوفی‌ایدی [۲] بناءً علیه سلطان (عبدالحمید خان اول) حضر تلی حمیده نامیله مشهور اولان اوقافنک نظارتی دارالسعاده آغالرینه و متولی قائمقاملغنی یازمخیرلینه شرط ایتدیکی حالده فعلاً بو شرطی تعدیل بیورمش ایدی [۳]

اوقاف حمیده‌نک اداره‌سیچون عمارتی جوارنده یاپیردینی دائرة مخصوصده (۱۱۸۸) ذی‌القعدة سندن اعتباراً اوچ مأموریت مسئله‌دن مرکب بر اداره مستقوله تشکیل و امنیت بیوردینی رجاله توجیه‌ایتدی.

[۱] غروش، اوزمانک رایجی اوزره یوزیکرمی اچقه اولوب اوچ غروشه مساوی اولان بر درهم کومش ایدی. زماننک قرق پاره‌سی، او زمانک قرق اچقه‌سی یعنی بر درهمک اوچده بری اولوب مبلغ مذکورک شمیدیکی حساب اوزره قیمتی (بریق میليون آلتی یوز بیک) غروشدر. بومقدارک لیرا یوزسکزدن قیمتی «۱۳,۹۴۴» بیق عثمانلی لیراسیدرکه هر آیلغه «۱۱۷۰» چاریک عثمانلی لیراسی اصابت ایدر.

[۲] ۱۷ حریم احکام «۱۲۵۰-۱۲۵۴» دفترنده مسطور اولدینی اوزره دارالسعاده آغالرینه خزینه حریمندن سنوی مارتیه نامیله «۵۰۰,۰۰۰» و محرمیه نامیله «۶۰,۰۰۰» و صرّه هایون اخراجنده عطیه نامیله «۱۰,۰۰۰» و مولد شریف آلاینده «۵۰۰۰» و مقاطعات حریمندن قلدیه نامیله «۲۸,۰۰۰» که جمعاً «۱۸۳,۰۰۰» غروشدر، بونک «۸۷,۰۰۰» غروشی مارت و «۱۰۵,۰۰۰» غروشی ده محرم اعتباریله و برلکده ایدی. بوندن ماعددا اوقاف مصریه و کالتی مقطوعی نامیله «۷۵,۰۰۰» و اوقاف شامیه قائمقامانی مقطوعی نامیله «۱۰,۰۰۰» و یکی ایل و یوده لغندن خرج باب نامیله «۴۰,۰۰۰» و غاطله و یوده لغندن خرج باب نامیله «۹,۵۰۰» و قلعتین و یوده لغندن خرج باب نامیله «۱,۰۰۰» و مصر والیسی طرفندن «۸۵,۵۰۰» و ضربخانه عامردن «۵۰,۵۰۰» که جمعاً «۳۱۹,۰۰۰» غروش تسویه ایدلمکده ایدی.

[۳] شرط مذکور، سلطان مشارالیهک و ققیه‌سنده مندرج اولوب مذکور قائمقاملغنی بو شرطک وجودیله ۱۹ ذی‌القعدة ۱۱۸۸ ده میرآخور شهریار «مصطفی آغا» به توجیه بیورمسی تعدیل مذکوری مثبتدر.

اوج مأموریتك برنجیسی (متولی قائمقاملنی) دركه اوقاف حمیدیه نك اداره عمومه سنده مستقلاً حرکته مأذون ایدی . بومأموریتك استقلالنی مؤكد اوله رق مؤخرأ اراده سینه دخی صدور ایتشدی. [۱]
ایکنجیسی (اوقاف کتابتی) دركه وقفك جمله واردات و مصارفنی تحریر و جابیلرك محاسباتی رؤیت و حاصلاتك اخذ و صرفنی اداره ایتكه مأمور ایدی .

اوجنجیسی (روزنامه چه کتابتی) دركه وقفك مصارف یومیه سنی قید و تحریر ، وکیل خرجك معاملات روز مره سنی تدقیق ایتكه مأمور ایدی .

شو اداره مستقله نك تشکیلی متعاقباً ایلک دفعه اوقاف حمیدیه متولی قائمقاملغه میرآخور شهر یاری (الحاج مصطفی آغا) [۲]

واوقاف کتابته مالیه روزنامه چه جیسی خواجکاندن (السید شریف محمد افندی) [۳] و روزنامه چه کتابته ده محاسبه حرمین کیسه داری خواجکاندن (السید رشید احمد افندی) نصب ایدلدی [۴]

[۱] اراده سنیة حمیدیه خزینه دفترنده شویله مسطوردر : « وقف مذکوردن واقع اولان توجهات متولی عرضی اولوب ماعدالرینه اعتبار اولنماق و قائم مقام متولی عرضیله توجه اولنمدیقه قلمندن تذکره سی ویرلمه مک اوزره صادر اولان خط هایون مکتوب دفترینه قید اولمشدر » .

[۲] الحاج مصطفی آغا ، آغا باباسی دیملکه مشهور وزرادن « مصطفی پاشا » در . وزارتله آیدین ، متعاقباً حانیه ، بعده خداوندکار والیسی اولدینی حالده ۱۱۹۲ اوخرنده ارتحال ایلدی . بروسه ده مدفوندر . مستقیم ایدی . [۳] السید شریف محمد افندی ، آماسیه نقیب الاشراف قائمقامی اولان موالیدن ظنه لی زاده السید شریف محمد افندینك مخدومی زعیم السید علی آغانك اوغلیدر . مالیه دن نشأتله خواجکاندن اولدی . حمیدیه کتابتندن فیضله مناصب مهمه فی دور ایدرك رجب ۱۲۱۷ ده وزارتله جیده و حبش والیسی اولدی . جدای الاخره ۱۲۱۸ ده وفات ایلدی . صادق و مستقیم ایدی . شاعر نهاد بلك بیوك پدریدر .

[۴] السید رشید احمد افندی ، باب عالیدن نشأتله خواجکاندن اولوب دور مناصب ایدرك ذی القعدة ۱۲۱۴ ده وفات ایلدی .

سلطان (عبدالمجید خان اول) حضرت تارینک بروجه محرر کندی
وقفی حقنده اجرا ایتدیکی تشکیلات ابتدائی (اوقاف هایون نظارتی) نك
تشکیلنه باعث اولدینی جهتله نظارت جلیله نك واضع اساسی، سلطان
مشارالیه عد اولتور .

فقط متولی قائممقاملرینک انتخابیله اجرا بیوریلان اوقاف حمیدیه
توجیهاتی دارالسعاده آغلرینک عرضیله ایفایه دوام و معاملات توجیهیه
حرمین محاسبه جیلری طرفدن قید اولدینی مناسبتله اوقاف حمیدیه
قائم مقاملغی، حرمین نظارتنک بر شعبه مخصوصه سی حکمنه کیردی .

سالف الذکر اداره وقفیه نك محسناتی بالتجربه تحقق ایتدکجه
سلطان مشارالیهک عصر هایونلرنده حرم هایون قادیلری اوقافیله
بوستانچی باشی عبدالله آغا، خواجه شیریاری حافظ مصطفی افندی
کچی بعض رجال اوقافتک اداره سی ده بوقائم مقاملغنه الحاق ایدیلهرک
(اوقاف حمیدیه و ملحقاتی) اداره سی کسب اهمیت ایلدی .

اوقاف حمیدیه متولی قائممقامی (الحاج مصطفی آغا) ۲۲ ربیع الآخر
۱۱۹۱ ده وزارتله آیدین والیدی اولدقده قائممقاملغنه ضربخانه عامره
ناظری (حافظ مصطفی افندی) [۱] و مشار الیهک ۳ رجب ۱۱۹۴ ده
وقایله یرینه ضربخانه ناظری (چلبی محمد افندی) تعیین اولندی. [۲]

[۱] حافظ مصطفی افندی، استانبولده طوقلی دده جوارنده ساکن
درگاه عالی قیوچی باشیلرندن تلخیص زاده احمد آغا بن مصطفی آغانک
مخدومیدر. مالیه دن بالتفیض ضربخانه کاتبی و صاحب عیار ایکن خواجهکاندن
اولدی. ۱۱۸۸ ده ضربخانه ناظرلغنه و حمیدیه عمارتیله بکربکی جامعی بنا
امینکننه، ۱۱۹۱ ده اوقاف حمیدیه متولی قائممقاملغنه تعیین اولندی. زلزله دن
متأثراً وفات ایتدی. حسن خدمتله منظور پادشاهی اولمشدی .

[۲] چلبی محمد افندی، اخسخلی بیجی افندینک مخدومی و لاله لی مصطفی
افندینک برادریدر. بیوک اسما سلطان کتخدالغندن نشأله رکاب هایون
کتخداسی، ضربخانه ناظری و متولی قائممقامی ایکن ارباب سعایتک غرضیله
منکوب و آز مدت صکره صداقتی مشهود اولغله رکاب هایون کتخدالغنه
تعیین اولنهرق ۱۲۱۴ ده وفات ایتدی .

چلی محمد افندی، اسما سلطانك ارتخائده ذى القعده ۱۲۰۲ ده عزل ونوقیف ایدلکه کاتب مصرف شهریاری (محمد افندی) حمیدیه و ملحقاتی اوقافه متولی قائمقامی اولدی. [۱]

۱۱ رجب ۱۲۰۳ ده سلطان (عبدالحمد خان اول) حضرتلرینک ارتخائنی متعاقباً دارالسعاده آغاسی (ادریس آغا) واقف مشارالیهک فعلاً تعدیل بیوردینی شرطه استناداً قائمقام مومی الیهی عزل ایدرک کندی یازیجیسی و لالهلی اوقافک متولی قائمقامی اولان (آرناوود محمد افندی) بی [۲] نصب ایلدی [۳]

بوتاریخندن اعتباراً لالهلی و ملحقاتی اوقافیه حمیدیه و ملحقاتی اوقافی توحیداً اداره و آرناوود محمد افندی صکره متولی قائمقاملی

[۱] محمد افندی، دیوریکلی فیض الله افندیك اوغلیدر. اندرون هاپونده تربیه کوروب خواجکاندن اولدی. حرمین و آناطولی محاسبه جیلکی، ضربخانه اماتی، آغا یازیجیلکی کی مناصبی دور ایدرک جادی الاخره ۱۲۱۰ ده وفات ایتدی. ارباب استقامتدن ایدی. (دفاتر وقفیه)

[۲] آرناوود محمد افندی، اشقودره اهالیسندندر. آغا یازیجیلکی قلندره تربیه کوروب خیلی زمان خاصکی اولدی. بعده آغا یازیجیسی و ادريس آغانك مظهر توجهی اولدیهده آغانك عزلنده منکوب اولشدی. مؤخرأ اعاده اقبال ایدوب حرمین محاسبه جیسی و آرپه امینی اولدی. ۱۲۱۱ سالندن صکره وفات ایتدی. ارباب خیراندن ایدی.

[۳] ادريس آغا طرفندن محمد افندیك قائمقام نصب اولندیغنه دائر «حمیدیه خزینه دفتر» نده تصادف ایدیلن وثیقهك صورتی: «قائمقاملق مذکور سابقاً ضربخانه عامره ناظری محمد افندیك عهدسندنه اولوب قاعده وقف و يوم القسط حسابی اوزره محاسبه سی رؤیت اولنوب بو دفعه شرطواقف اوزره قائمقاملق امورنی اداره و رؤیت ایچون حالا کاتب حضرت آغای دارالسعاده الشریفه محمد افندی قائمقام نصب و تعیین اولندیغنی مشعر ناظر وقف حضرتلری طرفندن وارد اولان مهور مکتوب امر اسلوبلری ۲۱ رجب ۱۲۰۳ تاریخنده اشبو خزینه دفترندن عمارت ترتیبی محللك ذیلنده مقید اولدیغنی شرح ویرلدی. « ۶ م

آغا یازمچیلرینک عهدہ لرینہ توجیہ ایلدی . [۱]
 آرانوود محمد افندی ، آغانک مظهر توجیہ اوله رق زیرکده شب
 صفا قادین جامعک بنا امانتی وانا طولی محاسبه جی وکالتی درعهدہ
 ایلدیسده سوء حالی تین ایتمکه (۱۲۰۴) اواسطنده عزل وتوقیف
 وافندیسی ادریس آغاده عزل وتباعد ایدلمشدی . [۲]

بناءً علیه : خزینہ دار شہریاری (بلال آغا) دارالسعاده آغاسی
 و اوقاف جرمین ناظری و اندرون هایونده قهوه جی باشی (محمود
 افندی) ده آغا یازمچیسسی ولالہلی و حمیدیه اوقافی متولی قائممقامی اولدی [۳]
 ۱۲۰۵ اوآخرنده دیوریکلی (محمدافندی) ، ۱۲۰۸ اوائلنده
 کورجی (محمد افندی) ، ربیع الاول ۱۲۰۹ . ده عمی زاده (اسماعیل
 کاملی افندی) [۴] ، شوال ۱۲۱۰ ده دیوریکلی (احمد افندی) ،
 صفر ۱۲۱۲ ده (مصطفی افندی) آغا یازمچیسسی ولالہلی و حمیدیه اوقافی
 متولی قائممقامی اولدی .

ربیع الاول ۱۲۱۳ ده خالد آغانک وقاتی متعاقباً کوچوک (بلال آغا)
 دارالسعاده آغاسی اولدقده (الحاج ابراهیم افندی) [۵] ، ۱۲۱۴ ده

[۱] « لالہلی و حمیدیه خزینہ دفترلی »

[۲] « شانی زاده » « جودت پاشا » تاریخلری « سجل عثمانی »

[۳] محمود افندی ، اسبق طوپخانہ ناظری یکجہلی حافظ احمد افندیک
 برادر زاده سی واسبق وان والیسی یکجہلی احمد پاشانک برادریدر . آماسیہ
 داخلنده یکجہ کویندندر . اندرون هایونده تربیہ کوروب آغا یازمچیلغنده
 خواجکادن اولدی . دور مناصب ایدرک ۱۲۲۳ ده وفات ایلدی . ارضروم
 دفترداری ایکن یکجہ کویندہ کی جامی اوقافی تنظیم ایتشدی .

[۴] اسماعیل کاملی افندی ، مرزیفونی محمد کاظم افندیک اوغلیدر .
 بالتفیض خواجکادن اولدی . ذی الحجه ۱۲۱۲ ده معزولاً وفات ایلدی .
 اولادینہ « کاملی زاده لر » دینیر .

[۵] الحاج ابراهیم افندی ، اندرون هایونده تربیہ کوردی . آغا
 یازمچیلغندن ربّہ خواجکانی ایله چیقوب دور مناصب ایدرک رمضان ۱۲۳۷ ده
 وفات ایلدی .

(السيد عبدالوهاب افندی) [۱] ، ۱۲۱۵ ده (محمد افندی) ، صفر ۱۲۱۶ ده (الحاج مصطفى افندی) دارالسعادة آغاسی کاتبی ومتولی قائممقامی نصب ایدلدیلر .

والده سلطان کتخداسی مشهور کریدلی (یوسف آغا) تسوال ۱۲۱۶ ده لالهلی وحیدیه اوقافنه متولی قائممقامی اولوب حاجی مصطفى افندینک عهده سنده یالکز یازیحلیق قالدی .

جمادی الاخره ۱۲۲۱ ده والده سلطانک ارتحالی اوزرینه یوسف آغانک اقبالی رهین زوال اوله رق بروسه یه اعزام ایدلدیکی کون کتخداسی (احمد افندی) وکیل نصب ایدلدیسه ده ربیع الاول ۱۲۲۲ ده یوسف آغا اعدام اولمنغله لالهلی اوقافنه میرآخور اول (شمس الدین بک) وحیدیه اوقافنه دارالسعادة آغاسی کاتبی (حافظ مصطفى افندی) متولی قائممقامی اولدی .

ربیع الاخر ۱۲۲۴ ده سلطان (محمود خان ثانی) حضرتلری تنظیم ایلدیکی اوقافی ، پدری جنتمکان سلطان (عبدالحمید خان اول) حضرتلرینک اوقافنه الحاق ایله [۲] ایکی وقفی توحید ومتولی قائممقاملغنی جزیه دار زاده (محمد طاهر افندی) یه توجیه ایتدی .
ذی الحجه ۱۲۲۵ ده محمد طاهر افندینک وفاتنده آغا کتابتندن

[۱] السيد عبدالوهاب افندی ، آماسیه لی حاجی وهاب زاده السيد عبدالله آغانک اوغلیسدر . یازیحی قلمنده تفیض ایدرک باش خلیفه ایکن یازیحی ، بعده خراجکندن اولدی . ۱۲۲۷ ده وفات ایتدی .

[۲] وقیه سنده شویله مذکوردر : « اشبو وقف شریفم والد ماجدم مرحوم و مغفورله سلطان عبدالحمید خان حضرتلرینک محیه اسلامولده بانجه قبوسی داخلنده واقع عمارت عامره و خیرات سائرۀ جلیله لری وقف شریفلرینه الحاق اوانوب مشارالیهک وقف شریفنه هرکیم متولی قائممقامی بولنور ایسه اشبو وقف شریفمه دخی قائممقام متولی اولوب وقف مزبوریمک دخی امور و خصوصنی بعدالرؤیه وظیفۀ مرقومه یه متصرف اوله و دارالسعادة الشریفه آغلاری وقف مزبوریمه ناظر اولوب هبسی نظارتلرنی بیدریغ بیوره لر » .

معزول (حافظ مصطفی افندی) قید حیات ایله حمیدیه و محمودیه اوقافه متولی قائمقامی اولدی . صفر ۱۲۲۹ ده وفات ایتمکله یرینه ضربخانه

عامره ناظری (السید ابراهیم صارم افندی) تعیین قلندی . [۱]
بوتاریخچه قدر حمیدیه و محمودیه ملحقاتی الی اوقافه بالغ اوله رق متولی قائمقاملغی بیوک بر شعبه نظارت حالی آدیغندن منحصرأ ضربخانه عامره نظارینک اداره لرینه ویرلدی .

محرم ۱۲۳۱ ده (السید عبدالرحمن فیضی بك) [۲] ذی القعدة ۱۲۳۴ ده (السید خیرالله افندی) ضربخانه عامره ناظری و اوقاف حمیدیه و محمودیه متولی قائمقامی اولدیلر .

محرم ۱۲۳۸ ده رجالدن (حسین حسنی بك) ذی القعدة ۱۲۳۹ ده (السید احمد افندی) ، جمادی الاخره ۱۲۴۰ ده (الحاج یوسف افندی) ذی القعدة ده (السید محمد سعید افندی) ضربخانه امانتیه متولی قائمقاملغنه بولندیلر . [۳]

[۱] السید ابراهیم صارم افندی ، ذمت خلیفه سی الحاج مصطفی افندی نك اوغلیدر . مالکانه خلیفه لکندن تفیض ایدرک ربه خواجکانی ایله ۱۲۲۳ ده رکاب هایون دفتر داری ، ۱۲۲۷ ده ضربخانه امینی ، ۱۲۳۱ ده سرای هایون بنا امینی اولدی . ۱ جمادی الاخره ۱۲۳۲ ده وفات ایله دی . غایت ذی ثروت ایدی . « سجل عثمانی ودفاتر و ققیه »

[۲] السید عبدالرحمن فیضی بك ، وزرادن سلانیکلی السید مصطفی پاشانك اوغلیدر . ذی القعدة ۱۲۳۴ ده صدارت کتخداسی اولدی . اون یدی کون صکره دیمتوقیه اعزام و ربیع الاول ۱۲۳۵ ده اعدام ایلدی . مسیب و معظم ایدی .

[۳] ۱۲۲۹ تاریخندن بری متولی قائمقاملغنه و ضربخانه امانتیه نصب ایدیلن ذواتك اسملری و تاریخ تعیینلری برنجی « دفتر احکام » ده مندرجدر . « السید خیرالله افندی » ، خضر زاده لکله معروفدر چاوشباشی ، صره امینی ، بعده اسم سلطان کتخداسی اولدی . ۱ رجب ۱۲۴۸ ده وفات ایتدی . « حسین حسنی بك » قبودان دریا حسین حسنی پاشا زاده عبدالله بك اوغلیدر . مالیه دن بالتفیض دفتر دار ، رئیس الکتاب ، ضربخانه امینی ، ترسانه

بوتاریخچه قدر اوقاف محمودیه ملحقاتی الی قلمی تجاوز ایدرك اوقاف حمیدیه وملحقاتیله کسب اهمیت ایلدیکی حالدہ (۱۲۴۱) شوالندہ یکیکچریلکک الغاسیلہ نظارتلری یکیکچری وسکبان باشی آغالرینه مشروطہ اولان اوقاف مخصوصہ نك اداره سی اوقاف محمودیه متولی قائممقاملغنه دور ایدلمکله ده از یاده کسب جسامت ایتدی .

اوقاف محمودیه وحمیدیه وملحقاتی اداره سنک ضربخانه عامره نظارتیله توحیداً اداره سنده صعوبت حاصل اولدیغندن ۱۲ ربیع الاول ۱۲۴۲ ده شرفصادر اولان اراده سنیه (۱) اوزرینه ضربخانه نظارتندن تفریق و آریجه (اوقاف هایون نظارتی) عنوانیله برنظارت احداث ایدیلرک اسبق ضربخانه ناظری ومتولی قائممقامی (الحاج یوسف افندی) یه توجیه بیورلدی .

اوقاف هایونک نظارتی دارالسعاده آغالرینه مشروطه اولدیغندن نظارتک بوصورته تشکیلی شرط واقفی فعلاً تعدیل ایلدیکی جهته سلطان عبدالحمید خان اول وسلطان محمودخان ثانی وملحقاتی اوقافک امینی ، بعده اردو دفترداری، چاوشباشی ۱۲۴۳ ده مقاطعات ناظری اولدی . جمادی الاولی ۱۲۴۴ ده وفات ایلدی . فطین وخلق ایدی . « السیدالحاج احمدافندی » طوب عربہ جیلری کتابتندن بالتفیض خبره خانه، بعده ضربخانه وبالاخره طوبخانه ناظری اولدی . ۱۲۴۶ ده وفات ایلدی . مستقیم ایدی .

« السید یوسف رضا افندی » اندرون هایونده تربیه کوروب شهزاده تولیتندن تفیض ایدرك شهرامینی ، خزینہ وحرمین محاسبه جیسی ، صره امینی، ضربخانه ناظری ، آره امینی اولدی . شعبان ۱۲۴۳ ده وفات ایتدی . (۱) بواراده سنیه نك عیناً صورتی وتاریخی کوریلهمدی . فقط ۱۲۴۲ ربیع الاولک اون برنجی کونسه قدر اوقاف هایون متولی قائممقامنی عنوانی بتون دفاتر وقیه ده مذکور وربیع الاولک اون دردنجی کونسندن اعتباراً « بالنظاره اداره سی مقتضای اراده سنیه حضرت پادشاهی اولان اوقاف هایون نظارتی » دیه مسطور اولدیغنه نظراً اوقاف هایون نظارتی سنه مزبورہ ربیع الاولک « ۱۲-۱۴ » نجی کونلرنده تشکیل قلندی تین ایدر .

نظارت‌ری دارالسعاده آغاسی اوزون (عبدالله آغا) نك عهده‌سندن صرف ایدلش ایدی .

(اوقاف هایون نظارتی) حین تشکله (کیسه‌دارلق ، ذمت خلیفه‌لکی ، سرکی خلیفه‌لکی) عنوانیه اوچ دائرهیه تفریق و بونلرک آمری اولان ناظره اون بیک غروش معاش تخصیص اولندی .

(کیسه‌دارلق) اداره‌سی نظارته عائد جمله اوقاف ایچون ایجاب ایدن اعلاماتی، تقریرلری انهارلی تحریره مأمور اولدی . بو مأموریه ایلک دفعه خواجکادن کوچک قلعه تذکره‌جیسی اکیلی (السید محمد شوقی افندی) تعیین ایدلی [۱]

(ذمت خلیفه‌لکی) اوقاف مذکوره‌نک مقسطعات و التزامات ضبط‌نامه‌لرینی ، ملزمین ایله کفیل و یردکلری صرافاندن آله‌جق دین تحویل‌لرینی ، بدلات التزامیه‌یی و اجاراتک ذمت پوصله‌لرینی تحریر ایله تحصیلاته دقت و محاسباتی رؤیت ایتمه مأمور اولدی .

ایلک دفعه ذمت خلیفه‌سی اولان (محمد عارف افندی) در [۲]

(سرکی خلیفه‌لکی) اوقاف هایون نظارتی خزینه‌سنه کلن مبالغی اخذ و قبض، خزینه‌یه عائد جمله مصارف و قفیه‌یی ایفا، و موازنه عمومی اوقافک معاملات یومیه‌سنی اداره ایتمه مأمور اولدی . ایلک دفعه سرکی خلیفه‌لکته تعیین ایدیلن ذات، ذمت خلیفه‌سنک برادری (احمد عزت افندی) در .

کیسه‌داره (۱۰۰۰) ، ذمت خلیفه‌سنه (۸۰۰) ، سرکی خلیفه‌سنه (۵۰۰) غروش معاش و یرلدی . بونلرک معیته برنجی معیت و ایکنجی

[۱] ۷ ذی‌القعدة ۱۲۴۶ ده السید محمد شوقی افندی ضربخانه‌ده صاحب

عیار اولدیفندن یرینه « السید محمد شریف بک » کیسه‌دار اولدی .

[۲] محمد عارف افندی ، امور و معاملات حسابیه‌یی تشویش ایلدیکی ثابت

اولدیفندن ۱۲ جمادی الاخره ۱۲۴۹ ده کوتاهییه نفی و برادری سرکی خلیفه‌سی

احمد عزت افندی‌ده عزل ایدلی .

معیت عنوانیله اوچر ، ایکیشریوز غروش معاشلی ایکیشری کاتب
ومقدار کافی عائداتله یماقلا تعیین ایدلدی .

محولاتک فراغ وانتقال، مقاطعاتک التزام ، اجاراتک تحصیل
بدلانتندن یوزده بشی وتوجیه جهات خرجلری نسبت دائره سنده
مأمورین اوقافه عائدات یومیله اوله رق توزیع ایدلدیکی مناسبتله مأمورینک
معاشاتی یکی واوچ مثلنه بالغ ومعیتلرکده عائداتی بونلرک نصفنه معادل
اولدی .

شوال ۱۲۴۳ ده باب السعاده آغاسی (عثمان آغا) نک رفعی (۱)
متعاقباً قبو آغالنی مسندی الفا ایدلدیکندن قبو آغالری نظارتنه مربوط
اولان اوقاف کثیره نک اداره سی اوقاف هایون نظارتنه الحاق اولدی .
تولیتلری رأی حاکم وامر ولی الامر ایله توجیه اولنان اوقافک
اداره سی تدریجاً ورجب ۱۲۴۶ ده بستانچی باشی ، طوبیجی باشی ،
خزیننه دار باشی ، کیلارجی باشی ، سرای جدید آغالرینک زیر
نظارتلرنده بولنان اوقافک اداره سی ده جمله اوقاف هایون نظارتنه
ربط ایدلدی .

اوقاف مذکورده نک الحاقندن طولای توسع ایدن معاملات نظارتک
حسن تمشیتنه سائق اولمق اوزره مأمورین اوقافک معاشانه ضم
اجراسنه مساعدتله پادشاهی شایان بیورلمسینه بناء ناظرک معاشی
(۱۵،۰۰۰) ، کیسه دارک معاشی (۱،۲۰۰) ، ذمت خلیفه سنک معاشی
(۱،۰۰۰) ، سرکی خلیفه سنک معاشی (۶۵۰) غروشه ابلاغ ایدلدی .
ربیع الاول ۱۲۴۷ ده دفتر دار شق اول ، رئیس الکتاب
واستانبول ، غلطه ، ایوب ، اسکدار قاضیلری وحرمین مفتشیه
سرای آغاسی نظارتلرنده بولنان (۶۳۲) اوقاف ایله رجب ۴۷ ده

(۱) عثمان آغا ، آرنارود بیکباشیلرندن اولوب عزلنی متعاقباً اشقودره
طرفلرینه نفی ایدلدیکی دفاتر وقفیه ده مسطوردر .

قبودان پاشا وچاوشباشی ، ذی القعدة ۴۷ ده صدرعالی نظارتلرنده کی اوقافک ادارهسی اوقاف هایون نظارته الحاق ایدلمکله امور نظارت فوق العاده توسع ایلدی .

معاملات وقفیهیی سرعت ایفایه - بالاده بیان ایدیلن - اوج دائره نك ،أمورلری کفایت ایده مدیکندن ذی القعدة ۴۷ ده تحریرات باش کاتبی ، ملحقات کدکدر کتابتی ، روزنامه جیلک عنوانیه اوج مأموریت ده احداث وکاتبلره یدیوز الیشر وروزنامه جیه یدیوز غروش معاش تخصیص ایدلدی .

نظارت ایچون آیریمجه بردائرئ جسیمه یه ده لزوم کورلديکندن اسکی ضربخانه جوارنده حصیرجی ودوغرامه جی قوغوشلری فسخ ایدیلهرک یرینه اونیدی اوطه لی بر دائره انشاسنه مباشرتله ۲۸ جمادی الاولی ۱۲۴۸ ده اکال وتفریش ورجیده نقل اولندی .

یکی مأموریتلردن باش کتابت ، معاملات تحریریه ده کیسه داره معاونت ، فراغ وانتقال تمسکاتی تحریر ویکی ضبط اولنان اوقافک محاسباتی رؤیته وکدکدر کتابتی، جمله وقف کدکدرک مقاطعاتی جبات، محلولاتنک فراغ وانتقالاتی قید وتحریر ایله ذمت خلیفه سنه معاونته وروزنامه جیلک ده ، بتون جوامع و عمارات کی خیراتک تعمیرات وتفریشتی ، مایعات و مصارفاتی ایفایه مأمور اولدیلر . بونلرکده معیتلرینه اوچر یماق ویرلدی .

اوقاف حرمین ناظری اولان دارالسعاده آغاسی (اوزون عبدالله آغا) یه نیابة امور نظارتی ایفا ایتمک اوزره ۱ محرم ۱۲۴۹ ده خاصکی باشی (السید محمد امین آغا) معاون وقائمه مقام نظارت تعیین و اوقاف حرمینک تنظیم مصالحه همت ایدلدی. [۱]

[۱] السید محمد امین آغا ، السید عبدالرحمن افندیکنک اوغلیدر. دارالسعاده آغاسی دائره سنده تفیض ایدرک خاصکی باشی ، ۱۲۴۹ ده اوقاف حرمین

۱۲ جمادی الاخره ۱۲۴۹ ده ذمت و سرکی خلیفه لرینک عزله بناءً سرکی خلیفه لکنه تعیین اولئان شا کر بکک معاشی (۱۰۰۰) غروشه ابلاغ و ذمت قلمنده بعض کتبه نك معاشاتی ده تزید ایدلدی. حرمین شریفین اوقافی نظارتنه بر وجه محرر دارالسعاده آغلاری مأمور اولدقلری حالده مشاغل سائره لری امور نظارتی حسن تسویه به مانع اولدیغندن یالکیز نظارت عنوانی دارالسعاده آغاسنک عهده سنده بر اقله رق ۱۲۵۰ محرمندن اعتباراً حرمین شریفین خزینه سی مصالحی تفریق و بشقه جه مدیریت تأسیسی ایله حرمین محاسبه جیسی محمد نظیف آفندی، مدیریته تعیین اولندی.

اوقاف حرمین ناظری عنوانی عهده سنده ابقا اولئان دارالسعاده آغاسی اوزون (عبدالله آغا) یه معاشات و عوائد سنویه سی خزینۀ اوقاف حرمینۀ ایراد قید ایدیلرک نظارت مقابله شهری (۱۵,۰۰۰) غروش معاش ویرلدی [۱]

نظارت و مدیریتک بشقه ابشقه ذاتلر عهده سنده بولنسی تشویش اموری استلزام ایدلیکی کبی نظیف افندینک عجزندن طولای مصالح مزبوره کسب انتظام ایده مدیکي جهتله دارالسعاده آغاسی نظارتدن عفو و مدیرک ترک ایله نظارت و مدیریت توحید ایدیلرک (حرمین

نظارتی قائمقامی، محرم ۱۲۵۰ ده آياصوفیه، ۱۲۵۱ ده حلب اوقافی متولسی اولدی.

[۱] دارالسعاده آغلرینک اوقاف حرمین نظارتندن طولای معاشات و عوائدی ایراد قید ایدلیکی ائشاده عبدالله آغایه قید حیات ایله شهری «۱۲,۵۰۰» غروش معاش تخصیصی عرض ایدیلرک ۷ ذی القعدة ۱۲۵۰ ده شرفصادر اولان اراده سنیه موجبجه عبدالله آغایه ذی القعدة به قدر مخصوصات سابقه سی اعطا و ذی القعدة غره سندن اعتباراً «۱۵,۰۰۰» و آیریجه خزینۀ هایون وکیلی «عثمان آغا» یه ده «۵۰۰۰» غروش اوقاف خزینه سندن معاش تخصیص قلمشد. «۱۷ دفتر حرمین ۱۲۵۰-۱۲۵۴».

شریفین اوقافی نظارتی) عنوانیله رجالدن دفتر امینی حاجی ادهم افندی به (۱) توجیهی و حرمین شریفینه حرمتاً نظارت مذکوره رتبهٔ ثالثه رجالتک جمله سنه تقدیم اوله رق توجیهات هایون و تشریفات دفتر لینه

(۱) الحاج ادهم افندی، دفتر دار اقلامندن نشأتله خواجکاندن اولدی . بعض مناصب دیوانیه ده استخدام اوله رق ۱۲۴۲ ده شق اول دفتر دارلغه تعیین، ۴۳ ده بعد الانفصال سروزلی اسماعیل بکک مخلصاتی قبضه مأمور ایدلدی . عودتنده شوال ۴۳ ده طوبیخانه نظارتنه نصب اوله رق برقاچ سنه صکره انفصال ابتد . مصره الحاق اولنان ایالات والویه نك قیود و اقلامه تطبیقاً اموال مرتبه سنی مصر والیسی محمد علی پاشایه بیان ایله اموال مذکوره نك و تقاسیط منضمه نك صورت استحصانه و امور مالیه به متعلق خصوصات سائر هیه قرار ویرمک و پولتیقه جه بعض موادی صره سی دوشدکجه تفهیم ایلمک (*) مأموریتیه ۴۸ ده مصره اعزام قلندی . متعاقباً توقیی اولدی . ۴۹ ده دفتر اماتی علاوهٔ توجیه ایدلدی . ۱۲ جادی الاولی ۵۲ حرمین شریفین اوقافی نظارتنه نصب اولندی . نظارت مذکوره اوقاف هایون نظارتنه الحاقاً حسیب پاشایه تفویض قلندیغندن ادهم افندی ربیع الاول ۵۴ ده دارشورای باب عالی اعضالغنه مأمور و مؤخرأ منفصل اولدی . مالیه نظارتی ایکی قسمه تقسیم ایله تشکیل اولنان خزائن عامره دفتر دارلغه ۲۲ جادی الاولی ۵۵ ده تعیین ایدلدی . مالیه نظارتی تکرار تشکیل و دفتر دارلق العا اولندیغندن ۱۴ ذی القعدة ۵۵ مجلس والا اعضالغنه نقل اولندی . تنظیمات خیریه ایجابجه خزائن موجوده برلشدیریلهرک امور مالیه توسع ایتدیکنندن مالیه دائره سنده مجلس محاسبهٔ مالیه نامیله بر مجلس تشکیل و ریاستنه ۱۳ رجب ۵۶ ده مشارالیه تعیین اولندی . ذی القعدة ۵۶ ده آلتیه مأمور اوله رق استعفا ابتد . « بلاعذر استعفا ایتک یاقیشقسز اولدیغندن خانه سنده اقامتنه » (**) ارادهٔ سنیه صادر اولدی . رجب ۵۷ ده - ثانیاً - مجلس والا اعضالغنه ، صفر ۴۸ ده مصارفات نظارتنه نصب و ذی القعدة ۵۸ ده عزل ایدلدی . صفر ۶۲ ده - ثانیاً - مصارفات ناظری ، ذی القعدة ۶۲ ده - ثانیاً - مجلس محاسبهٔ مالیه رئیسی اولدی . ربیع الاول ۶۵ ده انفصال ابتد . محرم ۶۸ ده رتبهٔ وزارتله شیخ الحرم اوله رق بعد الحج محرم ۶۹ ده وفات ابتد . مسن و اهل ثروت ایدی . مخدومی ابراهیم قدری بک ، مدت مدیده طربزون والیککنده بولمشد .

[*] [تاریخ لطفی جلد صحیفه]

[**] [تقویم وقایع : ۴ ذی الحج ۱۲۵۶]

اوصورتله قیدی خصوصلرینه ۱۲ جمادی الاولی ۱۲۵۲ ده اراده سنیه
صادر اولدی [۱]

نظارت شیخ الاسلامیده بولنان اوقافک اداره سی ده بو نظارتیه
احاله ایدلکله مشارالیه ادهم افندی یه (۱۰,۰۰۰) غروش معاش
تخصیص قلندی .

حرمین شریفین اوقافی مدیریتک نظارتیه تحویلی جهته اناطولی ،
کوچک اوقاف حرمین محاسبه جیلکریله حرمین مقاطعه جیلکنک توحیدی
موافق کوریلهرک علی الاطلاق اوقاف محاسبه جیلکی عنوانی ورتبه ثانیه
صنف ثانیسی اعتباری ایله « امور اوقافه وقوف ومعاملاتی درکار و ذاناً
مستقیم و درایتکار » [۲] بولنان حرمین مدیر سابق نظیف افندی یه
توجهنه رجب ۵۲ ده اراده سنیه صادر اولدی [۳] .

اوقاف حرمین نظارتی ، مستقل اولقله برابر عتبه سنیه ملوکانه یه
واقع اوله جق معروضاتده اوقاف هایون ناظرینک توسط ایدلمسی
فرمان بیورلدیفندن نظارت مذکوره اوقاف هایون نظارتینک برشعبه سی
حکمنده اولدی .

اوقاف حرمین ایله اوقاف هایونک تفتیشی شمدی یه قدر اوقاف
حرمین مفتشلرینک عهدده سنده اولدینی حالده ۱۰ ربیع الآخر ۱۲۵۰
ده تفریق ایدیلهرک ایلک دفعه اوقاف هایون مفتشلکنه امام زاده
(محمد اسعد افندی) تعیین قلندی . [۴]

[۱] [تقویم وقایع : ۱ جمادی الآخره ۱۲۵۲]

[۲] نظیف افندی ، ایکی آی اول « مجزندن طولایی » مدیرلکدن عزل
ایدلیکی حالده متعاقباً وقوف ومعلومات و درایتندن بختله محاسبه جیلکه تعیین
اولنسی غریبدر .

[۳] [تقویم وقایع : ۱۹ رجب ۱۲۵۲]

[۴] محمد اسعد افندی ، زیرک جامی امامی قونیله حسن افندینک
اوغلیدر . درسعام ومدرس اوله رق سنه لرحه تدریس علوم ایندی . قدس ،

صدر روم ایلی ، صدر اناطولی ، امام اول شهر یاری ، داود پاشا
نائبی افسدیلرک زیر نظارتلرنده بولسان بش اوقافک اداره سی ده ۱۸
ذی الحجه ۱۲۵۰ ده اوقاف هایون نظارتنه الحاق ایدلدی .

ربیع الاول ۱۲۵۱ ده روم ایلی ، اناطولی ولایاتی مرکز لرنده
اوقاف هایون و حرمین نظارتلری طرفدن (معجلات ناظری)
عنوانیسه وجوه محلیه دن موظف برر اوقاف مدیری تعیین و طشره
اوقاف ده تحریر ایدلدی . (۲)

۱ رجب ۱۲۵۱ ده جمله خدمه ، مرتزقه ، مستخدمین و مأمورین
اوقافک وظائف و معاشاتنه ضم اجرا ایدلدیکی اثناده رجب ۱۲۴۸ ده
ناظرک (۲۰,۰۰۰) غروشدن عبارت اولان معاشی (۳۰,۰۰۰) ،
کیسه دارک معاشی (۳۰۰۰) ، ذمت خلیفه سنک معاشی (۲۵۰۰) ،
سرکی خلیفه سنک معاشی ده (۲۰۰۰) غروشه ایلاغ اولندی .

استانبول ، اسکدار ، غاطه بلده لرینه جاری اولان صولر ،
اکثریتله ارباب خیرک وقفی اولدینی مناسبتله صو نظارتنک اوقاف
هایون نظارتنه ارتباطی ضروری کورلدیکندن ۱۶ ذی القعده
۱۲۵۲ ده صو ناظری (علی بهجت آغا) عزل و صو نظارتی اوقاف

مصر ، مدینه منوره ، حلب منلاسی ، اوقاف هایون مفتشی اولدی . ۱۲۵۴ ده
ادیبه و عرفانیه مکتبلرینک کشادنده نظارتلرینه « معارف عدلیه ناظری »
عنوانی و اناطولی پایه سی ایله تعیین اولندی ۵۶۰ ده روم ایلی صدارتی پایه سی
احراز ایتدی . ۶۵ ده نظارت مدیر لیکه تحویل ایدلدیکندن مجلس والا
اعضالغنه نقل اولندی . جادی الاولی ۱۲۶۷ ده وفات ایتدی . سلیمانیه جاهی
حظیره سنده مدفوندر . افاضل علمادن ایدی . « دریکتا » نامنده کی اثری
مشهوردر .

(۲) طشره اوقافنک تحریرینه ۱۲۴۷ محرمندن اءباراً ابتدار ایدلدیکی
سجلات و دفاتر و قبه دن مستفاد اولوب موظف مأمورین اوقافک تعیینی بو
تاریخده در .

هایون نظارتنه الحاق ایدلمکه (۵,۰۰۰) غروش معاش ایله ابنیه خاصه مدیری (حسام الدین افندی) صو ناظری اولدی . (۱)

بوغاز ایچی ایله خلیجده سیر و سفر ایتک اوزره اوقاف هایون نظارتک مختلف اسکله لرده یاپدیردینی بازار قایق لری تکثر ایتمکه بونلرک اداره سی ایچون ذی الحجه ۱۲۵۳ ده دائره نظارتده (۷۵۰) غروش معاش ایله بر قایق جیلر کتاتی واون یرده قایق جیلر کتخدالی احداث ایدلدی . (۲)

۲۰ محرم ۱۲۵۴ ده اوقاف هایون نظارتی طوبخانه عامره نظارتیه توحید ایدیلهرک خزینه خاصه ناظری (۳) (السید محمد حسیب پاشا) نك عهدده سنه توجیه ۱۰ ربیع الاول ۵۴ ده حرمین اوقافی ده اوقاف هایونه الحاق اولندی .

اوقاف هایون نظارتی ، ضربخانه نظارتیه توحید و اوقاف حرمینک الحاق ایدلمسندن طولانی کسب اهمیت ایتمکه بر مستشارلق احداث ایدیلهرک ضربخانه عامره ده صاحب عیار اولان السید محمد شوقی افندی (۲۰,۰۰۰) غروش معاش ایله ایلک دفعه مستشارلغه تعیین قلندی .

(۱) حسام الدین حسین افندی ، ادرنه لی محمد افندیك اوغلیدر . مالیه دن تفیض ایدرک خلوصی پاشانك خزینه دارلغندن ۱۲۴۹ ده بالفخانه ناظری ، ۱۲۵۱ ده طوز امینی ، ۱۲۵۲ ده ابنیه خاصه مدیری ، ۱۲۵۳ ده صو ناظری اولدی . بعده اغنام ، طوبخانه ، ابنیه سنیه مدیری ، ۱۲۶۹ ده آرک امینی ، ربیع الاول ۱۲۷۲ ده رتبه اولی ایله شهرامینی اولهرق ذی الحجه ۱۲۷۳ ده بالا رتبه سنی احراز ایتدی . صکره مجلس والا اعضاسی ، رفیه سلطان کتخداسی اولدی . ۱۲۹۸ ده وفات ایتدی . رشید پاشایه منتسب ، حلیم و ذی ثروت ایدی .

(۲) نظارت جلیله نك بوتشت نافی ، شرکت خیریه اداره سی تولید ایتمش عد اولنه بیایر .

(۳) دفاتر وقفیه ده ضربخانه عامره دفتر داری دیه مذکوردر . اوزمانلرده ضربخانه دفتر داری خزینه خاصه ناظری دیمکدی .

ربیع الاخر ۱۲۵۴ ده تشکیلات اجراسته ابتدار اولنهرق کیسه دارلق باش کتابت ایله توحید و تحریرات کتابتی احداث ایدیلوب (۷,۰۰۰) غروش معاش ایله کیسه دار (علی شوقی افندی) ایلك دفعه تحریرات کاتبی [۱] اولدی .

ذمت ، سرکی ، روزنامهچه ، کدکدر کتابتلی ابقا ایدیلدرک بوکاتبلره بشریک غروش معاش تخصیص و آیریمجه (۱,۵۰۰) غروش معاش ایله تعمیرات مدیرلکی احداث اولندی .

محرم ۱۲۵۲ ده (۳۵,۰۰۰) غروشه ابلاغ ایدیلن نظارت معاشی (۲۵,۰۰۰) غروشه تنزیل قلندی . [۲]

اوقاف هایون ایله اوقاف حرمینک توحیدندن طولایی طشرده اوقاف هایون و اوقاف حرمین معجلات ناظرلرینک تعددی مناسب کوریهلهمدیکندن بونلرده توحید ایدیلدرک (معجلات مدیری) عنوانیه ولایات ایله الویه مهمه مرکزلینه برر اوقاف مدیری نصب ایدلدی .

کذلک اوقاف هایون و اوقاف حرمین مفتشلرینکده تعددی موافق اولمدینی آکلاشلماقله بونلرده توحید ایدیلدرک (اوقاف هایون مفتشی) عنوانیه بر محکمه تفیش احداث وایلك دفعه اوقاف هایون

[۱] علی شوقی افندی ، حسیب پاشایه انتساب ایله کیسه دارلق قلمنده معیت اول و ۱۲۵۲ ده محسن افندی یرنه کیسه دار ، بالاخره اوقاف هایون تحریرات کاتبی اولدی . حسیب پاشانک انفصالنده عزل اولندی . بعده وفات ایتدی . « دفتر وقیه »

[۲] حسیب پاشایه ویریلن شو معاشک تنزیلی، ضربخانه نظارتندن آلدینی « ۲۵,۰۰۰ » غروش ایله تلافی ایدلدیکندن مشارالیهک معای « ۵۰,۰۰۰ » غروشه بالغ اولمشدی . بو تاریخده دیگر وکلا قرق بشریک غروش آلمده ایدیلر .

مفتشکنه حرمین پایه سیله (السید محمد امین آصف افندی) تعیین اولندی [۱] .

حسیب پاشا ایکنجی دفعه وزارتله اوقاف هایون نظارتنه تعیننده مجلس خاص وکلایه ادخال اولندیفندن بو تاریخدن اعتباراً اوقاف هایون ناظرلری مجلس وکلایه داخل اولدیلر [۲]

اوقاف هایون نظارتی طرفندن آچیلان مکاتب رشديه تکثر ایتدیکی جهته (مکاتب رشديه نظارتی) احداث ایدیلرک [۳] بونظارتیه ایلک دفعه - اوقاف هایون مفتشکندن آچقده قالان - امامزاده (السید محمد اسعد افندی) اناطولی صدارتی پایه سیله تعیین اولندی .

۲۱ جمادی الاولی ۱۲۵۵ ده (السید محمد حسیب پاشا) انفصال ایدرک اوقاف هایون نظارتک ضربخانه امانتیه توحیداً ادارهسندن کوریلن مشکلاته بناءً تفریق ایدیلوب [۴] اوقاف هایون مستشاری (السید محمد شوق افندی) اوقاف هایون ناظرلی اولدی . معاشیه ده (۳۰,۰۰۰) غروشه ابلاغ ایدلدی .

§

مقدما ابا ایوب انصاری رضی الله عنه ، ابوالفتح سلطان محمد ، سلطان بایزید ، سلطان سلیم ، سلطان سلیمان ، شهزاده سلطان احمد ،

[۱] السید محمد امین آصف افندی ، ترسانه امینی مورده لی علی افندینک اوغلیدر . مدرس ، ۱۲۴۸ ده اسکدار منلاسی ، ۱۲۵۴ ده اوقاف مفتشی اولدی . ذی القعدة ۱۲۵۸ ده وفات ایتدی . عالم ، شاعر ایدی .

[۲] اوقاف هایون ناظرلری برقاچ دفعه وکلادن عد ایدلیهرک بالاخره ینه مجلس وکلایه داخل اولشلردر .

[۳] دفاتر وقفیه ده مسطور اولان مکاتب رشديه نظارتی ، مؤخرآ معارف عومیه نظارتی تولید ایتش اولدیفندن معارف نظارتک واضع اساسی ، اوقاف نظارتی عد اولنه بیلیر .

[۴] ضربخانه مشیرینته علی نجیب پاشا تعیین اولمشدر .

جراح پاشاده خاصکی سلطان ، اسکدارده عتیق والده سلطان ، یکی جامع ، ایاصوفیه ، نور عثمانیه ، لاله‌لی ، حمیدیه ، اسکدارده سلیمیه ، امة‌الله سلطان ، ایوبده مهرشاه سلطان ، بشکطاشده سنان پاشا ، طوپنخسانده قلیچ علی پاشا ، قدرغده شهید محمد پاشا ، باب عالی جوارنده جفال زاده رستم پاشا اوقافی کبی اوقاف جسیمه‌نک دوائر وقفیه‌سی (جابی اوطه‌لری) نامیله موجود ایدی .

اوقاف‌هایون نظارت‌نک تشکیلاتی تکامل ایتدکجه جابی اوطه‌لرینک دوامنه‌لرؤم قالدیغندن واردات وقفیه‌نک جبابی دائرة نظارتده تشکیل اولنان تحصیلات اداره‌سنه احاله ایدیله‌رک جابیلردن بعضلری تحصیلدار عنوانیله اداره مذکوره مأمورلری اولوق اوزره استخدام اولنقله عموم اوقاف اسلامیه‌نک مرجعی اوقاف‌هایون نظارتی اولدی .





الحاج يوسف افندی

صدارت مکتوبی قلمی خلفاسندن خریوتلی احمد افدینک
اوغلیدر .

۱۱۷۹ ده قلعہ سلطانیہ ده طوغدی . ۱۱۹۱ ده مکتوبی دفتری
قلمنه دوام وتدریجاً ترقی ایدرک بالدفعات دفتردار مکتوبیحیسی و آرابه-
جیلر کاتبی اولدی . مصر سفرینه عزیمت وعودت ایتدکدن صکره ده
مدت مدیده مکتوبیحیلقدہ بولندی .

۱۲۲۱ ده رجال دولتک اردو ایله عزیمتده مالیه تذکره جیلکی
وکالته ، ربیع الاول ۱۲۲۳ ده شق ثانی دفتردارلغنه ، جادی الاولی
۱۲۲۴ ده موقوفاتحیلغه تعیین وطوپ آرابه جیلر کتابی علاوہ
توجیه اولندی . ایکی دفعه جزای نفیه کرفتار اولدی .

شوال ۱۲۲۷ ده جزیه محاسبه جیلکنه ، ۱۲۳۷ ده شق اول
دفتردارلغنه ، ۱۲۳۷ سنه سی اواخرنده طوپخانه نظارتنه ، ۲۸ محرم
۱۲۳۸ ده ذخیره نظارتنه ، شوال ۱۲۴۰ ده نشانحیلغه نصب اولندی .
۱۲ ربیع الاول ۱۲۴۲ ده تشکیل اولنان اوقاف هایون نظارتنه
تعیین قلندی .

۱۲۴۵ شعبانک برنجی کیجه سی بغتہ خسته لهرک وفات ایلدی .
ایوبده بوستان اسکله سنده کی قبرستانه دفن ایلدی .

۱۲۳۸ ده ذخیره ناظری ایکن استانبولده چتال چشمه ده کی
قوناغنک اتصالنده اسبق دارالسعاده آغاسی عباس آغانک خراب

چشمه‌سنی تعمیر و مجراسنی تطهیر ایتدیره‌رك كندی ملكندن بر
 ماصوره صو وقف ایلش وصو ناظری مصطفی حامد آغانك وكالتله
 حجت شرعیسنی تنظیم ایتدیرمشدر .

§

اوقاف هایونك ایلک ناظری اولان مشار الیهك زمان نظارتی ،
 تشکیلات و ترتیبات ایله كچمش ، مع ذلك بعض كونه اجراءات ده
 وقوع بولمشدر :

استانبول ، غلطه ، اسكدار آره‌سنده مناقلات عمومیه‌یی تسهیله
 و منافع وقفیه‌یی تكثیره مدار اولق اوزره ۲۷ ربیع‌الآخر ۱۲۴۲ ده
 امین اوكنده ، اسكدارده ، بشكطاشده ، اورتیه كویده ، خاصكویده ،
 بلاطده قایقخانه واسكهلر و بازار قایقلى انشا و بونلر ایچون
 (۴۷,۲۸۸) غروش صرف ایدلدى .

ترسانه ایچون یلكن اعمال و فضله‌سی صاتیله‌رق منافع وقفیه تأمین
 ایدلك و حاصلات صافیه‌سی تمامیه اوقاف نظارتنه عائد اولق اوزره
 ایوبده خنجرجلی سلطان سرایی و چقور سرای عرصه‌لرینك اوزرینه
 منتظم بر ایپلكخانه انشاسته ۱۱ جمادى‌الآخره ۱۲۴۲ ده اراده سینه
 صادر اوله‌رق انشاآته مباشرت و ایپلكخانه امانته ۵ ربیع‌الآخر
 ۱۲۴۳ ده درگاه عالی قیوجی باشیلرندن قره عثمان زاده یعقوب آغا
 نصب اولندی [۱] ایپلكخانه بناسی رجب ۱۲۴۳ ده ختام بولدى .

۱۲۳۹ ده محرق اولان طوبخانه‌ده نصرتییه جامعی جمادى‌الاولی
 ۱۲۴۲ ده تعمیر و بعض وظائف علاوه ایدلدى .

مدینه منوره‌ده اولدینی کبی مکه مکرمه‌ده ده هرکون بخاری

[۱] یعقوب آغا سیروز حوالیسینه مأمور اولدیغندن ایپلكخانه امانته
 ۲۶ جمادى‌الاولی ۱۲۴۴ ده سلانیک امتعه كمرکی امین سابق محسن آغا
 تعیین قلندی .

شریف قرائته ۲۱ شوال ۱۲۴۲ ده اراده سنيه صادر اوله رق
بخاری خوانلغه - طوبخانه ناظری نجیب افدینک خانه سنده اقامت
ایدن - مکه علماسندن السید حسین بن عبدالرحمن افدی تعیین وسنوی
(۱,۵۰۰) غروش وظیفه مقطوعه تخصیص قلندی .
قبرسده ایاصوفیه جامع شریفی قربنده مدرسه جدیدده طرف
پادشاهیدن اولق اوزره قبریس محصلی علی روحی افدی وساطتیه
۲ ذی القعدة ۱۲۴۴ ده برکتبخانه انشا اولندی .



السید محمد طاهر افندی

درویش افندی زاده الحاج عثمان افدینک اوغلیدر . دفتردار
مکتوبی قلمنه داخل ومؤخرأ طغرا کشلکه نائل اولدی . ۱۲۳۶ده
خواجہک رتبہسی ویرلدی .

۱۲۳۷ ده علوخیان یمن کاتبکنه ، شوال ۱۲۴۰ ده دفعه شق
اول دفتردارلغه تعیین قلنہرق ۱۲۴۱ شوال توجہاتندہ ابقا ۱۲۴۳ده
عزل ایدلدی .

روم ایلی دفترداری [یکیشہر فنار دفترداری] عطا افدینک
انفصالیله مشار الیه نصب اولندی . یکیشہرہ مواصلتله ایفای وظیفہ
مباشرت ایلدیکنی متضمن تقدیم ایتدیکی شقہ لدی العرض بالاسنہ
تسطیر قلنان خط ہایوندہ :

« شو ذخیرہ خصوصندہ کندو کار وتمتغنہ باقیوب ہان مقتضای
مأموریتی اوزرہ آتہ واغریبوز وسائر اقتضا ایدن محللرہ پی درپی
ذخیرہ یتشدریمہنک چارہسنہ بذل مقدرت ایلسی طرفنہ تحریر
اولنسون » بیورلدی .

مشار الہک « محلنہ وارر وارمن قرق بیک کیلہ ذخیرہ ترتیب
وتدارک ایلہرک بارکیرلرہ محللرینہ سوقہ تشبث ایتدیکنی وکلیتلو اچہ
لزوج کورینہ جکنی » مین تقدیم ایلدیکی دیگر شقہ مفصلہنک بالاسنہ
آتیدہ کی خط ہایون صادر اولدی :

« منظورم اولمشدر . بویکیشہر دفتردارلغنہ کیدنلر ضرر ایتیوب
بلکہ کارلی چیقہ یورلر . هنوز مصلحتنہ باشلار باشلامز کلیتلو اچہنک
لزوجنی اشعار ایدہ یور . مقتضای مأموریتی اوزرہ ہان ذخائرک جلب

وتدارکنه سخی وغیرت ایلسون بعده ایلروده بو مأموریتده واقع اولان سخی وغیرتی تبیین ایتدکده انچهده کوندریلور . اقتضاسنه کوره جواب یازلسون « (۱)]

۱۲۴۴ ده اردوی هایونه جلب ایله صدارت کتخداسی ، شوال ۱۲۴۴ ده - ثانیاً - شق اول دفترداری اولدی . ۱۲۴۵ ده استعفا ایلدی . شعبان ۱۲۴۵ ده اوقاف هایون نظارتنه نصب وشوال ۴۷ توجیهاننده ابقا ایلدی .

۱۲ شوال ۱۲۴۷ ده ادرنه والیسی آغا حسین پاشا سرعسکرلک عنوانیله اناطولی جانبی سردار اکرمی اولسی اوزرینه اوکون مشارالیه طاهر افندی ، نشانحیلوق منصبیه اردو دفتردارلنه تعیین قلندی .

۱۲۴۸ ده اثنای راهده ادنه حوالیسنده وفات ایتدی [۲] .
نعتی درسعاده کتیریلوب حرم اسکلهسنده انشا ایلدیکی کارکیر جامع شریفک [۳] حظیرهسنه دفن ایلدی .

کلیتی دیونی وکثرت اولاد وعیالی اولدیغندن تسویه مخلقاتنه

[۱] لطیفی افندی بوقهریه (سانحه) عنوانیله یازدینی ذیلده دیرکه :
« اولوقت اکثر مأمورک معین ومقن معاش ووظیفه لری اولدیغندن طوغری ایش کورنرله ارتکابه میل ایدنلرک فرقی مشکل اولوق لازم کلور . بناءً علیه هر قننی مأمور بر مصرف دفتری تقدیم ایلسه بهمه حال سی میری نامیله تنزیل ایدیلور ایدی . شوحالک جریانی آمر ایله مأمور آرهسنده امنیتسرلکی موجب اولدیغندن مأمور اولدینی ایشک پاره قازانغه تحمیلی وار دینیلرک ارتکاب ایتمه مش اولسه دینه او مأموره یوکنی طومتش نظریله باقیلور ایدی »
[تاریخ لطیفی : جلد ۱ صحیفه ۲۸۵]

[۲] « ادنه نکه ایلروسنده حرارت شمس مؤثر اوله رق اورالرک هواسنده وخامت اولدیغندن وبعضاده بادسم اسدیکنندن اردوی هایون دفترداری طاهر افندی اثنای راهده وفات ایتمشدر » (تقویم وقایع : نومرو ۳۴]
[۳] ۱۲۴۳ ده تنظیم ایلدیکی وقفیه ده جامع شریفده هر سنه مولد شریف قرائتی مشروط اولدینی مسطوردر .

ضر بخانه عامره امین سابقی علی رضا افندی مأمور اولدی . [۳]
کریمه سی رقیه خانمی ، ۱۲۴۷ ده دفتر دار شق اولان علی نجیب
افندی به تزویج ایلشدر .

§

مشار الیهک زمان نظارتنده کی اجرا آت :

امکیمز حسام الدین بک وقفی متولیه سی فاطمه خانمک کلیولیده
وفاتی اوزرینه ۱۵ شوال ۱۲۴۶ ده وقف مذکور اوقاف هایون
نظارتنه الحاق ایله واقف مومی الیهک غلطه ده انشا ایلش اولدینی
جامع شریف تعمیر و تجدید ایدلدی .

محرم ۱۲۴۶ ده بوستانجی باشلیغک ، رجب ۴۶ ده طوبجی ،
آرابه جی ، خزینه دار ، کیلارجی ، سرای جدید اوجاقرلینک الغاسیله
آغالرینک نظارتلرنده بولنان اوقاف ، نظارتنه الحاق اولندی .

دفتر دار شق اول ، رئیس الکتاب ، غلطه سرایی آغاسی ،
استانبول ، غلطه ، خاصلر ، اسکدار قاضیلری ، حرمین مفتشی
نظارتلرنده بولنان (۶۳۲) عدد اوقاف ربیع الاول ۱۲۴۷ ده اوقاف
نظارتنه الحاقله معاملات نظارت تکثر ایتدیکندن کیسه دار ، ذمت
خلیفه سی ، سرکی خلیفه سی نامرلیله موجود اولان مأموریتلره ملحقات
باش کتابتی ملحقات کدکدر کتابتی ، روزنامه چیلک عنوانیله اویچ
مأموریت علاوه اولندی .

ربیع الاول ۱۲۴۷ ده اوقاف خزینه سنک معاونت نقدیه سیله
بکقوزده بر چوخه فابریقه سی انشا ایدلدی . استانبول ، بلاد نلثه ده
محترق وسائر صورتلره خراب اولان سکسان الی جامع ومسجدله مکتب
وچشمه لرك « ۱,۸۳۶,۰۲۶ » غروشله تعمیرینه ۸ ربیع الاول ۱۲۴۷ ده
اراده سنیه صدور ایتدی .

۸ جمادی الاخره ۱۲۴۷ ده غلطه سرایی آغاسی و دفتر دار و رئیس
افندیلر و ۱۲ رجب ۱۲۴۷ ده قبودان پاشا و چاوش باشی نظارتلرنده
بولتان اوقاف ، نظارتہ الحاق قلندی .

یحیی افندی درکاهی و جامع شریفی تعمیر و جوارینه مجدداً مکتب
والثنه موقتخانه و خدمه سنه وظائف ترتیب ، مدینه منوره ده مسجد قبا
وسائر مقامات عالیہ و مدرسه ، درسخانه ، کتبخانه مجدداً بنا و بعض
مساجد ، مدارس ، چشمه تعمیر ایدلدی .

مدرسیندن محمد عثم افندی ۱۶ جمادی الاخره ۱۲۴۷ ده بروسه
وحوالیسنده کی اوقافک تحریرینه مأمور ایدلدی .

عشقده جانیکلی عشیرتی طرفندن اعمال ایدلمک اوزره روضه
مطهره سیدالانام علیه السلام ایچون (۴۲۰۲) ذراع معماری ،
(۱۴) بارماق قالیچه نیک اعمالنه ۲۲ شعبان ۱۲۴۷ ده اراده سنیه
صدور ایتدی .



الحاج محمد سعید افندی

احمد آغا نامنده برذاتك اوغليدر . ۱۱۷۹ ده طوغدی . قلمدن
تفیض ایله ذمات خلیفه سی ، قبودان پاشا کتخداسی اولدی . خواجکانلق
رتبه سی ویرلدی .

۱۲۲۱ ده مخلفات خلیفه سی ، بعده پیاده مقابله جیسی ، ۱۲۲۳
شوال توجیهاتنده سرکی ناظری ۱۹ ربیع الاخر ۱۲۳۰ ده شق اول
دفترداری ، ۱۲۳۱ ده صرّه هایون امینی ، اسما سلطان کتخداسی ،
مهمات حربیه ناظری ، ذی القعدة ۱۲۳۵ ده کتخدای صدر عالی ،
۵ رجب ۱۲۳۶ ده باروتخانه لر ناظری ، ۶ جمادی الاخره ۱۲۳۸ ده
شرق اردوسی دفترداری اولدی .

محرم ۱۲۴۰ ده نشانیخلفه ، ۱۲۴۱ شوال توجیهاتنده ترسانه
امینکنه تعیین قلندی .

۱۲۴۳ ده - ثانیاً - کتخدای صدر عالی اوله رق ۱۲۴۴ شوال
توجیهاتنک فرداسی انفصال ایتدی . مؤخرآ . مصارفات ناظرلغه نصب
اولندی .

لطفی افندی تاریخنده دیرکه (۱) :

« مصالحه دن صکره ادرنده براقیلان عساکر نظامیه نك اثوابی غایت
فرسوده اولوب روسیه سفیرینك مرورنده اوهیئتله چیقارلدقلری مسموع
پادشاهی اولدقده مصارفات ناظری حاجی سعید افندی اختیارلغنه مرحمتاً
عزل ایله قورتلشدر » .

۱۲۴۷ شوال توجیهاتنده - ثانیاً - نشانیخلفه ، ۱۲ شوال

١٢٤٧ ده اوقاف هايون ناظرلغه تعيين و شعبان ١٢٥٠ ده عزل ايله تقاعد ايدلدى .

٢٢ رمضان ١٢٦٢ ده وفات ايتدى . بايزيد جوارنده - احيا کرده سي اولان - امين بك جامعه متصل مکتبک حظيره سنه دفن اولندى .

مخدوملرندن - سيد محمد کامل بك ١٢٤١ ده ، مدرس ابراهيم افندى دوريه منلاسى اولدقدن صكره ١٢٥١ ده ، ضابطه مجلس رئيسى عاطف بك ٣ رمضان ١٢٨٧ ده ، محمد رضا افندى بوسنه منلاسى اولدقدن صكره ، دامادى دفتر دار كيسه دارى ابراهيم نظيف افندى ٢٠ ربيع الاول ١٢٤٧ ده ، همشيره زاده سي ماليه رئيسى رضا بك ١٣٠٢ ده وفات ايتديلر .

سيد افدينك عائله سندن برقسى اسكدارده قره جه احمدده مدفوندر . امين بك مکتبي حظيره سنده مشار اليك جوار قبرنده مدفون اولانلرده بوجه آتيدر :

مخدوملرى مجلس ماليه اعضا سندن بيت المال مديرى الحاج رشيد بك (وفاتى : ٧ ربيع الاخر ١٢٦٩) . آمدى خلفا سندن - صدر اعظم رؤف پاشانك داماي - (١) الحاج اسعد بك (وفاتى : ٦ ربيع الاول ١٣٠١) . مخدوملرندن عاطف واحمد رشيد بکلرک زوجه لرى ، عاطف بکک اوغلى محمد عاصم بك .

§

مشار اليك ١٢٤٦ تاريخلى وقفیه سنده :

سلطان بايزيد جوارنده امين بك محله سي جامع شريفنى تجديداً و توسيعاً بنا و قريبنده بر مکتب انشا و (٣٠,٠٠٠) غروش وقف

(١) « صدر اعظم رؤف پاشانك كريمه سيله اوقاف هايون ناظرى الحاج سعيد افدينك مخدومنك و ليه جمعى ١٢٤٩ ده اجرا اولانهرق سعيد افدينك بكار بکنده کي ياليسنه صدر اعظمك عزيمتنه مساعده و طرف شاهانه دن داماد و کانيه مجوه قوطى و طرف احسان بيورلدى » [تاريخ لطفى : جلد ٤ صفحه ٩٦] .

ایلدیکی ، خاصکویده ده بر مکتب انشا ایتدی ریه رک مخدومی السید احمد رشید بکی متولی نصب ایتدیکی محرردر .

۱۲۴۸ تاریخلی وقفیه سنده :

ادر مید قضاسی داخلنده کویلیجه قریه سنده برزیتونلی واسکدارده بازار باشی محله سنده الاجه مناره ده کی باغچه سنی وقف وقره جه احمد تر به سی جوارنده ابوینک قبرلینه محافظ تعیین ایتدیکی مسطوردر .

§

مشار الهک زمان نظارتنده کی اجراءات :

ضربخانه عامره جوارنده حصیرجی ودوغرامه جی قغوشلرینک فسحیله یرینه بر دائرة نظارت انشاسنی عرض ایدرک ۱۰ ذی القعدة ۱۲۴۷ ده اراده سنیه صادر اولدی . مصارف انشائیه نک کشف اولی « ۵۱۲,۳۶۷ » و صرف اولنان مبالغ « ۵۷۹,۲۳۴ » غروشدر .

۱۵ محرم ۱۲۴۸ ده سلطان محمود ثانی حضر تلرینک ادرنه یی تشریفارنده جسرارکنده خالصه خاتون جامع شریفنک تجدیداً انشاسی و قربنده بر مکتب بناسی اراده بیورلمسیله انشات رجب ۱۲۴۸ ده ختام بولدی .

مقدما یادی ریلان اون عدد بازار قالینک حاصلاتی مصارفه کافی اولدینی بالتجربه آکلاشله غله ۲۴ محرم ۱۲۴۸ ده سنوی « ۶۰۰ » غروش اجاره مؤجله یه ربط ایدلدی .

۲۳ محرم ۱۲۴۹ ده ایپلکخانه ناظری احمد افندی تبدیل ایدیلر رک — مذکور ناظرلق ۱۲۴۸ ده بیجان سلطان ساحل سراینده فس اعمالی ایچون انشا اولنان کارخانه نک مدیری — عمر لطفی افندی به علاوه مأموریت اوله رق توجیه اولندی .

سور هایونده بولنق اوزره مدعوآ در سعادته کلن مشایخن
کرده لی الحاج خلیل افدینک کرده ده بنا ایلدیکی خانقاه ۲۵ صفر
۱۲۵۰ ده فقرا طعامیه سی اوله رق شهری (۵۰۰) ، بولیده مقیم
دیار بکرلی مفتی زاده الشیخ الحاج مصطفی افندی ، بولیده عباس
پاشا تکیه سی شیخی ممش افندی ، بوردورده مرعشی زاده الحاج احمد
افندی زاویا لرینه ده طعامیه اوله رق شهری یوز الیشر غروش وظیفه
تخصیص ایدلدی .

اوقاف حرمین مفتشی ، اوقاف هایون امورینده تفتیشه مأمور
اولدینی حالده اوقاف هایون ایچون آیریحجه برمفتش تعیننه نظارتجه
لزوم کوسترلدیکندن امام زاده اسعد افندی ایلک دفعه اوقاف هایون
مفتشلکنه تعین ایدلدی .

مهندس خانه خواجه سی مشهور اسحق افندی ابنیه عالیه نک کشفی
ایچون ۱۶ جمادی الاخره ۱۲۵۰ ده مدینه منوره یه اعزام قلندی .
متعدد مساجد ، مدارس ، خانقاه ، مکاتب ، عمارت تعمیر
اولندی .



محمد حسیب پاشا

محمد امین افندی (۱) نامنده برذاتك اوغلیدر. در سعادتمده طوغدی. ضربخانه اقلامنه دوام ایله طوبخانهده نصرتییه جامع شریفنك انشاسنده بنا مأمورلری زمره سنه داخل اولدی.

۱۲۴۱ ده رتبه خواجهکافی ایله طوبخیلر کتابتنه، مؤخرآ بغداد قپو کتخذالفنه نصب، ۱۹ جمادی الاخره ۱۲۴۷ ده حضور هایونده نشان افتخار احسان قلندی.

۸ شعبان ۱۲۵۰ ده اوقاف هایون ناظری اولدی. علی رضا اقدینك آیاصوفیه جامع شریفنده شهادتی اوزرینه ۲۷ رمضان ۱۲۵۲ ده رتبه مشیری ایله ضربخانه عامره دفتردارلغه تعیین اولندی.

مستقل نظارت ایله اداره اولته کلن حرمین اوقاف شریفه سی اوقاف هایون ایله توحید و ضربخانه عامره نظارتی علاوه ایدیله رك ۲۰ محرم ۱۲۵۴ ده پاشالق عنوانیه - ثانیاً - اوقاف هایون ناظری اولدی.

سلطان عبدالحجید خان حضرتلرینك جلوسنی متعاقباً ۲۱ جمادی الاولی ۱۲۵۵ ده انفصال ایدرك اوقاف نظارتی شوقی افندییه و ضربخانه مشیرلکی علی نجیب پاشایه توجیه اولندی.

رجب ۱۲۵۵ ده سلانیک والیسی اولدی. سلانیک و ترحاله سنجاقلری برلشدریله رك چرمن (ادرنه) متصرفی امین پاشایه توجیه و مشارالیه ذی الحجه ۱۲۵۵ ده عزل ایدلدی.

(۱) ۱۲۲۰ ده وفات ایدرك مولویخانه قپوسنده کی قبرستانه دفن ایدلشد.

۲۷ محرم ۱۲۵۶ ده مجلس والا اعضا، ۸ ربیع الآخر ۱۲۵۶ ده رؤف پاشانك مسند صدارته نصیله منحل اولان مجلس والا ریاسته تبیین ایدلدی . ۵ محرم ۱۲۵۷ ده انفصال ایدلدی .

باب عالییه کوندریلن خط هایونده : « تنظیمات خیریه نك حامی حقیقی مجلس احکام عدلیه اوله رق اوراده رئیس مجلس بولنانك تنظیمات خیریه اصوله هر وجهله معلومات تامه سی اولمقده حال بشقه اولوب اگرچه حسیب پاشانك ذاتاً غیرت واستقامتی مسلم ایسه ده پکده بو خصوصده معلومات کافی سی اولماسنه بناءً عزل وتبدیلی ومستوفی معاش ایله شمیدلك خانه سنده اقامت ایلمی » اراده بیورلدی [۱]

« روم ایلی وانا طولیده داخل دائره تنظیمات اولان مواقعی کشت وکذار وتنسیقات ملکیه وتنظیمات مقررده نك تأییدینه صرف اقتدار ایتمک اوزره » [۲] . خارجیه ناظر سابق رفعت پاشا، روم ایلی و حسیب پاشا ، اناطولی امور تفتیشیه سینه جمادی الآخره ۱۲۵۸ ده مأمور ایدلدی .

لطیف افندی تاریخنده دیرکه : [۳]

« مشار الیهانك استانبولدن تبعیدلریچون بو مأموریتلرک احداث اولندی حوادلری ایشیدلدی . آرهدن بر مدت مرورندن یعنی عزت محمد پاشانك انفصالندن صکره تفتیش مأموریتی کشت وکذاره متوقف وهوسم ایسه غیر مساعد اولدیغندن ایجاب ایتدیکی حالده موسم بهارده مأموریتلری جانبیه عزیمتلینه قرار ویرلک اوزره مشار الیهانك مأموریتلری تأخیر اولدی . متعاقباً مجلس احکام عدلیه اعضا، مأمور اولدیلر . تفتیش ایشی صکره کیمسه تفتیش ایتدی . ویریلن خرج راهلری مالیه خزینه سی، سینه یه چکدی » .

مشار الیه « اصدقای بندکان شاهاندهن اولمسنه بناءً سائر وکلا ایله

[۱] [تقوم وقایع نومرو : ۲۱۹]

[۲] [تقوم وقایع نومرو : ۲۴۴]

[۳] [جلد ۷ صحیفه ۴۳]

رکاب رسم عالی‌رنده بولنسنه و مصالح دوله وقوفی جهتیله مجلس خاصه داخل اولسنه » [۳] شوال ۱۲۵۸ ده اراده سینه صدور ایتدی .

۲ ذی‌القعدة ۱۲۶۰ ده - ثالثاً - اوقاف هایون نظارتنه تعیین ، ۲۳ رجب ۱۲۶۶ ده عزل اولندی . ۱۴ شوال ۱۲۶۴ ده جده والیسی اولدی . ۱۲۶۵ ده انفصال ایلدی . رجب ۱۲۶۶ ده خزینة خاصه نظارتنه مؤخرأ مجلس والا اعضالغنه ، جمادی‌الآخره ۱۲۶۹ ده - ثانیاً - خزینة خاصه نظارتنه ، ۲۸ ذی‌القعدة ۱۲۷۰ ده - رابعاً - اوقاف هایون نظارتنه ، مصطفی نائلی پاشانک صدارت ثانیه‌سنده ۱۱ ذی‌الحجه ۱۲۷۳ ده مالیه نظارتنه ، ۱۱ شعبان ۱۲۷۴ ده - خامساً - اوقاف هایون نظارتنه ، ۲۳ رجب ۱۲۷۵ ده صفوقی پاشانک استعفا سی اوزرینه - ثانیاً - مالیه نظارتنه ، ۱۶ ذی‌القعدة ۱۲۷۶ ده مجالس عالییه ، ۴ شوال ۱۲۷۷ ده - ثالثاً - خزینة خاصه نظارتنه مأمور اولدی . محرم ۱۲۷۸ ده عزل ، ۱۲۸۲ ده معزولیت معاشی تخصیص ایلدی .

ذی‌الحجه ۱۲۸۶ ده شیخ‌الحرم اوله‌رق ۱۲۸۶ ذی‌الحجه‌سنک ۲۳ نجی جمعه ایرتسی کیجه سی وفات ایتدی . اسکدارده سلیمیه جامعی حظیره‌سنه دفن اولندی . کثرت اولاد واحفاد و ثروت ایله معروف ایدی .

§

مشارالیهک زمان نظارتلرنده کی اجراءات :

صدر روم ایلی ، امام آول شهریاری ، نقیب‌الاشراف ایله داود پاشانا بئیک زیرنظارتلرنده بولان اون‌بش‌وقف ۱۸ ذی‌الحجه ۱۲۵۰ ده ،

بروسه ده خداوندگار وقف‌لیله ابا ایوب انصاری رضی الله عنه و قی ۲۲
ذی الحجه ۱۲۵۰ ده اوقاف هایون نظارتنه الحاق اولندی .

۱۳ رجب ۱۲۵۱ ده غلطه ، قاسم پاشا ، اسکدار ، بشکطاس ،
یکی قپو مولویخانه لرینه معراجیه اوله رق سنوی بیکر غروش تخصیص
قلندی .

۵ رمضان ۱۲۵۱ ده استانبولده اصحاب کرام حضراتندن بعض
ذوات نامنه تربله لر انشا و تربله دارلر تعیین ایله وظائف ترتیب اولندی .
مکتب حریبه جامعیه مکتبک خدمه سنه ، طریقت نقشبندیه و طرق
سائر درگاهلری مشایخه تعینات تخصیص ایدلدی .

۱۷ صفر ۱۲۵۲ ده ایوب ، فاتح ، بایزید ، سلطان سلیم ، لاله‌لی
نصرتیه جوامع شریفه سنده هر هفته جمعه و صالی کونلری تدریس اولنق
اوزره شفاء شریف درسیه سی احداث و وظائف تخصیص قلندی .

تدریسه شهری یتیم غروش معاشله مأمور اولان علما :
ایوبه : تیکوشلی ابوبکر افندی . فاتحه : ودینلی مصطفی افندی .
بایزیده : توقادی حسن افندی . سلطان سلیمه : برکویلی حافظ علی
افندی . لاله‌لییه : کنفریلی حافظ علی افندی . نصرتیهیه : یحیی افندی
تربله داری شیخ نوری افندی .

مرمریسده هاشم دده و ساطتیه مجدداً مولویخانه انشا ، انقرده ده
تاج‌الدین زاده درگاهی شیخه اوقاف عمومیه دن معاش تخصیص ایدلدی .
کوتاهیه ده درسعام السید مصطفی رشدی افندی « هدیه ابرار »
نامیه تالیف ایلدیکی کتابی ذات شاهانه یه تقدیم ایتکله کوتاهیه ده
مدرس اولق اوزره اوقاف هایونندن ۱۷ ربیع‌الآخر ۱۲۵۲ ده معاش
تخصیص قلندی .

۲۵ ربیع‌الاول ۱۲۵۴ ده التی جامع شریفه بخاری خوانلق
احداث و وظائف تخصیص ایدلدی .

۲۲ رمضان ۱۲۵۴ ده مصطفی پاشا زاده بکر بك ساحلخانه‌سی
ایکی یوز بیک غروشه منجم باشی طرفندن آله‌رق بو مبلغك نصفی
اوقاف ونصف دیگرى مالیه خزینهلرندن ویرلدى .

۲۵ ذی‌الحجه ۱۲۵۴ ده اوقاف هایون نظارتجه « مکتب رشديه
نظارتی » تشکیل قلندی .

۳ محرم ۱۲۵۵ ده سلیمانیه درسخانه‌سی تجدیداً تعمیر و « مکتب
علوم ادبیه » تسمیه ایدیلارک ادبیات عربیه وفارسیه تدریسی ایچون
بر معلم ومعاون تعیین وشا کردان اوچ صنف اعتباریله هربرینه معاش
ترتیب اولندی . معلمکه تعیین ایدیلن نعمان افندی‌یه (۵۰۰) ومعاون
محمد افندی‌یه (۲۰۰) غروش معاش تخصیص قلندی (بر سنه صکره
معلمه (۲۰۰) ومعاونه (۵۰) غروش ضم ایدلدى .

۲۶ جمادى‌الآخره ۱۲۶۳ ده مکتب علوم ادبیه‌عدلیه‌معالمی خواجه
نعمان افندی‌یه تقاعد معاشی تخصیصیله معلمکه بایزید درس‌عاملرندن
السید اسحق افندی تعیین اولندی .

مالیه خزینه‌سیله خزینۀ عامره‌نك و ضربخانه ایله اوقاف نظارتك
توحیدندن طولانی ۵ محرم ۱۲۵۵ ده ضبط مخلصاتك اوقاف نامنه‌ضبطی
الغا ایدلدى .

بروسه‌ده سلطان عثمان ، اورخان ، مراد اول ، بایزید اول ،
چلبی محمد ، مراد ثانی حضراتك تربهلرنده سنه‌ده بر کره بخاری
شریف ختم‌ایتمك اوزره اون درس‌عامه‌یدی یوز‌الیشر غروش اعطاسه
۱۳ صفر ۱۲۷۲ ده اراده‌ سنیه صادر اولدى .

سلاطین عظام اوقافی متولی قائممقاملغی وکالتلرینک لغویله وکیل
اوطه‌لرنده رؤیت ایدیلن فراغ وانتقالات معاملاتك اوقاف نظارتنده
مجدداً تأسیس اولتان سندات اداره‌سنه‌احاله‌سنه ۱۹ ربیع‌الاول ۱۲۷۲ ده

اراده سنيه صدور ايتدى . سندات مديريتته صالح افندى تعيين و
 « ۷,۵۰۰ » غروش معاش تخيص اولدى.

روضه مطهره نك تجديداً تفريشنه مقدا اراده صدور ايتكمه ۲
 جمادى الاخره ۱۲۵۱ ده صاروخان متسلمى الحاج ايوب آغا طرفدن هر
 زراعى اوتوزر غروش اولق اوزره (۷۵۹۵) زراع قاليچه اعمال ومصرفى
 اولان درت يوز كسور كيسه تسويه ايله محل عاليه ارسال اولدى .
 اون قباننده سيد احمد البخارى ترهسى اتصائلده (۴۰,۰۰۰)
 غروشله برجام بناسنه و خانقاهك (۲۰,۰۰۰) غروشله توسيعاً انشاسنه
 ۵ ربيع الاخر ۱۲۵۸ ده ، طائفده بر موقتخانه انشاسنه ۱۷ ربيع -
 الاول ۱۲۶۳ ده اراده سنيه صادر اولدى .

نام شاهانه يه ساقزده انشا اولنان جامع و چشمه ۱۳ صفر ۱۲۶۴ ده
 ختام بولدى .

حرمين ترجمانى احمد نظيف افندى « صرف تركى » عنوانيله
 شهزاده مراد افندى نامه بر اثر تأليف وحضور هايونه تقديم ايتكمه
 (۷,۵۰۰) غروش عطيه اعطاسى اراده بيورلدى .

استعطاف ايجون در سعادته كلن حرمين اهاليسنك كثرته بناءً اوچ
 صنفه آيريله رق برنجى صنف وكلا ، ايكنجيسى رجال دولت قوناقلرنده ،
 اوچنجيسى مسافر خانه لرده اقامه و حققرنده ابراز حرمتله حالرينه كوره
 اكراميه اعطا ايدلمكده ايدى . ماليه و اوقاف خزينه لردن و يرلن
 مبالغك عدم كفايتى جهتيه مأمورينك بش بيك غروش و دهافضله
 معاشليرلندن محرمه تصادف ايدن ماه رومى يه محسوباً هر سنه معاشليرينك
 عشرى قطع و اهالى مذكوره يه تخيص اولنمشدى . بونلر مطيباً
 حرمينه اعاده ايدلدكجه مصارف سفر يه و آريجه اكراميه ده و يرلمكده
 ايدى . معاشليرلندن كسيلن مبالغده كفايت ايتديكندن (۲,۵۰۰) غروشندن
 زياده معاشليرلندن ده هر سنه عشرينك اكراميه اوله رق قطعنه ۱۱ ذى الفعه
 ۱۲۷۰ ده اراده سنيه صدور ايتدى .

(۱۲۷۶) ده امیرمکه شریف عبدالله پاشا هر سنه حرمین اها لیسک ا کرامیه آلق ایچون درسعادتہ کلرینہ ممانتله برابر ا کرامیه یالکز استانبوله باشهادتنامه کلنلره منحصر اولیهرق کلہین اہالی یدہ ویرلسنی اشعار ایتسیلہ استانبوله کلک ایستہینلرک منعی موافق اولمیدینی بیلدیریلرک شهادتنامه آلوب یدہ استانبوله کلہینلرہ نصف ا کرامیه ویرلسنی تقرر ایلدی] .

اماسیہ مولویخانہ سنی ، شیخی محمد دده افندی قرق بیک غروش صرف ایدرک ا کمال ایدہ مدیکندن خزینہ اوقافدن (۱۵,۰۰۰) غروش اعطاسیلہ ا کمالہ ، اناتولی وروم ایلدہ کی کافہ اوقافک یرلیدن بررکیمسہ تعینیلہ اداره سنہ محرم ۱۲۵۴ ده ارادہ سنیہ صدور ایتدی [بومأمورلرہ یوزاون غروش ویرلدی . بونلر (معجلات مأموری) و (معجلات مدیری) عنوانلرینی حائز اولدیلر . مقدما اوقاف حرمین معجلات مدیرلری هر بلدہ جسیمہ یدہ آری ایکن نظارتلرک توحیدندہ بونلرہ توحید اولندی] .

ایاصوفیہ جامع شریفی ایلہ قربندہ کی تربلر ، مدرسہ ، عمارت ، سبیل ، وقف اوطہ سنک تعمیرینہ مباشرت اولندی . [۱]

[۱] تعمیراتہ حبیب پاشاک زمان نظارتندہ باشلائوب عارف ، علی شفیق پاشالرہ علی رضا افدینک زمانندہ دوام ایدلشددر . [نیشان ۱۲۶۳ - شباط ۱۲۶۶] مصارف تعمیریه (۷,۲۹۵,۵۰۰) غروشدر . تاریخ لطفده [جلد ۸ صحیفہ ۱۸۵] دینلیورک : « آيا صوفیہ جامع کبیرنک امور تعمیریه و تربینہ سی رھین حسن ختام اولهرق ۱۲۶۵ رمضان شریفنک ایلک جمعه کونی کشادیلہ سلاملق رسمی اورادہ اجرا اولندی . رسم مذکورده بالجلہ وکلا واستانبول رادہ سنہ قدر علما وبعض متجزان اصرا و بندکان البسہ رسمیه لرلہ حاضر بولمشلردر . مصارف تعمیریه اوئشادہ بلاولہ وفات ایدن شیخ الاسلام مکی زاده مصطفی عاصم افندی مرحومدن [وفاتی ۱ ذی الحجہ ۱۲۶۲ ده در] جانب بیت المالہ عائد اولهرق ظهور ایدن کلیتلو نقود وکرانہا جواہر نامعدود ایلہ تسویہ اولمشدر . نم التسویہ و نم التزک . بو تعمیرک خاطرہ سی اولق اوزرہ برده مدالیہ احداث ایدلشددر .

فاتح حضرتلرينك خيراتسندن اولان طورونجلى صوينك سور
خارج و داخنده كي آنا يوللريله اوقاف سائرہ صو يوللري ، بلغراد
قريه سي جوارندن داخل سوره قدر صو لغملري و بندلريله كمرلري،
قائلي قواق جوارنده سلطان سليمان حضرتلري وقفندن اولان چشمه لر
و ساحلخانه لره جاري صو يوللريله لغملري ، بروسه ده زلزله دن خراب
اولان جامع لره تربلر، درسعادتده و طشردده برچوق جامع ، مسجد،
درگاه ، مدرسه ، مكتب ، چشمه تعمير و تجديد ايدلدي.



موسی صفوتی پاشا

قریملی ابوبکر رفعت افندینک [۱] اوغلیدر . اقلامه دوامله
حسیب پاشایه کاتب اولدی . ۸ شعبان ۱۲۵۰ ده دیوان هایون
خواجهلکی توجیه ایدلدی .

حسیب پاشانک ۱۲۵۰ ده اوقاف هایون نظارتنه تعییننده عهدہ سنده
بوننان بغداد و موصل ، قوکتخدالفری مشارالیه احاله قلندی .
مؤخرآ جزیه = صلی ، ۲۷ رمضان ۱۲۵۲ ده اوقاف هایون ناظری
اولدی .

حضور شاهانیه تقدیم ایلدیکی عریضه ده : نظارتک توجیه پدن
طولانی تشکر ایتدکن صکره جوامع سلاطینی کزوب محفل هایونلرده کی
مفروشاتی عموماً تجدد ایلدیکندن زیارت بیورلمسنی استرحام ایتشدرد .
رتبه ثانیه نك صنف اولنده و ملکیه و خارجیه مستشارلفری
صره سنده بولمق وترسانه مدیرلکی ترك اولمق اوزره ۱۸ ربیع الاول
۱۲۵۳ ده مجدداً بحریه مستشاری ، ۲۲ جمادی الاولی ۱۲۵۵ ده
خزینة مقاطعات دفترداری اولدی .

التزامات اصول مضره سی الغا اولندیغندن مقاطعات دفتدارلنی
عنوانی ده لغوایله خزینة عامره و مقاطعات دفتدارلقلری برلشدریلهرک
تشکیل قلنان خزان عامره دفتدارلنی ۱۴ ذی القعدة ۱۲۵۵ ده

[۱] اسعد مخلص پاشانک وذوات سائرهنک کتابتلرنده بولنمشدر . عالم
وشاعردر . منشأی ایله دیوانی برلکده اولهرق ۱۲۵۴ ده بولاقده طبع
اولنمشدر .

مشاراليه و دفتردار معاونلكي مشاراليهك برادري مكتوبى ماله خلفاسندن مصطفى رضا افندى به توجه اولندى .

تنظيمات خيره ملكيهك اجراسندن طولاي خزان مالهده اصول عتيقه بالطبع يتوب خزان عامره دفتردارلنك وظيفه مخصوصهسى قالدیفندن وامور مالهك بعد ازين مستقلاً ماله ناظرى وساطتيله ادارهسى ايجاب مصلحتندن كورنديكندن مذكور دفتردارلنك الغاسيله مشاراليه صفر ۱۲۵۶ ده مجلس والا اعضالغنه مأمور ايدلدى .

مصر واليسى محمد على پاشادن استرداد ايديلن شام و كريدك امورينى تنظيمات خيره اصولنه تطبيقاً اداره ايتك اوزره ذى القعه ۱۲۵۶ ده شام دفتردارلغنه نصب اولندى . محل مأموريتنه متهى عزيمت ايكن صائب پاشانك مجلس والا رياسته تعييننده ۵ محرم ۱۲۵۷ ده رتبه وزرات و مشيرى ايله ماله ناظرى اولدى .

باب عاليه كوندربلن خط هايونده : « شام دفتردارى اولان موسى صفوتى افدينك مقدما دفتردارلق ايتسى و كنديسى امور حسابيه واقف و جريزه و درايته متصف اولمسيه رتبه مشيرى ايله ماله نظارتنه مأمور » ايدليكي محرردر .

۱۴ شعبان ۱۲۶۱ ده انفصال ايتدى .

شوال ۱۲۶۱ ده سلانيك اياالتندن ارتباطى فك ايديلن ترحاله متصرفلغنه ۱۳ ربيع الاخر ۱۲۶۲ ده شام واليكنه نصب و ۸ ربيع الاخر ۱۲۶۴ ده عزل ايدلدى .

ربيع الاول ۱۲۶۵ ده جزاير بحرسفيد واليكنه تعيين قلندى .

۲۹ ذى القعه ۱۲۶۵ ده قسطنطينى ، ۱۶ صفر ۱۲۶۷ ده انقره واليكلرينه نصب اولندى . معذرت وجوديه سندن بمحله ۲۷ رجب ۱۲۶۸ ده استعفا ايلدى .

۲۷ ذی القعدہ ۱۲۶۸ دە - ثانیاً - جزایر بحرسفید والیسی اولدی
ایسه ده متعاقباً دیگر بر ذات تعیین اولندی .

۹ محرم ۱۲۷۰ دە - ثانیاً - مالیه، ربیع الاول ۱۲۷۱ دە تجارت،
۲۷ ربیع الآخر ۱۲۷۳ دە - ثالثاً - مالیه ناظری اولدی .

ذی الحجه ۱۲۷۳ دە عزل و ۱۱ شعبان ۱۲۷۴ دە - رابعاً - مالیه
نظارته تعیین اولندی . ۲۳ رجب ۱۲۷۵ دە استعفا ایتسی اوزرینه
- ثانیاً - اوقاف هایون نظارته تعیین اولندی .

۱۸ ربیع الآخر ۱۲۷۶ دە مجلس والایاسته نصب ایدیلرک ۲۶
محرم ۱۲۷۸ دە انفصال ، ۴ شعبان ۱۲۸۱ دە ارتحال ایلدی . ایوب
قبرستانه دفن ایدلدی .

قره کی حسین آغا محله سنده بردرگاه نقشبندی و دروننده بر جامع
شریف و کتبخانه ، یکی کویده عثمان رئیس جامعی اتصالنده بر طاش
چشمه بنا ایلشدر .

§

مشار الیهک زمان نظارتلرنده کی اجراءات :

۱۶ ذی الحجه ۱۲۵۲ دە صو نظارتی احداث و اوقاف مضبوطه
و ملحقه و حرمیندن مبالغ کافیه تخصیص و مأمورین توظیف اولندی .
صو نظارته (۵,۰۰۰) غروش معاشله خواجکاندن شا کر افندی تعیین
و کاتب نظیف افندی به (۵۰۰) ، کتخدایه (۱۷۵) ، ایکی قوریجی به
(۷۰۰) ، ایکی چاوشه (۲۰۰) غروش تخصیص قلندی .

بشکطاشده یحیی افندی درگاهیه اسکدار ، غلطه ، قاسم پاشا ،
یکی قبو مولویخانه لرینک معاش و طعامیه لری تزید ایدلدی . بعض
جوامع ، مساجد ، درگاه ، مکتب ، مدرسه و اضر و مده زلزله دن

منهدم اولان اوتوزايکی جامع ، مسجد ، مدرسه ، خان ، حمام تعمیر قلندی .

۲۷ ترم ۱۲۵۳ ده سلطنت ، شهزادگان ، بعض رجال دولت فایقچیلرینه اوقاف و زناسندن « ۱۲,۵۱۰ » و متقاعدلرینه « ۷,۱۳۰ » غروش تخصیص اولندی .

حسیب پاشانک زمان نظارتنده مهرینی تقلیداً حک ایتدیره رک ساخته برچوق اوقاف تمسکاتی تحتیم و بصورتله مبالغ کثیره سرقت ایلدیکی تبین ایدن سلوری اوقاف مدیری کامل افدینک بعدالتشهر اون اوچ سنه مدتله کورکه وضعنه ۲۵ ذی القعدة ۱۲۷۵ ده قرار ویرلدی . ساخته مهری حک ایدن حکاک عزمی افندی معذور کورلدی .



احمد صادق زیورپاشا

دفترخانه کتبه‌سندن محمدصادق منیف‌افندینک اوغلیدر. ۱۲۰۸ ده
استانبولده مرکز افندی درکاهی قارشیسنده کی خانه‌ده طوغدی .

محبان جناب مولانادن اولان‌پدری ۱۲۱۸ ده وفات ایتدیکندن
و مشاهیر شعرادن شیخ غالب دده مرحومک ولد رضاعیسی اولدیغندن
یکی قپو مولویخانه‌سی پوست نشینی سید علی دده ، مشار الیهی ولد
مغوی اتحاد ایلدی .

اودورک اصولنجه تحصیل معارف ایدرک دفترخانه ، مؤخرآ
ضربخانه اقلامنه یدی سکزنسه دوام‌ایلدکدن صکره ۱۲۳۰ ده اعظم
وکلائی دولتدن وطریقت مولویه منتسبلرندن مشهور حالت افندی‌یه
خدمت کتابتله انتساب ایتدی .

حالت افندی ۱۲۳۸ ده قونیه‌یه اجلا اولندقدده برلکده کیتدی.
بالاخره منقاسی بالیکسری‌یه تحویل اولنمقله بر مدت‌ده اوراده قالدی .
مظهر عفو عالی اوله‌رق استانبوله عودتنده - مستأمنانه مخصوص
اولان- کمرک نظارتنه، بر مدت صکره آیدین متسلم ککنه‌تعیین اولندی.
یدی سکز آی صکره انفصال ایدرک ۱۲۴۱ ده روم‌ایلی سرعسکری
آغا حسین پاشانک کتابت خدمته کیردی ، ایکی سنه شمنی اردوسنده
بولنوب خواجه‌لک رتبه‌سنی احراز ایلدی .

حسین پاشانک عزلنده درسعادته حریرناظری عمرلطفی افندینک
کتابتنده استخدام ایلدی .

۱۲۴۹ ده تحمیس مدیرلککنه ، ۱۲۵۱ ده ترسانه مدیرلککنه
تعیین ورتبه‌سی اولی صنف ثانیه‌سنه ترفیع قلندی .

۱۸ ربیع الاول ۱۲۵۳ ده اوقاف هایون نظارتنه نصب و ۲۰ محرم ۱۲۵۴ ده عزل ایدلدی [۱].

۲۷ شوال ۱۲۵۴ ده تشکیل اولتان مجلس احکام عدلیه اعضالغنه، ۳ رجب ۱۲۵۵ ده علاوه بغداد و موصل قبو کتخذالقرینه، ۱۴ ذی القعدة ۱۲۵۵ ده مهمات حربیه نظارتنه، ۶ ذی الحجه ۱۲۵۵ ده رتبه اولی صنف اولی ایله ضربخانه عامره نظارتنه تعیین وعهدہ سندہ کی قبو کتخذالقرنل آخر ذاته توجیه قلندی.

بعد الانفصال ۱۲۵۸ ده مجلس والا اعضالغنه، ۲۴ جمادی الاولی ۱۲۵۸ ده تشکیل اولتان روم ایلی وارداتی دفتر دارلغنه تعیین وذی القعدة ۱۲۶۲ ده عزل ایله معاش تخصیص ایدلدی.

۱۷ ذی الحجه ۱۲۶۲ ده مجلس معارف عمومیہ اعضالغنه، ۲۳ جمادی الاخره ۱۲۶۳ ده مجلس معارفده کی مأموریتی باقی قالمق اوزره مجلس زراعت اعضالغنه، شعبان ۱۲۶۳ ده املاک هایون فابریقه لری نظارتنه، شوال ۱۲۶۴ ده علاوه ترسانه نظارتنه مأمور اولدی. و بالاخره فابریقه لر نظارتندن استعفا ایدلدی.

۴ جمادی الاخره ۱۲۶۶ ده حکیم باشلیق مأموریتک لغوی اوزرینه رتبه بالا توجیهی ایله مکتب طیبیه نظارتنه تعیین قلندی. ۲۹ ذی الحجه ۱۲۶۷ ده مجلس والا اعضالغنه، ۱۶ ربیع الاخر ۱۲۶۸ ده - ثانیاً - اوقاف هایون نظارتنه، ۲۸ ذی القعدة ۱۲۷۰ ده حساب پاشا ایله بجایشلری اجرا اولنه رق خزینه خاصه نظارتنه، ۱۱ ربیع الاخر ۱۲۷۱ ده

[۱] مقاطعاتک حین حاله سندہ آلتان (۹۰،۴۱۵) غروش رسومدن یالکز (۸،۰۰۰) غروشی ناظره، باقیسی نظارته عائد اولدینی حلاله تکدیلی نژندنه قالمسینه بناءً عزل ایدلدیکی واحتیاجنی خلفی حسیب پاشا عرض ومبلغ مزبورک احبان شاهانه اوله رق مشار الیه ترکیله عفوینه اراده تحصیل ایدلدیکی خزینه اوقافده محفوظ محرم ۱۲۵۴ تاریخلی دفتر احکام اوقافده محرردر.

نظارت معاش و تعیناتی ایله مجاس والا اعضالغنه ، ۱۲۷۲ ده وفات
ایدن داماد شهریارى خليل رفعت پاتانك تركهسى نظارتنه ، شعبان
۱۲۷۵ ده فاطمه سلطان كتمخدالغنه ، ۲۱ ذى الحجه ۱۲۷۷ ده رتبه
وزارتله حرم شريف حضرت نبوى مشيخته نصب ورجب ۱۲۷۸ ده
برنجى رتبه مجيدى نشانى توجيه اولندى .

۱۴ ذى الحجه ۱۲۷۸ ده مدينه منوره ده وفات ايدرك - وصيتى
موجبجه - جنة البقيع ده حضرت عثمان رضى الله عنك تربته شريفهسى
جوارنده مشايخ نقشبنديه دن محمد جان حضرتلرينك مرقدى قربنه
دفن ايدلدى .

سلطان محمود وعبدالمجيد خان حضراتنك زمان سلطنتلرنده انشا
اولنان مباني خيريہ واميريہ حك ايديلن تواريخ منظومه نك قسم
اعظمى مشار اليك اثيردر .

مخدومي - دفترخاقانى نظارتى معاون اسبقى - ارباب دانشدن
بهاءالدين بك مرحوم (۱) طرفندن مكاتيب واشعارينى حاوى « آثار
زيور پاشا » ناميله جمع ونشر ايديلن كتابده مندرج ترجمه حالنده
دينليوركه :

« علوم والسنة غريبه نك لزوم وفوائدى بزده الك اول تقدير
ايدنلردن اولوب كنجلكنده فرانسزجه يى تحصيله چالشمش اولدينى
- مخلقاتى مياننده خطدستيله ظهورايدن - برلنتچه دن آكلاشلمشدر .
مشاغل رسميه دن خالى اوقاتى مطالعه ايله امرار ، حتى مسافركه
عزيمتنده بر بيوك چانطه دروننده كى كتابلر كندينه رفاقت ايلرايدى .
وفاتندن صكره ديوننك تسويه سى ايچون الك زياده كو كنديكى ثروتى ،
خزانة الكتبي ايسه ده بر قاج بيك جلدن عبارت اولان او كتابلرك
اثمانى ، بورجنك ثنائى بيله ادايه كفايت ايتمه مشدر . ادبياتدن بشقه

فن هیئتمده انتسابی اولوب بعضاً رصدات ایله اشتغال ایدردی . ۱۲۷۶ده رؤیت اولنان سیاره ذوزنبه دائر بررساله سی واردر . سلطان عبدالحمید خان حضرت تلیرینک ، مشارالیه حقمنده توجهات مخصوصه لری بولندیغندن دائماً تلطف بیورلرلر مش . بولندیغنی مأموریتلرده حسن اداره یه موفق و اصلاحات پرورایدی . مکتب طیه نك اوتاریخلرده یتشدریدی بعضی امرای اطبادن مسموع اولدیغنی اوزره مرحومك اثنای نظارتنده مکتب اداره سنجه کوریلن حسن انتظام و انضباطی مدت تحصیللرینک بشقه بر زماننده مشاهده اتمه شلر . زیور پاشا ، صاریشین ، ماوی کوزلی ، کومراده فاشلی ، چکمه برونلی ، طوبچه چهره لی و صقاللی ، معتدل بویلی ، ملحه مچه ، صبیح و بشوش یوزلی ، مناسب اعضالی ، عصی مزاجلی ایدی . عقیده کمله اصحابندن ایدی . جوار رسول الله (صلی الله علیه وسلم) ده غنوده خاك غمرا ن اولمق شرفه نائلیت ایچون شیخ الحرمك منصبی اوتادن بری پك زیاده آرزو ایدوب برحل وقوعنده تعییننه باب عالی دن وعد آلمش و صدر اسبق عالی پاشانك زمان صدارتنده شیخ الحرم اشقودره لی مصطفی پاشانك ارتحالی اوزرینه ، بووعدك انجامازی زمانی کلمش ایسه ده دیگر مرعی الخاطر طالبلر دخی بولندیغندن و مخدومی صلاح الدین بك ، صدر مشار الیهك دامادی اولسیله مشار الیهك شوو صورتله درسعادتن مفارقت ابدیه سی بالطبع آرزو ایدیله مدیکندن قرعه ایله انتخاب اصوله مراجعت اولندوقده نامه اصابت ایتمکله عاقبت املنه نائل اولمشدر .

§

مشار الیهك زمان نظارتلرنده کی اجراءات :

۲۵ جمادی الاولی ۱۲۵۳ ده کمرك دائره سی بناسیله اوکند ، برچشمه انشا اولندی .

۱۵ شوال ۱۲۵۳ ده رجال دولت و ذی الحجه ۱۲۵۳ ده سلطنت
قایقچیلرینه، خزینۀ اوقافدن معاشات تخصیص ایدلدی .
ذی الحجه ۱۲۵۳ ده استانبولده اون یه قایقچیلر کتخداسی ،
برکاتب ، برما مور تعین و معاشلر تخصیص ایدلدی .
ذی الحجه ۱۲۵۳ ده موقوف اراضی و چفتلک لک لک تحریینه معجلات
ناظر لری تعین قانلدی .

قدس مسئله سنک اندفاعنه مدار اولق اوزره منازع فیه کلیسانک
اخشاب قله سنک کارگیر اوله رق تعمیرینه ۱۷ ربیع الاول ۱۲۷۰ ده
ارادۀ سنیه صادر اولدی . مؤخرآ صخرۀ مبارکه نك طامی
و خلیل الرحمن تر به سنک تعمیر مصرفی ده علاوه ایدیلرک مجموع
مصارف « ۴۶۶,۳۰۵ » غروشه بالغ اولدی . نافعۀ اعضاسندن اسعد
افندی (۵,۰۰۰) غروش معاشله بنا امینی و برچوق روملر بول معاش
و خرج راه ایله اوسته اوله رق کوندردلی .

اوقاف هایون تعمیرات مدیرلکی (۱,۵۰۰) غروش معاشله
برذاته توجیه و بعده بش یوز غروش تنزیل اوله رق ابنیۀ خاصه مدیری
حسام الدین افندی یه و ربیع الاول ۱۲۶۹ ده ابنیۀ خاصه مدیری
اولان شا کر افندی یه علاوه مأموریت ایدلش ایسه ده حسن اداره
اوله مدیغندن ۲۹ جمادی الاولی ۱۲۷۰ ده تعمیرات مدیری اولان رضا
افندی یه (۱,۵۰۰) غروش اعطا و مذکور مدیریت، ابنیه مدیرلکسندن
تفریق ایدلدی .

سلطان احمد جامعی و تر به سی ایله موقتخانه سنک تعمیراتی ختام بولمغله
۱۲۵۳ رمضانک اوچنجی جمعه کونی رسم کشادی اجرا اولندی .
محمد پاشا یقوشنده اوز بکلر تکیه سی مجدداً انشا اوله رق
۱ ذی القعدة ۱۲۵۳ ده و خرقة شریف دائرہ سی و جامعہ نك انشا آتی ۲۴
شعبان ۱۲۶۹ ده ختام بولدی .

سلطان عبدالمجید خان حضرتلرینک والدہسی بزم عالم والدہ
سلطان جانبندن طولہ باغچہدہ انشا ایدیلن جامع شریف ۲۵ شوال
۱۲۷۰ دە ختام بولہرق وقفہسی تنظیم وخدمہسی ترتیب ایدلدی .
بعض جامع ، مسجد ، تکیہ ، تربہ ، مکتب ، کتبخانہ ،
مدرسہ ، چشمہ لرایلہ سلیمانیہ خیراتنہ جاری حلقہلی صویولاری،
اسکدارده عموم صویولاری تعمیر اولندی .



السید محمد شوقی افندی

باب عالی باش قبوقولاری ضابط و مأمور لغنده سنین و فیره استخدام
اولئان ساداتدن خر بوتلی حافظ مصطفی افندینک اوغایدیر . ۱۱۹۸ ده
کوچک آیاصوفیه محله سنده طوغدی .

مشاهیر علمادن عربی و فارسی، هندسه و حساب تحصیل و خطوط
متنوعه دن اجازت اخذ ایتدی .

۱۲۱۹ ده بالامتحان باش محاسبه قلمنه دخول و اصول قلمیه نی تحصیل
ایله قطع مراتب ایلدی .

۱۲۳۰ ده جیب هایون کتابته انتخاب و تعیین و ۱۲۳۹ ده
خواجکانلق ایله کوچک قلعه تذکره جیلکنه تحویل اولندی .

ربیع الاول ۱۲۴۲ ده اوقاف هایون کیسه داری، ۱۲۴۷ ده ضربخانه
عامره صاحب عیاری، ۲۰ محرم ۱۲۵۴ ده رتبه اولی ایله اوقاف هایون
و ضربخانه عامره مستشاری اولدی .

۲۱ جمادی الاولی ۱۲۵۵ ده ملحق اولان حرمین شریفین و اوقاف
هایون نظارتلری توجیه اولندی . و نظارتک رتبه اولی اعتبار ایدلمسه
اراده سنیه صدور ایلدی . ۲۷ جمادی الاخره ۱۲۵۶ ده انفصال ایتدی .

« الحاله هذه معزول و خانه سنده اقامتله دعای پادشاهی ایله مشغول
اولدیغنه و امور مالییه واقف و درایت و فطانت ایله متصف اصدقای
بندکندن بولنسنه بناءً مقدار کفایه معاش تخصیصیه » [۱] ربیع الاول
۱۲۵۷ ده تجارت مستشارلغنه تعیین اولندی . « تجارت نظارتک رتبه
اولی دن اعتباریله صارم افندی به توجیهی ملا بسه سیله مستشارلغک بالطبع

[۱] [تقوم وقایع : نومرو ۲۱۴]

لژیومی قالمدیغندن شمдіلك بوشده قالمق اوزره « ۱ » ربیع الآخر ۱۲۵۷ ده مجلس محاسبه مالیه اعضالغنه ، عاكف افندینك و یانه سفارتنه مأموریتده ۶ ذی القعدة ۱۲۵۷ ده مجلس محاسبه مالیه ریاسته ، ۴ جمادی الآخره ۱۲۵۹ ده مجلس والا اعضالغنه تعیین وشوال ۱۲۵۹ ده معاش تخصیصیه اعضالقدن عفو اولندی .

۵ جمادی الاولی ۱۲۶۱ ده مجلس محاسبه مأمور اولدی . مجلس محاسبه نك الغاسیه دیوان محاسبات مالیه نك تشکیانده مخصص اولان اونیش بیک غروش معاشنی آلق و دیوان محاسبه دوامده مختار اولمق اوزره متعلق بیوریلان اراده سنیه موجنبجه قوناغنده اقامت ایلدی . ۱۲۸۱ ده وفات ایتدی . ایوبده کوچك امیر افندی ترهسی اتصالنده کی قبره دفن اولندی .

خطوط متنوعده ماهر اولدیغندن بعض الواح نفیسه سی مخدومی مجلس مالیه اعضالغندن متقاعد علی شفیق بك افندی ایله دیگر ورثه سنك نزدنده محفوظدر . فن موسیقیده و تذهیب ، تجلید ، نسج کبی سائر صنایع نفیسه دده مهارتی مشار ایله علی شفیق بك طرفندن افاده ایدلمشدر .

§

مشار الهك زمان نظارتنده کی اجراآت :

بیوك دره اوزرنده سلطان محمود ثانی حضر تهرینك نام شاهانه لریله موسوم صو بندینك انشاسنه و بعدالاکل بریاضات عامه ترتینه طرف هایوندن مأمور اوله رق وظیفه ، وودوعه یی حسن ایفا ایلدی . سلطان عبدالحمید خان حضر تهرینك اراده سنیه لریله سلطان محمود خان تره سنك رسمی عرض و انشاسنه نظارت ایلدی . تره ایله سیل و موقتخانه نك ختامده خدمه یه وظائف ترتیب ایدلدی .

استانبول داخلندہ کی قبر لڑہ میت دفن ایدلہ مسنہ ۲۱ شعبان ۱۲۵۵ء
فرمان ہایون صادر اولدی .

جامع ، تربہ ، مدرسہ ، صویولارندن بعضلری تعمیر ایدلدی .

§

اخطار

مشارالیه شوق افندینک زمان نظارتندہ کی اجراآت بالایہ نقل اولنان
مواددن عبارت دکل ایسہ دہ کرک مشارالیهک ، کرک نظار سائرہ دن بعض
ذواتک ہنکام نظارتلرینہ عائد دفاترہ حسین حسام الدین افندی مخزنلردہ
تصادف ایدہ مدیکندن بولنہ بیلن برقاج مادہ نک تقیلہ اکتفا اولندی . ینہ
بوسبلہ بعض نظارک اجرا آتی دہ ممالمجبوریہ مسکوت عنہ براقلدی .



نعمان ماهر بك

آغریبوز خاندانندن عثمان رشید بکک اوغلیدر . مملکتنده تحصیل معرفتله مشغول اولدیغی ائناده موره والیسی ابوبکر سامی پاشایه داماد اولدی . مدرسلک رؤسی اعطا اولندی .

۱۲۳۸ ده استانبوله کلوب رؤسی خواجهکانلق رتبه-سنه تحویل و صدارت مکتوبی قلمنه مأمور ایدلدی . شوال ۱۲۴۷ ده بروسه مقاطعه جیسی اولدی .

قدرت قلمیه سندن طولانی ۱۲۴۸ ده آمدی خلفالغنه تعیین اولندی . ملکیه ناظری پرتو پاشانک عزلیله ادرنه یه نفینده عاکف پاشا ، مشارالیه خاف اوله رق باب عالیجه بعض تبدلات اجرا ایتدیکی صمرده ماهر بکی جمادی الاخره ۱۲۵۳ ده خارجیه کتابتیه تعیین ایتدی . عاکف پاشا - بالذات یازدیغی - عرض تدکره-سندده دیرکه :

« خدامدن ماهر بک بنده لری ، قاشلی انشایه مقتدر و یازدیغی آسکلار کاتب ایسه ده مکالمه مضبوطه سی و مجلس تقریرلری طرفنده ممارسه سی اولیوب کریمه-سنگ و فاتیه-دخی بک فتورلی اوله رق حتی قلدی ترک ایله حج شریفه عزیزی قورمش ایکن بنده کزک الحاحله قلمه کیدوب کلیمه باشلامش ایدوکنه وشکیب افندی بنده لری هم چوبک وهم متفن اوله رق یازو یازمقدن اوصانز و سریع النعم و هوسلی اولدیغنه مبنی آمدجیلک شکیب افندی یه ودولتو رشید بک افندی ایله ماهر بکک پیننده غایت حسن الفت و امتراج اوابی حبسیله [۱] خارجیه کتابتیک ماهر بکه توجیه بیورلسی » .

[۱] « صدر اسبق رشید پاشا ایله موره ده ایکن معارفه قدیمه-سندن طولانی ماهر بک ، مشارالیهک فوق العاده حرمت و رعایت مخصوصه-سنه مظهر اولمشدر » [تاریخ طغنی : جلد ۶ صفحه ۱۲۶] .

ش. جان ۱۲۵۳ ده مأموریتی تقويمخانه و مطبعه نظارتنه تحويل ايدلدى [۱]. خارجيه نظارتى مأمورلرينك داخلهدن تفریقيله اقلامنك ترتيبه مباشرت اولنه رق آمدی او طه سی داخله و خارجيه صنفلری ايله ايکي به تقسيم و برينه معروضات داخله ، ديکرينه معروضات خارجيه او طه سی اطلاق ايديلوب معروضات داخله کتابته آمدجى شكيب افندی و معروضات خارجيه کتابته ۲۳ ذى الحجه ۱۲۵۳ ده ماهر بك نصب اولندی .

— لطان عبدالمجيد خان حضرتلرينك جلوس هايونلرينى متعاقباً ۲۰ ربيع الاخر ۱۲۵۵ ده آمدجى ، ۲۷ جمادى الاخره ۱۲۵۶ ده اوقاف هايون ناظرى اولدى .
لطفى افندی ديركه :

« بوتوجهاتدن حصه مند سرور اولانلرك چوغى رشيد پاشايه مناسبت و تعلقلرى اولانلردر . ماهر بکه رشيد پاشانك فوق العاده حرمت و رعایتى وار ایدی . اوقاف نظارتى و كلائى مسندى اولديغدن بو حالدن ماهر بکك بمنون اولسى لازم کایر ايکن باب عاليدن تبعيد مناسنه ذهاله بوتوجهدن مکدر و مغموم اولشدی . رشيد پاشايه اولان لوحه خاصه مصادقت و محبتنه بوايشك براقدینی نقطه عتمه انفعال الى وفاته قابل محو و انحلال اوله مدينى محرر فقير بيليرم . رشيد پاشا ، تنظيمات خيريه يولنه هر شيئي کوزه آلدیرمش اولديغدن تنظيماته قارشى ذره قدر غبار تعرضه متحمل دکل ایدی . بوکا شاهد ماهر بکك آمدجیلکدن انفصايدر . رشيد پاشا ، بوکا کک شانى اولان قهر يوزندن ماهر بکه لطفنى اجرا ایلديسه ده ماهر بک باب عاليدن چيقدینی جهتله بو لطفى هيچه صایدی . رشيد پاشانك ماهر بکه بو قدر محبتى اوزرينه آندجیلکدن چقارمسنه سبب شو اولشدرکه : ماهر بک ؛ تنظيمات خبريه اصولانى تحسین طيفنده دکل ایدی . حتى رفعت بکه [رفعت پاشا] « تعجب ايدرم سزك حالکزه . وقتيله ابوالسعود و ابن کمال کي ذانلرك وضع ایلدکلری قانونى بوزوب سزك کي ذاتلر ، آنلره بدل قانون وضع و تنظيم ايدیورسکز » [۱] « ماهر بک ، رشيد پاشا منسوبلردن اولسيله باب عاليدن تبعيديله رشيد پاشايى اوزمک ايسته ديلر » .

دیدبکنی فقیر کند پسندن ایستمشه در. رشید پاشا اوروپاده و ماهر بک اوقاف ناظری اوله رق درسعادتنه بولندینی وقت برجه سلامانده سلطان عبدالمجید خان حضرتلری، ماهر بک متعصب اولدینی بیلدکاری جهته معرض لطائفده «عجبا بکون اوروپاده رشید پاشا جمعه نأزینی نصل ادا ایدر» دیو ماهر بکی شرف خطاب عالیله ملتفت بیوردقلرنده «بوراده ایکن قیامز ایدی که اوراده قیلسون» دیدبکی مشهوردر. بوسوز اوروپاده رشید پاشایه عکس ایدوب درونی ماهر بکه کوجمنش ایسه ده صفات ثابتسی اقتضاسنجه ینه معامله سابقه مخاصت کارانه سنی بوزمبوب الی وفانه ماهر بکه حسن معامله ایلله اصرار وقت ایلمدر. [۱]

«ماهر بک عقیف و درایتکار بندکاندن اوله رق ایفای مأوریتنه اعتناو غیرت ایتمکده ایسه ده مأوریت مذکورده مصالح جسیمه دولتن اولمق و میر مومی الیه خدمت مذکوریه وجودجه متحمل بولنماق حسیله عزلی لازم کلدیکندن» [۲] ۱۶ جمادی الاولی ۱۲۵۸ ده اوقاف نظارتندن انفصال، ۲۴ صفر ۱۲۵۹ ده ارتحال ایتدی. ایوبده بوستان اسکله سنه دفن اولندی.

لطیف افندی دیرکه :

«ماهر بک غایت عقیف، نظیف، الذی لطیف، اعضایی نحیف قوه بصریه سی ضعیف، عالی مشرب، بر ذات مجتمع الادب ایدی. مرتب دیوانی واردر.» [۳]

منشأقی ۱۲۶۱ ده طبع اولمشدر.



مشار الیهک زمان نظارتنده کی اجراءات :

سلطان محمود ثانی حضرتلرینک تربسی ختام بولدیغندن ۱۵ شعبان ۱۲۵۶ ده کشف نانسیی اجرا قلندی. مصارف انشاءیه «۴,۵۵۴,۸۲۵»

[۱] [تاریخ لطیف : جلد ۶ صحیفه ۱۲۴]

[۲] [تقویم وقایع : نومرو ۲۴۳]

[۳] [تاریخ لطیف : جلد ۷ صحیفه ۱۲۶]

و مأمور لرك معاشاتی « ۱۸۰,۸۰۰ » غروشدرد. بونك. درت بىك كيسه سى
ضربخانه عامره دن و بقیه سى اوقاف خزینه سندن ویرلدى . تربیه
موضوع اشیا بدلیله مفروشات و لوازم سائره سى « ۲۶۱,۳۷۲ »
غروشدرد . تربه دارلر ، ختم خوانلر ، بخارى خوانلر ترتیب اولندى .
طشردده كى عموم اوقافك تحریر یچون مأمور لر تعینه ۱۳ جمادى الاولى
۱۲۵۸ ده اراده سینه صدور ایتدى .

شامده مولانا خالد قدس سره حضرتلرینك تربیه سى ۲۰
جمادى الاخره ۱۲۵۸ ده انشا اولندى .

منازل اسلامیه نك رعایایه صائلماسى حقنده ۲۳ جمادى الاخره
۱۲۵۷ ده تأکیداً اراده سینه متعلق بیورلدى .

۲۹ ذى الحجه ۱۲۵۶ و محرم ۱۲۵۷ ده خرج فراغ و انتقال
و مواد سائر حقنده تعلیمات تنظیم اولندى .

برقاچ جامع ، تکیه ، مکتب ، سلیمانیه بیمار خانه سى ، قرق
چشمه ایله یوللری تعمیر ایدلدى .



مصطفی کانی بک

اندرون هایون بشکیر آغالرندن محمد آغانک اوغلیدر . اندرون هایونده تحصیل و تربیه کوره رک تدریجاً صارقچی باشی ، ۱۲۳۳ ده قهوه چی باشی و مابینچی اولدی . « اوپله برذات عالی قدرک مقرب پادشاهی اولدینی هر طرفده استحسان اولندی » [۱]

مصر والیسی محمد علی پاشانک وهابی مسئله سنده ابراز ایتدیکی خدمات حسنه ، موجب محظوظیت سنیه اولدیغندن مشار الیه خط هایونله سیف و کورک ایصال ایتک اوزره ۲۳ شعبان ۱۲۳۴ ده مصره اعزام قلندی . ایفای وظیفه ایله عودت ایلدکن یکریمی التي کون صکره قهوه چی باشلیق و مابینجیلکندن عزل ایدلدی . مشهور عبدالحق ملا افندینک برادری خضر الیاس افندی « وقایع لطائف اندرون » نامنده کی اثرنده [۲] دیرکه :

« عهدده سنده اولان صارقچی باشلیق منصبی قهوه چی ناشلیغه مبدل و مابینجیلک علاوه سیله دبده و داراتی مکمل اولان کانی بک افندینک کبی عالی و علوسراجی حسبله کیسه آمالی نقوددن خالی اولدیغنه مصرده والی واقف اولوب زیاده سیله اکرامی التزام و ایکی بیک کیسه دن زیاده انعام ایتدیکی مسموع خاص و عام اولمش ایسه ده اسلامبوله کلکسزین جمله سنی اوراده بخش قلندری ایتدیکی اغبراره سبب و براچه بورجه و یرمه دیکی منشأ غضب اولوب اورادن کلدکن صکره یکریمی بش کون قدر روی التفات کوسترلیدیکی کندوبی دلکیر و یکریمی آلتنجی کونی غائبانه سندن بیک بشیوز غروش ماهیه تخصیصیه چراغانی سلحدار آغا طرفندن تبشیر اولنجه یچاره بک ، دعای واجب الادای آویزه طاق سما و بوتخصیصاتی دخی حفته نعمت عظمی بیلدیکی مقتضای غنا اولوب نه حال ایسه اغیاره سر و یرمیه رک خانه سنه چکلوب کیتدیکی قتیر کی تعلقاتلرینه

[۱] [لطائف وقایع اندرون : صحیفه ۱۴۴]

[۲] [صحیفه ۱۷۶] .

داغ درون و بوبله مروئلی بر مقربك نظردن دور اولدینی موجب محزونیت اهالی اندرون اولدی .

ینه خضر الیاس افندی دیرکه [۱] :

« کافی بك خانه سنده انزوا وسكز سنه دبری التفات اولدیغندن بوآراقی ساحدار آغایه التجا و آغا دخی مخصوصاً مسروریتی رجا ایدنجه طرف شاهانه دن مصارفه (مصرف كشتابی) مدار اولقی امنیه سیله توجینه اراده صدور ایتدیكى بیاندن مستغنی و رتبه جلیله علاوه سیله رجال دولت کی كوكلی غنی اولدی . »

۱۲۴۰ ده جزیه محاسبه جیسی ، شعبان ۱۲۵۱ ده اسهام مقاطعه جیسی ، ۱۲۵۲ ده دخان كمرچیسی ، ۱۲۵۳ ده مجلس والا اعضاسی اولدی .

مسند صدارتك - ایلک دفعه - باش وكالت عنواننه تبدیل و داخلیه نظارتی انضمامی ایله ۴ محرم ۱۲۵۴ ده رؤف پاشایه تفویض اولنسی اوزرینه مشار الیه ۱۱ جمادی الاولی ۱۲۵۴ ده باش وكالت معاونلكنه تعیین و مجلس زراعت ریاستی و كالتی ده علاوة توجیه قانندی .

معاونلكك صورت احداثیه مشار الیه توجیهی « تقویم وقایع » ده [۲] بوجه آتی اعلان اولندی :

« بر مقتضای مجددیت سنیه بوندن اقدم هر بر نظارت جسیمه معینه برر مستشار نصب و تعیین بیورلدینی مثالو سلاطنت سنیه ده الك معتنا و جمله وكلیه نظارت و ریاست مأموریتله مستثنا اولان باش وكالت مسند جلیلی معینه ده دخی فرضاً بعض سرعكران و سائر امور جسیمه مأمورلری معینلرنده یاور حرب نامیه له استخدام اولنه كلان معتمدان مقامنده و جمله معیت مأمورلری مافوقده اولقی اوزره باش وكالت معاونکی عنوانیه مجدداً بره نصب احداث اولندرق داخلی و خارجی كافه موادك مذاكره سنه و اقتضا ایتدكه بعض مواد نازكه و مستعجله نك شفاهاً عرض و افاده سیله سریعاً تحصیل اراده سنیه سنه قابل محرم اسرار و مؤئمن برذاتك باب عالییه مأموریتی ایجاب حال و مصلحتدن

[۱] [صحیفه ۳۶۶] .

[۲] [نومر ۱۶۹]

اولدیغندن و مجلس احکام عدلیه اعضاسندن عطاوتلو مصطفی کانی بك افندی حضرتلری درایت و لیاقت و عفت و استقامت اصحابندن اولدیغنی. نزد مکارم و وفد حضرت شاهانه ده مجرب و معلوم و اوتهدزبری بالخاصه غرس بین فیوضات رهین شاهانه و حسن تربیت مکارم منقبت ملوکانه ایله پرور شیافته اولان اصدقای بندگانن ایدوکی امر غیر موهوم بولندیغندن میرشارالیه رتبه اولینک ابتداسی یعنی مناصب دیوانیه اربابنک پیشواسی اواق و اول وجهله کندوسنه برقطعه رتبه اولی نشان ذیشانی اعطا اولندیغندن و مجلس احکام عدلیه مأموریتی دخی کماکان عهدسنده قالدجق و وقت بولدجقه اورایه دخی کیده جت اولدیغندن مجاس مأموریتنه مخصوص نشان عالی دخی. کندوسنده بولتی اوزره منصب مذکور میرشارالیه قریحه صبیحه حضرت شاهانه دن بالتوجه اشبو ماه حاک [جمادی الاولی ۱۲۵۴] اون برنجی کونی مأموریتی اجرا و اعلان اولندی.

تاریخ لطفی ده [۱] دینیورکه :

« باب عالی ایله سرای هایون پیننده کانی بك واسطه مخبرات ایدی . مصر مسئله سنه دائر قاندر کوشکنده انکلتزه ایلیجیسی ایله عقد اولنان مجاس مکالمه مشارالیه ده مأمور اولدی . باب عالی به تقدیم قلنان تقریرده :

« عطاوتلو کانی بك افندی بندرلیله قلندرزه عزیت اولنورق انکلتزه ایلیجیسی دخی کلش اولدیغندن ملاقات اولندی § مجاوبات واقعه ده مومی الیه کانی بك افندیك ایراد ایتمش اولدیغنی کلیات مناسبه دن و طرز و طورندن ایلیجی مومی الیه بك خشنود اولمش اولدیغندن هنگام وداعده کندوسیه تحصیل الذت ایتمسندن طولانی تشکر و عنایت اظهارلیله بوندن بویه دخی ینه ملاقات اولتیق املی اولدیغنی تذکار ایدرک عودت ایلشدر » [۲]

دینلمشدر . [۲]

معاونتلك لغوی اوزرینه کماکان مجاس والای احکام عدلیه ده دوامی اراده بیورلدی . صورت الفا « تقویم وقایع » ده [۳] بروجه آتی اعلان اولندی :

[۱] [جلد ۵ صحیفه ۱۲۲]

[۲] [تاریخ لطفی جلد ۶ صحیفه ۹]

[۳] [نومرو ۱۷۹ - ۳ ربیع الاخر ۱۲۵۵]

« مجلس والای احکام عدلیه اعضاسندن سعادتلو کافی بک افندی متدما باش وکالت معاونلکی عنوانیه باب عالییه مأمور بیورلش ایسه ده الحاله هذه خارجیه مستشارانی مثالو داخلیه نظارت جلیله سنک دخی مخصوص مستشاری [۱] اوله رق معاونلاک مأموریتک دخی آخر بر مصلحت مخصوصه سی اولدیغندن مأموریت مذکورنک الفاسیله میر مومی الیهک کفی السابق مجلس احکام عدلیه اعضائی خدمت جلیله سنه مداومت الیدی خصوصه اراده سنیه متعلق بیورلش ومنطوق منیفی اوزره اقتضای اجرا اولنشدیر » .

۲۶ رجب ۱۲۵۵ ده بروسه متسلم لکنه ، نه ان ماهر بکک عز لنده ۱۶ جمادی الاولی ۱۲۵۸ ده اوقاف هایون نظارتنه ، ۲ ذی القعدة ۱۲۶۰ ده دفتر امانته ، ۱۸ رمضان ۱۲۶۱ ده مجلس زراعت ریاسته ، ۱۸ محرم ۱۲۶۲ ده — ثانیاً — دخان کمرکی امانته ، ۱۸ صفر ۱۲۶۵ ده — ثانیاً — دفتر امانته تعیین اولندی .
جمادی الاخره ۱۲۶۶ ده وفات ایلدی .

اهل هنر ومستقیم ایدی . خط ثلث ونسخه خیلی مهارتی واردر . استاذی ، خطاط مشهور اسماعیل زهدی افندیدر .

(تلخیص رسائل الرماة) نامنده کی اثری ۱۲۶۳ ده استانبولده دارالطباعة العامره ده طبع اولنشدیر . بو اثرک باشنده شو صورتله محرردر :

« سلطان محمود عدلی حضرتلرینک قهوه جی باشلیق خدمتیه مفتخر مصطفی کافی ابن محمد آغا بشکیر فی زمن عبدالحمید خان اثرخامه لری اولان (تلخیص رسائل الرماة) نامیه بنام رساله لطیفه لریدر » .

مشاریه ، بو اثری سلطان محمود خان حضرتلرینک امریه ۱۲۵۱ ده ترتیب ایلدیکنی مقدمه ده سویلیور . اوغلی فاضل بک سنه لرحه مابین هایون کتابتده بولندی .

[۱] او صره ده داخلیه مستشاری صارم افندی [صدر اسبق صارم پاشا] ایدی . داخلیه نظارتی متروک ووظیفه صدرارته داخل بولندیغندن سلطان عبدالحمید خان حضرتلرینک جلوسنی متعاقباً — خسرو پاشانک صدرارتنده — صارم افندیکنک (صدارت عظمی مستشاری) عنوانیه یاد اولنسنه اراده سنیه صدور ایتدی .

صفر ۱۲۶۲ ده (۲۸۸) عدد کتابی - سلطان احمد جامعی
جوارنده حلواجی باشی محاسبه‌سندہ کی قوناغندہ - ساکن اولدینی اوطہدہ
طورمق ووفاندن صکرہ مناسب بر کتبخانہ یہ وضع اولنق شرطیہ
وقف ایلمدر .

عہدہ سندہ بولنان یکی جامع شریف تولیتدن اوچ بیک غروش
معاشی اولوب بونک مخدوملری احمد رؤف و محمد فاضل بکلرلہ کریمہ سی
ذلیخا خانمہ متساویاً تخصیصی مشارالہک حین حیاتندہ وحسیب پاشانک
اوقاف نظارتندہ بولندینی ہنکامدہ ۲۸ محرم ۱۲۵۴ دە عرض واستیدان
ابدلش ایسہدہ ارادہ سنیہ صدورینہ دائر اوقاف دفترلرندہ قید
کوریلہ مہمشدر .

§

مشارالہک زمان نظارتندہ کی اجراءات :

کعبہ معظمہدہ طواف محلنہ فرش اولنق اوزرہ (۳۹۷۴) ذراع
خالص مرمر و حرم شریف مکی ایچون (۲۰۰۰) و حرم شریف نبوی
ایچون (۶۰۰) عدد قندیل ، دوز اوغلی ہوجہ اغوب وساطتیہ
(بیج) شہرندن مایعہ ۱۶ جمادی الاولی ۱۲۶۰ دە حرمین شریفینہ
ارسال قلندی .

اون قبائندہ محترق تفککخانہ جامنک عرصہ سنہ برجامع شریف
انشا اولندی .

مقدما فورطنہدن رخنہ دار اولان جوامع شریفہ ، مدارس ایلہ
تکیہ و چشمہ لر ، بعض مبائی خیریہ ، سرایلرہ ، قوناقلرہ جاری
صویک منبی اولان فارقہ قریہ سی جوارندہ ابایہ نامندہ کی محلدن شہرہ
قدر صو یوللری ، خاصکی بیمارخانہ سی ومبائی سائرہ ، ادرنہ جوامعندن
بعضلری تعمیر ایدلدی .

محمد عارف پاشا

مکرراً باب السعادة الشريفة آغالغی کتابتده بولمسندن طولايي
(يازيجي) عنوانيله اشتہار ایدن رمضان اوغللرندن ديوريكلي احمد
افنديك اوغليدر.

استانبولده طوغدی . علمدار مصطفى پاشا وقعه سنده (روسجق
ياراني) ناميله معروف اولان ذواتدن دفتردار تحسين افندی - پدريك
وفانيه يتيم قالان - كوچك برادري عارف بكك تحصيل و تربيه سنه
اعتنا ايدلى .

صدارت مكتوبي ، مؤخرآ آمدی قلمرينه داخل اولوب ۱۲۲۸ ده
خواجكاناق رتبه سي توجيه اولندی . تدريجآ ترقی ايدرك صدارت
مكتوبچيسي اولدی . ۲ محرم ۱۲۴۱ ده عزل ايدلى .

۱۲۴۱ ده اسهام مقاطعه جيبي ، ۱۲۴۳ ده جزیه محاسبه جيبي ،
محرم ۱۲۴۴ ده جبهه خانه ناظري ، ۱۲۴۶ ده موقوفاني اولدی .
۱۲۴۷ ده انفصال ايتدی . شوال ۱۲۴۷ ده طوبخانه عامره نظارتنه
تعيين ايدلى .

سيواس واليسى صدر اسبق محمد رشيد پاشانك معينده بولان
عساكر منتظمه نك اموري ني بالذات تسويه وقتي مساعد اولمديغندن
مشاراليه (عساكر منتظمه ناظري) عنوانيله ۱۲۵۰ ده رشيد پاشانك
معينه مأمور اولدی .

۲۳ ذی الحجه ۱۲۵۳ ده شوراي باب عالي اعضالغنه ، ۳ شعبان
۱۲۵۵ ده تجارت نظارتی مستشارلغنه ، ذی الحجه ۱۲۵۵ ده مهمات

حربیہ نظارتہ نصب و ۱۲۵۶ دہ باروتخانہ نظارتی - رتبہ اولی صنف
اولی ایلہ -- علاوہ توجیہ قلندی .

۷ صفر ۱۲۵۷ دہ صدارت مستشاری ، ربیع الآخر ۱۲۵۷ دہ
- رتبہ وزارتہ - مجلس والی احکام عدلیہ رئیس اولی .

« مجلس احکام عدلیہ رؤیت ایدلکدہ اولان مصالح حقندہ تدقیقات
مقتضیہ نک اجراسیہ تحصیل رضای ملوکانہ یہ اعتنا اولنسی رئیس مجلسک
لازمہ مأموریتی اولدینی حالده عارف پاشانک بو وجیہ یہ غیر موافق
بعض حرکتی نزد عالییدہ عزلتہ لزوم کوسترمش اولدیغندن » [۱]
۱۷ جمادی الآخرہ ۱۲۵۸ دہ عزل اولندی .

۱۵ شوال ۱۲۵۹ دہ مجلس والا اعضا لغنہ مأمور اولدی . مشارالیہ
« قدمای وکلادن ورویتکاران شیراندن ایسہ دہ وجودجہ ایفای
خدمت کندویہ مؤدی کلفت اولدیغندن مستوفی معاش تخصیصیہ
خانہ سندہ استراحت ایتک اوزرہ اعضا القدن عفویہ » [۲] ذی الحجہ
۱۲۶۰ دہ ارادہ سنیہ صدور ابتد .

۱۸ محرم ۱۲۶۲ دہ مجلس زراعت ریاستی ، نظارت عنوانیہ مشارالیہ
توجیہ اولندی . و تجارت نظارتہ نصب ایدیلن پارس سفیری صارم
افدینک ورویدنہ قدر تجارت نظارتی وکالتی دہ علاوہ تفویض قلندی .
تجارت و زراعت نظارتلری برلشدیریلرک صارم افندی بہ توجیہ
اولدیغندن عارف پاشا ۲۵ ربیع الآخر ۱۲۶۲ دہ - ثانیاً - مجلس والا
اعضاسی ، ۲۳ رجب ۱۲۶۴ دہ اوقاف ہایون ناظری اولدی .

خط ہایونک صورتی :

« بن وزیر العالیسمیرم

بوکون صدر سابق رشید پاشا مجالس عالیہ یہ وخارجیہ ناظری سابق
عالی پاشا و مجلس احکام عدلیہ اعضا سندن عارف پاشا مجلس مذکور رئیس

[۱] [تقویم وقایع : نومرو ۲۴۴]

[۲] [تقویم وقایع : نومرو ۲۷۹]

خلیل پاشا و اوقاف ناظری حبیب پاشانک یرلرینه مأمور و تعیین اولنارق باب عالیزه کوندرلشدیر . ربز تعالی و تقدس حضرتلری جمله منری هر حالده موفق بیوره آمین بحرمه سیدالمرساین ۲۲ رجب ۱۲۶۴ .

۲۱ شوال ۱۲۶۴ ده - ثالثاً - مجلس والا اعضا الغنه ، ۲ جمادی الاخره ۱۲۶۵ ده - ثانیاً - مجلس والا ریاسته نصب اولندی .

خط هایونک صورتی :

« وزیر معالیمیرم

مجلس احکام عدلیه من رئیس سابق رفعت پاشانک یرینه معلومات وقدمی اقتضاسنجه مجلس مذکور اعضاسندن عارف پاشانک مأهورتی نزد شاهانه مزده بالتنسب برمنوال محرر اجرا اولنهرق باب عالیزه کوندرلشدیر . ربز تعالی و تقدس حضرتلری جمله منی موفق بیوره آمین بحرمه سیدالکونین . ۲ جمادی الاخره ۱۲۶۵ . »

۱۶ جمادی الاخره ۱۲۶۶ ده ریاستدن عزل ، شعبان ۱۲۶۹ ده مجالس عالییه مأمور ایدلدی .

ذی الحجه ۱۲۷۸ ده وفات ایلدی . یکی قپو مولوینخانه سی حظیره سنه دفن اولندی . طریقت علیه مولویه محبانندن ایدی .

مخدومی رجالدن محمد عاطف بك و کریمه زاده سی لیاقت مندان رجالدن دیوان محاسبات رئیس اسبقی زهدی بك مرحوملردیر . دیگر کریمه زاده سی ناجی بك افندی دیوان محاسبات اعضاسندنر . وزهدی بك زاده جمال بك افندی دیوان مذکور مدعی عمومیسیدر .



علی شفیق پاشا

اکینلی حاجی محمد آغا زاده اسماعیل هاشم افندینک اوغلی-در .
دیوان هایون قلمنه داخل اولدی . ۱۷ صفر ۱۲۴۴ ده دیوان هایون
مهمه اوطهسنه نقل اولندی .

۲۰ شعبان ۱۲۴۶ ده صدراعظم محمد رشید پاشانک معیتنه مأمور
اولوب یانیه ، مناستر ، اشقودره جهلرینه عزیمت و ۲۵ ربیع الاخر
۱۲۴۸ ده درسعادته عودت ایلدی .

۲۲ جمادی الاخره ۱۲۴۸ ده مأموراً اناطولی جهته کیدرک
۳ رمضان ۱۲۴۸ ده استانبوله کلدی . کماکان مهمه اوطهسنه دوام
ایلدی .

۱۲۵۱ ده آمدی اوطهسنه مأمور اولدی . ۶ ربیع الاول ۱۲۵۶ ده
مأموراً دیار بکره عزیمت ایتک اوزره واپوره کیردیکی صره ده صدر
اعظم جانبندن دعوتله مابین هایون کتابتنه تعیین اولندی .
۱۰ جمادی الاخره ۱۲۵۸ ده باش کتابتنه نصب و حائز اولدی
رتبه ثانیه ، رتبه اولی صنف ثانیسنه ترفیع ایله بر قطعه نشان احسان
بیورلدی .

مصر والیسی محمد علی پاشایه اعطا اولان نشان امتیازی ایصاله
مأموراً مصره عزیمت و ۲ شوال ۱۲۶۳ ده عودت ایلدی .
۲۴ جمادی الاولی ۱۲۶۴ ده باش کتابتنن عزل ایلدی .

۲۴ رجب ۱۲۶۴ ده ترسانه عامره نظارتنه ، ۲۱ شوال ۱۲۶۴ ده
رتبه بالا ایله اوقاف هایون نظارتنه نصب و ذی القعدة ۱۲۶۵ ده نشان
امتیاز احسان اولندی .

ضربخانه عامره نظارتی عنوانك خزينه خاصه شاهانه نظارتنه
تبدیل به ربیع الآخر ۱۲۶۶ ده مشارالیه توجیه اولندی. جمادی الآخره
۱۲۶۹ ده - حسیب پاشا ایله بمبایشلری اجرا اولنه رق - مجلس والا
اعضای اولدی .

روسیه محاربه سی ائسانده سینوبده وقوع بولان حادثه الیمه دن
طولانی قبولان دریا محمود پاشانك عزلی ایله رضا پاشانك قبولانغه
نصبنده صمر ۱۲۷۰ ده مشارالیه ، ترسانه مستشارلغه ، ربیع الاول
۱۲۷۱ ده رتبه وزارتله مالیه نظارتنه ، ویا نه قونفرانسنده مرخص
بولان عالی پاشانك مسند صدارته مأموریتی اوزرینه ۱۶ شعبان ۱۲۷۱ ده
صدارت قائم مقاملغه تعیین قلندی .

خط هایونك صورتی :

« وزیر فطانتسیرم شفیق پاشا

بوکره رشید پاشانك مشاغل کثیره جهتله وقوع بولان استرحامنه مبنی
خدمت صدارتدن انفصالی وقوع وولش اولسילה خدمت جلیله مذکوره مأموریت
مخصوصه ایله ویا نه جانبده بولان خارجیه ناظری عالی پاشایه توجیه واوروواجه
اولان مصالح اهمیتنه بناء مشارالیه رشید پاشا دخی مشارالیه عالی پاشانك یرینه
مأمور تعیین اولنش [۱] و مشارالیه عالی پاشانك ورودینه قدر صدارت قائم مقامی
دخی عهده که احاله اولنه رق خارجیه نظارتنه عهده سنه رتبه وزارت توجیهی
ومجلس تنظیمات ریاستی انضمامیه فؤاد افندی و عهده کدن منحل اولان مالیه
نظارتنه کذاک عهده سنه رتبه وزارت توجیه اولنه رق طوبخانه عامره منظر ناظری
مختار پاشا مأمور تعیین قلنمش اولغله کیفیتی اعلان ایلیه سین ربمزه تالی و تقدس
حضر تلی جمله بی توفیقات الیمه سنه مظهر بیوره آمین . ۱۶ شعبان ۱۲۷۱ » .

[۱] سوش قنالتك كشاد ایدله مسی حقنده مجلس والا رئیس یوسف کامل
باشا طرفندن قاین برادری مصر والیسی سعید پاشایه - مجلس وكلا قرار یله - محرمانه
یازیلان تحریرات خصوصیه دن طولانی فرانسه مصلحتگذاری بنه ده تیك مدعیاته
قیامی اوزینه رشید پاشا ، صورت مناسبه ده مقام صدارتدن عفو یله ویا نه به مأمور
ایدلسنی ورئیس مشارالیه كه ده استعفا ایتمسی ذات شاهانه به عرض ایله یكندن
صدارته عالی پاشا تعیین قلنمش ایسه ده رشید پاشا ویا نه به کوندرله مشدر .

برقاج کون صکره مجلس والا ریشی یوسف کامل پاشانک
استعفا سی اوزرینه ریاست مشارالیه - قائم مقام لغه علاوة - شفیق
پاشایه توجیه و شعبان ۱۲۷۱ ده برنجی رتبه مجیدی نشانی اعطا قلمی.

خط هایونک صورتی :

« وزیرم قائم مقام پاشا

مجلس احکام عدلیه رئیس کامل پاشانک بو دفعه استعفا سی وقوعه مبنی
مجلس مذکور ریاستنک آخر برینه احاله سی لازم کلدرک ریاست مذکوره
عهده که توجیه قلمغه اعلان کیفیته مبادرت اولسون » .

عالی پاشانک ورودیلہ ۱۰ شوال ۱۲۷۱ ده قائم مقام لقدن انفکاک
ایلدی . ذی القعدة ۱۲۷۳ ده مجلس عالیہ مأمور، ۱۶ ذی القعدة
۱۲۷۶ ده - ثانیاً - اوقاف هایون ناظری اولدی . ۱۵ محرم ۱۲۷۸ ده
عزل ایلدی .

۲۵ صفر ۱۲۸۰ ده - ثالثاً - اوقاف هایون نظارتنه تعیین قلمدیسه ده
خسته لکندن طولانی ۷ ربیع الآخر ۱۲۸۰ ده انفصال ایتدی .
کوزلرینی تداوی ایتدیرمک اوزره وایهیه و برلینه عزیمت و ۴ صفر
۱۲۸۱ ده عودت ایلدی . مدت مدیده منزولاً اسیر فراش اولدی .
۱۵ صفر ۱۲۸۴ ده وفات ایتدی . ایوبده بوستان اسکله سندکی
قبرستانه دفن اولدی .

اوغلی - مجلس اداره اوقاف اعضاسندن - متوفی رفعت بکک ختانی
مبالغ و فیره صرفیه اجرا ایتدیردیکی ائنده سلطان عبدالحجید خان
حضر تلرینک قونای تشریف بیورمتی صورتیه ابراز توجیه و التفات
ایلدیکی ، و اخر حیاتنده فرط ضرورته گرفتار اولوب دیون کثیره سنک
برقسی خدیو مصر اسماعیل پاشا طرفندن تسویه ایدلدیکی و مستقیم ،
مؤدب، نازک برذات اولدیغی منقولدر .


مشار الیہک زمان نظارتلرنده کی اجراءات :

غزہ دہ جد سامیٰ حضرت نبوی ہاشم بن عبد منافہ مضاف
مسجد ہاشم (۶۰,۰۰۰) غروشہ مجدداً وتوسیعاً انشا اولندی .
اورتہ کویدہ کی جامع شریفک (۳,۷۷۵,۰۰۰) غروشہ انشاسنہ
مباشرت ایدلدی .
درسعادتدہ وطشرودہ بعض جوامع ومساجدلہ مکتبہ ، مدرسہ ،
چشمہ لر وصویوللری تعمیر قلندی .



علی رضا افندی

اصطبل عامره مدیر لکی پایه لیلرندن بوردور متصرف اسبق بروسه لی
صدقی زاده محمد شریف افندینک اوغلیدر. ۱۹ رجب ۱۲۳۱ ده



بروسه ده طوغدی .

عربی وفارسی تعلم و

ثالث ، نسخ خطلرندن

اجازت اخذ ایله یکی

کچی تعلیق ، رقعه ،

دیوانی خطلری ده

تمشق ایتدی .

خداوندکار متسامی

حافظ آغا معیتده کی

حکومت قلمنه ربیع -

الاول ۱۲۴۸ ده داخل ،

برسنه صکره (۲۵۰)

غروش معاشه نائل

اولدی . ۱۲۵۱ سنه سی اوائلنده درس عاده کله رک جمادی الاولی ۱۲۵۱ ده

باراده سنیه صدارت مکتوبی اوطه سنه مأمور اولدی . رمضان ۱۲۵۲ ده

خواجگانلق رتبه سی ویرلدی .

محرمات خفیه و معروضات مهمه تسوید و تدیضی ایله اشتغال ایلسنه

مکافه محرم ۱۲۵۴ ده - قلمجه تشکیل اولنان صنفلردن - برنجیسنه

رتبه رابعه و (۱,۵۰۰) غروش معاش ايله ترفيع ، رجب ۱۲۵۴ ده
رتبه ناله و (۴,۰۰۰) غروش معاش و تعيينات ايله سرعسكر مکتوبخاينه
تعيين اولدى . [۱]

ذی القعدة ۱۲۵۸ ده رتبه ثانيه و (۷,۵۰۰) غروش معاش ايله
ماين هايون اوچنجي کتابته نقل و ربیع الاول ۱۲۶۲ ده رتبه اولی
صنف ثانيسی توجیه قلندی . جمادی الاولی ۱۲۶۴ ده ايکنجی کتابته
ترفيع و معاشی تدریجاً (۱۲,۵۰۰) غروشه ابلاغ ایلدی .

۱۸ ربیع الاول ۱۲۶۶ ده رتبه اولی صنف اولی و (۳۰,۰۰۰)
غروش معاش ايله اوقاف هايون ناظری، ۱۸ ربیع الاول ۱۲۶۷ ده دفتر
امینی اولدی . ۲۲ ربیع الاول ۱۲۶۹ ده (۱۵,۰۰۰) غروش معاشله مجلس
والا اعضاالغنه نقل اولندی .

اناطولی جهتنده تحشدايدن عساكر ك امور حسابيه و تحريریه لرینی
تسویه ایتمک و اعضاالق عهدہ سندہ قالمق اوزره ۱ محرم ۱۲۷۰ ده رتبه بالا
و (۳۵,۰۰۰) غروش معاش ايله اناطولی حرب اردوسی مستشارلغنه
مأمور اوله رق قارصه عزیمت ایتدی .

مستشارلغك دفتر دارلغنه تحویلی جهتیله انفصال و ربیع الآخر
۱۲۷۲ ده در سعادته عودت ايله مجلس والایه دوام ایلدی .

۱۱ ربیع الآخر ۱۲۷۳ ده (۲۳,۰۰۰) غروش معاش ايله مجلس
محاسبه ریاسته ، برسنه صکره (۱۵,۰۰۰) غروش معاشله - ثانیاً -
مجلس والا اعضاالغنه ، محرم ۱۲۷۵ ده رفیعہ سلطان کتخدالغنه ، ۱ صفر
۱۲۷۵ ده (۴۰,۰۰۰) غروش معاشله حرم هايون مصارفات نظارتنه ،
۱۸ ربیع الآخر ۱۲۷۶ ده (۴۰,۰۰۰) غروش معاشله - ثانیاً - اوقاف

[۱] اوطه سنه دالان نفرات عسکریه ، مشارالیهی عسکرلرک مکتوبی
یازمغه مأمور ظنیله مملکته کی عائله لرینه مکتوب یازدیردقلری مشارالیهین
منقولدر .

هایون نظارتنه ، ۱۶ ذی القعدة ۱۲۷۶ ده (۴۱,۰۰۰) غروش
معاش و مستوفی تعینات ایله خزینۀ خاصه نظارتنه، ۴ شوال ۱۲۷۷ ده
(۲۵,۰۰۰) غروش معاشله مجلس عالی تنظیمات و مجلس مزایده
الزامات اعضالغنه تعیین قلندی .

رجب ۱۲۷۸ ده انفصال ایدرك (۱۰,۰۰۰) غروش معزولیت
معاشی تخصیص، ۱۲ رمضان ۱۲۷۸ ده (۱۵,۰۰۰) غروش معاشله
— ثالثاً — مجلس والا اعضالغنه مأمور ایدلدی . شوال ۱۲۷۹ ده
ایکنجی رتبه عثمانی نشانی ویرلدی .

یوسف کامل پاشا - مرحومك اوان - دارتنده ممالك عثمانیه نك
تحقیق و اصلاح احوالی ایچون مفتش لر تعیین اولدینی صرده شوال
۱۲۷۹ ده (۴۰,۰۰۰) غروش معاشله اناطولی ولایاتندن برقسمنك
تفتیشنه مأمور اوله رق ۷ ذی القعدة ۱۲۷۹ ده عزیمت ویکرمی آی
صکره عودت ایله مجلس والایه دوام ایلدی .

محرم ۱۲۸۵ ده (۱۵,۰۰۰) غروش معاشله شورای دولت مالیه
دائرة سی ریاست ثانیه سنه، صفر ۱۲۹۰ ده دیوان احکام عدلیه محاکمات
دائرة سی ریاسته حسین عونى پاشانك هنگام صدارتنده معاشندن (۵,۰۰۰)
غروش تنقیص ایله شورای دولت داخلیه دائرة سی اعضالغنه تعیین
ورجب ۱۲۹۳ ده - اجرا اولان تنقیحاتده - معاشی (۹,۰۰۰)
غروشه تنزیل ایله محکمه تمیز اعضالغنه نقل ایدلدی .

اوتوز اوچ کون صکره معاشی (۱۵,۰۰۰) غروشه ابلاغ و علاوه
مأموریت اوله رق جنتمکان سلطان عبدالعزیز خان حضر تلرینك خاندانی
نظارتنه ، بش التی کون صکره (۱۰,۰۰۰) غروش معاشله هیئت
ایان اعضالغنه نصب اولدیدی .

(۷,۲۰۰) غروشه تنزل ایدن اعیانلق معاشیله ۱۱ محرم ۱۲۹۸ ده
سجل احوال قوم یسیونی اعضالغنه ، ینه اومعاشله ۲۱ ذی القعدة

۱۳۰۳ ده مذکور قومیسون ریاسته تعیین و ۱۴ جمادی الاولی ۱۳۰۹ ده معاشی (۱۰,۰۰۰) غروشه ابلاغ قلندی .

بعض اعذار سردیله مأموریتنه دوامدن امتناع ایلدیکندن معاش حالینسی المق اوزرد ۳ صفر ۱۳۱۴ ده انفصال ایلدی . ۹ شوال ۱۳۱۴ ده اجرا اولنان تأجیلاتده معاشی (۹,۰۰۰) غروشه تنزیل ایلدی .

۸ جمادی الاولی ۱۳۰۵ ده تبدیلاً برنجی رتبه مجیدی، ۲ ذی الحجه ۱۳۱۱ ده برنجی رتبه عثمانی و تواریخ مختلفه ده ایاصوفیه تعمیر ، سکه هایون تصحیحی ، حرب اردولری ، قارص قلعه سی مدالیه لری ، و خزینة خاصه ناظری ایکن - بعض وکلایه مخصوص اوله رق یاپدیریلان - اون ایکی عدد مدالیه دن بری اعطا قلندی .

۱۹ ذی القعدة ۱۳۲۳ ده (۱ کانون ثانی ۳۲۱) وفات ایلدی . اسکدارده سلیمیه درکاهی حظیره سنه دفن ایلدی . حین وفاننده ۹۲ یاشنده اولدینی حالده وجودی زنده ، شعوری تام ایدی .

زماننده حسن خط و کتابت ایله معروف و صلابت دینه واستقامت ایله موصوف ایدی . رئیس واعضا اوله رق پک چوق قومیسونلرده بولنمشر .

مشارالیهک زمان نظارتلرنده بر چوق جامع ، مسجد ، درگاه ، مدرسه ، مکتب تعمیر ایلدی .

مخدوملری خارجیه نظارت جلیله سی سچل مدیری علی رضا و مابین هایون کاتبلرندن مراتضی بک افندیلردر .

عبدالرحمن نافذ پاشا

خواجگان دیوان هایوندن ایران سفیری سید محمد رفیع افندینک (۱) اوغلیدر . (۲) طلبه علوم زمزمه سینه التحاق ایلدیک حالدہ مؤخرآ خزینہ داخل اولدی . تکفور طاغی احمد آغانک مہر دارلق خدمتندہ بولندی . خواجگاناق رتبہ سی ویرلدی .

شوال ۱۲۲۴ دہ زجرہ ناظری ، متعاقباً کمرکچی و ۱۲۴۳ دہ علاوۃ تنقیح دفاتر مأموری ، ۱۲۴۵ دہ مقاطعات ، شوال ۱۲۴۷ دہ ضربخانة عامرہ ، ۹ رجب ۱۲۴۹ دہ - ثانیاً - مقاطعات ناظری اولدی . امور مالہجہ مشاہد اولان حسن اداره سی نزد شاہانہدہ شایان تقدیر کوردلیکنندن ذاتہ مخصوص اولہرق ۳ محرم ۱۲۵۰ دہ رتبہ اولی نشانی احسان بیورلدی .

عسا کر خاصہ ومنصورہ مصارفی کبی عسا کر ردیفہ مصارفک دہ مقاطعات خزینہ سنجہ رؤیتی تقرر وخزینہ نک مصالحی تکثرایتدیکندن مقاطعات نظارتی وخزینہ سی عنوانلری حذف اولنہرق دفتردارلر کبی

(۱) قلندن نشأت ایدرک سفارتلہ ایرانہ کوندرلدی . ایراندن عودتندہ روم ایلجہ وفرت ثروت ایلہ معروف اولان فلہ اعیانی رسم آغا وفات ایتدیکندن خلفاتی تحریر و اخذہ مأموراً فلہ بہ اعزام اولندی . میدانہ چیقاردینی اموال کلیہ ، مصارف سفریہ بہ مدار اولدی . فلہ بہدہ بولندینی ائشادہ ۱۲۲۴ دہ وفات ایتدی .

(۲) (سبجل عثمانی) دہ « تکفور طاغی احمد آغانک » اوغلی اولدینی کوسترلکدہ ایسہ دہ غیر صحیحدر . نافذ پاشا ، احمد آغانک اوغلی دکل ، مہر داریدر . احمد آغا ، مشہور حالت افندی سایہ سندہ تفیض ایدرک مطبخ امینی ، طوبخانہ وذخیرہ ناظری اولوب ۱۲۴۹ دہ وفات ایلدی .

مستقل بیورلدی یازمق وتوجیهات دفترنده رتبه اولییه قید اولمق اوزره احداث ایدیلن (عساکر منصوره محمدیه خزینه سی دفتردارلغی) ۲۵ ربیع الاول ۱۲۵۰ ده مشارالیه توجیه اولندی .

۱۲۵۱ ربیع الاخرینک یدنجی بازار کونی اقشامی ذات شاهانه ، مشارالیهک بکمر بکنده کائن ساحلخانه سی تشریف واقشام طعمانی تناول وتصور هایونلرینی احسان ایله تلطیف ایدرک کیجه عودت بیوردی .

۳ ذی الحجه ۱۲۵۳ ده رتبه وزارت وپاشلق عنوانی ایله - تشکیل ایدیلن - امور مالیه نظارتنه تعیین اولندی .
بوخصوصه دائر صدور ایدن خط هایون ، مالیه نظارتنک صورت تشکیلنی مین اولدیغندن عیناً نقل ایدلدی .

. خط هایونک صورتی :

» بنم وزیرم

خزینه عامره مرک چوقدن بری شیرازه اصولی مختل و مشوش اوله رق اکثر مصارفات واقعه ده تعویض صورتیله ضربخانه عامره من طرفندن وقتلی وقتسز اعانه یه محتاج اولسی وبوتقریب مسند دفترداریده بولنانلرله ضربخانه ناظرلری پیننده مابیت و منازعه کبی شیرلر وقوع بولسی جهتلریله خزینه مذکوره نك حسن اداره سنه مدار اولقی ومأمورلری پیننده قیل وقال کسلمک اوزره بوندن اقدام ایکسی برلشدیریلرک آرائی آرائی بعض وارداتک منصوره خزینه سندن برویه نقلی وخیلیجه مصارفاتک اوتیه تحمیلی صورتلریله دخی خزینه عامره مرک میدانیه چیقارلمسی چاره سنه باقلمش ایسه ده یه یولنه کیره میهرک ایکی طرفک مأمورلری کندی ایشلرینی ایلرولتمکجه چاشمقی انجاییله احدها ک آخرله عدم امتزاجنه بادی اولمقندن بشقه رفته رفته منصوره خزینه سی کافه مصارفات مهمه عسکریه مرک محلی اولسیله خزائن شاهانه مرک جله سندن معتنا اولمقندن ناشی بهمه حال تطرق خاللدن وقایق وخزینه عامره مرک دخی واردات ومصارفات مقررده سنک ظاهره اخراجی وظهوراته متوقف دنیلان مصروفاتک تقریق وتمیزی والحاصل ادخالات واخراجاتنک تصحیح وتقیحی ایله حسن صورته ربط وتأسیسی لازمه دن اولدیغنه ونافذ افندینک

امور دفتريده دركار اولان معلومات و ممارسه سنه مبنی خزائن شاهانه مركز
جله سنه نظارتی اولقی و خزینه عامره مركز دخی منصوره خزینه سنه الحاقیه
بعدازين دفتردار تعيری ترك اولنهرق امور ماليه ناظری اطلاق اولتی
اوزره رتبه وزارت و پاشالقی عنوانی ايله نظارت مذكوره مك مشارليه
توجیهی و ضربخانه مأموریتی كما كان مشيرك عنوانيله حسیب افندیك عهدہ سنده
اولهرق كافی السابق بشقه جه اداره سی خصوصلرینه اراده شاهانه م متعلق اولغله
آكا كوره ایجاب و اقتضاسنی اجرا ایله سین. ۳ ذی الحجه ۱۲۵۳»

سلطان عبدالمجید خان حضرتلرینك جلوسنی متعاقباً ۲۲
جمادی الاولی ۱۲۵۵ ده عزل ایدلدی .

«تقوم وقایع» [۱] ده کی اعلان بروجہ آتی خلاصه درج
اولندی :

«بوندن اقدام سهولت مطالعه سیله هربری مستقل مأمورلر معرفتلیله اداره
اولنان مناصبك بعضی برلشدیرلش ایسه ده کسب جسامت ایدرک حسن
اداره لری ضمنده مأمورلری رتبه وزارتیه ایصال و بونکله دخی مطلوب
حاصل اوله میهرق مخصوص مستشارلر و متعدد مأمورلر تعیینه محتاج اولنلش
و الحاصل اسکی اصولدن صکره کی اتخاذ اولنان مسلکده منافع زائده
کوربله مامش اولدیغندن کافی السابق تقریری حسن تدقیق و اداره یی مستلزم
اولسی بدیهیاتدن بولنلش اولغله ماليه نظارتی دخی بالتفریق باب مالیه ده
بولنان مأمورین و اقلام بالاشترک استخدام اولتی و ایکسی برمحله اقامت
ایلك اوزره خزینه عامره دفتردارانی دفتردار اسبق الحاج ادهم افندی به
و خزینه مقاطعات دفتردارلری بحریه مستشاری سابق موسی صفوی
افندی به احسان بیورلش و ذکر اولنان دفتردارلرله اوقاف نظارتی دخی رتبه
اولی اعتبار اولنسی و مالیه نظارتك تقریری جهتیله مستشارلنك بالطبع رفع
والغاسی و مالیه ناظری سابق عطوفتلو نافذ پاشا حضرتلرینك برمدت
استراحت ایلك اوزره خانه و ساحلخانه سنده اقامت و دعای شاهانه یه مواظبت
ایلسی خصوصلرینه امر و فرمان ملوکانه متعلق اولمشدر .

رجب ۱۲۵۵ ده - صورت تبعیده - چرمن ایالتی مشیرلکنه
[ادرنه والیلکنه] تعیین و شعبانك بشنجی کونی اعزام اولندی .

مشار اليه عاكف پاشانك تعينى (تقويم وقايع) (۱) ده شو
صورتله اعلان اولدى :

« داخله ناظرى سابق عاكف پاشا وماليه ناظرى سابق نافذ پاشا
حضراتى خانه وساحلخانه لرنده اقامت ايتكده ايسه لرده بومثللو ذوانك اويله
بوش طورملرى عبث وبهروده وبعض طشره مناسب محللره مأمور وتعين
اولملرى وقوف ومعلومات اصحابندن ورضاي عالي نى عارف وكلا دن بولملرله
ازهر جهت فوائدى مستلزم اوله بجنندن عاكف پاشايه قوج ايلي سنجايى و نافذ
پاشايه جرمن ايااتى مشيرلكى توجه واحسان بيورلمشدر » [۲]

مشار اليهك « طشره اصوله عدم وقوف ومعلوماتندن بشقه تنظيمات
خيريه ايجابنجه امور ضبطيه نك حسن اداره ورؤيتنده دخى بعض
مرتبته مسامحه سى مسموع على اولديفندن » (۳) ۱۹ صفر ۱۲۵۶ ده
ادرنه واليككندن عزل ايله خانه وساحلخانه سنده اقامتى اراده بيورلدى .
مشار ايله حقنده شكايه وقوعه بناء درسمعاده جلب اولنان
ادرنه محصلى ووجوهى وملل سائر درؤساسى مجلس عموميده لى المحاكمه
سوء اداره سندن ، تنظيمات خيريه سى سكتهدار ايدى جك حر كاتندن ،
خاقان مرحوم حقنده كلمت ناسزا تفوه ايتمسندن و سائر احوال
غير مرضيه سندن طولاي اتهم اولنه رق وزارتدن تنزييله بعدازين
استخدام ايدلمه مك اوزره اوچ سنه مدته کوتاهيه نيه نفيه و (نافذ
افندى) ناميله ياد اولنمسه بالاستيدان اراده سنيه صادر اولدى . [۴]

[۱] [نومرو : ۱۸۶] .

[۲] لطفى افندى ، تاريخنده [جلد ۶ صفحه ۵۷] ديركه : « بومأموربتلر
مشار اليه مانك موجب نكبتلى اولمشدر » عاكف پاشانك ظلم وتعديسندن
بجمله وزارتك رفى ايله عزلنه وادرنه ده منقياً اقامتنه اراده صادر اولدى .

[۳] [تقويم وقايع : نومرو ۱۹۸] .

[۴] محاكمه دائر [تقويم وقايع : نومرو ۱۳/۲۰۱] جسادى الاولى
ده تفصيلات واردر .

کوتاهی‌نک هواسیله امتزاج ایده‌میه‌رک علی مشد اولدیغدن استدعای وجهله بروسه‌ده اقامته جمادی‌الاولی ۱۲۵۷ ده مساعده اولندی. درسه‌دته عودتی کندی ووالده‌بی استدعا ایتدیکندن عفو واطلاقی امر و فرمان شاهانه‌یه متوقف اولدیغی مجلس‌والای احکام عدلیه‌دن باه‌ضبطه عرض اولنمسیله « کیسه ایله اختلاط ایتیوب کندو حالیه ساحل‌خانه‌سنده اقامت ایلک اوزره » رمضان ۱۲۵۷ ده مظهر عنو پادشاهی اولدی .

۱۹ جمادی‌الاولی ۱۲۵۸ ده - رتبه‌اولی صنف اولی ایله - مجلس والای احکام عدلیه اعضالغنه تعیین قلندی. ۵ رمضان ۱۲۵۸ ده اولجه رفع اولنان - رتبه‌وزارتک - اعاده‌سنه وسائر وکلا ایله رکاب رسم عالی‌رنده بولنمسه و مجلس خاصه‌ده داخل اولسنه اراده‌ ساینه متعلق بیورلدی .

۱۶ محرم ۱۲۵۹ ده مجلس والای احکام عدلیه رئیس اولدی .
۱۵ شوال ۱۲۵۹ ده انفصال ایتدی. ۱۴ شعبان ۱۲۶۱ ده - ثانیاً -
مالیه نظارتنه تعیین اولندی .

خط هایونک صورتی :

« بنم وزیر حیتسمیرم

مالیه ناظری صفوقی پاشانک نظارت مذکوره‌دن حسب‌الایجاب عزل و تبدیلی لازم ککش و مجلس احکام عدلیه‌مر رئیس اسبق نافذ پاشانک مقدا مدت مدیده نظارت مذکوره‌ده بولنسی جهتیله نظارت مذکوره امورینی بروجه مطلوب حسن‌اداره‌یه اقدام ایلسی کندوسندن مأول بولنیش اولدیغدن بودفعه مشارالیهک عزلیله برینه مشارالیه نافذ پاشا مالیه ناظری نصب و تعیین اولنهرق مأموریتی اجرا و نظارت مذکوره‌یه مخصوص نشان دخی تعلیق و اعطا برله باب عالی‌زه کوندرلش اولغله همان جناب حق هر حالده حسن موفقیته مقرون بیوره آمین » .

عارضه وجودیه‌سندن طولایی استراحتیه محتاج اولدیغی مقام صدارته تحریراً وشفاهاً عرض ایله استعفا ایتدیگی جهته ۲ ربیع‌الاول

۱۲۶۳ ده نظارته صارم پاشا تعیین قلندی . ۱۸ جمادی الاولی ۱۲۶۴ ده - ثالثاً - مالیه ناظری اولدی .

خط هایونک صورتی :

« بنم وزیر معالیسمیرم

خارجیه ناظری سابق عالی پاشانک یرینه مالیه ناظری رفعت پاشانک و آنک یرینه مالیه ناظری اسبق نافذ پاشانک بوکون مأموریتلری بالاجرا باب عالیزه کوندرملشدر . رمز تعالی و تقدس حضرتلری مشارالیهایی و جمله منری موفق بیوره آمین بحرمة سید المرسلین » .

ربیع الاول ۱۲۶۵ ده عزل ایدلدی . جمادی الاولی ۱۲۶۵ ده مجالس عالییه مأمور ، ۸ رمضان ۱۲۶۵ ده - رابعاً - مالیه ناظری اولدی .

خط هایونک صورتی :

« بنم وزیر معالیسمیرم

مالیه ناظری حسینی افندینک ارتحالی وقوعه منبی نظارت مذکورہ نك معلومات کامله سی جهتیله نافذ پاشایه توجیهی بالتنسیب اقتضاسی اجرا اولنه رق باب عالیزه کوندرملشدر . رمز تعالی و تقدس حضرتلری جمله یی موفق بیوره آمین بحرمة رسول الامین » .

رجب ۱۲۶۶ ده انفصال ایتدی . ۱۸ ربیع الاول ۱۲۶۷ ده اوقاف هایون نظارتنه ، ۷ شوال ۱۲۶۷ ده - خامساً - مالیه نظارتنه تعیین قلندی .

بو بابتده صادر اولان خط هایونده : « . . . امور مالییه یی معلومات تامه سی اقتضاسنجه یولنه قویقم و خدمت و مأموریتلری امور مالییه متعلق اولانلر حقارنده شکر و شکایتی مشمر ومؤثر اولمق اوزره » تعیین اولدینی محرردر . ۱۴ ذی الحجه ۱۲۶۸ ده عزل ایدلدی .

خط هایونک صورتی :

« بنم وزیر معالیسمیرم

مالیه ناظری نافذ پاشانک عزلیله یرینه عهده سنه رتبۀ بالا توجیه اولنه رق طوبخانه عامره من ناظری مختار بکک مأموریتی نزد مزده بالتنسیب میرمشارالیه

جلبلہ اقتضاسی اجرا اولنوب باب عالمیزہ اعزام قلمش اواملاہ اعلان کیفیتہ
ابتدار اولنسون .

۲۰ شوال ۱۲۶۹ دہ وفات ایلدی . یکی قہو مولوینخانہسی
جوارندہ تربہ مخصوصہیہ دفن اولندی . منتسین طریقت مولویہدن
اولدیغیچون مولوینخانہدہ برکتبخانہ انشا وکتب نفیسہ وقف ایلشدردہ .
(سچل عثمانی) دہ :

« فطین ، ذکی ، شدید ، ادور حسابیہدہ فرید ، تصرفاتدہ ورفقاسنہ
قارشی معارضہدہ وحید ، ذی ثروت وصاحب مکنت ایدی » دینیلور .



محمد خالد افندی

عبدالقادر کیلانی قدس الله اسرارہ حضرت تلمیذ سلالہ سندندر [۱] .
باش محاسبہ کتبہ سی زمرہ سنہ التحاق ایلہ جریدہ اوٹھ سی باش کتابتہ
استخدام اولدی . ۱۵ رجب ۱۲۴۸ دە منصورہ ذمتی اولدی .
رمضان ۱۲۵۱ دە خواجہ لکله رتبہ رابعہ نشانی ویرلدی .

مؤخرآ واردات محاسبہ سی ممیز اوللکنہ ، ۱۳ رجب ۱۲۵۶ دە
واردات محاسبہ جیلکنہ تعیین و « امور مأموره سندہ بعض مرتبہ
تکاسلی وقوعہ بناء » [۲] ذی القعدہ ۱۲۵۶ دە عزل اولدی .

« مالیه خزینہ سی مصالحک سکتہ دن وقایہ سی ضمنتہ مأمورینک
معلومات کاملہ اصحابندن اولسی لازمہ دن وموحی الیه مدت مدیدہ
مصلح مالیه ده مستخدم اولسیلہ معلومات کافیہ اصحابندن وذاتاً اصدقای
بندکندن بولندیغندن » [۳] ۱۴ محرم ۱۲۵۷ دە - ثانیاً - واردات
محاسبہ جیلکنہ ، شعبان ۱۲۶۲ دە روم ایلی واردات محاسبہ جیلکنہ
نصب وشوال ۱۲۶۲ دە - حائز اولدینی رتبہ ثانیہ - رتبہ اولی صنف
ثانیسنہ ترفیع ایدلدی .

ربیع الاول ۱۲۶۳ دە خزینہ مالیه روم ایلی دفتردارلغہ تعیین
قلدی . ۲۸ رجب ۱۲۶۵ دە انفصال ایتدی .

ذی القعدہ ۱۲۶۵ دە - ثانیاً روم ایلی دفتردارلی ، رجب ۱۲۶۶ دە

[۱] سلالہ مذکورہ دن اولدینی (قافلہ شعرا) دە مخدومی حالت بکک
ترجہ حالندہ محرردر .

[۲] (تقویم وقایع : نومر ۲۱۶)

[۳] (تقویم وقایع : نومرو ۲۲۱)

— رتبه بالا ايله — ماليه ناظري ، ۷ شوال ۱۲۶۷ ده نافذ پاشا ايله
بجايلايرينك اجراسيله — اوقاف همايون ناظري اولدى . ۱۶ ربيع الآخر
۱۲۶۸ ده عزل اولدى .

۲۹ ربيع الآخر ۱۲۶۹ ده وفات ايتدى . ايوب قبرستانه دفن
ايدلى .

مخدوملرى ، محاكم عدليه اعضاسندن متوفى خليل نشئه واحكام
عدليه باش كاتبتده و معارف مكتوبچيلغنده بولمىش اولان ابدادن
حالت بىكردر .



علی غالب پاشا

صدر اسبق مصطفی رشید پاشانك اوجنجی اوغلیدر . ۱۲۴۵ ده
استانبولده طوغدی . صدارت مكتوبی قلمنه داخل وخواجه لك ، رابعه



رتبه لرینه ، ۲ رجب
۱۲۶۲ ده رتبه ثالثیه
نائل اولدی .

شوال ۱۲۶۴ ده
رتبه ثانیه صنف ثانیه
ایله آمدی اوطه سینه
مأمور ، ربیع الآخر
۱۲۶۷ ده رتبه اولی
صنف ثانیه توجیه
ایدلی .

۲۸ شوال ۱۲۶۷ ده
سلطان عبدالحمید خان
حضر تهرینك كریمه .

لرندن فاطمه سلطانه نامزد اولدی . [۱]

مجلس والای احکام عدلیه اعضالغنه تعیین ورتبه وزارت توجیه
اولندی [۲] .

[۱] فاطمه سلطان او هنکامده اون بر یاشنده ایدی . [ولادت : ۷
رمضان ۱۲۵۶] .

[۲] جریده حوادث محرر لرندن شاعر حافظ مشفق افندی تاریخ آتی
سویله مشدر : « هو وزیر غالب ۱۲۶۷ » .

خط هایونك صورتی :

« بنم وزیر معالیمیرم

مخدومك على غالب بك اوصاف مطلوبه ايله متصف اواسيله بلطفه تعالى كريم فاطمه سلطانك وقت وموسمی حلولنده مير مومی اليه تزويج وتشكيحي وشديدن نامزدلكيله عهدسنة رتبة وزارت ومشيرو توجيه اولنه رق مجلس احكام عدليه مأموریتی نزد شاهانه مرده بالتنسيب مير مومی اليه بوكون جلب ايله كيفيت كندويه افاده قلوب سرقرائ شاهانه مر سام افندی مرافقتيله باب عاليزه كوندلش اولقله كيفيتي اعلان ايليه سين. رمز تعالى وتقديس حضرتلری بو خصوصي قرين يمن ومسعدت وكافة عبادي هر حالده رهين شادي ومسرت بيوره آيين بخيرمة سيدالمرساين ۲۸ شوال ۱۲۶۷ ».

غالب پاشا، شواك يكرمى سکننجي بازارايرتسي كوني سليم افندی ايله برلكده باب عاليه كلهرك وكلا ومأمورين حاضر بولندقلری حالده بالاده كي خط هایون قرائت اولندی .

ذی الحجه ۱۲۶۸ ده عموم دامادلرك مجلس والا اعضالفندن اخراجي سره سنده مشاراليه ده عنو وشعبان ۱۲۶۹ ده اعضالغه اعاده اولندی . ۲۵ جمادی الاولى ۱۲۷۰ ده خرقة سعادت دائرة جلیله سنده شيخ الاسلام عارف حکمت بك طرفندن عقد وتشکيج و ۱۶ ذی القعدة ۱۲۷۰ ده مکلف سور ولیمه اجرا ایدلدى .

۱۱ ربیع الآخر ۱۲۷۱ ده خزبنه خاصه نظارتنه، ۲۷ ربیع الآخر ۱۲۷۳ ده مجلس عالی تنظیمات اعضالفنه، ۸ رمضان ۱۲۷۳ ده خارجيه نظارتنه تميين قازدى .

خط هایونك صورتی :

بنم وزیر معالیمیرم (رشید پاشا)

خارجيه نظارتك تبدلی لازم كلهرك مجلس تنظیمات اعضاسندن على غالب پاشانك لياقتي جهتيله امور خارجيه نظارتی عهدسنة توجيه قلندش وآنك يرينه مجلس مذکور اعضالفنه دخي خارجيه ناظرى سابق ادهم پاشا تعيين قلندش اولقله مشاراليهمانك اعلان مأموریتلرينه ابتدار اولندون . رمز تعالى وتقديس حضرتلری جمهيني موفق بيوره آمين . ۸ رمضان ۱۲۷۳ » .

جودت پاشا (معروضات) عنوانيله با اراده‌سنيه تحرير و تقديم ايلديكي مجموعه تاريخيه ده ديركه :

« رشيد پاشا ، عالی و نژاد پاشالره بدل بشته آدمار يتشديرمكه قالدشدي ايسه ده موفق اوله مدي . حتی بر آره لق ادهم پاشا [صدر اسبق] خارجه ناظري اولدي . چوق كچمكسزین عزلی وقوع بولدي . بعده علی غالب پاشا خارجه نظارتنه كتورلدي . اوده يابه مدي . نهايت الامر رشيد پاشا ، اسكي چراقلری اولان عالی و نژاد پاشالره باريشمغه مجبور اولدي . »

مصطفی نائلی پاشانك صدارت ثانيه سنده ۱۱ ذی الحجه ۱۲۷۳ ده اوقاف هايون ، ۱۱ شعبان ۱۲۷۴ ده تجارت ناظري اولدي . ۱۹ محرم ۱۲۷۵ ده انفصال ايتدي .

۱۲۷۵ سنه سی صفرينك بشنجی كونی آقشامی صاری یارده طعام ايدرك نزدنده كتخداسی حتی بك و اوشاغی اولدينی حالده كيچه قراكلقدده قايقله عودت ايدركن يكي كوی اوكنده فنار دوبه سنك يانده تصادف ايدن رومور كورك قايغه چارپه جفنه ذاهب اوله رق دكزه آتيلديغندن درحال غرق اولدي .

تحریات واقعه اوزرينه نعشی بكقوز جهتده (اغيريب) ايچنده اوشاقله بربرينه صارلمش ، سلطان عبدالجيد خان حضرتلرينك احسان ايلديكي قيمتدار بربرلانطه يوزوکی حامل اولان پارمانچی آوجنه بوكيلمش اولدينی حالده بولنوب ميركونده — مؤخرآ خديو اسبق اسماعيل پاشايه انتقال ايدن — پدرينك ياليسنه كتيرلدي . پدرينك بايزيده اوچيلر باشنده كي تره سنه دفن اولندي .

مرقدينه تعليق ايديلن منظومه تاريخيه نك خاتمه سی :

فوتنه خیری سحر خیز شب ماتم اولوب
بيت مهمل ايله تاريخنی ايتدم املا
اولدی مستغرق دریا علی غالب پاشا
آب کوثر ايله سیراب ایده محشرده خدا .

تصیرالقامه، نازك، ذكى، ترجمه كتابى كوزل، فرانسزجه متكلم
وكتابه مقتدر، موسيقى به محب ايدى .
مشاراليهك زمان نظارتنده برچوق مؤسسات دينيه وخيريه تعمير
ايدلى .



عبداللطيف صبحي پاشا

حکماي وزرادن عبدالرحمن سامي پاشانك اوغليدر . ۱۲۰ محرم ۱۲۳۴ ده . موره نك مركزى اولان طراپليچه قصه سنده طوغدى .



۱۲۳۶ ده موره اختلالنده
پدرى ، عائلسيله برابر
عصات النده اسير اولدى .
سركرده عصات اولان
قودان قولوقو طرونى ،
سامي پاشانك پدرى موره
خاندانندن شيخ احمدنجيب
افندين وقتيله كوردىكى
اياكى اونوتمديغندن
عائله يي حمايه و قيدا سردن
اطلاق ايله ۱۲۳۹ ده
ناپوليدن مصره كيدن كمي يه
اركاب ايلدى .

شويلاكه : مرقوم قودان - اوزمانلر انكليز مستملكاتندن
بولان - جزائر سبعة اهاليسندن برروم اولوب انكليز تابعيتندن
مستفيد ايدى . يونان هيئت اختلايه اداره سـنه كميسيلا كـتـيرـديـكى
ذخيره نك بدلنى آلق اوزره مدت مديده طراپليچه ده اقامت ايلديسه ده
يونانيلىرك عدم اقتدارى سبيله مطلوبنى استيفا ايده مدي .

نهایة الامر بدوستنك اخطاریله مطلوبنه مقابل شیخ نجیب افندیك عائله سنی انكلیز قونسولوسی وساطتیه ایستدی. روملر ، برکمی ذخیره دها کوندرلك شرطیه طلبنی قبول ایدرك سامی پاشانك برادرلرندن خیرالله پاشا ومحمود افندی یی رهن اوله رق آلیقویوب عائله مذکوره یه رخصت ویردیلر . افراد عائله کمینك سیر وسفرینه تابع اوله رق اسکندریه یه واصل اولدیلر .

مصر والیسی محمد علی پاشا ، سامی پاشادن یونانستان وقوعاتی واسباب اختلاک ظواهر ولدنیاتی اطرافیه افهام ایده جک صورته بر ایضا حنامه طلب ایتمدی . سامی پاشانك یازدینی لایحه یی پک زیاده تقدیر ایدرك قودانك مطلوبنی ویردی . فقط ارباب اختلاله ذخیره ارسال ممدن اوله میه جنندن تعهدك بوقسمی ایفا اولمادی .

بالاخره ابراهیم پاشانك یونان فتوحاتی اثناسنده - مرهون اولان - خیرالله پاشا ومحمود افندی مبادله صورتیه تخلیص قلندی . صبحی پاشا ، پدریه برابر مصره وصولنده تحصیل علومه غیرتله - دیوان ولایت باش معاونی بولان - پدرینك معنی کاتبکنده استخدام ایدلرکدن صکره محمد علی پاشانك خصوصی کتابته مأمور اولدی .

محمد علی پاشا ، دأما امور مملکتله مشغول اولان ذهنی اراحه ایتمک ایچون آراهایله تفرج ایتمکی اثنادهده صبحی پاشایی یانه آله رق مملکتده محتاج اصلاح ، یاخود لازم الاجرا کوردیکی موادی بردفتره اشارت ایتدیردی .

محمد علی پاشا ، صبحی پاشایی کتابت خصوصیه خدمته قبول ایتمکی صرمده عهدده سنه میروالق رتبه سی توجیه ایتمک ایستدیدهده پدرحکیمی ، مانع اولدی .

محمد علی پاشا، بو استغنادن منفعل اولدیسده صبحی پاشا بش سنه
بلا رتبه خدمت کتابتده قالدی. مشارالیه، برادر لرینه بعضاً بو کیفیت
نقل ایله متبسمانه « پدر، بزم رتبه مانع اولدی » دیر ایش.
عباس پاشانک والیلکی هنکامنده ۱۲۶۵ ده پدریله برابر در سعادته
کلدی.

۷ رجب ۱۲۶۶ ده مجلس معارف عمومیه اعضالغنه تعیین و محرم
۱۲۶۷ ده رتبه اولی صنف ثانسی توجیه اولندی. ۴ ذی الحجه ۱۲۷۰ ده
رتبه اولی صنف اولی ایله مجلس والای احکام عدلیه اعضالغنه مأمور
اولدی.

۱۲۷۳ ده برخرستیان قیزک قتلندن طولایي اجانب طرفندن اتهام
اولنان فریق صالح پاشایی محاکمه ایچون وارنیه کوندردلی. اجرا
ایلدیکی تحقیقات اوزرینه قاتلک مصطفی نامنده بری اولدینی تین ایتمکه
در سعادته عودت و اوراق تحقیقیه بی باب عالی یه تقدیم ایلدی. اوچنجی
رتبه مجیدی نشانی ویرلدی.

ذی القعدة ۱۲۷۳ ده رتبه بالا ایله - مجلس والا اعضالغنه علاوه -
تحریر املاک قومیسونی ریاسته تعیین قلندی. مبادی امورده مصردن
بعض متخصصین جلب وبالذات بروسیه عزیمتله تحریر املاک اصولی
تأسیس ایتدی. دیگر ولایاتده تعمیم ایله تکالیف عمومیه بر مقیاس
صحیح وضع ایلدی. ایکنجی رتبه مجیدی نشانی احسان بیورلدی.

صدر زمان رشید پاشانک امریله محاس والا برقاچ شعبهیه تقسیم
ونظامات داخلیه سنک تحریری مشارالیه حواله ایدلمکه نظاماتی تحریر
ایتدی. وشعه لرك تشکیلنده مالیه، اوقاف، قوانین، دعاوی شعبه لرنده
ریاست ثانیده بولندی.

دفتراماتی، تحریر املاک اداره سیله برلشدریلرک ربیع الاخر
۱۲۷۷ ده مشارالیه تفویض قلندی. استانبول و بلاد ثلثده نفوس

و اما کفی تحریر و دفترخانه ده تراکم ایدن بر میلیون درت یوز بیک
طابو سندی املا و قید ایتدیر یلهرک اصحابنه اعطا اولدی .

سلطان عبدالعزیز خان حضر تکرینه - قبل الجلوس تصادفاً مناسبت
پیدا ایتسی اوزرینه - خاقان مشارالیه، کوریشمک آرزو سنده بولندیغندن
- او وقتک قاعدهٔ مرعیه سنجه - اذن پادشاهی لاحق اولدقجه خاکپایه
یوز سورمک موافق اولیه جفندن بحثله عرض اعتذار ایتمشدی . بو
اعتذار، قرین قبول و بادئ توجه اولمغله جلوسی متعاقباً مشارالیهی
۱۴ محرم ۱۲۷۸ ده اوقاف هایون نظارتنه نصب بیوردی .

ابتدا امور تحریریه و حسابیه بی تنظیم ایله خزینة اوقافک مطلوباتی
استحصاله و دیونئی ادایه مبادرت ایلدی . و حساباتک تدقیق ایچون
موقت بر اداره تشکیل ایلدی .

خزینةک وارداتی تحت انضباطه آلهرق مطلوباتی تحصیله اقدام
ایله اوچ آیده (۲۴,۰۰۰) کیسه بورج و یردی . اشیای لازمه بی نقداً
و پشین اولهرق آلوب اصحاب و وظائفک معاشلرینی تداخلدن قورتاردی .
برجمعه سلاملغنده - اوقاف ناظری صفتیه - بخوردان طوطدینی
اثناده سؤ حاللری سمع هایونه ایصال ایدلمش اولان اوقاف مأمور لرندن
ایکی کشینک نظارتدن چیقارلمسی حقنده کی ارادهٔ سینه بی تلقی و ایرتسی
کون اجرا ایدرک کیفیتی مقام صدارته اشعار ایلدی .

بو حال اوزمانک اصول اداره سنه مخالف کورندیکندن صدراعظم
عالی پاشانک عرضیه نظارتدن عزل و ۱۴ ربیع الاخر ۱۲۷۸ ده
- ثانیاً - مجلس والا اعضالغنه نقل ایلدی .

شوال ۱۲۷۹ ده روم ایلی ولایاتندن بعضلرینک تفتیشه مأمور
اولهرق ایکنجی رتبه عثمانی نشانی و یرلدی . ۷ ذی القعدة ۱۲۷۹ ده
عزیمت و تفتیشه قواله دن باشلا یوب سلانیک و یانیه ولایتلرینی دور
ایلدی .

بش سنه مدته اهالی به احاله قلنان اعشار ، نسبت صحیحه ایله التزام اولمیدیندن تنزیلات اجرا و ویرکو ، اقتدار اهالی به کوره تعدیل اولندی . جایت اموالک ضبطیه لر واسطیه اجرا سنده بولسزلق وقوع بولمده اولدیندن تحصیلدارلر تعیین ایدلدی . زائد مأموریتلر لغو و نااهل مأمورلر عزل ایله امور مالیه یولنه قوندی .

اون بش یکرمی سنه دن بری تورمین اشقیا استیصال وامنیت طریق استحصال قلندی . حاصلات ایله تعیش ایدن حکام شرع توظیف وهوایی افساد ، اراضی بی زراعتدن تعطیل ایدن کوللردن بر قانچک مجرالر ی تطهیر اولندی . در سعادته عودتنده مجلس والایه دوام ایدلدی . ۲۳ ربیع الاخر ۱۲۸۴ ده معارف نظارتنه تعیین قلندی . کرید مسئله سی حقنده انکلتره و اوسـتـریا دولتری طرفدن در میان اولنان صورت تسویه دایر ـ ازاله اغتاشات و اجرای اصلاحات ایچون کریدده بولنان ـ صدراعظم عالی پاشایه باب عالی جانبدن بعض تبلیغات اجرا ایتک اوزره ۴ شعبان ۱۲۸۴ ده طلیعه واپوریه کریده عزیمت و ۱۲ شعبان ۱۲۸۴ ده عودت ایتدی .

عالی پاشانک کریددن عودتنده ۱۱ ذی القعدة ۱۲۸۴ ده معارف نظارتندن انفصال ایدرک ـ تشکیل اولنان ـ شورای دولت اعضالغه ، تعیین اولندی . مؤخرأ عزل ایله ۱۵ جمادی الاولی ۱۲۸۷ ده تکرار مذکور اعضالغه ، ۱۴ رجب ۱۲۸۸ ده رتبه وزارت و برنجی رتبه مجیدی نشانی توجیهله سوریه والیلکنه نصب ایدلدی . (۲)

معان سنجانی ، کرک قصبه سنده اقامت ایدن بر شیخک اداره مستقلمسند ایدی . شیخ ، محافظه استقلالی ایچون انکلیزله تمایل وولایتله اولان روابطنده تسامح ایدر ایدی .

[۲] اووقت « طالی صبح اولدی شامک سوریه سورایلدون » مصراعنی جودت پاشانک سولیدیکی مرویدر .

انکلیز لر شیخک تمایلنه حسن قبول کوستردک شیخ ایله حکومت آره سنده توسطه باشلامشلا ریادی . صبحی پاشا عسکر سوقیه شیخک دفعی تشبثنده بولندی . اردو مشیرینک بعض محذورات سرد ایلسی ، تشبث واقعی ثمره سز بر اقدی .

مشارالیه ، صالحیه اکرادنن ژاندارمه نامیله ایکی بیک سواری احضار ایدرک شیخی دفع و بر قائم مقام نصب ایتدی . فقط بو حرکت جرأتکارانه ، صدر وقت مترجم محمد رشدی پاشانک فکرینه توافق ایلدیکندن مشارالیه ی عزل ایتدیردی .

۱۸ ذی القعدة ۱۲۸۹ ده - ثالثاً - شورای دولت اعضه الغنه مأمور ، ۲۴ محرم ۱۲۹۰ ده (۱۰,۰۰۰) غروش معزولیت معاشی تخصیصیه منضصل اولدی .

ذی القعدة ۱۲۹۲ ده محکمه استیناف ریاست اولیسنه ، - احمد وفیق پاشانک باش وکالتنده - ۱ صفر ۱۲۹۵ ده برلشدیریلن اوقاف هایون و معارف نظارتلرینه - ثانیاً - تعیین ، ۱۵ ربیع الآخر ۱۲۹۵ ده عزل اولندی .

۳ ذی القعدة ۱۲۹۶ ده - ثالثاً - اوقاف هایون ، ۸ جمادی الآخره ۱۲۹۷ ده مالیه ، ۲۳ محرم ۱۲۹۸ ده - رابعاً - اوقاف هایون و بالآخره - ثانیاً - مالیه ، - احمد وفیق پاشانک دفعه ثانیه باش وکالتنده - ۱۴ محرم ۱۳۰۰ ده تجارت ناظری اولدی .

شرقی روم ایلی مسئله سندن طولانی سعید پاشا قایینه سنک سقوطنده ۱۵ ذی الحجه ۱۳۰۲ ده انفصال ایلدی . ۱۷ ذی الحجه ۱۳۰۲ ده - خامساً - اوقاف هایون نظارتنه نصب ایلدی .

۱۱ ربیع الآخر ۱۳۰۳ ده وفات ایتدی . - لطان محمود خان ثانی حضرتلری تربه سی حظیره سنه دفن اولندی .

علوم شرقیه و غربیه یه ، عرب و فرس ، فرانسز ، یونان

لسانلرينه، تاريخ و علم آثار عتيقيه واقف ایدی. ابن خلدون تاريخنك (۱۱) بر قسمی (مفتاح العرب) نامیه ترجمه و سلفكیان و اشكانیان حكومتلرينك تاريخنی (تكملة العرب) نامیه تحرير و نشر ایتدی. (حتایق الكلام فی تاريخ اهل اسلام) عنوانی اثرينك يالكز برنجی جلدی مطبوعدر .

امور ماليه نك اصلاحنه دائر سلطان عبدالعزیز خان حضر تلبنه تقديم ایتدیكى ذی القعدة ۱۲۸۱ تاريخی لایحه، مطبوع و حائز اهمیتدر. تركه سنده پك چوق كتب قیمتدار ظهور ایتدی. سنه لرحه بذل مساعدین صكره جمع ایلدیكى مسكوكات قولكسیونى نوادر دن اولدیغى ایچون استانبوله كلن فرنك متخصصلری مشارالیه مراجعتله قولكسیونى زیارت ایدرلردی .

مشارالیه کثیرالاولاددر . اکبر اولادی ادبا و شعرا دن آیه الله بکدر که روسیه محاصره سنده ارضروم ولایتی مکتوبخیلغنده بولنوب ارزنجانه کیرکن (ترجان) ده ربیع الآخر ۱۲۹۵ ده تیفودن وفات ایتدی .

§

مشارالیهك زمان نظارتلرندهكى اجرات :

جوامع، مساجد، مكاتب، مبانی و دوائر وقفیهك و خدمه ايله مرتزقهك احوالی تفتیش ايتك اوزره دائره نظارتده تفتیش ماصهسى احداث اولدی .

ایاصوفیه جامعده قبولر کشادینه، ۹ جادی الاولی ۱۲۹۹ ده اراده سنیه صادر اولدی . مبانی دینه و خیریه دن بعضلری تعمیر ایلدی .

[۱۱] ابن خلدون تاريخی مصرده ایکن محمد علی پاشانك تشویقه ترجمیه باشلامش ایسه ده موانع متابمه ايله اكمال ایدمه دیکنی و استانبوله نقل مکان ایتدکن صكره (مفتاح العرب) ی اكمال و نشر ایلدیکنی صبحی پاشا، كتابك مقدمه سنده سوبیلور .



ابوبکر ممتاز افندی

بالموحي اصنافدن اكينلى الحاج . مصطفى آغانك [۱] اوغلیدر .
استانبولده طوغدی . دیوان هایون قلمنه دخول ایله مهمه نویس
اولدی . خواجه لك رتبه سی ویرلدى .



فرارى لقييله معروف
احمد فوزى پاشايه ديوان
كاتبى، شوال ۱۲۴۷ ده
كاغد اندرون آمینی
اولدی . عساكر خاصه
مشیری مشاراليه احمد
فوزى پاشانظار تيله انشا
ايتديريلن اون قپانی
كوپريسنگ رجب
۱۲۵۲ ده رسم كشادی
اجرا قلندينى ائنده
- مشاراليهك ديوان
كاتبى اولسندن طولاي-

ممتاز افندی ده خا كپای شاهانه يه يوز سوره رك رتبه نالته يه مخصوص نشان
احسان بيورلدى .

[۱] ممتاز افنديك آمدجيلكنده ۱۲۶۱ ده پدرينه اصطبل عامره پایه سی
ويرلشدر .

مؤخرآ آمدی قلمنه مأمور اوله رق ۱۲۵۳ ده ساقزه ننی ایدلدی.
(تاریخ لطفی) ده دینلیورکه (۱) :

« پرتو پاشانك دامادی وصاف افندیك تبعیدینی متعاقب قبودان دریا احمد فوزی پاشانك دیوان کتانبیله مشتر ممتازافندی دخی ساقزه اعزام قلندی . پرتو پاشا مرحوم ایله احمد فوزی پاشا بینه رقابت وارمش . بورقایتدن احمد فوزی پاشابه طر قونان سرپنتی به دیوان کانی ممتاز افندی کوكس کرمش ، شویله که ممتازافندی ظاهرده دیوان کاتی ، معناده فوزی پاشانك محرم ومستشار اموری اولدیغندن مخدمنه [افندیسه] اسناد اولنان شیئی نه ایسه فدا کارلق بولنده کندییسی یوکلنوب حکمه ساقزه کوندرلستی تنسیب وحقی ننی فرماتی کندییسی تحریر وتریب ایلش اولدینی محقندر » [۲] .

نفیدن اطلاق اولندقدن صکره ینه آمدی قلمنه دوام ایلدی . دیوان هایون بکلکجیدی شکیب افندیك لوندره سفارتنه مأموریتی اوزرینه محرم ۱۲۵۶ ده بکلکچی وکلتنه تعیین وخدمت مذکوره به مخصوص رتبه نانیه نشانی اعطا قلندی .

۲۷ جمادی الاخره ۱۲۵۶ ده آمدی دیوان هایون ، صفر ۱۲۶۳ ده سرعسکر مستشاری اولدی . ۱۳ جمادی الاخره ۱۲۶۴ ده عزل ایدلدی . ۸ جمادی الاخره ۱۲۶۶ ده مجلس والای احکام عدلیه اعضالغنه تعیین ورجب ۱۲۷۳ ده رتبه بالا توجیه اولندی . جمادی الاخره ۱۲۷۴ ده — مجلس والا اعضالغی اوزره عهد سنده قالمق — مجلس محاسبه مالیه ریاسته نصب ایدیلرک ربیع الاول ۱۲۷۵ ده انفصال ایلدی .

۳ رمضان ۱۲۷۵ ده مالیه مستشارلغنه ، ۱۴ ربیع الاخر ۱۲۷۸ ده اوقاف هایون نظارتنه ، ۲۰ جمادی الاولی ۱۲۷۸ ده مالیه نظارتنه ،

[(۱) [جلد ۵ صحیفه ۹۲]

[۲] ممتاز افندی به مناسبت قدیمه سی اولان برذات عالی قدر ، مشارالیهک دیوان قامی مهمه نویسانندن بولندی صرده ننی اولنوب فرماتی کنددی دکل یاننده اورتوران رفیق یازدینی حالده قطعا رنک ویرمدیکی وسبب ننی ، احمد فوزی پاشانك فراری مسئله سی اولدیغنی نقل ایلدی .

۱ ذی الحجه ۱۲۷۸ ده صدارت مستشارلغه تعيين ، شعبان ۱۲۷۹ ده
برنجی رتبه مجیدی ، ذی القعدة ۱۲۸۱ ده برنجی رتبه عثمانی نشانلری
توجیه قلندی .

۱۱ ذی القعدة ۱۲۸۴ ده دعاوی نظارتنه ، ۲۸ ربیع الآخر ۱۲۷۸ ده
مصر قیو کتخذالغنه نصب اولدی .

۱۸ ذی القعدة ۱۲۸۷ ده وفات ایلدی . یکی قیو مولویخانه سی
حظیره سنه دفن ایلدی .

خط رقعده ماهر ایدی . مخدوملری ، دفتر خافانی ناظر اسبقی
فضلاى وزرادن علی رضا پاشا [۱] مرحوم ايله شهر امینلکندن متقاعد
رشید پاشادر .

احمد وفیق پاشا

مأمورین اسلامیه دن ایلك دفعه دیوان هایون ترجمانی تعیین
اولنن مهتدی یحیی ناجی افدینک حفیدی و - پارس سنارتی
مصلحتگذار لغند



بولمش اولان - روح -
الدین افدینک اوغلدر
۲۳ شوال ۱۲۳۸ ده
استانبولده طوغدی .
۱۲۴۷ ده مهندسخانه
بری هایونه داخل
اولدی . اکمال تحصیل
ایتمه دن - پارس سفارتنه
تعیین اولنن - مصطفی
رشید پاشانک معیتده
۱۲۵۰ ده پدریله برابر
پارسه عزیمت وسن لوتی
لیسه سنده تحصیل معرفت ایلدی .

۱۲۵۳ ده باب عالی ترجمه اوطه سنه مأمورو خواجهلک رتبه سنه
نائل اولدی . رتبه سی ۱۲۵۶ ده رابعیه ترفیع و - نازارت کتابتیه
لوندردیه اعزام اولندی . ۱۲۵۸ ده مأموربت مخصوصه ایله صربستانه
کوندردلی . عردتنده (۱,۵۰۰) غروش معاشله ترجمه اوطه سی

برنجی صنف خلفالغنه ویولجی پساپورطلری معاینه مدیرتیه تعیین قلمدی .

۱۲۵۹ ده تفریق تابعیت مأموریتیه ازمیره کیتدی . ۱۲۶۱ ده عودتله رتبه ثالته و (۲,۰۰۰) غروش معاش ایله ترجمه اوطهسی ممیزی اولدی .

۱۲۶۴ ده تفتیش ایچون تکرار ازمیره عزیمت ایدرک عودتنده رتبه ثانیه و (۲,۰۰۰) غروش معاش ایله مترجم اول نصب اولندی . ۱۲۶۵ ده (۲,۵۰۰) غروش معاشله مجارستان ماتجیلری مسئله مأمور ومؤخرأ (۳۵,۰۰۰) غروش معاشله مملکتین فوق العاده قومیسرلکنه ، شعبان ۱۲۶۷ ده انجمن دانش اعضالغنه ، رمضان ۱۲۶۷ ده رتبه اولی صنف ثانیسی و (۴۵,۰۰۰) غروش معاش و (۱۰,۰۰۰) غروش سالیه ایله طهران سفارتنه تعیین ایدلدی .

۱۲۷۱ ده بغداد وکردستان حدودینک تفتیشنه ، ۱۸ ربیع الاخر ۱۲۷۱ ده رتبه اولی صنف اولی و (۲۲,۰۰۰) غروش معاش ایله مجلس والای احکام عدلیه اعضالغنه تعیین وایکنجی رتبه مجیدی نشانی توجیه قلمدی .

۱۸ رجب ۱۲۷۳ ده - اعضالق عهده سنده قالمق اوزره - رتبه بالا و (۲۵,۰۰۰) غروش معاشله دعاوی نظارتنه ، محرم ۱۲۷۴ ده (۱۵,۰۰۰) غروش معاشله - ثانیاً - مجلس والا اعضالغنه ، ۱۲۷۷ ده (۱۵,۰۰۰) فرائق معاشله پارس سفارتنه ، برسنه صکره پارسده منعقد مکالمه مجلسی مرخصلغنه ، ۱۲۷۸ ده - ثالثاً - مجلس والا اعضالغنه ، ۲۰ جمادی الاولی ۱۲۷۸ ده (۳۰,۰۰۰) غروش معاشله اوقاف هایون نظارتنه ، ذی الحجه ۱۲۷۸ ده ینه اومقدار معاشله - تشکیل اولنان - دیوان محاسبات ریاستنه - نصب وایکنجی رتبه عثمانی نشانی اعطا اولندی .

۲۲ ذی الحجه ۱۲۷۸ ده مأموریت مخصوصه ايله بلغرا ده کوندرلدى .
رمضان ۱۲۷۹ ده - رابعاً - مجلس والا اعضا الغنه مأمور اولدى .
برمدت دارالفنونه حکمت تاريخ تدريس ايدلى .

شوال ۱۲۷۹ ده اناطولى وروم ايلي ولاياته مفتش لر اعزام
اولندينى ائنده معاشنه (۳۵,۰۰۰) غروش ضميله اناطولى صاغ قول
جهتى مفتش لکسنة تعيين قلندى (۱) جادى الاخره ۱۲۸۱ ده غزل
و (۵,۰۰۰) غروش معزوليت معاشى تخصیص ايدلى .

۱۰ رجب ۱۲۸۸ ده (۴۰,۰۰۰) غروش معاشله رسومات امانته
تعيين و ۴ شعبان ۱۲۸۸ ده برنجى رتبه مجيدى نشانى اعطا اولندى .
۱۴ ذى القعدة ۱۲۸۸ ده صدارت مستشارلغنه ، ۸ ربیع الاخر
۱۲۸۹ ده مءارف نظارتنه ، ۴ شوال ۱۲۸۹ ده - وراى دولت
اعضا الغنه نصب ، ۱۲۹۲ ده پترسبورغ جمعیت علمیه سنه اعزام اولندى .
۲۱ محرم ۱۲۹۴ ده - ايلک دفعه کشاد ايدیلن - مجلس مبعوثانه
رئيس اولدى . ۱۲ ربیع الاول ۱۲۹۴ ده رتبه وزارت احسان
ايدلى .

۱۷ شعبان ۱۲۹۴ ده (۳۰,۰۰۰) غروش مءاشله ادرنه واليلکسنة ،
۲۴ ذى الحجه ۱۲۹۴ ده هیئت اعيان اعضا الغنه ، ۷ محرم ۱۲۹۵ ده
- حمدى پاشانک صدارتسند - ثانياً - مءارف نظارتنه تعيين اولندى .
(مرآت حقیقت (۲) ده بیان ايدلديکسنة کوره :

« صدراعظم حمدى پاشانک تبديلى تصمیم اولندينى صرده بولایر قوماندانى
سليمان پاشانک ، مبعوثاندى ادرنه لى راسم بکه وازميرلى احمد افندي يه حربک

(۱) احمد و فیک افدى ، از مبدده تفیشات ايله مشغول اولندينى ائنده
اهالى طرفندن ویريلن عرض حاللر اودرجه ، تکثر ايتمشدرکه از مبدده عرض حاللک
اوراق صحیحه ، قالدیندن درس عاده مراجعت ايدلن اولندينى او زمانک
غزته لرندده کورلشدر .

نتیجه، ملوبانه سی پادشاهله ارکان دولتك اثر سیاتی اولدیفنه دأثر کاندلر یازدینی استخبار اولتاریق مبعوثانك دوام اجتماعی سلطنت علیمنده برمفست ظهورخی انتاج ایلیه جکی طنی قوت بولمغه پادشاه، مجلس عمومینک عربده سز تعطیلی چاردسنه باقغه حضرت ایلدی. بویله تملیکلی ایش کورمکه وکلای موجوده ایچنده احمدوفیق پاشادن بیقه اهل بولمدمیفندن مشارالیهی مقام صدارته کتیرمکی تصیم ایلدی. مشار الیه مابین هایونه جاب ایله تئیر صدارت اولندقدده اوچ شرط عرض ایلدی که برنجیسی صدارت نامنك باش وکالته تحویلده مسئولیت وکلا اولنك وضی، ایکنجیسی داماد محمود پاشانك طوپخانه مشیرلکنندن وسعید پاشانك داخلیه نظارتندن عزالیه نظارت مذکورنك باش وکالته علاوه" کندی عهدده سنه توجیهی و اوچنجیسی مصالح عمومیه اوزرینه وقوع بولعجق معروضاتنه مقام سلطنتندن مساعده اولنسی ماده لری ایدی. تکالیف قرین قبول اولدی.»

۱ صفر ۱۲۹۵ ده (۵۰,۰۰۰) غروش معاش و داخلیه نظارتی انضمامی ایله باش وکالته نصب و برنجی رتبه عثمانی نشانی توجیه قلندی.

خط هایونك صورتی :

« وزیر، عالیسیرم احمدوفیق پاشا

حدی پاشانك عزل و تبدیلنه لزوم کورغوش و قانونمز اقتضاسنجه وکلانك مأموریتلرینه متعلق مصالحده منفرداً و مصالح عمومیه ده مجمعاً مؤسئیلرلی طبعی و اشو قاعده مؤسئیت حکمنجه وکلانك مؤسئیت منفرده لری تختنده جریان ایدن وادی بالمقابل طرفزدن تصدیق اولنق اوزره عرض ایتلری مقتضی اولدیفندن آنک خارجنده اولان یعنی مجلس وکلاده هیئتجه تذکر قلنان خصوصاتك قرار نامهلرخی و مجلس مبعوثانك تنظیم و مجلس اعیانك تصدیق ایده جکی قانونلری حضورمرزه تقدیمه وساطت و مجلس وکلابه ریاست ایتك اوزره خدمت صدارتک بالاینجاب لغویله آکا بدل ریاست وکلا مأموریتنك احداث و تأسیسی تصویب قلنش اولدیفندن لیاقت و اهلیت و استقامتکیز جهتیه باش وکیلاک داخلیه نظارتق انضمامیه عهده کزه حواله قلنش اولدیبی کبی وکلاقی مأموریتلری باش وکالته برلشدیریلان داخلیه نظارتق ایله مشیخت و سرعسکراک و خارجی و بحریه و عدلیه نظارتلرینه و شورای دولت ریاست و طوپخانه مشیریتنه و مالی و اوقاف و معارف و نایفه و تجارت نظارتلرینه حصر

ایدیلوب اشبو مأوریتله انتخابلری طرفزدن تصدیق قلنسان ذواتك تعیینلری
تقرر ایتمش اولغله اعلانه ابتدار قلنسون . جناب حق موفق بیوره .
۱ صفر ۱۲۹۵ .

مشارالیهك باش وکالتی الکبحرانلی برزمانه تصادف ایتدی . روسیه
دولتی ، بیسوک چکمجهدن خط متارکه تعین ایتمکه پای تحت تضییقه
اوغراددی . ایکی یوز بیکی متجاوز روم ایلی مهاجرینی استانبوله طولدی .
احوال حربیه دن طولای و واردات تحصیل اولنه مدیغدن خزینئه مالیه
وضایقه شدیدیه کرفتار ، حوایجده غلا حاصل اولدی . مشارالیه ،
دولتک انقصاد مصالحه و طاب متارکویه مجبوریتی اسبابنه دائر تنظیم
ایتدیردیک بیاننامه یی بالذات مبعوثان واعیانہ تبلیغ ایله مجلس عمومی یی
تعطیل ومبعوثاندن راسم بک ، احمد افندی ، مصطفی بک ، یوسف
افندی یی مملکتلرینه تبعید ایتدی . ممکن الاستحصال وارداتدن خزینئه
دولته باره جاب ومهاجرینی اناطولی ساحنه سوق ایله برابر دوائر
عسکریه نك واهالینک احتیاجاتی تسهیله مسارعت ایلدی .

کویا اکثر وکلا ایله بالاتفاق خلع تصورنده بولندیغی پادشاهه
ابلاغ ایدلیدیکندن ۱۵ ربیع الاخر ۱۲۹۵ ده عزل اولندی [۱] .

۱۱ صفر ۱۲۹۶ ده (۲۵.۰۰۰) غروش معاشله خداوندکار
والیاکنه تعین اولندی . مکتوبچی واعشار مدیری ایله قائممقاملری
خودبخود عزل ایتمکه برابر بوخصوصه دائر باب عالیدن واقع اولان
استعلامده جواب ویرمه مسندن طولای مجلس وکلا قراريله بالاستیدان
صادر اولان اراده سینه اوزرینه ۳ ذی الحجه ۱۲۹۹ ده انفصال
ایلدی .

۱۹ محرم ۱۳۰۰ ده - ثانیاً - باش وکالتہ نصب ومرصع عثمانی
نشانی ایله تلطیف قلندی .

خط هایونك صورتی :

وزیر ، مالسمیرم احمد و فیک پاشا

سعد پاشا نك حسب الایجاب عزایله اهلیت مسلمة كزه مبنی باش وكالات خدمت مهمه بی عهده كزه تفویض واحاله قلمشدر . وكلائی فخامز ایله بالاتفاق حسن ایفای وظائف مأووریته بذل مساعی واقدامات اولنسون . جناب حق مظهر توفیق بیوره آمین ۱۹۰۰ محرم ۱۳۰۰ » .

۲۱ ثرم ۱۳۰۰ ده عزل اولندی .

معزولاً روم ایلی حصارنده کی یالیسندة مقیم اولدینی حالده ۲۲ شعبان ۱۳۰۸ ده وفات ایتدی . وصیتی موجبجه روم ایلی حصارنده قیالر قبرستانه دفن ایدلدی .

، شار الیه ، عثمانلی ارباب معرفتی آردسندة بر موقع ممتاز صاحبدر . عرب ، فرس ، فرانسه ، لاتین ، ایتالیان لسانلرینی سویلر ، یازاردی . روس ، المان ، انکلیز ، عتیق یونان لسانلرینی اکلاردی . چغتای و عبرانی لسانلرینی ده تتبع ایتشدی .

روم ایلی حصار ی تپه سنده کی کتبخانه سی ۱۱ السنه عیدده دن برچوق کتب نفیسه یی حاوی ایدی .

مملکت مزده ایلک دفعه سالنامه احداث ایدلدی . مولیه رك قوم دیالری نی ترجمه ایدوب بروسه ده - والی ایکن - انشا ایتدیردی کی تیا تروده صحنه تماشا یه وضع ایدلدی . (فذلک تاریخ عثمانی) (لویجه عثمانی) (ضروب امثال) نامند کی اثر لر یله (تلماق) (ژیل بلاس) ترجمه لر ی مطبوعه در . فضیلت علمیه سی اوروپا ارباب دانشی آردسندة ده معروف ایدی . استانبوله کلن معتبران اجانب ، کندینی زیارت ایدرك مصاحب تندن مستفید و متلذذ اولورلردی .

[۱] بو کتبخانه بناسی ، عدلیه ناظر اسبقی حسین رضا پاشا مرحوم طرفدن اشترا ، ینه کتبخانه اتخاذا اولنمشدر .

قیامت‌ملیه‌ی محافظه‌یہ اعتنا ایدردی . یازین کتدن ، قیشین بزدن کوملک ، یرلی آلاجه‌دن انتاری کییر ، بلنه آبان قوشاق باغلار ، یازین اینجه جبه ، قیشین کورک تلبس ایدر ، باشنده تاقیه ، اوستنده ماوی پوسکوللی بیوکفس ، کوزنده تک‌کوزلک بولنوردی . یرلیدن ، اجانبیدن زیارتنه کلنلری — کیم اولورسه اولسون — بو قیافته قبول ایدردی .

حدیدالمزاج اولدیغیچون کندینه دشمن پیدا ایتشدی . حال سکوننده بشاشته‌مخاطبرینی تطیب و تسیر ایدردی . مصائب دنیویه فوق‌الحد متحمل ایدی . حال وقالی کیمسه‌یه بکزمه‌ین ، نوعی شخصه منحصر اولان ذوات نادرده‌دن بولندیغیچون خلق طرفندن نظراستغرابله باقیلیر ، حتمده برچوق قیل و قال ایدیلردی . خلقه غریب کورنمکه برابر برمسلك معین صاحبی ایدی . ارباب عفت و ناموسدن ایدی . حین وفاتنده کتابلیله ساکن اولدیغی خراب‌خانلردن ، برقاچ آنتیقه‌دن بشقه برشی ترک ایتدی .

نفس‌الامرء موافق اولمقه برابر عرف و عاده مخالف ، یاخود بین‌الناس غریب کورینن احوال و حرکاتی اختیار و اجراده تردد ایتزدی . لوم لائمن احتراز ایلزدی . مشارالیه انواع فقرات اسناد اولنورکه قسم اعظمی محیدر .

جوامع شریفه‌ده محرابک جانینده طوران مناره‌بوینده‌کی موملر ، غالی برفیانه اعمال ایدلیکی حالده نشرایتدیکی ضیا ، قنیل درجه‌سنده اولدیغندن سلیمانیه جامع شریفی تعمیر اولدیغی صره‌ده — اوقاف ناظرلنده بولنان — مشارالیه ، موملرک رفیعیه یرلرینه موم شکنده وزینت مقامنده آغاچلر وضعنه تشبث‌ایلمش ایسه‌ده — قواعد دینییه تغییر ایتمشجه‌سنه — انواع شکایاته قیام ایدلیکندن موملر اسکی حالده براقلمشدر .

درسعادته بولنان حرمین اهاالیسنگ صره ایچون مقام نظارته

مراجعت‌نرده مشارالیه ، « اوتوردیغکز یرده پاره آلیورسکیز ، نه‌حقکز وار ، بیت‌المال سزده‌ما کلیدر ، ویرمیه‌جکم » دیمسی اوزرینه اهالی مذکوره ، باب‌عالیه کله‌رک صدارت قائم‌مقامی یوسف کامل پاشایه بئش‌کوی ایملریله قائم‌مقام مشارالیه ، وفیق پاشایی باب‌عالیه جلب ایدوب « نیجه عصرلردن‌بری محافظه ایدیلن برقاعده بقته نصّ تغیر اولنور ، اصول معناده‌یه رعایت ایدیگز » دیمش وناظر مشارالیه‌ده ایجابی اجرا ایتشدر .

مشارالیه ، صدارت مستشاری ایکن - مقام صدارتده بولنان - محمود ندیم پاشا ، تمادیاً نزدینه جلب ایله اوامرکونا کون ویرمکه باشلامسیه مستشارلق اوطه‌سنی آرقه‌سندن کلیدیه‌رک - دعوت ایچون کلن - اشخاصی یانه صوقدیغندن محمود ندیم پاشا ، دعوت تمادیهدن واز کچمشدر .

خداوندکار والیلکنده بولندینی ائنهاده - مدت مدیده آچقده ضرورت وسفالتده قالان - ناحیه مدیرلردن بری عر ضحال تقدیم ایتک ایسترسده پول تدارک ایدجک پاره‌سی بولمدیغندن وپولسز عر ضحال قبول ایدلیه‌جکفی بیلدیکندن اجناسندن برینک ستره‌سنی آیر . مشارالیهک حضورینه حیقار . یرله برابر تمنا ایتدکدن صکره شفاهاً عر ضحال آتی بی اوقور :

حضور عالی جناب ولایتناهییه

« معروض چا کرلیدرکه

قولری قرق سنه خدمت دواتده بولنورق ابراز صدانت ایتش و نیجه سنه‌لردن‌بری آچقده قاهره سفالته اوغرامش اولدیغندن بر ناحیه مدیرلکنه تعیینمه مساعدّه جلیله ولایتناهییری شایان بیورلق باینده امر فرمان حضرت من له‌الامرکدر . پول ، اوزرنده فی سنه . . . مایس . . . امضا : فلان بنددلی . »

پاشا ، عر ضحالی دقتله دیگله‌دکدن صکره تباشیر کتیره‌رک مستدعی‌یه

« آرقه کی چویر » دیر، ستره سینه « سؤال اولنق اوزره طرف
دفترداریه « یازار، دفترداره کیتهمسی امر ایدر. حواله لی مستدعی،
قطعا طورینی بوزمیه رق دفترداره کیدر. بعدالسلام آرقه سنی چویرر.
دفتردار کمال حیرتله حواله لی اوقود قدن صکره پاشایه کیدوب «سیار بر
حواله کزی آلم، نه فرمان بیوریلیر « دیر. پاشا « حریف پول
پارده سنی بینه تدارکدن عاجز قالدیغنی آکلاتیق ایچون بکاشفاها عر ضحال
ویردی. بنده سکا حواله ایتدم. آچیق بریر بول تعین ایت « دیر.
دفتردارده آلدیغی امری انفاذ ایدر.

بوفقره نك صحتی تأمین ایدلمش ایسه ده بلکه براز مبالغه لیدر. فقط
صورت استدعایه کوره بو یولده معامله ایفاسی منطقه موافق و تقدیره
لایقدر.



اسماعیل حقى پاشا

امور نافعه مجلسى رئيسى اوزون محمد صالح افدينك اوغليذر.
۱۲۳۴ ده استانبولده طوغدى .



صدارت مکتوبى
قلمندن نشأت ايدرك
شـ جان ۱۲۶۶ ده
ـ رشيد پاشـ انك
سوقيله ـ رتبه ثانیه
صنف اول متمایزى
توجیه و مایین هایون
باشـ جى کتابتـه ،
جادی الاولی ۱۲۷۱
ده رتبه اولی صنف
اولی ایله مایین هایون
باش کتابتـه تعین ،
۲۹ محرم ۱۲۷۸ ده

تبدیلأ برنجی رتبه مجیدی ، ۸ جادی الاولی ۱۲۷۸ ده برنجی رتبه
عثمانی نشانی اعطا اولدی .

سلطان عبدالعزیز خان حضرتلرینك جلوسنده باش کتابتـده ابقا
ایدیلهرك ۲۰ جادی الاولی ۱۲۷۸ ده رتبه بالا ایله صدارت مستشاری ،
۲ ذی الحجه ۱۲۷۸ ده اوقاف هایون ناظری ۲۵ صفر ۱۲۸۰ ده

خزینہ خاصہ ناظری ، ۱۴ جمادی الاولی ۱۲۸۰ دە علاوهً مابین هایون ناظری اولدی .

۸ ربیع الاول ۱۲۸۱ دە مابین هایون مشیرلکی عنوانیه رتبه وزارت احسان اولندی .

قودان دریا مأموریتی ، کاکان دوتخانک قومانداسنی اداره ایتمک اوزره ترسانه نك امور مالیه سی - تشکیل اولنان - امور بحریه نظارتنه حواله ونظارت مذکوره ذی القعده ۱۲۸۳ دە - خزینہ خاصه نظارتنه علاوهً - مشارالیه احاله قلندی .

متعاقباً خزینہ خاصه نظارتی عنوانندن صرف نظرله مشارالیه (مابین هایون مشیری) اطلاق اولتمسی اراده ومرصع عثمانی نشانی اعطا بیورلدی .

۱۸ ذی القعده ۱۲۸۴ دە الی یاشنده ورمذن وفات ایدرک ایوبده پدرینک جوار قبرینه دفن اولندی .

تربیه لی ، نازک ، غیرتلی ایدی . دامادی محکمه تمیز باش مدعی عمومیسلی لیب افندی مرحوم ، مخرومی مجلس صحیه اعضاستدن باش کاتب سعید بک افندیدر .

§

مشارالیه ، زمان نظارتنده مقام صدارته یازدینی ۲۸ محرم ۱۲۸۰ ۲۱ تموز ۱۲۷۹] تاریخلی تذکردهده : بو تاریخه قدر معلوم الاسامی طشره اوقاف مدیرلرینک (۷،۸۴۱،۴۱۴) غروش اختلاس ایلدکلرینی وقیدلری بولنه میان اوقاف مدیرلرینک اختلاس اتی ، مبلغ مذکورک برقاچ مثلنه بالغ اولدیغنی عرض ایتمسی اوزرینه مختلسلری معلوم اولان مالغک کفلادن تحصیانه اراده سینه صدور ایتندی .

بعض جوامع ، مساجد ، مدارس مکاتب تعمیر قلندی .



عبدالحمید فرید پاشا

دباغت تجارتدن مصطفى افدينك اوغلدر . ۱۲۳۰ ده استانبولده
قوجه مصطفى پاشا سمتنده طوغدى .



ديوان هايون قلمنه
دخول ايله مهمه
نويساندن اولدى .
۱۲۵۱ ده خواجهك
رتبهسى توجيه اولدى .
بالاخره صدارت
مكتوبى قلمنه ، ۱۲۵۵
ده آمدى او طه سنه نقل
ايدلدى . خطيله محرر
معروضات ، سلطان
عبدالحميد خان حضرتلر -
ينك نظر تقديرى جلب
ايتديكندن صاحب

خطى تحقيق ايتديردى . ۱۲۵۷ ده - بر معتاد - باب عاليه تشریفده
- صف بسته احترام اولان - رجال و كشتاب مياننده مشارالیه دقتله
باقوب اسمنى صورديردى . حسن خطى بكنديكى فرید افندی اولديغنى
او كرنوب ايرتسى كون مابن هايون اوچنجى كتابته مأمور بيوردى .
بر مدت صكره ايكنجى كتابته ، رجب ۱۲۶۴ ده - على سفيق

پاشانك یرینه - رتبه‌اولی صنف‌اولی ایله باش‌کتابته تعیین ، ذی‌القعدة ۱۲۶۵ ده نشان امتیاز احسان اولندی .

سعيدپاشانك مصر واليكنه تعييني حتمنده‌كي فرمان عالي بي ايصاله مأمور اوله‌رق مصره عزيمت ووالی . مشاراليه ایله برابكرده ۲۶ ذی‌القعدة ۱۲۷۰ ده درسعادته عودت ایلدی .

حتمنده‌كي توجه وامنيت شاهانه‌بي ، كندی منفعتلرينه مغاير كورن بعض ارباب نفوذك اجباری اوزرينه باش‌کتابتدن اخراجنه طرف شاهانادن کمال تأسفه موافقت بيوريله‌رق ۱۲ جمادی‌الاولی ۱۲۷۱ ده رتبه‌بالا ایله عساکر نظامیه شاهانه [سرعسكر] مستشارلغنه ، ۱۳ محرم ۱۲۷۸ ده علاوهً مصارفات عسکریه نظارتنه ، تعیین و رمضان ۱۲۷۸ ده ايكنجی رتبه عثمانی نشانی توجیه قلندی .

۱۹ رمضان ۱۲۷۹ ده مجلس والای احکام عدليه اعضالغنه ، ۳ ربیع‌الآخر ۱۲۸۰ ده اوقاف‌هایون نظارتنه ، ۱۹ جمادی‌الاولی ۱۲۸۲ ده - ثانیاً - مجلس‌والا اعضالغنه ، ۴ ربیع‌الاول ۱۲۸۳ ده جادله سلطان حضر تلرینك كتخدانی انضماميله - ثانیاً - اوقاف‌هایون نظارتنه ، ۱۱ ذی‌القعدة ۱۲۸۴ ده - تشکیل اولنان - شورای دولت اعضالغنه ، ۱۹ ذی‌القعدة ۱۲۸۴ ده صدارت مستشارلغنه نصب اولندی .

مستشارلغه طوغریدن طوغری‌یه طرف پادشاهیدن مأمور بیورلسندن طولانی صدر اعظم عالی پاشا مغبر اوله‌رق مستشارلغنی الغا وداخلیه‌نظارتنی تأسیس ایله شروانی‌زاده رشدی‌پاشانی تعیین ایتدی .
۱ جمادی‌الآخر ۱۲۸۶ ده - دیوان احکام عدليه ده مجدداً كشاد ایدیلن - محكمه نظامیه ریاسته ، ربیع‌الآخر ۱۲۸۷ ده دیوان احکام عدليه اجرا جمعیتی ریاسته ، ۱۵ شوال ۱۲۸۷ ده مهدعلیای سلطنت كتخدالغنه تعیین اوله‌رق ۳ ذی‌القعدة ۱۲۸۷ ده اجرا ریاستندن انفكالك ایلدی .

۲۹ ربیع الاول ۱۲۸۸ ده کتخدالغه علاوة رتبه وزارتله خزینه
خاصه نظارتنه ، ۱۵ جمادی الاخره ۱۲۸۸ ده ینه کتخدالق انضمامیه
بحریه نظارتنه نصب اولندی .

۴ رمضان ۱۲۸۸ ده کتخدالق عهدده سنده قالمق اوزره مایین
هایون مشیری و - بحریه نظارتنه تعیین اولنان - سوریه والیسی اسعد
پاشانک ورودینه قدر ۲۰ ذی الحجه ۱۲۹۱ ده علاوة بحریه ناظر
وکیلی اولدی . مرصع عثمانی و برنجی رتبه مجیدی نشانلریخی حامل ایدی .
۲۹ محرم ۱۲۹۲ ده وفات ایتدی . سلطان محمود تربسی حظیره سینه
دفن اولندی .

بر ذات - مجوهر اوله رق - شو تاریخی سویلامشدر :

دیدم حزنیه تاریخ
فرید پاشا وفات ایتدی .

وقعه نویسی لطفی افندی ده تاریخ آتی تنظیم ایلشدر :

معمر اولسه ده عصرک فریدی اولسه ده انسان
کلنجه (ارجی) امری اولور منزل رس عقبا
جهانک حال مسبوق فنا ایتکده مخلوق
بودر تاریخ منطوق وفات ایتدی فرید پاشا .

عاقل ، کاتب ، مدیر ، عنیف ایدی . خدمت دولته دخولندن وفاتنه
قدر برکون معزول قالمدی .

اوائل حالده ملکیه ناظری پرتو پاشا مرحومک توصیه سیله مشاهیر
ادبای رجالدن لیب افندی یه داماد اولدی . مخدوملری فضیلت مندان
رجال کرامدن احمد عزالدین بك ، متصرفیندن سعدالدین پاشا مرحوملرله
شورای دولت اعضاسندن شادان بك افندیدر . کریم لری ده واردر .
زراعت نظارتی مدیرانندن احمد شکری پاشا زاده لیب بك افندی ایله

فضلاى وزرادن معارف ناظر اسبق داماد حضرت شهريارى محمد
شريف پاشا حضرتلرى كريمه زاده سيدر .
مشاراليهك زمان نظارتلرنده درسعادتده طشردهده متعدد جوامع ،
مساجد ، درگاه ، مكتب ، كتبخانه ، چشمه ، صو يوللرى تعمير
اولندي .



شروانی زاده محمد رشدی پاشا

اعظم مشایخ خالیدیه دن مولانا اسماعیل شروانی قدس سره
حضرت لرینک اوغایدر . ۱۲۴۴ ده اماسیه ده طوغدی . بعدالتحصیل



درسعادته کله رک بایزید
جامع شریفنده تدریس
علوم ایتدی .

۶ محرم ۱۲۷۰ ده
اماسیه اوقاف مدیری
اولدی . ۱۳ ربیع الاخر
۱۲۷۱ ده استعفا
ایتدی . درسعادته
عودتنده محکمه نفتیش
اوقاف قساملغنه تعیین
اولندی .

فواد پاشا، مأموریت
فوق العاده ایله سوریه

عزیمتنده مشارالیهی ده برابر کورتوردی . عهدده سنه خرج پایه سی توجیهی
غایت ملتزمانه انها ایتدیکی حالده شیخ الاسلام سعدالدین افندی اسعاف
ایلدی . صدر زمان عالی پاشا ، مشارالیهی مجلس والا اعضالغنه و فواد
پاشا ده درسعادته عودتنده رتبه وزارتله شام والیسکنه تعیین ایتدیردی .
مدرسکلدن وزیر اولانلرک بری ده مشارالیهدر .

۱۲۸۰ ده شام وصيدا اياالتلرنندن و قدس سنجاغندن مرکباً تشکيل اولنان سوریه ولايتی واليلکنه ، ۱۹ جمادی الاولی ۱۲۸۲ ده اوقاف هایون ، ۱۷ شعبان ۱۲۸۲ ده مالیه نظارتلرینه تعین و برنجی رتبه عثمانی نشانی اعطا ، ۱۹ ذی القعدة ۱۲۸۴ ده خزینۀ خاصه نظارتی ده علاوهً توجیه اولندی .

شوال ۱۲۸۵ ده خزینۀ خاصه نظارتی انضمامیه داخلیه ، ۲۲ شوال ۱۲۸۷ ده - خزینۀ خاصه نظارتنک ابقاسیله - ثانیاً - مالیه ، ۲۹ ربیع الاول ۱۲۸۸ ده نافعہ ، ۱۵ ربیع الآخر ۱۲۸۸ ده دیوان احکام عدلیه ناظری اولدی . ۱۰ رجب ۱۲۸۸ ده صدراعظم محمود ندیم پاشانک سعایتیه عزل ومتعاقباً اماسیه نفی اولندی .

محمود ندیم پاشا ، مشارالیه ایله ضبطیه ناظری حسنی پاشا وذوات - اثره نك نفیئی مجلس وکلاده موقع مذاکره قوبدیردینی صروده شورای دولت رئیسین یوسف کامل پاشا « بومثللو اجراءات کیفیه قاعدۀ معدلت واصول تنظیماته مقایدردر » ديه شدیدا مخالفت ایلدی . دیوان احکام عدلیه ناظری مترجم محمد رشدی پاشاده رئیس مشارالیه پیرو اولدی . صدرمستبد ، رئیس وناظر مشارالهمایي مخالفت شدیدہ لرندن بخٹله عتبہ ملوکانه یه شکایت ایدرک عزالربنه ارادۀ سزیه استحصال ایلدی . مدحت پاشانک صدارتنده ۱ رجب ۱۲۸۹ ده اورمان ومعادن ، ۲۶ شعبان ۱۲۸۹ ده - ثانیاً - اوقاف هایون ، اسعد پاشانک صدارت اولیسندہ ۱۸ ذی الحجه ۱۲۸۹ ده - ثالثاً - مالیه نظارتنه ، ۱۷ صفر ۱۲۹۰ ده مقام صدارته نصب اولندی .

خط هایونک صورتی :

« وزیر معالیسمیرم محمد رشدی پاشا
بوکره اسعد پاشانک بالایجاب خدمت صدارتدن انفصالی وقوعنه منی
سنک صفت ممدوحۀ فضل ودرایتله اتصافک وهر وجهله ترقیات ختندہ اولان

تصمیمات مزه موافق اجرای مأموریت ایددچکک عندمزمده مجزوم و محقق بولندیغندن خدمت جلیله مذکوره عهدۀ ایاقیکه توجیه وایجابی اجراکنندمدر . بیاندن مستغنی اولدینی کبی اقدم مصالح دولت علیه من مالک و تبعه منک هر جهتمنده اسـتـحصال رفاه و معبودیتلری قضیه سی اولوب بونک فعلاً درجۀ مطلوبه به ایصال ایسه مقتضیاتک بالاتفاق خاصانه اجراسنه متوقف اولدیغندن هر حالده طرفکندن وبالجمله وکلا و مأمورین سلطنت سنیه من جابلرندن بوبابده ابراز مآثر غیرت و صرف و سعه و مقدرت اولنسی مأمول ومنتظر در هن جناب رب العالمین توفیقات صمدانیه سنه مقرون بیوره . ۱۷ صفر ۱۲۹۰ .

حسین عونى پاشانک غمز و نفاقيله ۲۶ ذی الحجه ۱۲۹۰ ده عزال ایدلدى .
مشاراليهك عزل و تبعیدى حسین عونى پاشانک غمز و فسادندن منبعث اولدینی . اوصردده ماین هایون باش کتابتبنده بولنان . عاطف بك افدینک (خاطرات) نده و محمود جلال الدین پاشانک (مرآت حقیقت) نده ، مدوح پاشانک (فوران ازمان) و (مرآت شئونات) نده ده مصر حدر .
۹ ربیع الآخر ۱۲۹۱ ده حلب ، ۱۷ چادی الاولی ۱۲۹۱ ده حجاز والیلکترینه تعیین اولندی .

طائفده ۱۱ شعبان ۱۲۹۱ ده . قاره حمدان متأثراً . وفات ایدرک ابن عباس رضی الله عنهما عنهما حضرتلرینک جوار سعادت نثارینه دفن ایدلدى .
(مرآت شئونات) ده ۱۱ دینلیورکه :

« رشدی پاشا ، در سعادتدن انشکا کی اتناده صلاح حالنه اعتاد المدیکی رجال دولتندن برذات ایله کوروشدیکنده « بن کیدیورم . پادشاهه صادق . عونى پاشانک یوزندن پادشاه ضرر کوردچکدر . سنک دیانتکدن امین اولدیغیم ایچون آنک بکا و تیتله سولدیکنی تکرى امانتی اولدق محرمانه افاده ایدیورم » دیمش اولدیغنی واقف سر بولنان اوزات ، رشدی پاشانک وفاتندن صکره بنی حقیقه مطلع قلمشدى .

رشدی پاشا ، عالم ، نکته دان ، حسن تقریر قادر ، صییح الوجه ، متبسم ، احباسنه باذل همت ایدى . مشار اليهك زمان نظارتلرنده بعض مبانی دینه و خیریه تعمیر اولندی .



حسین مجد افندی

مابین همایون مأمور لرندن اولدینی حالدہ اثنای اختلالده سرکرده لکله
اهزام اولنه رق موردده شهید اولان (عبدالحمید) نامنده بر ذاتک
اوغلیدر . ۲۷ رجب ۱۲۲۷ ده در سعادتده طوغدی .

دفترخانه قلمنه داخل اوله رق زعامت توجیه اولندی . باب سر عسکریدن
بر معتاد کاتب طلب اولنسی اوزرینه قلمنجه انتخاب ایله اورایه نقل
ایدلی . تدریجاً ترقی ایدرک ردیف تحریرات باش کاتبی اولدی .

۱۲۵۱ ده خواجه لک رتبه سیله تحریرات مدیرینه ، رمضان ۱۲۵۹ ده
سر عسکر مکتوبجیلغنه تعیین ورتبه ناله توجیه قانندی . ۶ ذی القنده
۱۲۵۹ ده دارشورای عسکری باش کتایته تحویل ورتبه سی نانییه
ترفع اولندی .

شوال ۱۲۶۱ ده دارشورای عسکری اعضایی اولدی . شوال
۱۲۶۲ ده رتبه اولی صنف ثانیه توجیه ایدلی . محرم ۱۲۷۴ ده
دارشورای عسکری اعضائی عهده سنده قالمق اوزره - مصارفات
نظارتنه نصب اولندی .

محرم ۱۲۷۸ ده نظارت عهده سندن آلنه رق اعضاقلده ابقا ، ۲۱
ربیع الآخر ۱۲۷۸ ده مالیه مستشارلغنه نقل ایدلی .

ذی القنده ۱۲۷۸ ده ایکنجی رتبه مجیدی نشانی ویرلدی .
۱ ذی الحجه ۱۲۷۸ ده - رتبه بالا ایله - مالیه نظارتنه ، ۳ صفر ۱۲۷۹ ده
مجلس والای احکام عدلیه اعضالغنه ، جمادی الآخره ۱۲۷۹ ده - اعضالغنه
علاوة - عادل سلطان حضرتلرینک کتخدالغنه ، ۱۹ رمضان ۱۲۷۹ ده

مقام سرعسکری مستشارلغنه، ۲۸ صفر ۱۲۸۰ ده - ثانياً - مجلس والا
اعضالغنه، ۱۹ جمادی الاولی ۱۲۸۲ ده رسومات امانتته، ۱۷ شعبان
۱۲۸۲ ده اوقاف هایون نظارتته تعیین اولندی .

۲ ربیع الاول ۱۲۸۳ ده ۱ بازار کونی ۱ راحتسز اولدینی حالده
وانی کوینده کی یالیسندن واپورله کوپری به کلهرک کوپری اوستنده
بش اون آدیم یورودکدن صکره خفته وفات ایلدی . اسکدارده سلیمیه
جامعی حظیره سنه دفن ایلدی .

عنیف ، خیرخواه ، صادق ، اوزون بویلی ، اسمر ، قرال
صقاللی ایدی . مخدوملری باب سرعسکری میز لرندن وحید و توفیق
بکدر مرحوملر ایله خارجیه ترجمه اوطه سی اوراق مدیریتدن متقاعد
رفیق بك افیدر .

مشارالیهک زمان نظارتنده بعض مبانئ دینه و خیریه تعمیر اولندی .



السيد احمد توحيد افندی

اشرف رومی قدس سره احضادندن برور۔ ملی شیخ مصطفی
افندی زاده تیخ اسماعیل حق افندینک اوغلیدر۔ والدہسی، مشاہیر

مشایخ نقشبندیان

نجمار زاده شیخ مصطفی

رضاء الدین افندی

حضرتلرینک مخدومی

شیخ صدیق افندینک

کریم سیدر۔ ۱۲۲۲ ده

استانبولده طوغدی۔

مشاہیر علمادان

کتبخدا زاده عارف

افندیان اخذ علوم

ایتدکدن صکره [۱]

طریق تدریسه داخل

وسر عسکر اسبق



بروسه لی داماد سعید پاشایه کتابچی اولدی۔

۱۲۵۵ ده بالامتحان مکتب عرفانیه وموسیقہ هایون معلمکنه،

اخیراً بشکطاش نیابتنه تعیین اولندی۔ ۱۲۶۰ ده بوسنه مولویته نصب

[۱] «توحید افندی، دایوم منقولات و معقولات کافه سنی و علوم

ریاضیه بی کتبخدا زاده افندیان او قومشدر»۔ [مناقب کتبخدا زاده - امین

افندی : صحیفه ۵]

ایله ۱۲۶۲ ربیع الاخری نهایتده ختام بوله جق اولان مدت معینه سی ۱۲۶۲ شعبانی غایتده قدر تمدید ایدلدی .

مشارایله سعید پاشانك دفعه ثانیه سرعسكرلكنده صفر ۱۲۶۳ ده دار شورای عسکری اعضالغنه تعیین قلندی . مشارالیهك سرعسكرلكندن عزلیله سینوبه اجلاسنده رجب ۱۲۶۴ ده اعضالقدن عزل و صورت تبعیدده عشاق نیایتده مأمور ایدلدی . پاشانك اطلاقده . مشارالیهده درسعادتده عودت ایتدی .

۱۲۶۶ محرمی غره سندن ضبط ایتك و رتبه سی یوم توجیهندن معتبر اولق اوزره مكه مكرمه ، ۱ ربیع الاخر ۱۲۷۰ دن ضبط ایتك اوزره مدینه منوره مولویته نصب اولندی . مدینه مطهره دن عودتده دار شورای عسکری مفتیسی اولدی . واستانبول پایه سنی احراز ایدلدی .

۱۷ شعبان ۱۲۸۰ ده مجلس والا اعضالغنه تعیین و اناطولی قاضی عسکرلکی پایه سی توجیه ایدلدی .

۱ محرم ۱۲۸۲ دن اعتباراً ضبط ایتك اوزره یانیه قضاسی آرپلق صورتیه ویرلدی .

۹ ربیع الاخر ۱۲۸۳ ده روم ایلی قاضی عسکرلکی پایه سی توجیه قلندی . مجلس انتخاب حکام شرع رئیس و ۱۱ ذی القعدة ۱۲۸۴ ده اوقاف هایون ناظری اولدی . ۲۵ جمادی الاخره ۱۲۸۵ ده استعفا ایتدی . سلطان عبدالعزیز خان حضرتلری جانبندن مأموریتده دوامی مکرراً امر بیورلدیسهده اعتذار ایدلدی .

۲۱ شوال ۱۲۸۶ ده (بازار کونی) وفات ایدرك جدی نجار زاده حضرتلرینك تربه سنه دفن ایدلدی .

(قبرینه « هذا مقام توحید » عباره سـنك تحریرینی وصیت ایلش ایسهده هنوز حکم وصیت انذاذ اولنه مدیغنی اقرار سندن برذات عالی قدر افاده ایلشدر) .

حکمای وزرادن عبدالرحمن سامی پاشا طرفدن تنظیم اولنان
منظومه تاریخیه :

اول فاضل یکانه توحید افندی ایواه
آیرلدی آرده مژندن ایتدی بقایه رحلت
کرچه وجود عالم ظل تعیندر
کوز یومعه دن زمانی زائل اولور نهایت
لکن بو بزمکده الفتلتنجه ارواح
فرقت دمنده ناچار دلار بولور کدورت
الله رحمت ایتسون اهل معارف ایدی
اخلاق بر کزیده بر سردنیک خصات
ناریغ فکر ایدرکن کلدی دویک تبشیر
جانان ایلنده بولدی توحید صفای وحدت

§

علوم عالیّه دینه ده ، فنون غریبه ده ید طولاسی ، عنّت و فضیلت
معاصر لرینک تحت تسلیمنده در . قوناغنده متسّین معرفته صباح
واقشام علوم متنوعه تدریس ایدردی . شعر و نثری ده مکملدر .
مجموعه اشعاری - قاین برادری دیوان هایون بکلکجیسی اسبق ناصر
بک افدینک خانه سنده - محترق اولدی .

(تذکره فطین) ده

« رجای و صلتکله جستجولر هب سنکچوندر
ره عشقه کده بذل آبرولر هب سنکچوندر »

مطالعی بر غزلی مندر جدر .

آثاری :

۱ — هندسه عمایه ، فن مساحه ، فن تسطیح ، فن استحکام
مسائله دأثر (تلخیص الاعمال) نامیله ۱۲۴۵ ده بر اثر تألیف ایدرک
۱۲۷۰ ده طبع اولندی .

- ۲ — (مجموعة الفرائد لب الفوائد) عنوانلى اثرى، يالكز هندسه
عمليه وفن مساحه يي حاويدر.
- ۳ — (مجموعة الفرائد لب الفوائد) ك مختصرى اوله رق ديكرب
رساله دها ترتيب ايلدى .
- ۴ — (مرآت السماء) فن هيئتندرد .
- ۵ -- (حل الاصعب فى تضعيف المكعب).
- ۶ — (نخبة الحساب) ۱۲۴۵ ده تأليف و ۱۲۷۰ ده طبع
اولدى، ملا جمشيدك اثرندن مترجمدر .
- مشاراليهك زمان نظارتندد متعدد جامع، مسجد، دزكاه، تربه،
مكتب وسائر آثار خيريه تعمير اولدى .



احمد حمدی پاشا

صدر اسبق خسرو پاشانك كٲتخداسی - صدر اسبق ملك احمد پاشا
احفادنن - یحیی بكك اوغلیدر . ۱۲۴۲ ده استانبولده طوغدی .

۱۲۵۷ ده باب عالیده

اسکی كٲتخدا قامنه ،

بر یچق سنه صكره

صدارت مکتوبی قلمنه

داخل و شیخ الاسلام

مشرب زاده عارف

افندی به داماد اولدی .

شوال ۱۲۶۰ ده

خواجه لك ، مؤخرآ

رابعه ، ربیع الآخر

۱۲۶۷ ده ثالثه رتبه سی

ویرلدی . ۱۲۶۳ ده

دارشورای عسکری

معینه مأمور اولدی . دارشورای عسکری باش کتاتی معاونلكنه ،

بر مدت صكره ، مکتوبی سر عسکری معاونلكنه تعیین اولنه رق متمایز

واولی صنف ثانیه سی رتبه لرینی احراز ایلدی .

۲۳ رجب ۱۲۷۷ ده دارشورای عسکری باش کتاتبته ، ۱۵

رمضان ۱۲۷۸ ده دارشورای عسکری اعضالغنه ، محرم ۱۲۸۰ ده



دارشورای عسکری حریبه دأر دسی باش کتابت موقتہ سنہ نصب ورتبہ اولی صنف اولی توجیه اولندی .

ربیع الاول ۱۲۸۵ ده دیوان احکام عدلیه حقوق دأر دسی ریاستی وکالتہ ، ۲۵ جمادی الآخرہ ۱۲۸۵ ده رتبہ بالا ایله اوقاف هایون نظارتہ ، ۱۶ محرم ۱۲۸۶ ده مقام سرعسکری مستشار لغہ تعین و متعاقباً ایکنجی رتبہ عثمانی نشانی اعطا قلندی .

۲۹ ربیع الاول ۱۲۸۸ ده رتبہ وزارتہ مالیه نظارتہ ، ۸ رجب ۱۲۸۸ ده رسومات امانتہ ، ۱۴ رجب ۱۲۸۸ ده آیدین والیلکنہ مأمور اوله رق برنجی رتبہ مجیدی نشانی ویرلدی .

۲۵ ربیع الاول ۱۲۸۹ ده طونہ والیلکنہ ، ۱۹ صفر ۱۲۹۰ ده - ثانیاً - مالیه نظارتہ تعین ، جمادی الآخرہ ۱۲۹۰ ده برنجی رتبہ عثمانی نشانی توجیه ایدلدی . ۱۵ محرم ۱۲۹۱ ده انفصال ایدلدی .

۲۲ محرم ۱۲۹۱ ده - ثانیاً - آیدین والیلکنہ ، ۲۰ ذی الحجہ ۱۲۹۱ ده سوریه والیلکنہ نصب ایدلدی . شامک هواسیلہ امتزاج ایدم دیکندن ۱۳ ربیع الآخر ۱۲۹۳ ده استعفا ایتدی .

رجب ۱۲۹۳ ده قوائم نقدیه قومیسونی ریاستہ ، یکرمی کون صکره شورای دولت اعضالغی انضمامیلہ ملکیه دأر دسی ریاستی وکالتہ ، ۶ شعبان ۱۲۹۳ ده خزینہ خاصہ نظارتہ ، ۳ ذی القعدہ ۱۲۹۴ ده داخلہ نظارتہ ، ۷ محرم ۱۲۹۵ ده مسند صدارتہ تعین قلندی .

خط هایونک صورتی :

» وزیر معالیسمیرم احمد حمدی پاشا

- احوال حاضر دنک اهمیتہ و تدابیر لازمہ نك سرعت جریانی لزومنه مبنی هیئت وکلامرجه باشلو برتبدله لزوم قوی مشاهده اولندیغدن وادهم پاشانک درایت وعفی مسلم وکندوسندن ازهرجهت خشنودیز برکال ایسه ده حسب الوجرد بر مدت مشاغلدن خالی قالمی اقتضا ایلدیکنه بناء خدمت مهمه صدارت درکار اولان لیاقتکر واستقامت افکار وفعالکر جهتیله عهده حیتکره

تفویض اولئش وداخلیه نظارتی مابین هابونیز باش کتابتندن منفصل اعیانندن
سیدپاشایه وخرینه خاصه نظارتی اعیانندن نامق پاشایه ومالیه نظارتی رسومات
امینی کافی پاشایه ومعارف نظارتی احمد وفیق پاشایه ورسومات امامتی صادق
پاشایه احاله اولئوب مالیه ناظری سابق یوسف پاشا حسبالحال اهمیتی بدیهی
اولان طریزون ولایتیه ومعارف نظارتندن منفصل کمال پاشا مجلس اعیان
اعضالغنه تعیین قلدشددر . بیانیه حاجت اولدینی اوزره حال حاضر ایچنده
اک مهم وجاب دقت اولان شی دشمنک تعرضات وتجاوزات کلیمسی اولوب
محاربه حاضره اوزرینه احضار ایتدیکز قوت خصمیزک قوته معادل اولدینی
ومبادی حربه غلبات عیدیه استحصال اولدینی حالده مؤخرأ کوریلان
نتایج غیر مرضیه نیک اعظم اسبابی قوماندانلرک بعض خطیاتی اثری اولهرق
غائله نیک اندفاعی متعاقباً بونوع احواله ترتب ایددجک معاملات قانونیه بر
صورت مخصوصده باقیله جفی درکار ايسهده خطایای واقعهدن مملکته عائد
اولان مضار وخساری تمیز ومستقبلی تأمین ایچون مقتضای درایتکیز وجهله
سائر وکلاملرله بالاتحاد ایقای مساعی مالانهایه ودولتمیزک محب خاصی بولان
دولت لک تمینات واطحارات خیر خواهانه لرندن وتأمیت ملکیه واستقلالزیه
کافل اوله جق اسبابدن استفاده اولئسی اخص مقاصدمزدر حق تعالی موفق
بیوره . ۷۰ محرم ۱۲۹۵ » .

(مرآت حقیقت) ده (۱) دینلیورکه :

« حمدی پاشا ، اصلاح احوال دوات حقنده کی فکر ومطالعهمسی تشدید
ایدرک پادشاهه « بیلدیز قصرنده تحفظی اقات بیورله نیک زمانی دکادر .
دشمن پای تختکزه قدرکلدی . دولتکیز تهلکه عظیمیه اوغرادى .
بویله تحوز وتترس حالندن چیقوب بشکطاش سراینه نقل ایدرک تبعه
صادقه کزک مجتله تحفظه میل افکار بیورمیلیسکیز وتخصیصاتدن اچیه ترکیله
اداره مالیه دونجه برتصرف حقیق اجراسنه یول آچمیلیسکیز » مآنده سوزلر
سویلیش ومبعوثانجه حرکتلری باعث قیل وقال اولان وکلانک عزل وتبدیللری
لزومنی تکرار عرض ایتش ایدی . لکن پادشاه ، صدر اعظمک افاداتندن
فوق الزامیه متکدر اولوب ازجمله کندیلرینک بشکطاش سراینه نظاری ، خلطلری
نیتی تسهیل ایددجکی ظننده بولمیلرله آنک تکلیف ایداسنه و اویله بر مقصد
مخفینک اجراسی ایچون حاضر لائش مقدمه اغفالیه معنایی ویردیلر . و اول
امرده مبعوثانجه اولان قیل و قالک اندفاعیچون مجلس مبعوثان رئیس حسن

فهمی افندی بی نهانی اله آلهرق بعض هدایا ایله دخی تاطیف بیوردیلر .
اوجهله حسن فهمی افندی صدر اعظمك مبعوثانه اسناد ایندیكى افاداتی
تکذیب ایله یکنندن مشارالیهك عزل وتبدیلی ذهن هاپونده تقرر ایلدی »

۱ صفر ۱۲۹۵ ده عزل و اوکون - ثالثاً - آیدین والیلکنه
تعیین قلندی . ۱۱ صفر ۱۲۹۶ ده بغداد والیلکنه تحویل اولندی .
حجاز ولایتیه تعیننی استدعا ایتمسیه آیدینده ابقا ، ۲۷ شعبان ۱۲۹۳ ده
سوریه والیسی مدحت پاشا ایله بمجاشلری اجرا قلندی .

۷ محرم ۱۲۹۸ ده مرصع عثمانی ، ۱۰ رجب ۱۳۰۲ ده مرصع
مجیدی نشانلری احسان اولندی . تواریخ مختلفه ده روسیهك برنجی
رتبه سنت آن ، اوستریانك برنجی رتبه ژوزف ، ایرانك برنجی رتبه
شیرخورشید نشانلرینی احراز ایلدی .

دوراً بیروته کلدیكى اسناد ۱۷ ذی القعدة ۱۳۰۲ ده ۱۴ اغستوس
۱۳۰۱] - صدر و قلب علتندن - وفات ایتدی . بیروته مکتب
ساطانی جوارنده احضار اولنان محله دفن وبا اراده سنیه تره انشا
ایدلی . متدین ، مستقیم ، عذیف ، راست کو بر ذات ممدوح
الصفات ایدی .

مشارالیهك زمان نظارتنده متعدد جامع ، مدرسه ، مکتب و آثار
خبریه سائره تعمیر اولندی .

محمد خورشید پاشا

موصلائی عبدالجلیل زاده یحیی پاشانک کوله سیدر . اوان شبانده
خارجیه مکتوبی قلمنه داخل اولدی . شام وحوالیسنده تحدث ایدن
وقوعات مهمه اوزرینه
صدراسبق فؤادپاشانک
مأموراً اعزامده
ذی الحجه ۱۲۷۶ ده
معینده شامه کیتدی .
رمضان ۱۲۷۹ ده
روم ایلی بکتر بکلکی
پایه سیله قدس شریف
متصرفاغه ، ۷ رمضان
۱۲۸۰ ده رتبه وزارتله
صیدا والیلکنه ،
ذی القعدة ۱۲۸۱ ده
ارضروم والیلکنه



تعیین اولندی [۱] .

ارضرومه کیتمک اوزره درس-مادته ورودنده ۲۸ دی القعدة
۱۲۸۱ ده مالیه نظارتنه ، ۱۵ شعبان ۱۲۸۲ ده ادرنه والیلکنه ، ۱۶
محرم ۱۲۸۶ ده اوقاف هایون نظارتنه ، ۱۶ جمادی الاولی ۱۲۸۷ ده
[۱] مالیه نظارتنه تعینی تصمیم اولنسنه بناءً ارضروم والیلکنه نصبی
حقننده کی اراده سنیه رسماً اعلان قلماشدر .

حجاز والیلکنه نصب ، ۱ - شعبان ۱۲۸۷ ده برنجی رتبه عثمانی نشانی اعطا ایدلی .

بعدالانفصال ۲۵ ربیع الاول ۱۲۸۹ ده - چار سنجاق ایله برلشدیریلهرک دیار بکر ولایتدن افراز ومجدداً تشکیل اولنان - معموره العزیز ولایتی والیلکنه ، ۲۷ جادی الاولی ۱۲۸۹ ده سیواس والیلکنه ، ۲۴ صفر ۱۲۹۰ ده - ثانیاً - اوقاف هایون نظارتنه ، ۹ ربیع الاول ۱۲۹۰ ده - شروانی زاده رشدی پاشانک صدارتنده - صدارت مستشارلغنه ۱۱۱ ، ۲۸ رجب ۱۲۹۰ ده دیوان احکام عدلیه نظارتنه ، ۵ صفر ۱۲۹۱ ده - ثانیاً - ادرته والیلکنه مأمور اوله رق رمضان ۱۲۹۲ ده انفصال ایتدی .

۶ ذی القعدة ۱۲۹۲ ده آیدین والیلکنه نصب اوله رق ۱۷ رجب ۱۲۹۳ ده عزل ، شعبان ۱۲۹۳ ده قوائمه نقدیه قومیسونی ریاسته ، ۹ محرم ۱۲۹۴ ده حلب والیلکنه ، ۲۱ محرم ۱۲۹۴ ده - ادهم پاشانک صدارتنده ثانیاً - صدارت مستشارلغیه انتخاب مأمورین قومیسونی ریاسته مأمور اولدی .

ادهم پاشایه خطاباً صادر اولان خط هایونده :

« نظارتلره عائد مصالحک منتظماً جریانی اسبابندن بری وکلامز معیتلرنده معلومات وآراسندن استفاده اولنور مستشارلرک وجودی ماده سی اولغله صدارت مستشارلغی دخی قائممقاملرک انتخابی ایچون نظارت مستشارلرینک وشورای دولت اعضاسنک مناسبلرندن ترکیبی مقرر اولان قومیسونه دخی بالفعل ریاست ایتمک اوزره حاب والیسی خورشید پاشایه توجیه ، دینله شدرد .

۱ صفر ۱۲۹۵ ده - احمد وفیق پاشانک باش وکالتنده ثانیاً -

[۱] فوآد پاشا معیتنده رشدی پاشا ایله شامده رفانت ایتمشلدرد .

عدلیه نظارتنه تعیین قلندی . ۱۵ ربیع الاخر ۱۲۹۵ ده - احمدوفیق
پاشا قاپینه سنک سقوطنده - انفصال ایلدی .
ذی الحجه ۱۲۹۵ ده - نائماً - عدلیه ناظری اوله رق - خیرالدین
پاشانک صدارتنده - ۹ ذی الحجه ۱۲۹۵ ده عزل و ۱۷ ذی الحجه
۱۲۹۵ ده انقره والیکنه تعیین اولندی .
۷ ربیع اول ۱۲۹۹ ده انقره ده وفات ایتدی . حاجی بیرام ولی
جامعی قارشیسینده کی مقبره ده دفن ایدلدی . سنی یتشه وارمشدی .
طویل القامه ، لیاقلی ایدی ،
بیوک اوغلی ارباب اهلیتدن - ایمان بک بکرش - غیری ایکن
۷ رمضان ۱۳۰۲ ده ، کوچک اوغلی سرقرنالقدن منفصل خالد خورشید
بک ۲۷ جمادی الاخره ۱۳۳۴ ده وفات ایتدی .
مشارالیهک زمان نظارتلرنده آثار دینه و خیریه دن برچونغی تعمیر
اولندی .

محمد صادق پاشا

آیدین سنجانی داخلنده بایندر مفتیمی عبدالله افندینک اوغلیدر .
۱۲۴۱ ده بایندرده طوغدی . پدر و برادرندن وسائر ذواتدن مملکتنده



صرف و نحو عربی
و علوم دینیہ تحصیل
اینیهرک بایندر مدیر -
لکسنه تعیین اولندی .
از میرده کمرک
خدمتارنده بولندقدن
صکره - صدرا - بق
فوادپاشانک تشویقیله -
درسعادته کلهرک باب
عالی ترجمه اوطه - سنه
داخل اولدی . بعض
ولایات پولتیقه مأمور -
یتلرنده بولندی .

۱۶ شوال ۱۲۷۷ ده سلانیک کمرک امانتنه ، ۲۲ ذی الحجه
۱۲۸۲ ده دیوان محاسبات اعضالغته ، ۲۰ شوال ۱۲۸۳ ده رتبه اولی
صنف اولی ایله اسهام عمومیه امانتنه نصب ، ربیع الاول ۱۲۸۵ ده
ایکینجی رتبه عثمانی نشانی توجیه ایدلدی . قونسلیده ایشلری ایچون
پارسه کوندرلدی .

شوال ۱۲۸۵ ده رتبه بالا ایله مالیہ نظارتہ تعین و ۱۷ محرم ۱۲۸۶ ده رتبه وزارت ، محرم ۱۲۸۷ ده برنجی رتبه مجیدی نشانی توجیه قلندی .
۱۵ جمادی الاولی ۱۲۸۷ ده اوقاف هایون نظارتہ ، ۲۹ رجب ۱۲۸۷ ده آیدین والیلکنہ ، ۸ رجب ۱۲۸۸ ده - ثانیاً - مالیہ نظارتہ
تیین اولندی . (محمود ندیم پاشانک صدارتہ تصادف ایدن بونظارتدن
تخلیصی شروانی زاده رشدی پاشایہ یازدینی مکتوب خصوصیدہ نیاز
ایتمش ایسہده آرزوسنک اسعافی قابل اولہ مامہ شدہ) .

مالیہ خزینہ بی رؤسای مأموریندن بهضرینک صدر اعظم محمود
ندیم پاشا طرفندن تبدیل ایدلمسندن وعقد اولنہ جق بر استقراضک
فائضی فاحش اولمسندن طولایی صدر مشارالیه مجلس وکلادہ
وقوع بولان منازعہ لسانیه اوزرینہ ۱۳ رمضان ۱۲۸۸ ده عزل
ایدلی .

۲۴ ربیع الاول ۱۲۸۹ ده - ثانیاً - آیدین والیلکنہ ، ۱۹
جمادی الاخرہ ۱۲۸۹ ده - ثالثاً - مالیہ نظارتہ نصب اولنہ رق اسعد
پاشانک دفعہ اولی صدارتندہ ۱۸ ذی الحجہ ۱۲۸۹ ده انفصال ایلدی .

۹ ربیع الاول ۱۲۹۰ ده رسومات امانتہ تعین ومالیہ متعلق
بعض مسائلی تسویه واستقراض عقد ایتمک اوزرہ پارسہ اعزام قلندی .
درسعادتہ عودتی متعاقباً ۱۷ جمادی الاولی ۱۲۹۱ ده امانتدن منفصل
اولدی .

۲۵ رمضان ۱۲۹۲ ده پارس سفارتہ ، ادہم پاشانک صدارتندہ
۲۱ محرم ۱۲۹۴ ده طونہ والیلکنہ نصب ایدلی . ۱ جمادی الاولی
۱۲۹۴ ده طونہ دن انفصال ایله درسعادتہ عودت ایلدی .

باب سرعسکریدہ - بعض وکلادن مرکباً تشکیل اولنان - امور
حریہ مجلسی اعضالغہ ومہاجرین قومیسونی ریاستہ مأمور اولدی .
ایلک دفعہ کشاد اولنان مجلس مبعوثانہ درسعادتہ انتخاب ایدلی .

حمدی پاشانك صدارتنده ۷ محرم ۱۲۹۵ ده - ثانياً - رسومات امانته و متاركة عقدى ايچون غراندوق نيقوله نك زدينه كوندريلى نامق پاشانك عودتته قدر ۱۶ محرم ۱۲۹۵ ده خزينه خاصه نظارتى وكالتنه ، ۱۵ ربيع الاخر ۱۲۹۵ ده - نافعه نظارتى انضماميله - باش وكالتنه نصب اولندى .

خط هايونك صورتى :

« وزير معاليه ميرم صادق پاشا

نزد مرزده تحقيق ايدن بعض اسباب اوزرينه هيئت وكالتك تبديلنه لزوم كوردندين اهلين و حسن سلوك و سبرتگزه و وضع ايتديكمز قانون اساسينك اهميته كوره حركته اقتداركزه مبنى رياست مجاس وكلا ايميتى دركار اولان نافعه نظارتى انضماميله عهده كزه و مسند مشيخت اسلاميه احمد مختار بكة احاله اولندى . مملكتوزك حسن اداره سنه دلالت ايدن اسبابدن و صنوف تبعه مزك سعادت و بختيارى به نائيلته مطمن البال اولمردن غيرى ايلم اولمديغدن عند مرزده و افكار عامه ده متحقق الزوم اولان اصلاحاتك حصول ايچون هيئتيجه و كال حسن نيتله چاليشلمسنى تنبيه و توصيه ايدرم جناب حق موفق بيوره . ۱۵ ربيع الاخر ۱۲۹۵ » .

هنكام وكالتنده انكلتره دولتى طرفندن قبريسك تركى تكليف اولندى . باب عالينك اكثر دواثرى محترق و على سعاوى وقعه سى حادث اولدى . ۲۵ جمادى الاولى ۱۲۹۵ ده عزل ايدلدى .

۱۱ جمادى الاخره ۱۲۹۵ ده جزاير بحر سفيد ولايته تعيين اولنه رق اووراده اوچ سنه قدر ايفاي خدمتدن صكره استعفا و مملكتنده اقامته مساعدده اولنمسنى استعدا ايتدى .

لمنیده اقامته مأمور اولدى . ايكي اوچ سنه صكره (۱۰,۰۰۰) غروش معزوليت معاشى تخصيص قلندى . ۱۳۱۹ ده لمنیده وفات ايتدى . نيازى مصرى حضرت تليرك جوار مرقدينه دفن ايدلدى .
مشار اليه لك زمان نظارتنده مباني دينيه و خيريه دن بعضلى تعمير اولندى .

احمد کمال پاشا

سلطان کتخدالزیدن الحاج سید ابراهیم آغانک اوغلیدر [۱].
 ۱۲۲۳ ده در سعادته طوغدی . معلمین مخصوصه دن تحصیل علوم
 ایتدی . ۱۲۴۱ ده
 دفتر دارمکتوبچی قلمنه
 داخل اولدی .



وقعه خیریه دن
 صکره دولته اکثر
 نظاماتی تبدل ایدرک
 ضوابط ماسکینه ک
 اساسی اولان تحریر
 نفوس ماده مهمه سی
 اولجه مرکز سلطنتده
 اجرا اولغش ایسه ده
 غوائل حربیه نک تعاقبی
 ولایاته تعمیمنه مانع

اولمشدی . ۱۲۴۵ ده تحریر نفوس ایچون اناطولی وروم ایل
 ولایانه تعیین اولان مأمورلرک کوندر دکاری دفترلری تدقیق وایجاباتی

[۱] ابراهیم آغا ۱۲۶۴ ده وفات ایتمشدر . کمال پاشا ، پدرینک
 ارتخالنه شو تاریخ مجوهری سربله مشدر : « قیلدی سید حاجی ابراهیم آغا
 عنزم بقا » . مشاهیر ادبادهن سعید بک افندی ، بیوک پدرینک ارتخال ایتدیکی
 سنه طوغمشدر .

اجرا ایتمک اوزره تأسیس ایدیلن جریده نظارتنه باب دفتری مکتوبجیسی سعید افندی وباش کتابته ده - مشارالیهک دامادی - کمال افندی تعیین و ۱۲۵۰ ده خواجهک ، ۱۲۵۱ ده رابعه رتبهسی توجیه ایدلدی .

سفارتله ایرانه کوندریلن صحافر شیخی زاده وقعه نویس اسعد افندیکنک نامه ترتیب ایلدیکی (منتخبات شهنامه) ایله تنظیم ایتدیکی قصائد فارسیه ، مشارالیهک نظر تقدیر و توجهنی جلب ایدرک سفارت سرکتابیله سرتربجانیلغنه تعیین ایتدیردی . برلکده طهران کوتوردی . ایراندن عودتنده ملکیه ناظری پرتو پاشا ، مشارالیهی صدارت مکتوبی قلمنه مأمور ایتدی . درسعاده کلن ایران شهزادکان وسفراسنک مکالمه لرنده استخدام اولندی . مأموریت مخصوصه ایله تکرار طهران و اصفهانه کیدرک ایکی سنه اقامت ایلدی .

سعید بک افندی ، (هدیة سال) و (مداین خرابه لری) نامنده کی رساله یه دائر ادبادن حسین دانش بکه یازدینی تذکرده دیرکه ۱۱۱ :

« طهران سفارتنده باش کاتب بولنان پدرم کمال پاشا اوزمان سغیر بولنان مشهور وقعه نویس اسعد افندی ایله شاه ایچون اسعد افندی طرفدن کوستریلان بر حرم تسز لکه مبنی فنا حالدیه بوزشدهش و سفارتخانه یی ترک ایله آیری برخانه یه چیتوب اسعد افندیکنک انهای اوزرینه عزل ایدلشدر . طرفادن اولان سلطان محمود ، پدری استانبوله کلنجه نزدینه جلب ایله سبب منازعه یی صورهش و پدرم دخی بروجیه آتی جراب ویرهشدر :

« علم و فضلنه دیه جک اولیان اسعد افندی ایرانلرک نکته دانلقلرینی و ذکالرینی بیلمه مک کی بر اثر حق و جهل کوستردی . غایتله بیوک برلطف اولیق اوزره طرف هایونکزدن اسعد افندی یه تصویرهایون احسان بیورلدی . فوق العاده اولان بو احسان شاهانه لرینه مقابل شاه دخی مشارالیه تصویرینی ویردی . قولکنر سفارتخانه ده یوق ایکن تصویر هایونی قبول سالونکن دیوارینه آصدهش . کذلک تصویر شاهینی دخی ، قابیلنده کی دیواره تعلیق ایتدیرمش . کرچه بوصورت بک مناسب ایسه ده تصویر هایونک آلتنه (شاه

دوران بکا تصویرهایون ویردی (مصراعنی و تصویر شاهینک زیرینه (شاه ایران دخی برصورت میمون ویردی (مصراعنی تعلیق یازیله تحریر و تعلیق ابتدیردیکندن سفارته عودتمده بونلری کورنجه شاشیردم . سفارتدن طیشاری فیرلادم . بردها آباق باصمدم . کندبسی میونک معنای اغویسی میمنتلی دیک اولدینی تأویل عامیانه سیله ایرانیلرکی نکته دان آدلری اغفال ایدرم ظن ایش . بنده کزده ایشه وطنمه کادم » . لقردی پی پدر کسنجه سلطان محمود درحال اسعد افندینک عزلی و پدرک سفیرلکه تعیینی اراده ایملکه پدر متشکراً چیقوب طهرانه کیتش وسنه لرجه مناسبات طرفینی حسن اداره ایتشدر ... » .

۱۲۵۶ ده صدارت مکتوبی قلمی میز لکنه و فارسی مترجملکنه تعیین قلندی . دولترلله جریان ایدن مذاکرات واتخاذ اولنان مقررات اوزرینه تنظیم ایدیلن فرمان عالی بی محمد علی پاشایه تبلیغ ایچون مصره اعزام اولندی . وظیفه مودوعه بی حسن ایفا ایتدی .

جزره متسلمی بدرهان بک ایله وان سنجاغنده طباری نامنده کی نسطوری قبیله سی میاننده مقاتله واقع اولغله تحقیق کیفیت وازاله خصوصت ایملک اوزره ۱۲۵۹ سنه سی اواخرنده جزریده کوندردلی . موصل ، دیار بکر بغداد جهتلرینی دور ایدرک اون آلتی آی صکره عودت ایتدی .

تاریخ لطفیده (۱) دینلیورکه :

« کال پاشا ، بومسنله ایچون (بدرهان مسنله سی) براقچ دفعه موصله کوندربله رک (۲) اوتارینغه قدر مأمورین دولتدن کیسه نک کیتمه مش اولدینی جرریه واروب مأمور اولدینی اوامر و تذهیاتی بدرهان بکه بالذات افاده ایتشدر . بدرهان بک ترکیه بیلمدیکندن کال پاشا فارسی لسانیه میرمومی الیه افاده مرام ایتشدر . نهایت سوزک عدم تأثیری قطع نزاع ایچون لسان سنائی استعالمه بادی اولمشدر » .

[۱۱] [جلد ۸ صحیفه ۱۴۳]

[۲] تقویم وقایعه (نومرو ۲۶۴) کال پاشانک جزریده اعزامندن بحث ایدیلدی ائنده « مقدما ایکی دفعه اورالر مأمور ایدیلرک حوالی مذکور حواله واقف اولدینندن » دینلیور .

۱۲۶۲ده رتبه‌ثانیه توجیه ایدلدی . احداث اولئان مكاتب عمومیه نظارتیه محرم ۱۲۶۳ ده صحافلر شیخی زاده اسعد افندینك تعیینده ناطر معاونی اولدی . مجلس معارف عمومیه رئیس امین پاشانك روم ایلی اردوسی مشیرلكنه تعیینده ریاست ، اسعد افندی به تفویض ومكاتب عمومیه نظارتی ، مكاتب عمومیه مدیرلكنه تبدیل ایله ۲۲محرم ۱۲۶۴ ده کال افندی به توجیه قلندی .

شعبان ۱۲۶۴ده مكاتب رشديه‌شاگردانی حضورشاهانه امتحان ایدیلرلك معلومات مكاتبه‌لری رهین تقدیر اولدیغندن بو خصوصده کی اقدامه مكافاة مشارالیه رتبه‌اولی صنف‌ثانیسی توجیه ومديریت عنوانی نظارتیه تحویل اولندی .

جودت پاشا (معروضات) ده دیرکه :

« تنظیمات خیریه‌نك اجرا سیله برابر معارف عمومیه‌نك نشرینه دخی اقدام اولتیق لازمه‌ حالدن کورلشدی . ابتدا مجلس معارف موقت تشکیل اولندی . بومجلس موقته تربیه عمومیه اوچ درجه اوزرینه ترتیب اولنشدی که مكاتب صبیانه ومكاتب رشديه ودارالفنون درجه‌لیدر . مجلس موقت بوكادائر اوچ قطعه مفصل لایحه‌قلمه آله‌رق وظیفه‌سنی اكمال ایتدی . وبو لایحه‌لرك احکامانی اجرا ایچون بر مجلس معارف دائمی تشکیل اولندی . ومجلسك اعضاسندن کال افندی به مكاتب عمومیه نظارتی دخی علاوه‌ مأموریت قلنمشدر § بر دارالمعلمین انشا اولندی . چونکه کال افندی نمونه اوله‌رق بر مكاتب رشديه کشاد المجلس اولدیغندن تکثیر اولنه‌حق مكاتب رشديه به خواجه یشدیرمك اوزره بر دارالمعلمینه احتیاج وارایدی . فقط ایشك اورته‌سندن باشلانیش ایدی . زیرا مجلس موقتك قرارینه‌کوره ابتدا مكاتب صبیان اصلاح اولنوبده صکره رشديه‌لره جیق‌لق لازم ایدی . لکن اوزمان مکاتب صبیان اوقاف نظارتیه مربوط اولمغه نظارت ، کال افندینك مكاتب صبیانه مداخله‌سنه مانع اولمشدی . غریبدرکه بر طرفدن دخی دارالفنونك انشاسنه چالیشیلور ایدی . ۱۲۶۲ ده سرعسکر رضا پاشا اقبالدن دوشوب رشید پاشا صدر اعظم اولدقده نشر معارفه ده‌ه‌زاده غیرت واقدام کوسرتلدی . لکن وکلا بیننده رونما اولان شتاق ونفاقدن ناشی مطالب درجه‌ده‌ترقیات کوریله‌میوردی . مع‌مایه مکاتب رشديه خلیجه‌تکثیر اولندی » .

اوروپا مکتبلیرنک نظامات و طرز تدریساتی تدقیق ایتک اوزره
۱۲۶۶ ده با اراده سنیه اوروپایه اعزام اولندی . فرانسه ، انگلتره ،
المانیاده کی مکاتبک نظامات و تدریساتی تحقیق ایله درسعات مکتبک
نظاماتنه مواد نافه علاوه ایتدی .

مشارالیهک مخدوم فاضلی - سعید بک افندی - مراجعت واقعه
اوزرینه - اعطا ایلدیکی معلومات بروجه آتی درج اولندی :

« والده مکتبی والده سلطانیه پادیران پدردر . تاریخ انشاسی دخی آنکدر :
« یازدی تاریخن مکتب ناظری عیدکین مهدعلیا باق بک اعلا مکتب انشا ایلدی »
برنجی امتحان عمومیده سلطان عبدالمجید خان حضرتلری بالذات بولنقی
آرزو بیوردقلرندن و پدرک اوروپا اصولی اوزره مکتب کشادینه سنی ایلسی
جهله متعصبینی دلکیر ایلشدهده سلطان عبدالمجید حضرتلری بو صورتی بک
تصویب ایلدکلری جهتله امتحانک حضور شاهانهده اجراسی هرکسجه نظر
مقبولیتله کورلدیکدن اوامتحان بر بیک مقدمه ترقی اولمشدی . پدرک دوچار
اولدینی مشکلاتدن بریده تربیه نسوان ماده سنده ظهور ایتدی . بر طاقم
واویلار قوپاردیلر . لکن کال افندی متانت هیمندانه سینه فتور کتیرمدیکی
کبی سلطان عبدالمجید حضرتلری دخی حمایت شاهانه لرنده ثابتقدم قالدیلر .
وقتا که امتحان کونی کلدی . او پادشاه معارفپور ، سلطان مراد و فاطمه
سلطان حضرتانی مستصحباً مکتبی تشریف بیورنجه هرکس حیرته قالدی .
بعدالامتحان پادشاه عالیشان ، پدره خطاباً « آفرین کال افندی ، سرمایه
سعادت دارین اولان معارفک تبعه مزک ذکور و نسوانی حقنده تعمیمنه غیرتکزدن
طولایی سزه تشکر ایدرم . خلفک اولادینی تربیه یه نصل سنی ایدیورسه کز
کندی چوجقلری دخی تربیه همتکزی بکارم » بیوروب سلطان مراد
ایله فاطمه سلطانیه پدرک الیرینی اوپدیرمشلر . پدر ، اثبات اهیت ایدن شاگردانه
مکافاه هدیه سی ترتیب ایتدیکی کی علی الاعلی چیقانلر ایچون « نشان آفرین
امتحاندر » عیاره سی محتوی برر نشان پادیرمشدی . شهزاده و سلطان حضرتلرینه
برر نشان تقدیم ایتدکده پادشاه حضرتلری « بو نشانلری شهیدی بر هدیه
تشویق اوله رق آلیکز . لکن طاقعه ختکز یوقدر . ان شالله سزده کلهجک
امتحانده ابراز اقتدار ایدرسکز او وقت ناظر افندی کندی ایله نشانکزی
سزه طاقاره » بیورمشلردر . پدر ، سرایه معلملر اعزامیله انفاذ اراده سنییه .
باشلار . بوطننه معارفپوری ، اوروپا اصولی اوزره مکتبلر تنظیمی و نسوانک

دخی تعیم معارفدن ذکورکبی بهره دار اولملری ایلینده بولنانلری مجبور سکوت ایلر . لکین کمال افندیکن معارف حقنده برحال مرضی درجه سنه واران غیری بوقدرله اکثفا ایتز . بو التفاتی کورنجه ، مدرسه لک اصلاحنه قائلار . ایشته قیامتک اک بیوک او وقت قوبار . مشهور امام زاده [۱] رفع علم اعتراض وبر طاقم کنديسنه همیا اولان آدملری اقتناع ایله کمال افندیکن علیه علم کشای فساد اولدیغندن وکمال افندی دخی شدتلی جوابلر کوندردیکندن او زمانلرده شورای دوات مقامنده بولنان مجلس والایه ایکینسک دخی جلبی اقتضا ایلمکله ایکسی بردن مجلس والایه جبابولنش واوراده شدتله غوغا ایتدکلرندن کمال افندی اوروپا مکاتبی تفتیش وعودته بوراده کی مکاتبی اویولده تنظیم ایتک اوزره اوروپایه وامام زادهک حازه اعزام اولملرینه قرار ویرلشدر . هر نه ایسه ایشک کمال افندییه عائد جهتی شردن خیر چیقق نوعندن برشی اولمشده مدرسه لر اصلاحسز قالمش و مرحومک عمری اولدجه تفتیش ایتدیکی برامل عقیم براقلمشدی § بعده سلطان عبدالجید خان حضرتلری ، مرحومی شهزادکان حضرتک درس نظارتنه تعیین ایلش وهر شهزادهک میل فکریسنه کوره تدریساتده بولنامسی ، ووقیتک اک بیوک واسطه لرندن اولقله تدریساتک اوجهتنه دخی اعتنا قلنشدر .

اوروپادن عودتندن اوچ سنه صکره دارالمعارف شاگردانندن اوغلی محمد ضیاءالدین بکک [۲] وفاتندن متالم اوله رق مکاتب عمومی نظارتندن عنونی استدعا ایتدی . اورته ایاجچلاک عنوانیه ۲۶ رمضان ۱۲۷۰ ده برلین سفارتنه تعیین اولندی . ۱۵ ذی القعدة ۱۲۷۳ ده عزل ایلدی .

قومیسر لکله قره طاعه عزیمت ، بریحق سنه صکره عودت ایلدی . شوال ۱۲۷۵ ده مجلس عالی تنظیمات اعصافنه و شهزادکانک درس نظارتنه ، ۱۹ ربیع الاول ۱۲۷۶ علاوة حرم هایون مصارفات نظارتنه ، ۲۲ جمادی الاولی ۱۲۷۸ ده - رتبه بالاییله - معارف عمومی نظارتنه تعیین و ۱ شعبان ۱۲۷۸ ده تقویم خانه و طبع خانه نظارتی علاوة توجیه قلندی .

[۱] اسعد افندی .

[۲] عربی ، فارسی ، فرانسه ده ریاضیات و شعرده ترقی ایدرک اون درت یاشنده شعبان ۱۲۷۰ ده وفات ایلدیکی (تذکره فطین) ده محرردر .

- ۲۶ جمادی الاولى ۱۲۷۹ ده مجلس والای احکام عدلیه اعضائنه ،
 ۲۹ ذی القعدة ۱۲۸۱ ده - ثانیاً - معارف نظارتنه و - اوقاف ناظری
 شروانی زاده رشدی پاشانك درسعادتہ ورو دینه قدر - جمادی الاولى
 ۱۲۸۲ ده اوقاف نظارتی وکالتنه تعیین اولندی .
 معارف نظارتی عہدہ سندہ بولندیبحی حالده شوال ۱۲۸۲ ده بلجیق اقرالی
 ایکنجی لئوپولدک جلوسنی تہریکہ ونامہ ہایون ایصالنه مأموراً بروکسلہ
 اعزام اولندی . قرال طرفدن لئوپولد نشانك غران قوردونی ویرلدی .
 بروکسلدن حین عودتندہ پارس سفیری صفوت پاشا ایلہ برلکدہ فرانسه
 ایمپراطوریہ ملاقات و ۲۴ محرم ۱۲۸۳ ده درسعادتہ عودت ایلدی .
 ۲۳ ربیع الآخر ۱۲۸۴ ده - ثانیاً - مجلس والای احکام عدلیہ
 اعضائنه، ۱۲۸۵ ده شورای دولت اعضائنه مأمور اولدی . عتبات عالیہ پی
 زیارت ایتمک اوزرہ بغدادہ کلن ایران شاہی ناصر الدینک ۱۱ جمادی الاولى
 ۱۲۸۷ ده مهمارندارلغہ تعیین ورتبہ وزارت توجیہ اولنہ رق بغدادہ
 اعزام وشاہ طرفدن برنجی رتبہ شیرو خورشید نشانی اھدا ایلدی .
 بغداددہ بولندیبحی ائسادہ ۲۹ رجب ۱۲۸۷ ده اوقاف ناظری اولدی .
 ۱۱ محرم ۱۲۸۸ ده درسعادتہ کلدی . محمود ندیم پاشانك صدارتندہ
 ۲۳ رجب ۱۲۸۸ ده اوقاف ہایون نظارتی ، شیخ الاسلام احمد مختار
 منلابکہ علاوۃ توجیہ وکمال پاشا - ثالثاً - معارف نظارتنه نقل اولندی .
 ۲۲ شوال ۱۲۸۸ ده - ثانیاً - شورای دولت اعضائنه ، ۴ شوال
 ۱۲۸۹ ده - رابعاً - معارف نظارتنه ، ۲۵ صفر ۱۲۹۰ ده - ثالثاً -
 شورای دولت اعضائنه ، ۹ ربیع الاول ۱۲۹۰ ده - ثانیاً - اوقاف
 ہایون نظارتنه نصب و ۱۰ جمادی الاولى ۱۲۹۱ ده برنجی رتبہ عثمانی
 نشانی اعطا قلندی .
 ۱۳ ربیع الآخر ۱۲۹۳ ده - علاوۃ وخامساً - معارف نظارتنه
 تعیین اولنوب ۲۳ ربیع الآخر ۱۲۹۳ ده معارفدن انفکاک ایلدی .

۳ ذی القعدة ۱۲۹۴ ده - سادساً - معارف نظارتنه ، ۷ محرم ۱۲۹۵ ده - حمدی پاشانك صدارتنده - هیئت اعیان اعضالغنه ، اوسنه حرم هایون مصارفات و شهزادكانك درس و سلطان عبدالعزیز خان حضرتلرینك خاندانی اموری نظارتلرینه نصب اولندی .

۱۲۹۷ ده صبحی پاشانك اوقاف نظارتنده بولندیغی ائناده مقدا اندرون آغالرینك عواندینی قائمه یرینه متالك ویرملرندن طولانی تین ایدن زیانك تحصیلی ایچون - اوزمان ناظر بولنان کمال پاشا ایله مستشار حلیم و محاسبه جی کامل اقدیلرک تحت محاکمه آلملرینه قرار ویرلمسی اوزرینه شورای دولت محاکمات دائره سنده جریان ایدن محاکمه ده مشار الیهك - وکالتنامه ایله مدافعہ وکیل تعیین ایلدیکی - مخدومی سعید بك اقدی مدافعات لازمه یی ایفا ایتدی . سالف الذکر مبلغك اوصورتله ویرلمسی باب السعاده کتخداسی طرفندن طوغریدن طوغرییه استحصال و تبلیغ ایدیلن اراده سنییه مبتنی اولدیغی آکلاشیله رق - مدت محاکمه ایکی ساعت بیله سورمه دن - مشار ومومی الیهم حقنده عدم مسؤولیت قراری ویرلدی .

ذی الحجه ۱۳۰۰ ده مشار الیهه مرصع نشان عثمانی اعطا اولندی . ۱۵ ربیع الآخر ۱۳۰۴ ده وفات ایلدی . سلیمانیه جامع شریفی حظیره سنه دفن ایلدی . عالم ، کاتب ، عقیف ، متواضع ، منور الافکار ایدی . عرب ، فرس ، فرانسر لسانلرنده ماهر ، المان لسانه آشنا ایدی . (منتخبات شهنامه) ، فارسی تکلمنه دائر رساله سی ، قواعد فارسیه سی واردر . ترکی و فارسی اشعاری دیوان حائده ترتیب اولنماشدر .

مشار الیهك زمان نظارتلرنده بك چوق مبانی دینه و خیریه تعمیر ایلدی .



محمد عارف افندی

« وکیل »

قضاتدن انقره لی حاجی حسین افدینك. [۱] اوغلی و سلاحدار
مشهور علی آغانك دامادیدر . دیوان هایون قلمندن نشأت ایلدی .

موكب هایون کاتبکی

عنوانیه سرای هایونه

مأمور اولدی . بر

مدت صکره ایچ

خزینہ کتابتی علاوه

ایدلدی . بالاخره

بو کتابت باقی

اولمق اوزره مابین

هایون یوقلدی .

جیلغنه ، ۶ محرم

۱۲۵۶ ده طوپخانه

عامره مدیریته ،

۴ جمادی الاخره

۱۲۵۹ ده رتبه اولی ایله عساکر خاصه مشیرتی مستشارلغنه [۲] ،

متعاقباً سرعسکر مستشارلغنه تعیین اولندی .

[۱] ۱۹ جمادی الاولى ۱۲۵۰ ده وفات ایتدی . حیدر پاشا قبرستانه

دفن ایدلدی . دری زاده نك مشیخته کتخدالمق خدمتده بولمیشدر .

[۲] « عساکر خاصه شاهانه مشیرلیکی امور عسکریه به مرجع اتخاذ قلمدهش



خاصه ومنصوره مشيرتلى مستشارلقلرينك توحيدنده سرعسكر
مستشارلغنده ابقاء، ذى القعدة ۱۲۶۱ ده رتبه اولى صنف اولى توجيه قلندى .
سليمان پاشانك عزليله خسرو پاشانك سرعسكرلكه نصبنده صفر
۱۲۶۲ ده مجلس والاي احكام عدليه اعضالغنه نقل اولندى . ۳
ذى القعدة ۱۲۶۶ ده - قسطاكي بكك يرينه بيوك ايلچيك عنوانيله -
ويانه سفارتنه تعيين ، محرم ۱۲۷۲ ده رتبه بالا توجيه ايدلدى .

۲۸ ربيع الاول ۱۲۷۲ ده ترسانه مستشارلغنه ، ۲۲ محرم
۱۲۷۵ ده تجارت نظارتى وكالته ، جمادى الاولى ۱۲۷۶ ده - ثانياً -
مجلس والاي احكام عدليه اعضالغنه ، شوال ۱۲۷۶ ده رفيعه سلطان
كتخذالغنه ، ۷ صفر ۱۲۸۱ ده دعاوى نظارتنه ، ۲۳ ربيع الاخر
۱۲۸۴ ده - ثالثاً - مجلس والا اعضالغنه نصب اولندى .

كچال پاشا ايران شاهنى استقبال ايچون بغداده اعزام قلندينى
اثناده اوقاف هايون نظارتنه تعيين ايدلمسيله عارف افندى ، ۵ شعبان
۱۲۸۷ ده ناظر وكيلى ، ۳ ذى القعدة ۱۲۸۷ ده ديوان احكام عدليه
اجرا جمعيتى رئيسى اولدى .

۷ رمضان ۱۲۸۸ ده شوراي دولت اعضالغنه ، ۲ ربيع الاول
۱۲۹۴ ده مجلس اعيان اعضالغنه تعيين قلندى .

و بوجهتله عاكر خاصه مستشارلنى مأموريتنك ايشى كسب جسامت ايلش
اولديغنه ومأمورين مرقومه نك اقلام عسكرينه دن نشأت ايغش ودها زياده جه
كسب وقوف ومعلومات ايلش برذاته احاليسى ايجاب حالدين ورجال دولت عليه دن
طوبخانه عامره مدبرى سعادتلو عارف افندى مقدا خيلى مدت امور قلديه
ورأس مأموريت عسكرينه ده استخدام ايله اكتساب معلومات كاملا واستحصال
مهارت كافيه ايله رك ذاتاً دخى جرېزه ودرابت ايله متصف بندگان مصادقت
اشتمالدين بولنلش ايدوكنه بناءً رتبه سنك اولى صنف ثابيسنه بالتفريع مذكور
مستشارلنك مومى اليه عارف افندى به توجيهنه اراده سنه متعلق بيورلشدر .

[تقويم وقايع نومرو : ۱۲۵۶ - ۲۵ جمادى الاخره ۱۲۵۹]

۹ ربیع الآخر ۱۲۹۵ ده ارتحال ایلدی . طوپقپو قبرستاننه دفن
اولندی . مخدومی ارباب فضیلتدن امامسیه متصرف اسبقی کمال بك
افندیدر .

مشار اليهك زمان وكالتنده بعض مبانئ دینه وخیریه تعمیر
قاندی .



احمد جودت پاشا

لوڤجه‌لی حاجی اسماعیل آغانک اوغلیدر [۱] . ۱۲۳۸ ده لوڤجه‌ده
طوغدی . لوڤجه‌ده مفتی و مدرسدن تدرس و بر مدت مفتی نزدنده



مسودلك ایدرك ۱۲۵۵

سنه‌سی اوائلنده استا-

نبوله‌کلدی . چهارشنبه

جوارنده‌کی پاپاس اوغلی

مدرسه‌سنه داخل

اولدی .

بالاخره فاتح

جامعك صحن ثمان

مدرسه‌لرندن آق‌دکتر

طرف‌ده‌کی باش‌قور-

شونلی مدرسه‌سنه

چیقدی [۲] . فاتح

جامع شریفنده علم فقه،

[۱] الحاج اسماعیل آغا بن الحاج علی افندی بن احمد آغا بن اسماعیل
افندی [لوڤجه مفتیسی] بن احمد آغا سرکرده . سرکرده احمد آغا قرق‌کلیسا
اهالیسندندر . بالطه‌جی محمد پاشا ایله پروت محاربه‌سندنه بولمیش و لوڤجه‌ده
توطن ایشدر . یولار قیران نامیله معروف اولدیغندن اولاد و احفادینه (یولار
قیران اوغللری) اطلاق اولمشدرکه بو لقب ، جودت پاشانک بیوک پدری
حاجی علی افندی‌یه قدر دوام ایشدر .

[۲] او مدرسه‌ده جودت پاشایه تخصیص اولنان اوطه ، علی روایه
مطول محشیسی حسین چلبی‌نک اوطه‌سی ایش .

حدیث، تفسیر، منطق، آداب، علم کلام و ایام تعطیلیه ده حکمت الهیه و طبیعیه، هندسه، حساب، جبر و مساحه، هیئت، جغرافیا و مراد منلا تکیه سی شیخی محمد مراد افندیدن و شاعر سلیمان فهم افندیدن فارسی تحصیل ایلدی.

اوزمانك اعظم علماسندن امام زاده اسعد افندینك شرح عقائد، انطاكیه لی سعید افندینك مطّول درس لرینه دوام و دکزیلی ییجی، حافظ سید، آماسیه لی قره خلیل افندیلردن، و دینلی خواجه دن استفاده ایلدیکی کبی ارناود علی افندیدن فن آداب و علم عروض اوقودی. شا کر افندیدن اجازت آلدی. فاتح جامعده برهان کتبوی و دولکر اوغلی جامعده قاضی میر اوقودی.

۱۲۵۹ ده حمیدیه مدرسه سی امتحاننه داخل و بر اوطه نك معاش و تعیینانه نائل اولدی. ۱۲۶۰ ده طریق قضایه دخول و پرمدی قضائی ضبط ایله موقتاً مخصص اولان (۵۲۰) غروش معاشی المّده ایکن ۱۲۶۱ ده استانبول مدرسلکی رؤسی و (۱۵۰) غروش معاش، (۱۰۰) غروش معیشت، باب عالیجه ده عطیه ترتینندن سنوی (۲,۴۰۰) غروش اعطا اولندی.

آمدی دیوان هایون فوآد افندینك [صدر اسبق فوآد پاشا] مأموریت فوق العاده ایله بکرشه عزیمتده رشید پاشا طرفندن بعض اوامر تبلیغی ایچون بکرشه کوندرلدی. بر آی صکره عودت ایلدی.

فوآد افندی قابلیچه لره کیرمک اوزره بروسه یه عزیمتده، اشاریه ده برلنکده کیدرک اوراده مشترکاً (قواعد عثمانیه) ایله شرکت خیریه لایحه سی یازوب درسه دته کتیردیله.

۵ شوال ۱۲۶۶ ده (۱,۲۰۰) غروش معاشله مجلس معارف

عمومیة اعضائنه ودارالمعلمین مدیرلکنه تعیین (۱۱) و معاشی (۲,۵۰۰) غروشه ابلاغ ایدلدی. اعضائنه تعییننده - اوئانده رتبه و مأموریتلره مخصوص اولان - مرصع نشانلردن رتبه نالته نشانی ویرلدی . ۱۲۶۷ ده انجمن دانش اعضائنه علاوه توجیه قلندی .

انجمنک یوم کشادنده (قواعد عثمانیه) حضورهایونه عرض اولندی. طبیی فرمان بیورلدی . ذات شاهانه ، رشید پاشایه خطاباً « جودت افندی پایه سی ترفیع ایله تلطیف اولنسون فقط کنیدیسنک صحیحاً نمون اوله جفی صورتده اولمیدر . اوراسنی آرتق شیخ الاسلام افندی ایله مذاکره ایدیکز » بیوردیغدن رتبه سی (حرکت التمشلی) یه ترفیع اولندی .

مشارایه (معروضات) نامنده کی مجموعه تاریخیه ده انجمن دانشک کشادندن (۱۹ رمضان ۱۲۶۷) بحث ایتدیکی صرده دیرکه :

« انجمنده علم تاریخ قسم قسم تفریق ایله هر قسمی اعضای انجمندن برینه حواله اولندی بی صرده قینارجه صالحه سندن بدأ ایله وقعه خیریه به قدر اولان قسمک تحریری دخی قوللرینه احاله قلندشدی . اول ائشاده ظهیر ایدن تبدلات و انقلاباتدن ناشی رفقادن بعضلری برشی یازمنه باشلاهدی . بعضلری باشلدی ایسه ده یاربم قالدی . یالکز قوللاری تاریخ جودتک تحریرینه مداومت ایلدم » .

مصر والیسی عباس پاشانک معاملات غیر لایقه سندن اعضای خاندانی ایله امرا و امکداران شکایت و صدراعظم رشید پاشاده آنلری حمایت ایلدیکندن آردلرینه برودت کیردی . برده محمد علی پاشا

[۱] « شیخ الاسلام مکی زاده عاصم افندی وفات ایتکله کلی نقودی قالدی . بو باره ایله باراده سنیبه آیاصوفیه جامع شریفی تعمیر اولندی . فضله سیله دخی مکاتب رشدیه خواجه ، یتشدریمک اوزره فاتح جامی جوارنده بردارالمعلمین انشا اولندی . عهده عاجزانه مجلس معارف عمومیة اعضائنه دارالمعلمین مدیرلکی توجیه بیورلدی . دارالمعلمین ایچون برنظامنامه قلمه آلدیم . مکاتب رشدیه ایچون خیلی معذلر یتشدریم » . [معروضات - جودت پاشا] .

اولاد واحنادی میراث طلب ایلمکده وعباس پاشا اسعاف مسئول ایتهمکده اولدیغندن هم ازاله برودت همده میراث مسئلهسنی حل ایتک اوزره صدارت مستشاری فوآد افدینک [صدر اسبق فوآد پاشا] اعزامنه وعلمادن رذاتک ترفیقه قرار ویرلدیکندن جودت افدی، فوآد افدینک رفاقتنده ۳ جمادی الاخره ۱۲۶۸ ده مصره عزیمت وایفای وظیفه ایله عودت ایلدی .

(تاریخ جودت) ک اوچ جلدینی تقدیم ایتمکه رؤسی سلیمانیه زاده سنه ترفیع اولندی . جمادی الاخره ۱۲۷۱ ده (۱,۰۰۰) غروش معاش و سنوی (۴,۰۰۰) غروش عطیه ایله وقعه نویس، ۱۲۷۲ ده غلطه منلاسی اولدی . رجب ۱۲۷۳ ده مکّه مکرمه پایه سیله اوچنجی رتبه مجیدی نشانی ویرلدی .

رجب ۱۲۷۳ ده مجلس عالی تنظیمات اعضالغنه و علاوه اراضی قومیسونی ریاسته تعیین اولندی . [دستورده مندرج اراضی قانوننامه هایونی ، طابو نظامنامه سی ، تعلیمات موقته و تعریف نامه سی بوقومیسونده تنظیم ایلدی] . ۱۲۷۵ ده آرپهلق صورتیله ایزورنیک قضاسی احسان قلندی .

۱۲۷۵ ده صدر اعظم قبریسی محمد پاشانک روم ایلی احوالی تفتیش و اصلاح ایچون عزیمتنده (۹۰,۰۰۰) غروش خرج راه ویریلهرک معینه مأمور ایلدی . ۱۲۷۷ ده استانبول پایه سیله ایکنجی رتبه مجیدی نشانی اعطا ، ۱۲۷۸ ده آرپهلق یوزغاد قضاسنه تحویل اولندی .

محرم ۱۲۷۸ ده مجلس عالی تنظیمات و محاسن والای احکام عدلیه برلشدیریلهرک مجلس والا اعضالغنه تعیین قلندی . اوصرده (۱۲۰,۰۰۰) غروش خرج راه اعطاسیله اشقودره اصلاحاتنه مأمور اولدی .

• مشارالیه (معروضات) ده دیرکه :

« اشقودریه فوق العاده بر مأمور کوندربلوق آتشی باصدیرمق ایچون مناسبی آراشدیرلدقده عالی پاشانک محرم اسراروی و ترجمان افکاروی اولان مجلس والا رئیس کامل پاشا [صدر اسبق یوسف کامل پاشا] « جودت افندی مناسبدر » دیدی . « دولنک بویله بر مهم ایشنی قبولده تردد الیک جائز اولماز فقط شدی یه قدر یالکز باشمه بویله بر ایشده بولندم شاید بر قصور ایدرسهم معذور اولورم » دیدیکده کامل پاشا « سن بومأوری قبول ایتدیک کبی بز اینک یاریسی بتهش عد ایلرز » دیدی .

اشقودریه ایکی آی اقامت و ایفای مأموریت ایله عودت ایلدی .
روم ایلی یه و اناطولی یه کوندربان مفتشلرک [احمد و فیک افندی ، رضا افندی ، صبحی بک ، ضیا بک] انهارینی در حال اجرا ایتدیرمک اوزره تشکیل اولنان قومیسون ریاسته تعیین ایلدی .

بوسنه و هر سگ جهتی تفتیشیه مأمور اولان ضیا بکدن [ادیب مشهور ضیا پاشا] شکایت اولنسیله محرم ۱۲۸۰ ده اناطولی قاضی مسکرلکی پایه سی و برنجی رتبه مجیدی نشانی توجیهیه مفتشلرکه نصب قلندی . ۱۶ محرم ۱۲۸۰ ده درسعادتن حرکت ایلدی . اختلالی تسکین و اصلاحاتی تأمین ایله درسعادته عودتنده ایکنجی رتبه عثمانی نشانی و آرپلق اوله رق میخالج قضاسی توجیه اولندی .

معاش و آرپلقی شهری (۱۲,۰۰۰) غروشه بالغ اولدینی حالده بشقهجه شهری (۳۰,۰۰۰) غروش معاش تخصیص اوله رق دردنجی اردو مشیری لوچلی درویش پاشا ایله برلکده قوزان اصلاحاتنه مأمور ایلدی . ۲۴ ذی الحجه ۱۲۸۱ ده درسعادتن حرکت و جمادی الاخره ۱۲۸۲ ده عودت ایتدیلر . خدمات واقعه سی تقدیراً طرف شاهان دن مرصع انفیہ قوطوسی احسان بیورلدی .

۱۵ جمادی الاخره ۱۲۸۲ ده مجلس خزائن اعضاسی اولدی .
۲۰ شعبان ۱۲۸۲ ده رتبه علمیه سی وزارت تحویل و (۱۵۰,۰۰۰)

غروش عطیه سنیه احسان ایدیلهرک - حاب ، اطنه ایللریله قوزان ، مرعش ، اورفه ، زور - سنجاقلرندن مرکباً تشکیل قانان - حلب ولایتی والیلکنه (۶۰,۰۰۰) غروش معاشله تعیین وقاضیسکرلکک آرپلق یدلی اولهرق قید حیاتله بابرآت همایون (۱۰,۰۰۰) غروش معاش تخصیص اولندی . ولایت مذکورده ده ایکی سنه تشکیلات واصلاحات ایله مشغول اولدی .

۱۱ ذی القعدة ۱۲۸۴ ده شورای دولت ایله برابر تشکیل اولنان دیوان احکام عدلیه ریاسته (۵۰,۰۰۰) غروش معاشله تعیین ایدلدی . معاملات فقهیه دائر (مجله احکام عدلیه) نامیه بر کتاب ترتیب ایلک اوزره باب عالیده تشکیل اولنان جمعیت علمیه ریاستی ده علاوه تفویض قلندی . محاکم نظامیه اعلاملرینک اصول سبکنی تأسیس و جمعیت علمیه اعضاسیله برلکده مجله نك درت کتابی اتمام ایله طبع ایتدیردی . بالاخره دیگر کتابلرده ترتیب ایدلدی . (۱)

محرم ۱۲۸۵ ده دیوان احکام عدلیه ریاستی عنوانی ، نظارته تبدل ایتدی . ربیع الاول ۱۲۸۵ ده برنجی رتبه عنانی نشانی ویرلدی . ۲۳ محرم ۱۲۸۷ ده خداوندکار والیلکنه نصب ومتعاقباً عفو ایدلدی . ۵ جمادی الاخره ۱۲۸۸ ده شورای دولت اعضالغنه و - باب فتوايه نقل ایدیلن - مجله جمعیتی ریاسته ، ذی القعدة ۱۲۸۸ ده اصلاحات قومیسئوننه تعیین اولندی . ۱۲ ربیع الاخر ۱۲۸۹ ده - قوزان سنجانی وبرکت طاغنک الحاقیله - مرعش والیلکنه مأمور اولهرق اون سکزکون اوراده قالدقندن صکره ۱ جمادی الاخره ۱۲۸۹ ده دیوان احکام عدلیه اعضالغیه درسعادتیه جلب ومجله نك اکالنه مأمور ایدلدی .

(۱) جودت پاشا اخیراً ترتیب ایدیلن کتابلر ایچون علامه مشهور شام مفتیسی محمود الحزاوی افندی مرحوم ایله مخبره علمیه اجرا وعلامه مشارالمیهک علم ورآیندن استفاده ایلدیکی اوراق مخبره دن مستبان اولمدر .

۲۷ دی القعدہ ۱۲۸۹ ده شورای دولت اعضالنه ، ۱۸ ذی الحجہ
۱۲۸۹ ده اوقاف هایون نظارتنه ، ۲۵ صفر ۱۲۹۰ ده معارف نظارتنه
نصب اولندی .

معارف مأموریتندن بعضریله مکتب معلملرندن مرکباً بر قومیسئون
تشکیل ایدرک مکتب صیاندن مکتب عالییه قدر درس جدولری
ترتیب ومجدداً الفباجزئی طبع ایتدیردی . نورعتمانی جامعی جوارنده
اصول جدیدہ اوزره بر مکتب ابتدائی آچدیردی . قومیسئونجه
کندی حصه سنہ افراز اولنان (قواعد ترکیه) ، (معیار سداد) ،
(آداب سداد) نامنده کی رساله لری تألیف ایلدی .

۱۷ صفر ۱۲۹۱ ده - شورای دولت رئیس یوسف کامل پاشانک
راحتسزلکی صره سنده - ریاست معاونلکنه مأمور اولدی .

۲۲ رمضان ۱۲۹۱ ده یانیه والیلکنه ، ۸ جادی الاولی ۱۲۹۲ ده
- ثانیاً - معارف نظارتنه ، ۲ ذی القعدہ ۱۲۹۲ ده - ثانیاً - عدلیه
نظارتنه تعیین اولندی . ۱۲۹۳ ده روم ایلی تفتیشه مأمور اوله رق ادرنه ،
قله ، صوفیه به کیتدی .

۱۲ ربیع الآخر ۱۲۹۳ ده سوریه والیسی اولدی - متهی عزیمت
ایکن ۲۳ ربیع الآخر ۱۲۹۳ ده - ثالثاً - معارف نظارتنه نصب
اولندی .

(خاطرۀ عاطف) ده دینلیورکه :

« صدر سابق [محمود ندیم پاشا] معارف نظارتنده بولنان جودت پاشایی
محرکدر ديه سوریه ولایتنه تعیین ایتدیرمش اولدیغندن معارف نظارتی ،
اوقاف ناظری کمال پاشایه علاوه بیورلشدی . جودت پاشا هنوز کیتمه مش
اولدیغندن ینه مأموریت سابقه سنه اعاده سنه صدر لاحتک [مترجم رشدی پاشا]
عرضی اوزرینه مساعدۀ سنیه . ارزانی بیورلدی . »

۲۷ رمضان ۱۲۹۳ ده - ثالثاً - عدلیه نظارتنه ، ۲۱ محرم
۱۲۹۴ ده - آدم پاشانک صدارتنده - داخله نظارتنه تعیین قلندی .

[ادم پاشایه خطاباً صادر اولان خط هایبونده « . . . قانون اساسی اقتضاسنجه ولایاتک توسیع مأذونیتندن ونواحینک تقسیمات واداره سنک تغیرندن ووجهله اعتنایه شایان اولان قضا قائمه ناملری معاشلرینک تمایله درجه کفایه یه ایلاذیه بومأوریت معتبریه متصرفلر مثللو انتخابات عمیقیه وبالاستیدان تعلق ایده جک اواصر شاهانه مزه مستند اوله رق ارباب لیاقت و حیثیتدن اولانلرک تعیننی حقنده مجلس مبعوثانه ر نظامنامه لایحه سی حواله سی مصمم اولوب بو جهته دخی امور داخلیه نک کسب وسعت واعمیت ایتمسندن ناشی داخلیه نظارت متروکسی اعاده اوله رق ولایاتله طوغریدن طوغریه یه مخبریه مأذون اولق اوزره نظارت مذکوریه دخی معلومات مجربه سنه مبنی عدلیه ناظری جودت پاشا تعین . . . دینامشدر] .

محاربه مناسبتیه موکب هایون عسکری تنظیمنده مأمور اولدی .
 ۳ ذی القعدة ۱۲۹۴ ده - ثانیاً - اوقاف هایون نظارتنه، احمدوفیق پاشانک باش وکالتنده ۱ صفر ۱۲۹۵ ده - ثانیاً - سوریه ولایتیه تعیین قلندی . اوصرده ظهورایدن اختلالی تسکین ایچون - ایکنجی دفعه اوله رق - قوزانه عزیمت و ایضای وظیفه ایله شامه عودت ایلدی .

۹ ذی الحجه ۱۲۹۵ ده تجارت و زراعت ناظری اولدی .
 صدر اعظم خیرالدین پاشانک استعفا سی اوزرینه ۳۰ رجب ۱۲۹۶ ده - صادر اولان اراده سیه موجبنجه - بر هفته قدر مجاس وکلایه ریاست ایتدی .

۳ ذی القعدة ۱۲۹۶ ده (۲۷,۰۰۰) غروش معاشیه - رابعاً - عدلیه نظارتیه تعین و ۲ ربیع الآخر ۱۲۹۷ ده معاشی (۲۰,۰۰۰) غروشه تنزیل ایلدی . ۱۹ محرم ۱۳۰۰ ده عزل و ۴ ربیع الاول ۱۳۰۰ ده (۱۰,۰۰۰) غروش معزولیت معاشی، ۲۶ صفر ۱۳۰۲ ده قید حیاتله بشقه جه (۱۰,۰۰۰) غروش معاش تخصیص قلندی .

۲۵ محرم ۱۳۰۳ ده (۱,۰۰۰) لیرا خرج راه اعطاسیله شرقی روم ایلی قومیسر لکنه تعین اولندیسه ده عزیمتی تأخیر، ۹ رمضان

۱۳۰۳ ده (۳۰,۰۰۰) غروش معاشله - خامساً - عدليه نظارتنه
نصب اولدى .

۲۰ رمضان ۱۳۰۷ ده - معاش خايسيله - مجلس وكلايه مأمور
و ۲۲ صفر ۱۳۱۰ ده معاشى (۴۰,۰۰۰) غروشه ابلاغ ايدلى .
۱۳۱۲ سنهسى ذى الحجه سنك ۳ نجى كيجهسى وفات ايدرك فاتح
سلطان محمدخان حضرتلرى تربهسى حظيره سنه دفن اولدى .

جودت پاشانك فضيلت علميهسى تعريفدن مستغنيدير . علوم
شرقيه ده يد طولى صاحبي ايدى . عرب ، ترك ، فرس لسانلرينك
غوامضنه واقف ، هر شيدن بحثه فادر بر مرد فاضل ايدى .
صدرا سبق رسيد پاشا مرحومك دائر دسنه انتساب ايلد كدن صكره
فرانسزجه تحصيلنه باشلامشدر . فرانسزجه يي آكلارسه ده تكلم
ايدمزدى . بلغار لسانه ده آشنا ايدى .

نثرى ، سهل ممتنع قيلندندر . شعرى ، قوت علم ايله سويله مشدر .
طبعاً شاعر اولمدينى شعرلرندن آكلاشيلير ، بين المورخين بحق
موقع ممتاز صاحبيدير . بوادعانك الك واضح دليل ، اون ايكي جلد تشكيل
ايدن تاريخ مطبوعيدر . مخدومى مرحوم على سداد بك وكريمهسى
فاطمه عليه خانم ده ديكر كريمهسى ده صاحب معرفتدرلر .
مشار اليك آثارى :

(شافيه ابن حاجب) [۱] (مطول) (نتائج الافكار) (بنا ، امثله
اوزرينه تعاليقات) (قواعد عثمانيه) (مدخل قواعد) (قواعد تركيه)
(بلاغت عثمانيه) (بيان العنوان) [۲] (تعريف الارتفاع)

[۱] باپاس اوغلى مدرسه سنده ايكن شافيه ابن حاجي اوقوش و تعليقات
يازوب (غاية البيان) تسميه ايلشدر .

[۲] ينه مدرسه ده ايكن كتابلرك خطبه وديباجلرينه دائر بين الطلبة
جارى اولان ايجانه دائر تحرير ايتشدر .

(معلومات نافعه) (تقويم الادوار) (آداب سداد) (معيار سداد)
(خلاصة البيان في تأليف القرآن) [عربجه در] (تاريخ جودت)
(قصص انبيا) (مقدمه ابن خلدون ترجمه سنك تكمله سي) (ديوان
صائب شرحك تهمسي) [۱] .

خافان سابق حضرتلرينك امرى اوزرينه (معروضات) ناميله
تقديم ايلديكي مجموعه تاريخيه ، معلومات مهمه يى حاوى وتاريخ عثمانى
انجمنده محفوظدر .



[۱] شاعر فهم افندى ، ديوان صائبى شرح ايتمكده ايكن وفات ايتمكده
شرح ناقص قالدېغندن اقرباسى طرفندن اكالى انجون واقع اولان رجا اوزرينه
جودت پاشا اكالى ايتمش وفهم افنديك همشيره وهمشيره زاده لرينه معاش
تخصيص اولنمشدر .

عبدالحمید افندی

اوقاف نظارتی مأمور لرندن حافظ محمد سلیم افندینک (۱) اوغلیدر.
درسعادته طوغدی . اوقاف هایون نظارتی اقلامنه دوام ایله تدریجاً
ترقی ایدرک ۱۲۷۸ ده جهات مدیری اولدی .

۲۵ رجب ۱۲۸۸ ده - مالیه نظارتی معیتندن معدود اولق
اوزره - رتبه اولی صنف ثانیه اوقاف دائره مالیه سی مستشارلغه
تعیین اولندی .

محمود ندیم پاشانک دفعه اولی صدارتنده اوقاف هایون ناظری
کال پاشا معارف نظارتنه نقل ایله نظارت مشار الیه علاوه مأوریت
اوله رق ۲۳ رجب ۱۲۸۸ ده شیخ الاسلام احمد مختار منلا بکک
عهده سنه احاله وحلیم افندی، مستشارلغه ابقا ایدلی. ذی الحجه
۱۲۸۸ ده رتبه اولی صنف اولی توجیه قانلی .

۲۶ شعبان ۱۲۸۹ ده مترجم محمد رشدی پاشانک دفعه ثانی
صدارتنده نظارته شیروانی زاده رشدی پاشا تعیین اولنمسیله مستشارلق
حلیم افندینک عهده سنه قالدی . ۵ ذی الحجه ۱۲۸۹ ده انفصال
ایلدی .

۶ صفر ۱۲۹۵ ده - ثانیاً - مستشارلغه ۱۵ ربیع الآخر ۱۲۹۵ ده
- صادق پاشانک باش وکالتنده - اوقاف هایون نظارتنه نصب ، ۱۹
شعبان ۱۲۹۵ ده رتبه بالا ، ۲۹ شعبان ده تبدیلاً ایکنجی رتبه مجیدی
نشانی توجیه اولندی . ۳ دی القعه ۱۲۹۶ ده انفصال ایلدی .

۱۲۹۸ ده وفات ایتدی. ادرنه قوسی جوارنده عائله‌سنه مخصوص
مقبره‌یه دفن ایدلدی .
مخدومی مرحوم جانب بك ، مدت مدیده اقامت هایون نظارتی
محاسبه جیلکننده بولنشدر .
مشار اليهك مستشارلغنده وزمان نظارتنده بعض مبانی دینه
وخیریه تعمیر ایدلدی .



محمد کامل پاشا

طوبجی عساكر شاهانه يوز باشيلرندن صالح آغانك اوغليدر .
۱۲۴۸ سنه هجري ياشنده قبريلىده لفقوشه قصبه سنده طوغدى . قبرىس



مكتبلر ننده مقدمات
علومى و عرب ،
فرس ، روم ،
فرانسىز لسانلرىنى
تحصيل ايلدى .

۱۲۶۲ ده مصرده
عزىمقله السنه مكتبنه
داخل اولدى .
مكتب مذكور ،
مؤخرأ مكتب
حريبيه تحويل
اولنسيه فنون
عسكريه بي ده

تحصيل ايتدى . ۱۲۶۵ ده مصر واليسى عباس پاشانك ترجمانلق
خدمته تعيين ايلدى . معلم مخصوصدن انگليز لسانى تعلم ايتدى .

والى مشار اليك ترجمانلق ، كاتبك كى خدمتلىرى ، بعضأ
پولتيقه امورىنى ايفا وتدرىجأ بيكباشلىق رتبه سنى احراز ايتدى .

عباس پاشانك اوغلى الهامى پاشا ايله درسعادتة كلدى . مشار اليه

انکلیز لسانی تعلیمه مأمور اولدیغندن اوروپا سیاحتده ومؤخرأ
شرف صهریته نائلیتده معیتده بولندی .

الهامی پاشانک وفاتی اوزرینه مصره عودت آرزوسی قالدینی کبی
— او صردهده مقام صدارتده بولنان — قبریسی محمد پاشا ، خدمت
دولته ادخال اولنق اوزره درسعادتده قالمسنی امرایتدیکندن خدمت
مصریهدن کفید ایلدی .

عارضه وجودیه سندن طولانی قبریه کیتمک املنده بولنلغه
ربیع الآخر ۱۲۷۷ ده قبریس اوقاف مدیرلکنه تعیین وایکی بحق
سنة قدر ایفای خدمتدن صکره عزل ایلدی . براق آی صکره
قبریسده طوزله قضاسی قائم مقاملغه، جادی الآخره ۱۲۸۰ ده (۳,۰۰۰)
غروش معاشله قبریس محاسبه جیلکنه نصب ورتبه ثانیه صنف ثانیه
توجیه قلندی .

درت آی صکره محاس کیر ریاستی انضمامی و (۱۰,۰۰۰) غروش
معاش تخصیصی ایله صیدا ایالتی محاسبه جیلکنه ، سوریه ولایتک
تشکیلنده مرکز متصرفلغه نقل ورتبه سی میر میرانلغه ترفیع اولدی .
یدی آی صکره ییزوت متصرفلغه تعیین و سوریه ولایتی پولتیقه
مأموریتی ده علاوه تفویض ایله روم ایلی بکربکلیکی پایه سی توجیه
ایلدی .

۱۰ ذی القعدة ۱۲۸۵ ده (۱۰,۳۰۰) غروش معاشله طراباس
شام متصرفلغه ، ۱۲۸۶ ده (۱۰,۰۰۰) غروش معاشله حاب ولایتی
مرکز متصرفلغه وعلاوة ولایت مشار الیها معاونلکی ایله امور
اجنیه مدیرلکنه تعیین ومعاشی (۱۲۵,۰۰) غروشه ابلاغ اولدی .
بر بحق سنة صکره انفصال ایتدی .

قلبه متصرفلغه تعیین اولدینی حالده قبل العزیمه ۷ شوال ۱۲۸۸ ده
(۱۹,۰۰۰) غروش معاشله قدس متصرفلغه نقل ایلدی . متصرفلغک

ولایتہ تحویلی اوزرینہ ہر سسک متصرفلغہ ، متعاقباً (۱۲,۵۰۰)
غروش معاشلہ - ثانیاً - بیروت متصرفلغہ نصب اولدی .

بیت اللہم حادثہ سی اوزرینہ ۱۹ ربیع الآخر ۱۲۹۰ دە - ثانیاً -
قدس متصرفی اولدی . باب عالی ایله فرانسه سفارتخانہ سندن انتخاب
ایدیلن قومیسر لر دن متشکل قومیسیونہ ریاست و بیت اللہم کلیسا سنده
روملر له لاینلر پینده تحدت ایدن اختلافی تسویہ ایلدی . بعد الانفصال
التی آی حال معزولیتده قالدی .

۲۱ ربیع الآخر ۱۲۹۲ دە (۶,۶۴۰) غروش معاشلہ ساقز ،
۱۸ شعبان ۱۲۹۳ دە (۱۲,۵۰۰) غروش معاشلہ - ثالثاً - بیروت
متصرفلغہ ، بش آی صکره ۱۷ محرم ۱۲۹۳ دە رتبہ وزارتله قوصوه
والیلکنہ ، قبل العزیمہ (۲۵,۰۰۰) غروش معاشلہ حاب والیلکنہ
نصب اولنہ رق ایکی سنہ برآی ایفای مأموریتدن صکره عزل ایدلدی .

۲۱ ذی القعدہ ۱۲۹۶ دە داخلہ مستشارلنی انضمامیلہ انتخاب
مأمورین ملکیہ قومیسیونی ریاستہ ، ۸ جمادی الآخرہ ۱۲۹۷ دە
(۲۰,۰۰۰) غروش معاشلہ اوقاف هایون نظارتنه تعیین ، ۱۳
جمادی الآخرہ ۱۲۹۷ دە ایکسجی رتبہ مجیدی نشانی توجیه قلندی .
[خدمت دولته دخولدن بوآ نادر نشانہ نائل اولماشدی] .

سغید پاشانک صدارتنده ۷ شوال ۱۲۹۷ دە (۲۰,۰۰۰) غروش
معاشلہ معارف نظارتنه نصب ، ۱۷ شوال ۱۲۹۷ دە برنجی رتبہ مجیدی
نشانی توجیه ایدلدی . ۱۴ محرم ۱۲۹۹ دە انفصال ایلدی . ایکی کون
صکره امور نافعه قومیسیونی اعضالغہ ، احمد وفق پاشانک دفعہ ثانیہ
باش وکالتنده - ۲۱ محرم ۱۳۰۰ دە - ثانیاً - اوقاف هایون نظارتنه
مأمور اولدی .

نظارت عہدہ سندہ قالمق و عدلیہ ناظری عاصم پاشا وکالت ایتک
اوزره - مغنيسا جوارنده ظهور ایدن اشقیانک دردستی ایچون -

۱۵ رجب ۱۳۰۰ ده (۳۰۰) لیرا خرج راه ایله آیدین والی وکالتنه تعیین قلندی . اکمل مأموریتله ۱۷ رمضان ۱۳۰۰ ده درسه عادتیه عودت ایلدی .

۳۰ محرم ۱۳۰۲ ده برنجی رتبه عثمانی نشانی احسان و اوقاف هایون نظارتنه مخصص اولان (۲۰,۰۰۰) غروش مماشه ۷ ربیع الاول ۱۳۰۲ ده (۱۰,۰۰۰) غروش ضم ایلدی .

۱۱ ربیع الاول ۱۳۰۲ ده - عدلیه ناظری حسن فهمی پاشانک مأموریت فوق العاده ایله لوندردیه عزیمتده - علاوه عدلیه نظارتی وکالتی عهدسنة تفویض قلندی . ۸ شعبان ۱۳۰۲ ده حسن فهمی پاشانک عودتیه وکالتدن انفکاک ایلدی . ۱۵ شوال ۱۳۰۲ ده مرصع عثمانی نشانه نائل اولدی .

• شرقی روم ایلی مسئله سنک حدودیه سعید پاشانک استغفایی اوزرینه ۱۵ ذی الحجه ۱۳۰۲ ده مسند صدارته نصب ایلدی .

خط هایونک صورتی :

« وزیر معالیمیرم کامل پاشا

سعید پاشانک انحراف مزاجندن طولای انفضالی لزومنه مبنی مسند صدارت عهد کوزه توجیه قلمش اولوب سرعسکریک و داخلیه و خارجیه و عدلیه و معارف و مالیه و تجارت و نافع و اوقاف ناظر لریله شورای ذوات ریئسنک دخی حسب الایجاب تبدیلیاری لازم کلمش اولغله مسند مشیخته عربانی زاده احمد اسعد افندی بمقام سرعسکریه طوینخانه مشیری علی صائب پاشا و شورای دولت ریاستنه عارفی پاشا و داخلیه نظارتنه مالیه ناظری سابق منیر پاشا تعیین اولمش و بحریه ناظری حسن پاشا ابقا اولنه رق خارجیه نظارتنه برلین سفیری سعید پاشا و عدلیه نظارتنه سرور پاشا و معارف عمومیه نظارتنه منیف پاشا و مالیه نظارتنه خزینه خاصه من ناظری آغوب پاشا و تجارت و زراعت نظارتنه آیدین والیسی حتی پاشا و نافع نظارتنه مالیه ناظری اسبق زهدی افندی و اوقاف هایونمز نظارتنه ذهنی افندی نصب و تعیین قلمشدر . اخس آمال و افکار من دولتک حصیرل سعادت و سلامتی و اعتلای شان و قدرتی قضیه سی اولدیغندن توفیقات

الهییه استناداً جمله هرات وکلا من طرفندن بویولده صرف مساحی و غیرت اولمسی مطلوب و ملتزمزدرد . همان جناب حق توفیقات سبحانیه سنه مظهر بیوره آیین . ۱۵ ذی الحجه ۱۳۰۲ » .

۲۹ محرم ۱۳۰۹ ده عزل و ۷ صفر ۱۳۰۹ ده (۳۰,۰۰۰)
غروش معزولیت معاشی تخصیص اولنهرق ۱۸ صفر ۱۳۱۲ ده معاشی
(۴۰,۰۰۰) غروشه ابلاغ قلندی .

۱۳ ربیع الاخر ۱۳۱۳ ده (۸۵,۰۰۰) غروش معاشله - ثانیاً -
مقام صدارته تعیین اولندی .

خط هایونک صورتی :

« وزیر معالیم کامل پاشا

سعید پاشانک انفصالی وقوعه مبنی درکار اولان تجربه و درایت و صداقتکزه
بناءً مسند صدارت عهد کزه توجیه قلوب مسند مشیخت دخی شیخ الاسلامقلده
بولتان محمد جمال الدین افندی عهدده سنده ابقا اولنشدرد . جناب حق توفیقات
سبحانیه سنه مظهر بیوره آیین . ۱۳ ربیع الاخر ۱۳۱۳ » .

۱۹ جمادی الاولی ۱۳۱۳ ده انفصال ایلدی . متعاقباً حاب والیلکنه
مأمور ایدلیدی حالده اعتذار ایلسیله ۲۱ جمادی الاولی ۱۳۱۳ ده آیدین
والیلکنه تحویل قلندی .

ردوسه اعزامنه تصدی اولندیفی صروده از میر انکلتزه قونسلوس
خانسنه مراجعت ایلسیله درسعادته کلمسی موجب محظوظیت سینه
اوله جفته دائر تبایغ ایدیلن اراده تلطیف آمیز اوزرینه ۲۷ ذی القعدہ
۱۳۲۴ ده درسعادته کلدی .

اعلان مشروطیتدن ایکی کون اول ۲۳ جمادی الاخره ۱۳۲۶ ده
سعید پاشانک مسند صدارته نصبنده مجلس وکلایه مأمور ، ۹ رجب
۱۳۲۶ ده (۷۶,۵۰۰) غروش معاشله - ثالثاً - صدر اعظم
اولدی .

خط هایونک صورتی :

« وزیر معالیمیرم کامل پاشا

سعید پاشانک وقوع استعفا سی جھتیه مسند صدارت مجرب اولان صداقت و اهلیت کز به منی عهده کز به احاله و توجیه و مسند مشیخت دخی جمال الدین افندی عهده سنده ابقا قلندغه دیگر و کلانک قانون اساسی موجبجه بالتشکیل مأمو ریتلری اجرا اولتی اوزره عرض و اخس آمالز دولت علیه و ممالک شاهانه مزک تزیاد رفاه و سعادت قضاة مهمه سی اولغله آکا کوره صرف مساعی اولنسی مطلوب شاهانه مزدر . جناب حتی توفیقات صمدانیه سنه مظهر بیورسون .
۹ رجب ۱۳۲۶ »

صدارت معاشی ۱۶ رجب ۱۳۲۶ ده (۴۰,۰۰۰) غروشه تنزیل و آیریمجه (۱۵,۰۰۰) غروش تخصیصات اعطا قلندی .

حربیہ و بحربہ ناظرلری علی رضا و عارف حکمت پاشالرک عزلندن و در سعادتده بولان آوجی طابور لرینک بشقه طرفه کوندر ملک ایستندیککی شایع اولسندن طولای محاس مبعونان استیضاح طلبنده بولندی . کامل پاشا بعض اسباب سردیله استیضاحی آتی به تعلیق ایدرک مجلسه کمدیکندن عدم اعتماد قراری ویرلدی . مشاورالیه بوسیله استعفا ایلدیکندن مقام صدارته ۲۲ محرم ۱۳۲۷ ده حسین حامی پاشا حضرتلری تعیین قلندی .

غازی احمد مختار پاشا حضرتلرینک ۷ شعبان ۱۳۳۰ ده مسند صدارته نصبند کامل پاشا ، قابینه شورای دولت رئیس صفتیه داخل و مختار پاشانک استعفا سی اوزرینه ۱۸ ذی القعدة ۱۳۳۰ ده - رابعاً - صدراعظم اولدی .

خط هایونک صورتی :

« وزیر معالیمیرم کامل پاشا

غازی احمد مختار پاشانک وقوع استعفا سنه و سزک مسلم اولان اهلیت و کفایت و وقوف و تجربه کز به بناء مسند صدارت عهده و ریت کز به توجیه اولنیش و مشیخت اسلامیه ده جمال الدین افندی ابقا ایدلشدر . قانون اساسینک ۲۷ نجی

ماده سی موجب بجه هیئت جدیدۀ وکلانک انتخاب و عرضی اراده ایلرم . مستعیناً بتوفیقہ تعالی ایفای وظیفہ یه مباشرتله محاربه حاضرده اردومزک تأمین انتظام وموقیعاتی وحقوق دولتك هر صورتله محفوظیتینی کافل اوله حق تدابیر وتوسلاته مبارعت قلنسی مساعی وطن پرورانه کزدن منتظر در . همان جناب حق توفیقات صمدانیه سنه مظہر بیورسون آمین بجرمہ سیدالمرساین ۱۸ ذی القعدہ ۱۳۳۰ .

۱۵ صفر ۱۳۳۱ ده استعفا ومسقط رأسی اولان لفقوشده اختیار اقامت ایلدی .

۱۵ ذی القعدہ ۱۳۳۱ ده سکتہ قلبیه دن وفات ایدرک لفقوشده عرب احمد پاشا جامعی حظیره سنه دفن ایلدی .

اوج جلددن مرکب اولان « تاریخ سیاسی دولت عالیہ عثمانیه » و« کامل پاشانک سعید پاشایه جوابلری ، نامنده کی اثر لیلہ (خاطرات) نک بر جلدی مطبوعدر .

مشارالیهک حامل اولدینی نشانلر :

برنجی مجیدی ، مرصع عثمانی ، مرصع امتیاز ، التون و گوش امتیاز والتون کرید مدالیہ لری . المانیانک برنجی اغل نوار واغل روژ ، اوستریانک برنجی سن آتیهن ، روسیه نک سن ایستانسلاس ، ایرانک مرصع شیرو خورشید ، فرانسه نک برنجی لژیون دونور ، ایتالیانک برنجی سن موریس تالازار ، رومانیانک برنجی اتوال دورومانی ، یونانک برنجی سوور ، اسپانیانک برنجی شارل ترووا ، پورتکیزک برنجی لاتوره له په ، فلمنکک برنجی لئون نه ترلاندر ، ژاپونیانک برنجی سولهی لووان ، قره طاغک برنجی دانیلو ، پاپانک برنجی پی نوف ، مکلمبورغک برنجی قورون دوواز .

مشارالیهک زمان نظارتنده مبانئ دینیه وخیریه دن بعضلری تعمیر قلندی .



محمد نظیف پاشا

مناسترلی علی افندی نامنده برذاتك اوغلیدر. ۱۲۴۱ ده مناسترده
طوغدی . جوامع شریفده عربی و فارسی تعلم ایتدی . براز فرانسرجه ،
بلغارجه ، بوشناچقه
اوکرندی .



۱۲۵۷ ده روسجق
تحریرات قلمنه دوام
ایله بش سنه ده (۴۰۰)
غروش معاشه نائل
و میرزا سعید پاشایه
مکتوبچی اولدی .
۱۲۶۲ ده خواجهلك
رتبه سنی احراز ایتدی .
۱۲۶۵ ده (۲,۵۰۰)
غروش معاشله سردار
اکرم عمر پاشانك

دیوان کتایبته تعیین ورتبه ناله توجیه اولندی . ۱۲۶۶ ده معاشی
(۴,۰۰۰) غروشه ابلاغ ایدیله رك سردار مشارالیه ایله بوسنه یه
کوندرلدی . ۱۲۶۷ ده رتبه سی ثانیه یه ترفیع و بوسنه مدالیه سی
اعطا قلندی .

شوال ۱۲۶۹ ده (۵,۰۰۰) غروش معاشله روم ایلی قول اردوسی
تحریرات مهمه مأموریتله شمنیه کیتدی . جمادی الاولی ۱۲۷۰ ده

معاشی (۷,۵۰۰) غروشه ابلاغ ومیرآلای تعیینی تخصیص ایله رتبه متمیزی و بشنچی رتبه مجیدی نشانی توجیه ایدلدی .

۱۲۷۱ ده اردو ایله قریمه اعزام و تبدیلاً دردنجی رتبه مجیدی نشانی ، برآلتون سیف ، قریم و روم ایلی مدالیه لری وانکلتره دولتی طرفندن قریم مدالیه سی، اسپانیا حکومتندن ایزابل لاقاتولیک نشانک بشنچی رتبه سی اعطا اولندی. ۱۲۷۲ سنه سی اواخرنده درسعاده کلدی .

۱۲۷۳ اوائلنده رتبه اولی صنف ثانیسی و (۷,۵۰۰) غروش معاش ایله مجلس محاسبه مالیه اعضالغنه، ۱۴ شعبان ۱۲۷۸ ده (۹,۰۰۰) غروش معاشله مالیه مستشارانی معاونلکنه مأمور اولدی .

۱۲۷۸ اواخرنده قره طاغ و صرب وقعهلرینک حدودی اوزرینه (۹,۰۰۰) غروش معاش و (۲۰,۰۰۰) غروش خرج راد و مأموریت فوق العاده ایله نیشه عزیمت و اوچ بحق آی صکره مأموریت سابقه سی اولان معاونلکه عودت ایلدی .

۱۰ رمضان ۱۲۷۹ ده (۱۵,۰۰۰) غروش معاش و روم ایلی بکلیر بکلیکی پایه سیله اسکوب متصرفلغنه تعیین ، ۱۲۸۲ ده اوچنجی رتبه مجیدی نشانی توجیه ایدلدی . جدادی الاخره ۱۲۸۳ ده استعفا ایتدی .

۱۴ شوال ۱۲۸۳ ده (۱۷,۵۰۰) غروش معاش ایله قدس متصرفلغنه نصب ، اوسرده ایتالیا حکومتندن دیتالی نشانک غرانداوفیسیه رتبه سی اهدا اولندی .

۱۲۸۶ اوائلنده عزل و اوچ آی صکره (۱۵,۰۰۰) غروش معاشله اضروم ولایتی مرکز متصرفلغنه و والی وکلتنه تعیین ایدلدی . مرکز متصرفلقلرینک الغاسندن طولای ایکی آی آچقده قالدی .

۱۲۸۸ اوائلنده (۱۲,۵۰۰) غروش معاشله صاروخان متصرفی و رمضان ۱۲۸۸ ده منفصل اولدی. ۲۲ رجب ۱۲۸۹ ده (۲۰,۰۰۰)

غروش معاش تخصیص وایکنجی رتبه مجیدی نشانی اعطا اوله رق
- ثانیاً - قدس متصرفلغه ، ۱۹ ربیع الاخر ۱۲۹۰ ده (۲۰,۰۰۰)
غروش معاشله جزایر بحرسفید والیلکنه نصب ایدلدی . ذی القعدة
۱۲۹۰ ده انفصال ایدلدی .

۶ محرم ۱۲۹۱ ده (۱۳,۰۰۰) غروش معاشله قبریس متصرفی
اولدی . طقوز آی صکره اعشاردن طولای بعض کونه اسنادات
وقوع بولمسیله عزل اولندی . شورای دولته محاکمه ایدیلهرک برائته
قرار ویرلدی .

بر بحق سنه معزول قاهره ۲۲ جمادی الاولی ۱۲۹۳ ده رتبه
وزرات و (۳۰,۰۰۰) غروش معاشایله بوسنه والیلکی توجیه وسکرز
آی صکره معاشی (۴۰,۰۰۰) غروشه ابلاغ وربیع الاخر ۱۲۹۴ ده
عزل ایدلدی .

رجب ۱۲۹۴ ده (۲۵,۰۰۰) غروش معاشله یانیه والیلکنه ،
۲۴ جمادی الاولی ۱۲۹۵ ده (۴۰,۰۰۰) غروش معاشله قوصوه
والیلکنه تعیین و ۲۵ رمضان ۱۲۹۶ ده معاشی (۲۷,۰۰۰) غروشه
تنزیل ایدلدی . متعاقباً استعفا و ذی الحجه ۱۲۹۶ ده درسمادته عودت
ایتدی .

۷ شوال ۱۲۹۷ ده (۲۰,۰۰۰) غروش معاشله اوقاف هایون
نظارتنه نصب و ۲۲ محرم ۱۲۹۸ ده عزل اولندی .

۲۸ جمادی الاولی ۱۲۹۸ ده (۲۰,۰۰۰) غروش معاشله طرابلس
غرب وانیسی اولدی . ۸ جمادی الاخره ۱۲۹۸ ده برنجی رتبه مجیدی
نشانی اعطا و ۱۵ ذی الحجه ۱۲۹۸ ده عزل ایدلدی .

۲۸ شعبان ۱۳۰۰ ده (۱۷,۰۰۰) غروش معاشله - ثانیاً -
جزائر بحرسفید والیلکنه تعیین ، ۱ شوال ۱۳۰۰ ده برنجی رتبه عثمانی
نشانی احسان قلندی .

۲۵ ربیع الآخر ۱۳۰۱ ده (۱۷,۰۰۰) غروش معاشله خداوندکار،
۲۹ ربیع الاول ۱۳۰۴ ده (۲۰,۰۰۰) غروش معاشله آیدین،
۴ رجب ۱۳۰۵ ده ینه اومقدار معاشله سوریه والیلکرینه نصب
اولندی. ۲۲ ربیع الآخر ۱۳۰۷ ده شامده وفات ابتدی .
مشارالیهک زمان نظارتنده : واردات عمومیه، مصارفات عمومیه،
محاسبه، مکتوبی، تحصیلات، تفتیش دائره لریله مأمورین خزینه
انجمنتك وظائفه دائر ۵ ذی الحججه ۱۲۹۷ ده نظامنامه تنظیم اولندی.
بر قاج جامع تعمیر ایدلدی .



محمد عاصم پاشا

خارجیه مستشار اسبقی محمد نوری افدینک [۱] اوغلیدر .
 ۱۲۴۳ ده درسعادت طوغدی . ۱۲۵۷ ده دیوان هایون قلمنه
 ملازمتله داخل اولدی .

۱۲۶۸ ده طهران
 سفارتی برنجی سر
 کتابتنه ، ۱۲۷۲ ده
 سلانیکده تشکل ایدن
 مجلس موقت ریاستنه ،
 ۱۲۷۴ ده النجی دائرة
 بلدیہ مدیر معاونلکننه ،
 ۱۸ جمادی الاخره
 ۱۲۷۶ ده پارس سفارتی
 برنجی سر کتابتنه
 ۱۲۷۸ ده درسعادت
 برنجی محکمه تجارت



ریاستنه ، ذی القعدہ ۱۲۸۰ ده رتبه اولی صنف نایسی ایله قره سی سنجانلی
 متصرفلغنه ، جمادی الاولی ۱۲۸۲ ده دیوان محاسبات مالیه اعضالغنه ،
 ۸ جمادی الاولی ۱۲۸۴ ده رتبه اولی صنف اولی ایله - تشکیل اولنان -

[۱] پارس ولوندره سفارتلرنده ، خارجیه مستشارلغنده وناظروکیلاکننده
 بولمیشدر . ارضروم جهتنده ایران ایله حدودتسویه سنه مأمور اوله رق ۱۲۵۹ ده
 اوراده وفات ایتمشدر .

دیوان محاکمات مالیه ریاسته ، ۷ محرم ۱۲۸۵ ده دیوان محاسبات ریاسته ،
 ۱۶ محرم ۱۲۸۶ ده رتبه وزارتله ادرنه ، ۱۴ رجب ۱۲۸۸ ده بوسنه
 والیکلرینه تعیین وجمادی الاولی ۱۲۸۹ ده عزل اولندی .
 ۱۶ ذی القعدة ۱۲۸۹ ده قسطنونی ، ۱۴ ربیع الاول ۱۲۹۰ ده
 طربزون ، ۱ ربیع الاول ۱۲۹۱ ده طونه والیکلرینه تعیین ، ۲۸
 جمادی الاخره ۱۲۹۳ ده برنجی رتبه مجیدی نشانی اعطا قلندی .
 ۲۵ شعبان ۱۲۹۳ ده - ثانیاً - ادرنه والیکنه ، ادهم پاشانك
 صدارتنده ۲۱ محرم ۱۲۹۴ ده عدلیه نظارتنه ، ۱۸ شعبان ۱۲۹۴ ده
 مجلس اعیان ریاسته ، ۱۶ صفر ۱۲۹۵ ده شورای دولت ریاسته نصب
 اولندی .

خارجیه ناظری صفوت پاشانك . صالحه ایچون مرخص تعینتده
 بر فاج کون خارجیه نظارتی وکالتنده بولندی . صادق پاشانك باش
 وکالتنده ۱۵ ربیع الاخر ۱۲۹۵ ده ریاستدن انفصال ایدرک متعاقباً
 شرقی روم ایلی اوروبا قومیسونی برنجی قومیسرلکنه ، سعید پاشانك
 دفعه ثانیه باش وکالتنده ۷ شوال ۱۲۹۷ ده خارجیه نظارتنه نصب
 و ۷ صفر ۱۲۸۹ ده مرصع عثمانی نشانی نوجیه ایدلدی .

۱۹ جمادی الاخره ۱۲۹۹ ده اوقاف هایون ، ۱۴ محرم ۱۳۰۰ ده
 - ثانیاً - خارجیه ، احمد وفیق پاشانك دفعه ثانیه باش وکالتنده
 - ثانیاً - عدلیه نظارتنه تعیین اولندی .

اوقاف هایون ناظری کامل پاشانك آیدین والی وکالتنه مأموریتده
 ۱۶ رجب ۱۳۰۰ دن اعتباراً ایکی آی وکالت ایتدی .

۱۹ جمادی الاخره ۱۳۰۱ ده - ثالثاً - خارجیه ناظری اولدی .
 ۱۳۰۰ ده کموش و ۱۳۰۱ ده التون امتیاز مدالیه لری ویرلدی . شرقی
 روم ایلی مسئله سندن طولانی سعدپاشا قاپینه سنک سقوطنده ۱۵ ذی الحجه
 ۱۳۰۲ ده انفصال ایتدی .

ربیع اول ۱۳۰۳ ده - ثانیاً - طربزون والیکنه مأمور اولدی.
جادی الاخره ۱۳۰۳ ده طربزونده وفات ایلدی . طربزون والی
اسبقی یوسف پاشانک یاننه دفن ایله ایکیسنه برتر به انشاسنه اراده‌سینه
صادر اولدی . مستقیم ، حلیم ایدی .
روسیه‌نک سنت آن وسن ایستانسلاس ، اوستریانک لئوپولد ، ایرانک
شیر وخورشید ، ایتالیانک سن موریس ئەلازار ، قره‌طاغک دانیلو
نشانلرینک بیوک قوردونلرینی حامل ایدی .
بیوک اوغلی سعاد بک ترجمه اوطه‌سی میز لکندن متقاعد اولدینی
حاله وفات ایتشدرد . دیگر اوغلی ترجمه اوطه‌سی خلفای ساقه‌سندن
علی رشاد بکدر .



مصطفی زهنی پاشا

محصللق خدمتنده بولنمش اولان احمد افندینک اوغلیدر . شعبان ۱۲۵۴ ده درسعادتده طوغدی .



مکتب . معارف
عدلیه ده علوم مرتبه .
بی تحصیل ایلدی .
سلطان عبدالمجید خان
حضر تلیزینک حضور
هایونلر ندرده ایکی دفعه
امتحان اولنه رق نشان
افتخاره نائل اولدی .
بایزید جامع شریفنده ده
بش سنه درسه دوام
ایتدی .

۱۰ جمادی الاولی
۱۲۷۰ ده بارؤس

هایون ملازمتله مالیه مکتوبی قلمنه داخل و طقوز آی صکره (۱۰۰)
غروش معاشه نائل اولدی . متعاقباً ذمات قومیسونی قلمنه ، ایکی سنه
صکره محاس مالیه مضبطه اوطه سنه نقل و معاشی تدریجاً (۴۵۰)
غروشه ابلاغ اولندی .

۱۲۷۵ اوآخرنده مالیه نظارتینک اذنیله قلمنه نسبتی باقی قالمق

اوزره ووزرادن معمر پاشانك ديوان كتابته تعيين ايديلهرك اون برآي آيدن، يدي آي سوريه ولايتلرنده بولندي . درسعاده عودتنده معاشيله مجلس محاسبه مضبطه اوطنهسه دوام ايتدي .

۶ ذى الحجه ۱۲۸۱ ده (۲,۰۰۰) غروش معاش ورتبه رابعه ايله ديوان محاسبات ماليه محاكمات قسمي باش كتابتي معاونلكنه ، ۲۷ ذى الحجه ۱۲۸۲ ده (۳,۰۰۰) غروش معاش ورتبه ثالته ايله ديوان محاسبات ماليه دائرهسي ميملركنه ، ۱ شعبان ۱۲۸۴ ده (۵,۰۰۰) غروش معاشله مكتوبى ماليه معاونلكنه ، ۲۷ ربيع الاول ۱۲۸۵ ده (۷,۵۰۰) غروش معاش ورتبه اولي صنف ثانيى ايله ماليه مكتوبخيلغه تعيين ، ۲۳ محرم ۱۲۹۰ ده رتبهسى اولي صنف اوله ترفيع قلندي .

۹ شعبان ۱۲۹۰ ده - شرواني زاده محمد رشدى پاشانك هتكام صدارتنده - (۱۲,۵۰۰) غروش معاشله صدارت عظمى مكتوبخيلغه تعيين ، ۸ ذى القعدة ۱۲۹۰ ده ايكنجى رتبه مجيدى نشانى اعطااولندي . ۸ صفر ۱۲۹۱ ده - حسين عوفى پاشانك صدارتنده - (۴,۰۰۰) غروش معاشله تجارت مكتوبخيلغه [۱] نقل ، ۱۳ شوال ۱۲۹۱ ده عزل ايله (۲,۰۰۰) غروش معزوايت معاشى تخصيص ايدلدي .

۲۷ محرم ۱۲۹۲ ده (۷,۵۰۰) غروش معاشله - ثانيآ - ماليه مكتوبخيلغه ، ۱۵ ذى الحجه ۱۲۹۳ ده - مدحت پاشانك صدارتنده - (۱۰,۰۰۰) غروشله معاشله - ثانيآ - صدارت عظمى مكتوبخيلغه ، ۲۱ محرم ۱۲۹۶ ده (۱۵,۰۰۰) غروش معاش ورتبه بالا ايله باش وكالت مستشارلغه تعيين ، ۸ ربيع الاول ۱۲۹۷ ده ايكنجى رتبه عثمانى ، ۲۸ ربيع الاول ۱۲۹۸ ده برنجى رتبه مجيدى ، ۱۵ محرم ۱۳۰۲ ده برنجى رتبه عثمانى نشانلى توجيه اولندي .

[۱] صدراسبق سعيد پاشا مرحومله خاف و سلف اولشلردر .

۱۵ ذی القعدة ۱۳۰۲ ده (۳۰,۰۰۰) غروش معاشله مالیه نظارتنه ، ۱۵ ذی الحجه ۱۳۰۲ ده سعید پاشا قاپینه سنك تبدلنده (۳۰,۰۰۰) غروش معاشله اوقاف هایون نظارتنه ، ایکی کون صکره - نانیا - مالیه نظارتنه و منیف پاشانك فرانسه قاپلیچه لرینه عزیمتنده ۱۷ ذی الحجه ۱۳۰۲ ده - علاوه - معارف نظارتی وکالته ، ۲۲ ربیع الاول ۱۳۰۴ ده رتبه وزارتله تجارت نظارتنه نصب و متعاقباً تجارت و نافعہ نظارتلری توحید ایله مشارالیه عهده سنده ابقا ایدلدی . ۱۷ رمضان ۱۳۰۴ ده آلتون و کوش امتیاز مدالیه لری ، ۱ جمادی الاولی ۱۳۰۸ ده کرید آلتون مدالیه سی ، ۲۸ جمادی الاولی ۱۳۰۶ ده مرصع عثمانی نشانی احسان اولندی .

۲۶ جمادی الاولی ۱۳۰۷ ده وکالته ، ۲۰ رمضان ۱۳۰۷ ده اصالة و ثانیاً اوقاف هایون نظارتنه تعیین قلندی .

۲۹ محرم ۱۳۰۹ ده - کامل پاشا قاپینه سنك تبدلنده - انفصال ایدرك ۵ صفر ۱۳۰۹ ده (۲۰,۰۰۰) غروش معاشله سلا نيك ، ۲۱ جمادی الاولی ۱۳۱۳ ده حاب والیلکنه نصب ، ۳ شعبان ۱۳۱۳ ده عزل اولندی . ۲ رمضان ۱۳۱۳ ده مرصع مجیدی نشانی ویرلدی . ۲۱ رمضان ۱۳۱۳ ده باب عالیده متشکل تقیش اصلاحات قومیسونی ریاسته تعیین ایدلدیکی حالده اعتذار واستعفا ایتدی . ۲۵ رمضان ۱۳۱۳ ده پرنس فردینانده بلغارستان پرنسلیکی و شرقی روم ایلی والیلکی فرمانیه نشان ایصالنه ، ۷ شوال ۱۳۱۳ ده - درسعادته کله جك اولان - مشارالیه پرنسك استقبال و تشییعی ایچون تشکیل اولنان هیئتک ریاسته مأمور اولدی .

۶ محرم ۱۳۱۴ ده (۳۰,۰۰۰) غروش معاش و (۲۵,۰۰۰) غروش خرج راه ایله خداوندکار والیلکنه تعیین قلندی . کرید اغتشاشنه نهایت ویرمك اوزره ۲۸ صفر ۱۳۱۴ ده (۴۰,۰۰۰)

غروش خرج راه ایله کریده اعزام و ۲۲ جادی الاولی ۱۳۱۴ ده در سعادته عودتنده مرصع افتخار نشانی اعطا اولندی .

۱۹ رجب ۱۳۱۴ ده خداوندکار والیاکنندن - مجدداً تشکیل قلنان - مأمورین ملکیه قومیسونی ریاسته (۲۵,۰۰۰) غروش معاشله نقل ایدلدی .

قومیسون ریاستی عهدده سنده قالمق وسافی کبی زراعت بانقہسی مدیر لکیله اصلاحات مالیه قومیسونی برنجی اعضاالغنده بولنق اوزره ۱۱ رمضان ۱۳۱۶ ده (۳۶,۰۰۰) غروش معاشله تجارت ونافعه نظارتنه تعیین وزراعت بانقہسی مدیریت عمومیه سی ایچونده (۱۲,۵۰۰) غروش معاش تخصیص قلندی .

۳ محرم ۱۳۲۰ ده معارف نظارتی وکالتنده بولندی . ۲۴ جادی الاولی ۱۳۲۰ ده امتیاز نشانی احسان اولندی .

۲۹ محرم ۳۲۱ ده مصارف مبرمه خزینه ایچون مبالغ مقتضیه تدارکنی تأمین ایتک اوزره مابین هایونده صدر اعظمک ریاستنده تشکیل قلنان قومیسون اعضاالغنه مأمور اولدی .

۵ ربیع الاخر ۱۳۲۱ ده علاوه حجاز تیمور یولی اداره مالیهسی نظارتنه ، ۱۵ رجب ۱۳۲۱ ده بودجه قومیسونی ریاستنه ، ۲۵ جادی الاخره ۱۳۲۲ ده روسیه تبعه سندن بعضلرینک - سفارتدن ادعا اولنان - مطلوباتی حقنده تدقیقات اجرا سیچون تشکل ایدن قومیسون ریاستنه ، ۲۹ رجب ۱۳۲۲ ده مالیه قومیسونی برنجی اعضاالغنه تعیین قاندى .

۴ رجب ۱۳۲۶ ده تجارت ونافعه وحجاز تیموریولی اداره مالیهسی نظارتلرندن انفصال ایلدی .

۱۰ شعبان ۱۳۲۶ ده (۱۵,۰۰۰) غروش معاشله - نانیا - حجاز تیمور یولی 'داره مالیهسی نظارتنه ، ۲۰ ذی القعدہ ۱۳۲۶ ده

مجلس اعیان اعضا لغه، ۲۳ ربیع الاول ۱۳۲۷ ده (۲۵,۰۰۰) غروش معاشله شورای دولت ریاسته نصب اولندی . ریاستدن عفوینی استدعا ایتدیکندن برکون صکره منصل اولدی .
۲۵ ذی الحجه ۱۳۲۷ ده حجاز تیموریولی اداره مالیسی نظارتک عنوانی حجاز تیموریولی نظارتی نامیله مقام صدارته ربط و مشارالیهک عهدسنة ابقاءً توجیه ایدلدی .

مؤخرآ مجلس اعیان اعضا لغه عودت و ۱۱ جمادی الاولی ۱۳۳۰ ده وفات ایدلدی . ارن کوی استاسیوننده انشا ایتدیردیکی جامع شریفک حظیره سنة دفن اولندی . متدین ، مستقیم ، مقتدر ، غیور ایدلدی .
ایرانک برنجی رتبه شیروخورشید ، صربستانک برنجی رتبه تاقوه ، روسیه نک برنجی رتبه اغل بلان ، المانیانک برنجی رتبه اغل روز ، نشانلرینی حامل ایدلدی .

مشارالیهک زمان نظارتنده : بیوک اطهده مجدداً برجامع شریف ومکتب انشا و متعدد جامع ، تکیه ، مدرسه ، مکتب ، سیل ، چشمه ، وصو یوللری ، موقتخانه تعمیر اولندی .



مصطفی نوری پاشا

ازمیر باش اعیانی مدرسیندن منصوری زاده محمد امین افندینک
اوغلیدر . صفر ۱۲۴۰ ده ازمیرده طوغدی . معلمین مخصوصه‌دن
عربی و فارسی تعلم
ایتدی .

۱۷ ربیع‌الآخر

۱۲۶۱ ده (۲۵۰)

غروش معاشله بروسه

تحریرات قلمنه، ۱۲۶۲

ده بلا معاش صدارت

مکتوبی قلمنک خارجیه

شعبه‌سنه دوام ایلدی .

بر قاج آی صکره الی

غروش معاشه وربیع -

الاول ۱۲۶۴ ده

خواجهاك رتبه‌سیله



مرصع خامسه نشاننه نائل اولدی .

۱۲۷۰ سنه‌سی اوائلنده (۱۰,۰۰۰) غروش معاشله مجلس عالی

تنظیمات کتبه‌سی زمرد سنه التحاق، ۱۲۷۲ ده نالته، ۱۲۷۳ اوائلنده
متمایز رتبه‌لرینی احراز ایتدی .

۱۲۷۵ ده مجلس تنظیمات قلمی سرخلیفه‌لکنه، ۱۲۷۶ ده

(۵,۰۰۰) غروش معاشله مجلس مذکور باش کتابته تعیین، ذی القعدة ۱۲۷۷ ده رتبه اولی صنف ثانسی توجیه اولندی .

۱۹ محرم ۱۲۷۸ ده (۷,۵۰۰) غروش معاشله مجلس والای احکام عدلیه باش کتابته ، ۱۰ رجب ۱۲۷۹ ده رتبه اولی صنف اولی و (۳۰,۰۰۰) غروش معاش وایکنجی رتبه عثمانی نشانی ایله مابین هایون باش کتابته ، ربیع الاخر ۱۲۸۰ ده (۱۵,۰۰۰) غروش معاشله دیوان هایون بکلکجیلکنه ، ۴ رجب ۱۲۸۰ ده (۲۰,۰۰۰) غروش معاشله دعاوی نظارتنه ، ۷ صفر ۱۲۸۱ ده (۱۰,۰۰۰) غروش معاشله مجلس والای احکام عدلیه اعضالغنه ، ۷ محرم ۱۲۸۵ ده (۱۵,۰۰۰) غروش معاش ایله دیوان محاکات مالیه ریاسته ، ۲۲ محرم ۱۲۸۶ ده رتبه بالا و (۱۵,۰۰۰) غروش معاش ایله دیوان محاسبات مالیه ریاسته نقل و ۶ رجب ۱۲۸۸ ده عزل ایدلدی .

۳۰ رجب ۱۲۸۹ ده (۱۵,۰۰۰) غروش معاشله دیوان احکام عدلیه تمیز حقوق دائرہ سی ریاسته ، اوتوزبش کون صکره (۲۵,۰۰۰) غروش معاشله صدارت مستشارلغنه نصب و ۱۰ ربیع الاول ۱۲۹۰ ده عزل ایله (۵,۰۰۰) غروش معزولیت معاشی تخصیص ایدلدی .

۴ ذی الحجه ۱۲۹۲ ده (۶,۰۰۰) غروش معاشله دیوان احکام عدلیه محاکمی مفتشلکنه ، ۱۵ ربیع الاخر ۱۲۹۳ ده (۷,۵۰۰) غروش معاشله محکمه تمیز اعضالغنه ، ۱۱ جمادی الاولی ۱۲۹۳ ده (۱۵,۰۰۰) غروش معاشله - دیوان احکام عدلیه یه مربوط اولان - محاکات دائرہ سی ریاسته ، ۲۷ رمضان ۱۲۹۳ ده (۱۵,۰۰۰) غروش معاشله دفتر خاقانی نظارتنه مأمور اولدی .

ربیع الاخر ۱۲۹۷ ده نظارت مذکورہ نك عنوانی ویرکو امانته تبدیل و معاشی (۱۰,۰۰۰) غروشه تنزیل ایدلدی . ۱۱ جمادی الاخره

۱۲۹۹ ده رتبه وزارت توجیه، ۲۰ جمادی الآخره ۱۲۹۹ ده (۲۰,۰۰۰) غروش معاشله معارف نظارتنه تعیین اولندی .

۲۸ ذی القعدة ۱۲۹۹ ده برنجی رتبه مجیدی نشانی ، ۱۰ ذی الحجه ۱۳۰۰ ده امتیاز نشانك كمرش، ۲۵ رمضان ۱۳۰۱ ده التون مدالیسی، ۱۵ محرم ۱۳۰۲ ده برنجی رتبه عثمانی نشانی اعطا ، ۲۵ صفر ۱۳۰۱ ده معاشی (۳۰,۰۰۰) غروشه ابلاغ ایدلدی . ۱۵ ذی الحجه ۱۳۰۲ ده شرقی روم ایلی وقعه سی اوزرینه سعید پاشا قاپینه سنك تبدلنده انفصال ایلدی .

۲۱ ربیع الآخر ۱۳۰۳ ده (۳۰,۰۰۰) غروش معاشله اوقاف هایون نظارتنه تعیین ، رمضان ۱۳۰۶ ده مرصع عثمانی نشانی اعطا قلندی .

۲۵ جمادی الاولی ۱۳۰۷ ده وفات ایدرك سلیمانیه جامی حظیردسنه دفن اولندی .

درت جلددن مرکب (نتائج الوقوعات) نامنده کی تاریخی مطبوعدر .
مشارالیهك زمان نظارتنده : متعدد جامع، مسجد، تربا، مدرسه،
مکتب ، سبیل ، چشمه یوللری تعمیر قلندی .



حسین رضا پاشا

رضان اوغلاری سلاله‌سندن وزیر عصمت پاشانک اوغلیدر .
 ۱۲۵۴ سنه هجریه سنده یاقوده طوغدی .



در سعادتده مکتب
 عرفانی‌یه دوام و پدرینک
 طرز زون و تر حاله
 والیکارنده بولندی
 اثناده محملری مفتیلرندن
 علوم عالییه تحصیل
 ایتدی .

اولا محاسن والای
 احکام عدلییه مضیطه
 او طه‌سنه ، مؤخرآ
 صدر اعظم رسید پاشا
 طرفندن خارجیه نظارتی
 مکتوبی قلمنه مأور

ایدیلهرک رتبه ثانیه صنف ثانیهسی توجیه قلندی .

مؤخر آشورای بحریه قوانین قومیسو سنه تعیین اولنهرق بحریه عائد
 بعض قوانین تنظیم ایتدی . بحریه لوازم ریاستنه وعدلیه تشکیلاتی
 صره‌سنده استیاف محکمه‌سی اعضالغنه ، اون درت سنه صکره محکمه
 تمیز اعضالغنه تعیین اولندی . بر مدت محکمه تمیز حقوق ریاستی
 وکالتنده بولندی .

۱۴ جمادی الاولی ۱۳۰۴ ده محکمۀ تمیز باش مدعی عمومی اولدی . ۵ ربیع الاول ۱۳۰۵ ده قومیسرک مأموریتله بلغارستانه اعزام قلندی . وظیفۀ مودوعه بی ایفا ایله درس عادتیه عودتندن آلتی آی صکره - باش مدعی عمومیك عهدہ سنده اولدینی حالده - مأموریت مخصوصه ایله سوریه یه کوندرلدی . اوصرده بیروت ولایتی تشکیلاتنه نظارت ایلدی .

بیروتدن عودت ایدہ جکی صرده ۱۵ رجب ۱۳۰۵ ده رتبہ وزارتله آیدین والیلکنه نصب ، ۲۶ رمضان ۱۳۰۶ ده برنجی رتبہ مجیدی نشانی توجیه قلندی . ۴ شوال ۱۳۰۶ ده یانیہ والیلکنه تعیین اولندی . کریدده اغتشاش ظهور ایتیمی اوزرینه والی وقوماندان نصب ایدیان مشیر شا کر پاشانک وصوله قدر ۳۰ ذی القعدہ ۱۳۰۶ ده والی وکالتیه کریده اعزام قلندی . شا کر پاشانک وصولنی متعاقباً کریددن انفکاک ایتدی .

۱۵ ذی الحجه ۱۳۰۶ ده خداوندکار والیلکنه ، ۱ جمادی الاخره ۱۳۰۷ ده اوقاف هایون نظارتنه ، ۲۰ رمضان ۱۳۰۷ ده عدلیہ نظارتنه تعیین اولندی .

جواد پاشانک مسند صدارته نضبنده ۲۹ محرم ۱۳۰۹ ده صدارت قائممقامی اوله رق پنچشنبه کونندن جمعہ ایرتسی یه قدر قائممقاملق وظیفه سنی ایفا ایلدی .

خط هایونک صورتی :

« وزیر معالیسمیرم رضا پاشا

کامل پاشانک حسب الانجاب وقوع انفصاله . بنی اهلیت ولیاقت و مساعی صادقہ سی حبیلہ مسند صدارت کریدوالی وکبلی وفوق العاده قوماندانی جواد پاشایه احامه وتوجیه قلنمش اولوب پای تخت سلطنت سنیه مزه وصوله قدر رویت وکفایتکز جهتیله صدارت قائممقامنی عدلیه ومذاهب نظارتی

کاکان اوزریکزده قالمی اوزره عهده کزده احاله ایدلمشدر . شیخ لاسلام ایله سرعسکرک وشورای دوات رئیسایه داخلیه و اوقاف و تجارت ناظرلرینک دخی تبدیلیله عمر لاطنی افندیکن یرینه روم ایلی پایهلولرندن مکتوبی مشیخت جمال الدین افندی مسند مشیخته ومابین هایون ملوکانه من مشیری غازی عثمان پاشانک یرینه متعیزان فریقانمزدن ایکنجی فرقه هایونمز قوماندانی رضا پاشا عهده سنه رتبه مشیری توجیهیله مقام سرعسکرکی به ومنیر پاشانک یرینه آیدین والیسی رفعت پاشا داخلیه نظارتنه وذهنی پاشانک یرینه سلانیک والیسی غالب پاشا اوقاف هایونمز نظارتنه ورائف پاشانک یرینه خداوندکار ولایتی والیسی محمود پاشا تجارت و نافعیه نظارتنه ومنیف پاشانک یرینه زهدی پاشا معارف نظارتنه نصب وتعیین قلنمش وحسن پاشا بحریه نظارتنه و ذکی پاشا طوبخانه عامره مشیریتنده ونظیف افندی مالیه نظارتنه ابقا ایدلمشدر . شورای دولت ریاستی شهیدلک وکالت صورتیله اداره ایدلک اوزره خارجیه ناظری سعید پاشایه و رفعت وغالب پاشالرک درسعادتمزه مواصلترینه قدر داخلیه نظارتی وکالتی معارف ناظری زهدی پاشایه و اوقاف هایون نظارتی وکالتی مالیه ناظری نظیف افندی به احاله قلنمشدر . اخص آمال وافکار من دولتمزک حصول سعادت و سلامتی واعتلای شان وقدرتی قضیه سی اولدیغندن توفیقات الهیه و وحایت مقدسه نبویه استناداً هیئت وکلا من طرفدن بویوله صرف مساعی وغیرت اولنی مطلوب و ملتزمزدرد جناب حق موفق بیورسون ۲۹ محرم ۱۳۰۹ » .

۱۸ جمادی الاولی ۱۳۱۳ ده عدلیه نظارتندن عزل اولدی .
۱۳ جمادی الاخره ۱۳۱۳ ده اطنه والیلکنه مأمور اولدی . اعتذار ایتدیکندن حاب والیلکنه تحویل ایدلدی . اورادن ده استعفا ایتسیله
۴ رجب ۱۳۱۳ ده سلانیک والیلکنه ، ۳۰ رمضان ۱۳۱۶ ده مهاجرین قومیسونی برنجی اعضالغنه نصب اولدی .

۹ ربیع الاخر ۱۳۲۲ ده وفات ایتدی . اسکدارده طوغانچیلرده رمضان اوغللرندن احمد پاشانک تربه سنه دفن ایدلدی .

برنجی رتبه عثمانی و مجیدی نشانلرینی ، کوش و آلتون امتیازمدالیه لرینی ، ایتالیا نیک برنجی رتبه قورون دیلتالی ، بلغارستانک برنجی رتبه سنت الکساندر ، پاپانک برنجی رتبه پی نوف نشانلرینی حامل ایدی .

دارالشفقه نك تأسيسيله بنانك انشاسنده وكشادنن صكره اطماك
تدريس و تربيه سى خصوصنده خدمات مبرورده سى سبق ايتمشدر .
جمعيت تدريسۀ اسلاميه رياستى وكالتنده بولنديغى انشادهده مكتبك
دوام وانتظامنه چالشمشدر .

رومايلى حصارينك يوقا ريسنده احمدوفيق پاشا مرحومك كتبخانه سنى
اشترا وانواع كتب نفيسۀ اسلاميه جميله احيا ايتمشدر كه كتبخانه سى
خصوصى كتبخانه لرك وكندى ده ، كتاب محبلى نك برنجيلرندن
معدوددر .

• لسان عربيه لايقيه واقف . ومطالعۀ كتب منجذب اولديغندن
كتبخانه سنده مشغول اولور وكتب نادره اسنساخ ايلردى . مجلسنه
علما وادبا مداوم ايدى . صلابت دينيه واستقامت واهليت ايله متصف
ايدى . مخدوملى شهرامين اسبقى واستانبول مبعوثى ، اوقاف اسلاميه
موزه سى اداره مجلسى اعضاسندن عصمت ونك اوغلى بلديه مديرى
صونى بك افنديلردر .

مشاراليهك زمان نظارتنده آثار دينيه وخيريادن بعضلىر تعمير
ايدلدى .



عبدالله غالب پاشا

مصر تاجارندن کتانبجي زاده حاجي محمد صادق افنديك اوغليدر.

۲۸ شعبان ۱۲۴۴ ده استانبولده طوغدی .



معلم مخصوصدن
عربی وفارسی، حساب،
هندسه، جغرافیا، براز
فرانسزجه تلم ایتدی.
صفر ۱۲۵۷ ده
- اون ایکی یاشنده
اولدینی حالده - مالیه
واردات محاسبه سی روم
ایلی اوطه سنه بلا معاش
داخل وتدریجاً (۲۵۰)
غروش معاشه نائل
اولدی .

ربیع الاول ۱۲۶۹

ده - قلمه نسبتی باقی قالمق اوزرد - (۲,۰۰۰) غروش معاشه کشخانه
سنجانغی مال کتاتبته تعیین قلندی . جمادی الاولی ۱۲۷۰ ده استعفا
وقامه عودت ایلدی .

ذی القعدة ۱۲۷۱ ده (۴,۰۰۰) غروش معاش وقائم مقام تعیینی
ایله قریم اردوسی محاسبه ممیزلکنه مأمور اولدی . رمضان ۱۲۷۲ ده

ینه قلمه رجعت ایله بشنجی رتبه مجیدی نشانی وایکی قطعه مدالیه ،
۱۲۷۳ ده رتبه نالته توجیه اولندی .

شعبان ۱۲۷۷ ده (۳,۵۰۰) غروش معاشله قلمه اوچنجی میز،
شوال ۱۲۸۰ ده (۴,۵۰۰) غروش معاشله بائق قلمنه مدیر اولدی .
۱ جمادی الاولی ۱۲۸۱ ده تبدیلاً دردنجی رتبه مجیدی نشانی ویرلدی .
شعبان ۱۲۸۱ ده ینه او مقدار معاشله اسهام عمومیه ترکیه
محاسبه جیلکنه نقل ایدلدی . برمدت صکره مأموریتی الغا وربیع الاخر
۱۲۸۲ ده (۴,۵۰۰) غروش معاشله مجلس رسومات اعضالغنه ،
جمادی الاولی ۱۲۸۳ ده (۷,۵۰۰) غروش معاشله رسومات امانتی
محاسبه جیلکنه نصب ، رمضان ۱۲۸۴ ده رتبه ثانیه صنف تمایزی ،
صفر ۱۲۸۶ ده رتبه اولی صنف ثانیهسی توجیه قلندی .

۱۶ شعبان ۱۲۸۸ ده رتبه اولی صنف اولی و (۱۵,۰۰۰)
غروش معاشله مقام سرعسکری مستشارلغنه ، ۲۰ رمضان ۱۲۸۸ ده
او مقدار معاش و دیوان محاسبات ریاستی انضمامی ایله مالیه نظارتی
مستشارلغنه ، ۱۵ ذی القعدة ۱۲۸۸ ده (۲۰,۰۰۰) غروش معاش
ورتبه بالا ایله رسومات امانته ، ۱۷ ذی الحجه ۱۲۸۸ ده (۲,۵۰۰)
غروش معاشله مالیه نظارتنه تعیین وربنجی رتبه مجیدی نشانی توجیه
اولندی .

۱۰ ربیع الاول ۱۲۸۹ ده (۲۰,۰۰۰) غروش معاشله طربزون
والیلکنه مأمور اوله رق رجب ۱۲۸۹ ده انفصال ایلدی .

۱۲ صفر ۱۲۹۰ ده (۲۵,۰۰۰) غروش معاشله خداوندکار
والیلکنه ، ۱۱ جمادی الاولی ۱۲۹۰ ده (۱۵,۰۰۰) غروش معاشله
دفترخانی نظارتنه ، ۱۷ جمادی الاولی ۱۲۹۱ ده (۲۵,۰۰۰) غروش
معاشله - ثانیاً - رسومات امانته ، ۱۷ شوال ۱۲۹۲ ده (۲۵,۰۰۰)
غروش معاشله - ثانیاً - خداوندکار والیلکنه ، ۲۴ ذی القعدة ۱۲۹۲ ده

(۲۰,۰۰۰) غروش معاشله - ثانیاً - دفتر خاقانی نظارتنه ، ۱۷ ربیع الاول ۱۲۹۳ ده (۳۹,۰۰۰) غروش معاش ورتبه وزارت ایله - ثانیاً - مالیه نظارتنه تعیین و ۱۴ محرم ۱۲۹۴ ده عزل ایدلدی . مدحت پاشانك عزل و تبعیدی ایله ادهم پاشانك مقام صدارته نصبنده ۲۱ محرم ۱۲۹۴ ده (۲۵,۰۰۰) غروش معاشله شهرامانته ، ۱ ذی الحجه ۱۲۹۵ ده (۲۵,۰۰۰) غروش معاشله - ثالثاً - خداوندکار والیلکنه تعیین قلندی .

۲۴ صفر ۱۲۹۶ ده (۳۰,۰۰۰) غروش معاشله درسم حوالیسنك برنجی قومیسرلکنه مأمور اولدیسده استعفا ایتدی . ۱ ربیع الاخر ۱۲۹۶ ده (۲۰,۰۰۰) غروش معاشله حلب والیلکنه تعیین ایدلدی . حلبك هواسیله امتزاج ایددمدیکندن استعفا ایلمسی اوزرینه ۹ شوال ۱۲۹۶ ده (۲۰,۰۰۰) غروش معاشله قسطنونی والیلکنه نقل و اوچ آی صکره معاشی (۱۵,۰۰۰) غروشه تنزیل ایدلدی .

۱۰ ذی الحجه ۱۲۹۸ ده (۱۰,۰۰۰) غروش معاشله نافعہ قومیسونی اعضالغنه ، ۱۹ صفر ۱۲۹۹ ده (۱۷,۵۰۰) غروش معاشله سلانیک والیلکنه نصب ورمضان ۱۳۰۰ ده برنجی رتبه نشان عثمانی اعطا قاندی .

۱۵ جمادی الاولی ۱۳۰۲ ده (۱۷,۵۰۰) غروش معاشله جزائر بحرسفید والیلکنه ، ۱۵ جمادی الاولی ۱۳۰۳ ده (۱۵,۰۰۰) غروش معاشله انتخاب مأمورین قومیسونی ریاسته ، ۲۲ ذی القعدة ۱۳۰۳ ده (۲۵,۰۰۰) غروش معاشله - ثانیاً - سلانیک والیلکنه تعیین و مرصع عثمانی نشانی ، امتیاز نشانك التون وکوش مدالیلهری احسان اولندی . ۲۹ محرم ۱۳۰۹ ده - جواد پاشانك صدارتنده - (۳۰,۰۰۰) غروش معاشله اوقاف هایون نظارتنه نصب ایدلدی . معاشی ۲۲ صفر ۱۳۱۰ ده (۴۰,۰۰۰) غروشه ابلاغ و ۹ شوال ۱۳۱۴ ده عشری

تأجيل ايله (۳۶,۰۰۰) غروشه تنزىل اولندى . ۱۷ شوال ۱۳۱۸ ده
مرصع مجيدى نشانى ويرلدى .

مدت مديده خسته اولديغندن ۱۱ رجب ۱۳۲۲ ده (۳۰,۰۰۰)
غروش معاشله شوراي دولت ملكيه دائرہسى اعضالغنه نقل ايدلدى .
مكرراً متعدد ماليه قوميسيونلرينه و اخيراً تمغاوپول قوميسيوننه رياست
ايتدى .


۶ ذى القعدة ۱۳۲۲ ده وفات ايتدى . سلطان محمود خان ثانى
حضرتلى ترباسى حظيره سنه دفن اولندى .

پاپانك پي نوف ، يونان حكومتك سوور ، رومانيانك قورون
دوروماني ، صرب حكومتك طاقوه ، المانيا دولتك اغل روژ
نشانلرينك برنجى رتبه سنى حامل ايدى .

دامادلى شوراي دولت ماليه دائرہسى رئيس اسبقى جمال بك
مرحوم ايله ديون عموميه استانبول و ملحقاى باش مديرى فوزى بك
افندى و كرىسه زاده سى خارجيه نظارتى مأمورين كرامندن داماد
حضرت شهربارى فاخر بك افنديدر .

مشاراليهك زمان نظارتنده در سعادته كى جوامع و مساجد شريفه ك
همان عمومى و تكيه لر ، مدرسه لر ، عمارت لر ، صوبندلر ، صوبوللر
مكتبلر ، مدرسه لر ، تربلر ، سيللر تعمير وارن كوينده چوبان چشمه سنده
مجدداً ايكي جامع انشا اولندى .

ارباب استقامت و اهليتدن ، مؤدب ، حلیم ، سايم ، تجربه كار
ايدى . ۱۳۱۰ ده استانبولده وقوع بولان زلزله عظمادن رخنه دار
اولان مباني دينيه و خيريه يي — بر طرفدن استقراض ايتكسزين —
كمال اعتدال و سكون ايله و بالنسبه مدت قيله ده تماماً تعمير و تجديد
ايتيرمسي ، رويت و اهليتك برهان صادقدير .



طرخان حسنی پاشا

یانیہ داخلنده پرمدی قصبه سی خاندانندن یحیی بکک اوغلیدر .
 ۱۲۶۲ سنه هجریه سنده ترخانه شهرنده طوغدی .



یانیہ مدرسه لرنده
 عربی و فارسی، زوسیمه
 نامنده کی روم مکتبده
 بعض فنون تحصیل ،
 مؤخرآ آنه حقوق
 مکتبده دوام ایلدی .
 معلم مخصوصدن ده
 حقوق ملل ، تاریخ
 معاهدات ، علم ثروت
 ملل تعلم ایتدی .

۷ ربیع الاخر
 ۱۲۸۳ ده ملازمه
 باب عالی ترجمه او طه سنه

ادخال، ۲۵ محرم ۱۲۸۵ ده (۲۰۰) غروش معاشله توظیف اولندی .
 ۲۸ رمضان ۱۲۸۵ ده (۲,۰۰۰) غروش معاشله پترسبورغ
 سفارت سنیه سی ایکنجی، ۲۹ جادی الاولی ۱۲۸۸ ده (۳,۳۰۰) غروش
 معاشله برنجی کتابته تعیین و ۲۶ رجب ۱۲۸۵ ده ناله، ۷
 جادی الاخره ۱۲۸۸ ده تانیه رتبه لری توجیه ایدلدی . ۲۳ محرم

۱۲۹۰ دن ۲۳ ربیع الاول ۱۲۹۰ تاریخچه قدر سغارت . مشارالیه
مصلحتگذارلغده بولندی .

۱۹ محرم ۱۲۹۱ ده رتبه متمیزی توجیه ، ۴ صفر ۱۲۹۱ ده
(۳,۳۳۳) غروش معاشله برلین سفارت سنیسی باش کتابته ،
۱۰ ذی الحجه ۱۲۹۳ ده علاوه سفارت مشارالیه مصلحتگذارلغده ،
۲۰ شعبان ۱۲۹۴ ده (۵,۶۲۵) غروش معاشله ویانه سفارت سنیسی
مصلحتگذارلغده ، ۲ ذی الحجه ۱۲۹۴ ده (۲۰,۰۰۰) غروش معاشله
روما سفارت سنیسه تعیین و ۱۸ ربیع الاخر ۱۲۹۴ ده رتبه اولی
صنف ثانیه ، ۳ رمضان ۱۲۹۴ ده رتبه اولی صنف اولی ، ۱۷
ذی الحجه ۱۲۹۶ ده برنجی رتبه مجیدی نشانی توجیه قلندی . ۴ ذی الحجه
۱۲۹۷ ده انفصال ایلدی .

۳ جمادی الاولی ۱۲۹۸ ده (۵,۰۰۰) غروش معاشله تکه ، ۲۶
جمادی الاخره ۱۳۰۳ ده اورفه متصرف قلقرینه ، ۹ ربیع الاخره ۱۳۰۴ ده
(۱۰,۰۰۰) غروش معاش و او مقدار تخصیصات ایلده مادرید سفارت
سنیسه مأمور ، ۱۴ جمادی الاخره ۱۳۱۱ ده برنجی رتبه عثمانی نشانی
احسان ایلدی .

قولر انك بحراحر وبصره كورفزی طریققریله منع سرایتی اسبابنك
مذاکره سی وخسته لكك هندستاندن سرایت ایدمه مهسنه عائد تدایرك
انكلتره حكومته اتخاذ ایتدی رلمسی ایچون پارسده اجتماع ایدمك
صحیه قونفرانسنه - پولتیقه یه دائر مأذون اولمدققری تصریح ایدمك
وقولرا ممالك عثمانیه دن دكل هندستاندن سرایت ایتدیكنی اثبات
ایلك وقطعه حجازیه ویمانیه نك اجنبی نفوذی تأثیراتندن محافظه سنه وحقوق
خلافت عظمانك . دافعه سنه اعتنا اولنقی شرطلریله - مشارالیه ذوات
سائر ایلده و (۴۰۰) ایرا خرج راه اعطاسیله ۶ رجب ۱۳۱۱ ده اعزام
اولندی .

۳ شوال ۱۳۱۱ ده مادريد سفارتی عهده‌سندۀ قالمق وضمیمهٔ
(۱۵,۰۰۰) غروش ویرمک اوزره پارس سفارت سنیسی
وکلته نصب ایدلدی. پارسه عزیمت ایتزدن اول ۲۶ محرم ۱۳۱۲ ده
(۳۰,۰۰۰) غروش معاشله کريدولایتی والی وکلته تعیین و (۴۰۰)
لیرا خرج راه اعطا قلندی . ۲۷ محرم ۱۳۱۲ ده رتبۀ وزارت ویرلدی.
۶ رمضان ۱۳۱۲ ده انفصال ایدلدی .


۱۵ شوال ۱۳۱۲ ده ولایاتک احوالتی تحقیق و تفتیش ایچون
باب‌عالیده تشکیل ایدیلن قومیسون ریاسته ، ۱۵ ذی‌الحجه ۱۳۱۲ ده
— ریاست عهده‌سندۀ قالمق اوزره — (۴۰,۰۰۰) غروش معاشله
خارجیه نظارتیه تعیین ، ۱۳ ربیع‌الاول ۱۳۱۳ ده عزل ایله
(۲۰,۰۰۰) غروش معزولیت معاشی تخصیص اولندی .

۲۰ رمضان ۱۳۱۳ ده (۳۰,۰۰۰) غروش معاش و (۵۰۰)
لیرا خرج راه ایله کريدوالیلکنه مأمورا اولدی. والیک ایله قوماندانلغک
برذات عهده‌سندۀ بولمنسی ایجاب ایلدیکندن ۵ ذی‌الحجه ۱۳۱۳ ده
انفصال ایدلدی .

۱۸ شبان ۱۳۱۴ ده — معزولیت معاشی اولاز — (۲۰,۰۰۰)
غروشله شورای دولت ملکیه دائرہ‌سی اعضالنه نصب ، ۲۷
جمادی‌الآخره ۱۳۱۶ ده مرصع افتخار نشانی احسان اولندی .
۱۳ ذی‌الحجه ۱۳۱۶ ده توسع تسلیحاتک منی ایچون لاهیده اجتماع
ایده‌جک اولان قرتفرانسہ مرخص تعیین و (۶۰۰) لیرا خرج راه
ویومی (۱۰) لیرا طعامیه اعطا قلندی .

ربیع‌الاول ۱۳۱۸ ده روسیه ایمپراطورینه بیان خوش آمدی
ایتمک اوزره (۵۰,۰۰۰) غروش خرج راه ایله لیوادیایه اعزام ،
۱۴ جمادی‌الاولی ۱۳۱۷ ده مرصع عثمانی ، ۲۴ شوال ۱۳۱۸ ده
مرصع مجیدی نشانلری احسان ایدلدی .

۱۱ رجب ۱۳۲۲ ده اوقاف هایون ناظری ، ۲۲ ربیع الآخر
۱۳۲۵ ده لاهی صالح قونفرانسته مرخص اولدی .
قورفده کی قصرینه کله جک اولان المانیا ایمپراطوری حضرتلرینک
یانیه سواحله عزیمتده استقباله مأمور ایدیلرک ۲۷ صفر ۱۳۲۶ ده
درسعادتن حرکت ایلدی .
۴ رجب ۱۳۲۶ ده شورای دولت ریاسته مأمور وکامل پشانک
صدارتنده ۹ رجب ۱۳۲۶ ده منفصل اولدی . ۱۹ رجب ۱۳۲۶ ده
پترسبورغ سفارت سنیه سنه تعیین اولندی .
۸ ربیع الاول ۱۳۳۲ ده سفارتدن انفصال ایلدی . آرنان وودلقد
تشکل ایدن حکومتک باش وکیلی اوله رق حکومت سنیه یه معلومات
ویرمکسزین استانبولدن کیتدی .
ایرانک مرصع شیروخورشید ، المانیانک مرصع اغل روژ ،
روسیه نک مرصع الکساندر نووسکی ، رومانیانک برنجی رتبه اتوال
دورومانی ، اولدنبورغ غران دوقه سنک برنجی مریت ، ایتالیانک
برنجی سن موریس نه لازار نشانلرینی حاملدر .
زمان نظارتنده مانی دینه وخیربه دن اکثری تعمیر اولندی .



محمد علی پاشا

غریبا خسته خانه سی سرطابا بتده بولنش اولان میرآلای احمد بکک
اوغلیدر . ۱۲۶۲ سنه هجری با سنده استانبولده طوغدی .



صیان مکتبنده ،
والده مکتب رشدی سنده
مرتب اولان درس لری
او قود قدن صکره فاتح
جامع شریفنده علوم
دینه تحصیل ایتدی .

ذی القعدة ۱۲۷۵
ده خارجییه مکتوبی
قلمنه داخل ، ۱۲۸۵ ده
رتبه ثانییه نائل اولدی .
(۷۵۰) غروش معاشله
برنجی صنف خلفالعه
ترفع ، ربیع الاول

۱۲۸۵ ده رتبه متمیزی توجیه قلندی .

۲۷ شعبان ۱۲۸۷ ده - خورشید پاشانک والیکنده - حجاز ولایتی
مکتوبی معاونلکنه نصب ، ربیع الاول ۱۲۸۸ ده بشنجی رتبه مجیدی
نشانی احسان اولندی . ۱۱ ذی القعدة ۱۲۸۸ ده استعنا ایتدی .
۱۴ رجب ۱۲۸۹ ده (۳,۰۰۰) غروش معاشله شهراماتی

مکتوبخلفه، رجب ۱۲۹۳ ده (۴,۵۰۰) غروش معاشله مکتوبی خارجیه مهمه اوطهسی مدیرلکنه مأمور اولدی. ذی الحجه ۱۲۹۴ ده دردنجی رتبه مجیدی نشانی، جمادی الاولی ۱۲۹۵ ده رتبه اولی صنف تانیسی احراز ایلدی.

روسیه دولتی ایله مقدمات صلحیه مذاکرهسی ایچون برنجی مرخص تعیین اولنان صفوت پاشانک معیتده خدمت کتباتی ایفا ایتک اوزره ادرنیه کیتدی. مشارالیهک هنکام صدارتسده مہر دارلغنده استخدام اولندی.

شوال ۱۲۹۶ ده اوچنجی رتبه عثمانی نشانی، رجب ۱۲۹۸ ده رتبه اولی صنف اولی، ۲۷ شعبان ۱۳۰۴ ده ایکنجی رتبه مجیدی نشانی توجیه، ۱۷ ذی القعدة ۱۳۰۲ ده (۹,۰۰۰) غروش معاشله صدارت مکتوبخلفه تعیین اولندی.

۲۰ ربیع الاخر ۱۳۰۶ ده ایکنجی رتبه عثمانی، ۵ شعبان ۱۳۰۶ ده رتبه بالا احسان و ۲۱ صفر ۱۳۰۸ ده (۱۰,۰۰۰) غروش معاشله دیوان هایون آمدجیلکنه نصب ایلدی.

۱۶ رجب ۱۳۰۸ ده التون کرید مدالیهسی، ۱۴ شعبان ۱۳۰۹ ده برنجی رتبه مجیدی، ۱۶ ذی الحجه ۱۳۱۱ ده برنجی رتبه عثمانی، ۱۰ ذی الحجه ۱۳۱۳ ده مرصع عثمانی نشانی اعطاء، ۸ ربیع الاول ۱۳۱۰ ده معاشی (۱۵,۰۰۰) و ۳ ربیع الاخر ۱۳۱۸ ده (۲۰,۰۰۰) غروشه ابلاغ اولندی.

تأسیسات عسکریه اغانهسندن طولانی ۱۴ شوال ۱۳۱۵ ده حمیت وطنیه مدالیهسی، ۶ شوال ۱۳۲۰ ده آلتون لیاقت مدالیهسی، ۱۵ رمضان ۱۳۲۲ ده مرصع افتخار نشانی احسان قلندی.

« مشارالیهک صداقت وقدم واهلیته وامثاله نظراً رتبه ومأموریتجه تلطیفات سنیه مظهریتی تصور بیورلمش ایسه ده مأموریتک اهمیتی


جهتيله بر مناسبتك بولمى لازمه دن اولديغندن بعده او وجهله ده عا طفت سنیه جناب پادشاهی به مظهر بیورلق اوزده (۱۱) ۲۹ جمادی الاولی ۱۳۲۱ ده معاشی (۳۲,۵۰۰) غروشه ابلاغ ایلدی .

۳ محرم ۱۳۲۴ ده رتبه وزارتله صدارت مستشارلغنه ، اوقاف هایون ناظری طرخان باشانك لاهی صلح قونفرانسنه عزیمتده ۲۲ ربیع الآخر ۱۳۲۵ ده ومشارالیهك یانیه سواحلنده آلمانیا ایمپراطوری حضرتلرینی استقباله مأموریتده ۲۶ صفر ۱۳۲۶ ده - علاوه - نظارت مشارالیها وکالتنه ، اعلان مشروطیتی متعاقباً ۴ رجب ۱۳۲۶ ده (۳۶,۰۰۰) غروش معاشله نظارت مشارالیها به نصب اولندی . ۹ رجب ۱۳۲۶ ده انفصال ایلدی . مؤخرأ تقاعدی اجرا اولندی .

آیلرجه اسیر فراش اضطراب اوله رق ۱۶ ذی الحجه ۱۳۲۹ ده وفات ایلدی . ایوب قبرستانه دفن اولندی . اواخر حیاتنده حفظ قرآن مینه وقف مساعی ایتشدی . نازك ومقتدر ایدی .

سلطان احمد جوارنده اوچلر محله سنده صدر اسبق مرحوم خلیل رفعت پاشا ورثه سنك متصرف ومشارالیهك مستأجراً مقیم اولدینی کارکیر قوناق ۱ محرم ۱۳۲۶ ده محترق وکتب نفیسه ، قیمتدار خلیلر ، بلور اوانی محو اولمشدی .

مشارالیه ، روسیه نك سنت استانسلاس ، ایتالیا نك قورون دیتالی وسن مودیس نه لازار ، اسپانیانك ایزا بللا قاتولیک ، فرانسه نك لژیون دونور ، پاپانك پی نوف ، رومانیانك اتوال ، اوستریانك فرانسوا ژوزف ، اسوچ ونوروجك اتوال پولر ، یونانك سوور نشانلرینك ایکنجی ، قره طاغك دانیلو ، رومانیانك قورون دورومانی ، صربك طاقوه ، بلغارک مریت سیویل ، ایرانك شیر و خورشید نشانلرینك برنجی رتبه لرینی حامل ایدی .



محمود اکرم بک

رجال دولتن و مشاهیر ادبا و خطاطیندن رجائی افدینک
اوغلیدر . والدهسی ، غازی تیمور طاش پاشا سلاله سندندر . ربیع الاول
۱۲۶۳ ده استانبولده
طوغدی .

بایزید مکتب
رشدیسیله مکتب
عرفانییه واعدادی
حربییه دوام ایلدی .
عارضه وجودیه دن
طولایی مکتب حربییه
نقل ایتیمکسزین اعدا-
دیدن چیقدی . معلم
مخصوصدن فرانسزجه
تحصیل ایتدی .



۱۲۷۹ ده ملازمتله

خارجیه مکتوبی قلمنه ، ۷ محرم ۱۲۸۳ ده (۷۰۰) غروش معاشله
ویرکو اداره عمومیه سی قلمنه ، مؤخرأ مالیه اسهام محاسبه سنک مهمه
اوطمنه داخل اولدی . محرم ۱۲۸۵ ده (۳,۰۰۰) غروش معاشله
شورای دولت معاونلکنه ، درت بحق سنه ضکړه باش معاونلکنه
تعیین اولندی .

۱۲۸۸ ده اصلاحات ، ۱۲۹۰ ده اصلاح امور ضبطیه قومیسونلری باش کتابلریخی فخریاً ایفا ایدرک ۱۲۹۴ ده (۶,۰۰۰) غروش معاشله شورای دولت اعضالغنه ، بواننده هیئت اعیان و مبعوثانه شورای دولتن قومیسر نصب ایدلدی .

۱۲۹۵ ده اسکان مهاجرین ایشلرینک کترتی جهتیله ضمیمه مأموریت اوله رق اونیدنچی دائرة انتخابیه معاونلکننده اوچ ای بولندی . مأموریت اصلیه-سنة علاوه شورای دولت دستور انجمنه ، پوسته و تلغراف اداره-سندده متشکل قومیسونه مأمور اولدی . ۲۱ جادی الاولی ۱۳۰۵ ده معاشی (۷,۰۰۰) غروشه ابلاغ ایدلدی .

صفر ۱۲۸۰ ده رابعه ، ربیع الاخر ۱۲۸۱ ده ثانیه ، سوال ۱۲۸۶ ده ثانیسه ، رجب ۱۲۹۱ ده متمایز ، ربیع الاخر ۱۲۹۴ ده اولی صنف ثانیسی ، ۲۶ سوال ۱۲۹۸ ده اولی صنف اولی ، ۴ رمضان ۱۳۰۸ ده بالا رتبه-لری ، ربیع الاول ۱۲۹۶ ده اوچنجی ، ۲۶ رمضان ۱۳۰۰ ده ایکنجی ، ۲۱ رمضان ۱۳۰۹ ده برنجی رتبه مجیدی ، ۳۰ ربیع الاول ۱۳۰۴ ده ایکنجی ، ۱۱ ذی الحجه ۱۳۱۶ ده برنجی رتبه عثمانی نشانلری ، ۱۲ ذی القعدة ۱۳۰۸ ده کوش امتیاز مدالیه سی اعطا قلندی .

۱۲۹۹ ده شهر اماتی ایله دوائر بلدییه موازنه سنک تدقیق وتنظیمی ایچون تشکیل اولسان قومیسون ریاسته ، ۱۳۰۰ ده مهاجرینک مصالح حقوقه لرینک تسویه سی ایچون عدلیه ، ۱۳۰۳ ده برتابیت مسئله سنک مذا کرده سی ایچون خارجه ، ۱۳۰۵ ده مکاتب ابتدائیه نك تکشیری و مکاتب عالیه پروگراملرینک اصلاحی ضمتنده معارف نظارتلری دائرة لرنده تشکیل ایدن قومیسونلر اعضالغنه ، ۱۳۰۸ ده سینوب حبسخانه سنک اصلاح احوالی ایچون باب عالیده ، تصفیة دیون تحویلاتندن ظهور ایدن مکرر نومرولو تحویلات حقنده تحقیقات

وتدقیقات اجرایی ایچون مسکوکات اداره سنده تشکیل ایدن قومیسونلر ریاسته ، طرابلس غربه اعزام اولنان هیئت تفتیشیه اعضالغنه ، رژی اداره سنده کی سوء استعمالاتک اصلاحی و دیون عمومیه ایله عثمانلی بانقہسی اداره لری علیہ ایکی ایتالیالی طرفندن واقع اولان بیناتندن طولانی تحقیق حال ضمنده مالیه ، طرابلس غرب ولایتجه اتخاذ اولنه حق تداییر اصلاحیه یی مذاکره یه مأمور آشورای دولت ، ۱۳۱۰ ده قولرا مصابینی ایچون اعانه جمع ایتک اوزره شهراماتی دائره لرده ، ۱۳۱۱ ده - مقدما در سعادته جلب ایدلمش اولان - حاجی زینل اقدی ایله ذوات سائر حقه جریان ایدن معاملاتک تحقیق ایچون داخلیه مستشارینک ریاستده متشکل قومیسونلر اعضالغنه ، ارضروم قحط - زدکانک تهوین احتیاجاتی ضمنده باب عالیده تشکیل قلنان قومیسون ریاسته ، ۱۳۱۲ ده حرکت ارض مصابینه اعانه جمعی ایچون شهر امانتده متشکل قومیسون اعضالغنه مأمور ایدلدی .

شورای دولتک تشکیلات اخیره سنده ۱۱ شعبان ۱۳۱۴ ده تمیز محکمه سی ، ۱۳ شوال ۱۳۱۴ ده تنظیمات دائره سی اعضالغنه تعیین ، معاشی ۱۷ ربیع الاول ۱۳۱۶ ده (۱۱،۳۰۰) ، ۲ جهادی الاولی ۱۳۲۶ ده (۱۳،۳۰۰) غروشه ابلاغ اولندی .

اعلان مشروطیتی متعاقباً - کامل پاشانک صدارتده - ۹ رجب ۱۳۲۶ ده (۲۵،۰۰۰) غروش معاشله اوقاف هایون نظارتنه نصب ایدلدی . تبدیل مأموریت آرزو سنده بولندیغندن ۲۷ شوال ۱۳۲۶ ده معارف نظارتنه نقل اولندی .

اعیان اعضالغنه انتخاب ایدلمک اوزره یرینه دیکرینک تعیینه ۴ ذی القعدة ۱۳۲۶ ده اراده سینه صادر اولدی . ۲۰ ذی القعدة ۱۳۲۶ ده هیئت اعیان اعضالغنه تعیین قلندی .

۴ ربیع الاول ۱۳۳۲ ده وفات ایدلدی . اناطولی حصارنده

کوچک صو قبرستانده اوغلی نژاد بکک جوار قبرینه دفن ایدلدی .
 مشارالیه، سرآمدان ادبای عثمانیه دندر. مکتب ملکیه ده، غلطه
 سرای سلطانینده سنه لرجه ادبیات تدریس وافکار طلبه یی تنویر
 ایلدی . وطننه صو ک خدمتی اولمق اوزره — مالک اولدینی — کتابلری
 موزه هایون کتبخانه سنه ترک ایتدی. معارفه خدمات جمیه سی سبق
 ایدن ارباب حیثنددر .

ملیح الوجه، ادیب، عفیف، وقور، دلنواز، شاعر، منشی
 ایدی . حین وفاتنده بتون غزته لر مقالات متعدده نشریه فضائل
 مسئله سنه ترجمان اولدی . ارباب قلم، قدرشناسلق کوستردی .
 مخدومی ارچند اکرم بک، عثمانلی اعتبار ملی بانکه سی مکتوبی
 قلمی مدیریدر .

مرحومک آثار مطبوعه سی بوجه آتیدر :

(نغمه سحر) (زمزمه) (تفرین) (تعلیم ادبیات) (تقدیرالحان)
 (قدمادن برقاج شاعر) (مه پرزون ترجمه سی) (آتاله) (نژاداکرم)
 (تفکر) (ناچیز) (تقریضات) (عربیه سوداسی) (محسن بک)
 (وصلت) (شمس) (صائمه) (عفیفه انژه لیک) .



محمد شمس الدین پاشا

چرکس قبائلنک و دینی قسمی رؤسائندن حاجی زاده عثمان بکک
اوغلیدر. ۱۲۷۱ سنه هجریه سی او اخرنده چرکس ممالکندن اوبیخ قطعه سی
داخلنده طوغدی .

عائله سیله در سعادته
هجرت ایدرک فاتحده
حافظ پاشا صبیان، فاتح
وبشکطاش رشدی
مکتبلرنده ، مخرج
اقلامده ، مکتب
سلطانیده ، مکتب
ملکیده تحصیل علوم
ایلدی .



مکتب سلطانیدن
تاریخ خروجی اولان
شعبان ۱۲۹۵ ده

(۳۵۰) غروش معاشله مکتب مذکور احتیاط صنفلرینه لسان ترکی
وبشقه جه (۷۵۰) غروش معاشله - طلبه سندن بولندینی - مکتب
اعدادی ملکینک برنجی صنفده حساب نظری وهذسه تدریسنه مأمور
اولدی .

۲۰ رجب ۱۲۹۷ ده (۲,۵۰۰) غروش معاشله مایین هایون

کتابته تعیین ، ۲۹ رمضان ۱۲۹۷ ده نالته ، ۲۸ شوال ۱۲۹۷ ده
 ثانيه ، ۵ شوال ۱۲۹۸ ده متميز ، ۳۰ رمضان ۱۲۹۹ ده اولی صنف -
 نایبی رتبه لری ، ۳۰ رمضان ۱۲۹۷ ده دردنجی رتبه مجیدی ، ۱۴
 ذی الحجه ۱۲۹۷ ده دردنجی ، بر سنه صکره اوچنجی رتبه عثمانی
 نشانلری توجیه اولندی .

ذی القعدة ۱۳۰۰ ده - کتابت معاشنی آلق اوزره - عزل
 و ۱۰ جمادی الاخره ۱۳۰۱ ده (۳,۰۰۰) غروش معاشله آتیه سفارت سنیه سی
 باش کتابته تعیین قلندی . یونان مسئله سنده دول اجنیه سفرا سیله
 برابر سلطنت سنیه سفیری فریدون بك ۳ شعبان ۱۳۰۰ ده آتیه یی
 ترك ایتکله عودتنه قدر قرق سکیز کون مصاحتکذاراق خدمتنده
 بولندی .

رتبه سی ۷ ذی القعدة ۱۳۰۳ ده اولی صنف اولنه ترفیع و مأموریتی
 ۱۰ جمادی الاخره ۱۳۰۴ ده (۵,۰۰۰) غروش معاشله خارجیہ نظارتی
 امور شهنبدری مدیریتنه تحویل قلندی .

۸ جمادی الاولى ۱۳۰۵ ده فاس حکومتنه متعلق ۱۸۸۰ تاریخی
 معاهده نامه نك تعدیلنی مذاکره ایچون مادر بده اجتماع ایدمک
 قونفرانسه مرخص نصب اولندیسه ده قونفرانس طاغلدیغندن عزیمت
 ایدمدی .

۱۶ رمضان ۱۳۰۷ ده ایکنجی رتبه عثمانی ، ۳۰ رمضان ۱۳۰۹ ده
 اوچنجی رتبه مجیدی نشانلری ، ۲ شعبان ۱۳۰۸ ده کموش کرید
 مدالیه سی اعطا قلندی .

عباس حلمی پاشانک مصر خدیوئته نصبنی متضمن فرمان عالی یی
 ایصاله مأمور ایدیلن هیئت ایله برابر ۳ رمضان ۱۳۰۹ ده مصره عزیمت
 ویکرمی ایکی کون صکره عودت ایلدی .

۲۶ ربیع الآخر ۱۳۱۰ هـ (۱۰,۰۰۰) غروش معاش و (۱۰,۰۰۰) غروش تخصیصات ایله بکرش سفارت سینه‌سنه تعیین اولندی. بکرشده قولرا ظهور ایتدیکی صره‌ده باش وکیل قاتارچی سفارتخانه‌یه کله‌رک — علتک منع سرائی‌ایچون — تبعه عثمانیه دن اون بیک کشینک اورادن قالدیرلسنی تبلیغ و مشارالیه‌ده کیفیتی خارجیه نظارتیه اشعار ایلمسی اوزرینه ۱۷ صفر ۱۳۱۱ هـ — باب‌عالیجه بر مأموریت مناسبه‌یه تعیین اولنق اوزره — عزل ایدلدی .

سفارت شاکر پاشانک تعیینی رومانیا حکومتدن علی‌الاصول استمزاج اولندوقده — باویه‌براده کی چفتلکنده بولان — رومانیا قرالی « شمس‌الدین بکک تبدیلنه تأسفله برابر شاکر پاشانک سفارتی قبول ایدرم » دیمسیله شاکر پاشانک مأموریتی اجرا ایدلدی . فقط شمس‌الدین بکک‌ده مأموریتی اعاده اولنیه‌رق تام معاشله معزول صفتنده بر سنه قدر وظیفه سفارتی ایفا و مؤخرأ دیگر ذاتک نصبی اوزرینه بکرشدن انفکاک ایدلدی .

۱۳۱۲ هـ رومانیا حکومتدن برنجی رتبه اتوال دورومانی ، ۱۳۱۳ هـ ایران حکومتدن مرصع شیر و خورشید نشانلری اهدا ایدلدی .

۲۱ ربیع الاول ۱۳۱۲ هـ (۶,۰۰۰) غروش معاشله خارجیه مستشار معاونلکنه ، ۲۳ شعبان ۱۳۱۲ هـ (۱۰,۰۰۰) غروش معاش و او مقدار تخصیصات ایله طهران سفارت سینه‌سنه نصب ، ۳ صفر ۱۳۱۳ هـ رتبه بالا توجیه ایدلدی . منیف پاشانک سفارتیه تعیینی اوزرینه ۲۶ ذی‌القعدة ۱۳۱۳ هـ انفصال ایدلدی .

۱۵ محرم ۱۳۱۴ هـ (۲۰,۰۰۰) غروش معاشله وان ولایتی وایلکنه نصب اولنیه‌رق ۶ ذی‌الحجه ۱۳۱۴ هـ استعفا ایتدی . ۱۵ ربیع الآخر ۱۳۱۵ هـ (۱۳,۵۰۰) غروش معاش و (۹,۰۰۰)

غروش تخصیصات ایله - نانیا - طهران سفارت سینه‌سہ تعین ، ۱۶
رمضان ۱۳۱۵ ده برنجی رتبه مجیدی ، ۱۵ شعبان ۱۳۱۸ ده برنجی
رتبه عثمانی نشانی توجیه قلندی .

ایران شاهی مظفرالدین شاه درسعاده ورودنده مشارالیهک دوام
مأموریتی آرزو ایتیمی اوزرینه معاشی ۸ جمادی الاولی ۱۳۱۸ ده
(۳۰,۰۰۰) غروشه ابلاغ ایدلدی .

ایرانده اعلان مشروطیت ایدلسنه تشویقاتده بولندینی وسیله‌سیله
۴ محرم ۱۳۲۶ ده عزل اولندی . ۶ رجب ۱۳۲۶ ده (۲۵۰۰۰)
غروش معاشله مأمورین ملکیه قومیسونی ریاسته ، ۲۷ شعبان ۱۳۲۶ ده
(۲۵,۰۰۰) غروش معاشله اوقاف هایون نظارتنه تعین قلندی .

۲۲ محرم ۱۳۲۷ ده کامل پاشا قاپانه سنک سقوطنده منفصل اولدی .
۸ صفر ۱۳۲۷ ده خزینئه مالیه دن (۷,۵۰۰) غروش معزولیت معاشی
تخصیص ، ۲۹ رمضان ۱۳۲۷ ده معاشی (۵,۰۰۰) غروشه تنزیل
ایله ملکیه متقاعدین وممزولین صندوقه دور ایدلدی . مؤخرأ اختیار
تقاعد ایدلدی .

طرابلس غرب وبنغازی قطعه‌لرینه مختاریت اداره بخش اولنمی
اوزرینه ۹ ذی‌القعدة ۱۳۳۰ ده بش سنه مدت ورتبه وزارت ایله
(نائب‌السلطان) تعین قلندی . اعلان حربی متعاقباً ایتالیا حکومتی
طرفدن درسعاده اعاده اولندی .

مشارالیه ، علوم دینی‌ده بالخاصه علم تفسیر و تصوفده حائز
اختصاصدر . عرب ، فرس ، فرانسز لسانلریله تکلم و کتابته قادر
والمأنجه و چرکسجه‌یه واقفدر .



خلیل احمدی حمادہ پاشا

جدی مصری اولوب بیروت ہجرتلہ توطن ایتدی. عائله سی (حمادہ)
نامیہ معروفدر. بیروتدہ طوغدی. اوروپا مکتبلرندہ اکمل تحصیل
ایلدی.

بیروت رسومات
ادارہ سندہ اشیای عینیہ
مأمور لغیہ خدمت دولتہ
داخل اولدی. بالاخرہ
مصرہ عزیمتہ تدریجاً
اسکندریہ کمرکاری
مفتش عمومیلکنہ ارتقا
ایلدی.



برقاچ آی مصر
اوقاف نظارتندہ بولند.
قدن صکرہ تقاعدی اجرا
اولندی. اعلان

مشروطیتی متعاقباً کامل پاشا مرحومک ہنکام صدارتندہ مجلس اعیان
اعضالغیہ درسعادتہ جلب ایدلدی.

حسین حلمی پاشا حضرتلرینک صدارت اولیسندہ ۲ ربیع الاول
۱۳۲۷ دە - صدارت مستشاری ضیا بکک وکالتیلہ اداره ایدلمکدہ
اولان - اوقاف ہایون نظارتہ تعین ومشارالہیک صدارت ثانیہ سندہ

۱۵ ربیع الآخر ۱۳۲۷ ده نظارتده ابقا اولندی . ۹ ذی الحجه ۱۳۲۷ ده انفصال ایلدی .

متبلی اولدیی قلب خسته لکندن طولای تبدیل هوا ایچون بیروته کیتمک اوزره راکب اولدیی فرانسز واپورنده جمادی الاخره ۱۳۲۸ ده وفات ایتدی . نعشی ازمیره اخراج و بعدالتحنیط اسکندریه نقل ایله عالمه سنه مخصوص قبرستانه دفن ایلدی . روم ایلی بکربکلکی بایه سی اصحابندن ایدی .

§

مأمورین عأئده طرفندن ویریان معلومانه کورد . مشارالیهک زمان نظارتنده کی اجرا آت بروجہ آتیدر :

خدمه خیراته ووقف ایله علاقه دار اولان اصحاب مصالحه مراجعت گاه اولقی اوزره درسعات وبلاد ثلثه ده اون دائره و قفیه تشکیل ایدلشد . طشرده معاملات و قفیه نک اصلاحی ایچون نظارتک اوزمانکی تخصیصاتی داخلنده بعض تصرفات ایله مفتشک تشکیلاتی وجوده کتیرلشد . نظارتک بودجه سی تنظیم و مجلس مبعوثانه تودیع اوله رق تشکیلات حاضرده نک قسم اعظمی اعتباریله اساساتی بو بودجه ایله وضع قلنشد . اعلان مشروطیتی متعاقباً بر رئیس ایله درت اعضادن مرکب اوله رق تشکیل ایدیلان مجلس اداره اوقاف الفا ایله معاملاتدن محتاج تأمل اولانلری تحت قراره آلتی اوزره ارکان نظارتدن برانجهن مخصوص تشکیل اولنشد . محاسبه و مصرف اداره لری و ولوات مدیریتی لغو ایله یکیدن محاسبه و املاک و قفیه اداره لری و مبنائی و قفیه نک تعمیراتی ایچون انشاآت و تعمیرات مدیریتی و وقف اورمان و اراضی و چفتلکدن استفاده ایدیه بیلیمک اوزره اورمان و اراضی و قفیه مدیریتی و حساباتک تدقیق و مراقبه سی و تبرکاتک تحریر و محافظه سی ایچون مراقبه قلمی تشکیل وجهات اداره سنک نامی قیود قدیمه و قفیه یه تحویل ایدلشد .

معاملات اوقافک اصلاحی ایچون تدابیر متصوره نک اول امرده تعلیمات اداره نامیه اصداری اساس اتخاذا اوله رق خیلی تعلیمات تنظیم قلنشد .



شريف على حيدر پاشا

مكه مكرمه امير اسبقى مرحوم شريف عبدالمطاب افدى حضر-
تارينك مخدوم عاليلى شريف على جابر بك افدينك نجل نجييدرد.
سلسله نسب شريفلى
تبركا درج اولندى :

[شريف على حيدر
بن الشريف على جابر
بن شريف عبدالمطاب
بن الشريف غالب بن
الشريف مساعد بن
الشريف سعيد بن
الشريف سعد بن
الشريف زيد بن
الشريف محسن بن
الشريف حسين بن
الشريف حسن المشهور



بن ابوتى بن بركات الثانى بن محمود بن بركات الاول بن حسن
الثانى بن مجلان بن رثبه بن ابوتى الاول بن حسن الاول بن على
بن قتاده بن ادريس بن مطاعن بن عبدالكريم بن عيسى بن
الحسين بن سليمان بن على بن عبدالله بن محمد الثانى بن موسى الثانى بن
عبدالله بن موسى الحيون بن عبدالله الحصن بن حسن الثنى بن حسن
السبط بن على بن ابى طالب رضى الله عنه وكرم الله وجهه]

بوغاز ایچنده قاکلیجه ده جد محترمك ساحلخانه سنده ذی الحجه ۱۲۸۲ ده طوغدی. ۱۲۹۳ سنه هجره سنده مکه مکرمه به عزیمت ایلدی. خاقان سابق حضرتلرینك مشار الیه عبدالمطلب افیدین واقع اولان طلبی اوزرینه ۱۲۹۶ ده درسعادته عودت و باراراده سنیه شهزادکانه مخصوص مکتبه دخول الیه تحصیل معرفت ایتدی. ۴ رمضان ۱۳۰۶ ده رتبه بالاتوجیه و شورای دولت محاکات دائره سی اعضالغنه تعیین قلندی. اولای ایکنجی، ۳۰ رمضان ۱۳۰۱ ده برنجی رتبه مجیدی نشانی والتون و کوش امتیاز مدالیه سی توجیه اولندی. اعلان مشروطیت هنکامنده - موافقتی استحصال ایدلمکسزین - حجاز تیمور یولی اعضالغنه نقل اولنسی اوزرینه استعفا ایلدی. متعاقباً مجلس اعیان اعضالغنه، حق پاشا حضرتلرینك صدارتنده ۳۰ ذی الحجه ۱۳۲۷ ده اوقاف هایون نظارتنه نصب ایدلدی. طقوز آی ایغای خدمتله استعفا ایتدی. برنجی رتبه عثمانی نشانی اعطا قلندی. اعیان ریاستی وکالته و مدافعه مایه ریاست اولسنه انتخاب اولندی. ۳۰ شعبان ۱۳۳۴ ده مکه مکرمه امارتنه نصب و علی الاصول رتبه وزارت توجیه قلندی.

خط هایونك صورتی :

« وزیر معالی سیرم محمد سعید پاشا

مکه مکرمه امارتنده بولان شریف حسین پاشانك حسب الاجاب انفصالی وقوع بولوب حرمین محترمین خدمات متدیه سنك تأمین حسن جریانی عهدهنه مرتب وظائف اساسیه دن اولسنه و هیئت اعیانیز برنجی رئیس و کیلی شریف علی حیدر بك لیاقت و حیثیت ذاتیه اله متصف و حسن سلوك و سیرتی مجرب اولسبله خدمت امارتی دلخواهیز و جهله تمشیته کفایتی مجزوم بولسنه مبنی امارت مکه مکرمه رتبه وزارتله عهدهنه توجیه قلنه رق کندوسی باب عالمیزه اعزام ایدلشد. جناب حق جلّه مزی مرحال و کارده توفیقات صمدانیه سنه مظهر و روحانیت جلیله جناب رسالتپناهی جمیع زمانده رهبر بیورسون آیین. ۳۰ شعبان ۱۳۳۴ ».



محمد ضیا پاشا

طاش کوپرلی امامزاده حاجی بکر افندینک اوغلیدر . ۱۵ رجب
۱۲۷۶ ده در سعادته طوغدی .

صیان ورشدی
مکتبیلر نده مرتب
درسلی و معلم مخصوص-
صدن عربی ، فارسی ،
فرانسزجه ، دیوان
محاسبانده فن دفتری
تحصیل ایلدی .



۴ ذی القعدة
۱۲۹۱ ده (۱۳) غروش
(۳۰) پاره معاش ايله
دیوان احکام عدلیه
ضبطه او طه سنده داخل
اولدی . مؤخرآ محکمه

تمیز اقلامنه ، ۷ جمادی الاولی ۱۲۹۷ ده (۷۵۰) غروش معاشله
دیوان محاسبات تحریرات قلمنه نقل ایلدی .

۵ محرم ۱۲۹۵ ده (۱,۰۰۰) غروش معاشله دیوان محاسبات میز
ملازملکنه ، ۴ ربیع الاول ۱۳۰۲ ده میز لکه ، ۲۶ جمادی الاولی
۱۳۰۶ ده (۳,۰۰۰) غروش معاشله محاسبه عمومیه مالیه شعباتنک

تدقیق وظائفی قومیسینونه ، ۲۰ رجب ۱۳۰۶ ده حسابات مرکزیه
شعبه سی مدیریته تعیین ، ۲۳ ذی القعدة ۱۲۹۸ ده رتبه نالته ، ۲۳
رجب ۱۳۰۱ ده دردنچی ، ۱۰ رجب ۱۳۱۰ ده اوچنجی رتبه مجیدی
نشانی ، ۹ ربیع الاول ۱۳۰۲ ده ثانیه ، ۲۹ رمضان ۱۳۱۰ ده متمیز
رتبه لری توجیه قلندی .

اصول مضاعفه حسابیه ده ممارسه کامله سی اولدیغدن تجارت ونافعه
نظارتک اشعاری اوزرینه ۲۱ رجب ۱۳۱۱ ده (۴,۰۰۰) غروش
معاشله زراعت بانکه سی محاسبه جیلکنه نصب ، ۲۸ جمادی الاخره
۱۳۱۲ ده رتبه اولی صنف ثانیسی توجیه ایدلدی .

۲۴ جمادی الاولى ۱۳۱۳ ده (۶,۰۰۰) غروش معاشله محاسبه
عمومیه مالیه محاسبه جیلکی معاونلکنه ، ۲۹ ربیع الاخر ۱۳۱۶ ده
(۹,۰۰۰) غروش معاشله محاسبه عمومی مالیه محاسبه جیلکنه تعیین ،
۱۶ شعبان ۱۳۱۴ ده رتبه اولی صنف اولی ، ۲۶ رجب ۱۳۱۵ ده
ایکینجی رتبه عثمانی ، ۲۹ رمضان ۱۳۱۶ ده برنجی رتبه مجیدی نشانی
توجیه ومعاشی ۲۶ ذی الحجه ۱۳۱۸ ده (۱۱,۰۰۰) غروشه ابلاغ
اولندی . ۱۵ محرم ۱۳۱۹ ده انفصال ایدلدی .

۱۷ محرم ۱۳۱۹ ده مجلس مالیه اعضالغنه نصب ، دواثر مرکزیه نک
معاملات حسابیه سنی تفتیش وظیفه سنی ده ایفا ایتک اوزره ۱۵ صفر
۱۳۱۹ ده (۷,۵۰۰) غروش معاش تخصیص و مؤخرأ (۲,۵۰۰)
غروش ضم ایدلدی . ۲۹ رجب ۱۳۲۲ ده رتبه بالانی احراز ایدلدی .

امور مالیه ده اختصاصی جهتیه ۲۸ شوال ۱۳۲۳ ده روم ایلی
ولایات نالته سی مالیه قومیسونی اعضالغنه نقل ایله مأموریت اصلیه سینه
مخصّص معاشدن بشقه شهری (۱۲۵) ایرا تخصیص و برنجی رتبه
عثمانی نشانی احسان قلندی .

۱۱ ذی القعدة ۱۳۲۳ ده (۳۶,۰۰۰) غروش معاشره ماليه نظارتنه
 تعين ، ۱۲ رجب ۱۳۲۴ ده رتبه وزارت توجيه اولندي . اعلان
 مشروطيتي متعاقباً سعيد پاشا قاينه سنده استعفا ايلدي .
 ذات شاهانه به تقديم ايتديكي استعفانامه ده : « هيئت حاضره
 وکلانک اجرات و تشبثانده فعاليت مطلوبه کوريله مه مسی وطن و ملت
 حقنده بعض احوال غير مرضيه نك حدوتنه سبب اوله بيله جکندن
 ده ا طوغريسي کندم ده داخل اولديغ حالده هيئت مذکوره مملکتک
 احتياجات عاجله سی اسبابی استحضار ايد بيله جک کفایتی حائز اولديغندن
 ماليه نظارتندن عفو بيورلقلغی استدعا به مسارعت ايدرم » ديشدر .
 کامل پاشانک صدارتنده ۹ رجب ۱۳۲۶ ده نظارته عودت ايلدي .
 حسين حامی پاشانک صدارت اوليسنده ۲۲ محرم ۱۳۲۷ ده - ثالثاً -
 ماليه نظارتنه تعين اولنديسه ده قبول ايلدي .
 غازی احمد مختار پاشا قاينه سنده ۷ شعبان ۱۳۳۰ ده - رابعاً -
 ماليه ، بر قاج کون صکره داخله نظارتنه تعين اولندي . آز مدته
 استعفا ايلدي .
 کامل پاشانک دفعه رابعه صدارتنده ۱۸ ذی القعدة ۱۳۳۰ ده
 اوقاف هايون ناظری اولدي . قاينه نك سقوطنده ۱۵ صفر ۱۳۳۱ ده
 انفصال ايتدی .



محمد فوزی پاشا

شام اشراقندن عظم زاده محمد علی پاشانك اوغلیدر. ۱۲۷۵ سنه
هجریه سنده شامده طوغدی. صبیان ورشدی مکتبلرنده تحصیل ایلدی.



۲۱ صفر ۱۲۹۶ ده

سوریه ولایتی مجلس

اداره قلمنه (۵۰)

غروش معاشله داخل

اولدی. ۸ جمادی الاولی

۱۳۰۳ ده (۱,۰۰۰)

غروش معاشله ولایت

مذکوره نفوس نظارتنه

تعیین اولندی. ۲۹

جمادی الاخره ۱۳۰۸

ده استعفا ایلدی.

۱۲ جمادی الاولی

۱۳۰۹ ده (۱,۲۰۰)

غروش معاشله شام بلدییه دائرہسی رئیس اوله رق دائرہ نك ایکی یه

انقسامی اوزرینه ۲ رجب ۱۳۱۴ ده ریاستدن انفکاک ایتدی. مؤخرأ

ایکنجی دفعه ریاسته نصب اولندی .

۱۲ رمضان ۱۳۱۸ دن ۱۵ شعبان ۱۳۲۷ تاریخنه قدر (۲,۰۰۰)

غروش معاشله حجاز تیمور یولی انشاآت ادارهسی مدیریتنده بولنه رق


۱۶ شعبان ۱۳۲۷ دن ۵ جمادی الاولی ۱۳۲۸ تاریخه قدر مدیرتی
فخریاً ایفا ایلدی .

۲۶ ربیع الآخر ۱۳۳۰ ده شام مبعوثلغنه ، ۲۹ جمادی الاولی
۱۳۳۰ ده مجلس مبعوثان برنجی رئیس وکالتنه انتخاب ایلدی .

غازی احمد مختار پاشانک صدارتنده ۷ شعبان ۱۳۳۰ ده (۱۵,۰۰۰)
غروش معاشله اوقاف هایون نظارتنه تعیین قلندی . زلزله دن متأثر
اولانلرک درجه احتیاجاتی تحقیق ایتمک اوزره مجلس وکلا قراريله
کلیولی حوالیسنه عزیمت وایفای وظیفه ايله عودت ایتدی .

غازی مشارالیه قایینه سنک استعفا سنده ۱۸ ذی القعدة ۱۳۳۰ ده
نظارتدن منفصل اولدی . (۵,۰۰۰) غروش معزولیت معاشی تخصیص
ومؤخر آینه شام مبعوثلغنه انتخاب اولندی .

مشارالیه ۲۲ محرم ۱۲۹۹ ده ثالثه ، ۱۸ ربیع الاول ۱۳۰۰ ده
ثانیسه ، ۲۹ جمادی الاولی ۱۳۰۳ ده متمایز ، ۲۰ محرم ۱۳۱۴ ده
میرمیرانلق رتبه لری ، ۱ جمادی الاولی ۱۳۱۸ ده روم ایلی بککری بکلکی
پایه سی توجیه و ۱۴ ربیع الآخر ۱۳۰۷ ده اوچنجی ، ۱۴ جمادی الاولی
۱۳۱۸ ده ایکنجی ، ۵ رجب ۱۳۲۲ ده برنجی رتبه مجیدی ، ۲۰
ربیع الآخر ۱۳۱۱ ده اوچنجی رتبه عثمانی نشانلری ، ۴ صفر ۱۳۲۳ ده
التون لیاقت مدالیه سی اعطا و المانیا دولتی طرفندن ایکنجی رتبه
مع قوردون دوپروس نشانی اهدا قلندی .



مصطفی خیری افندی

سلطان عبدالعزیز خان حضرت تبارینک زمان سلاطنتلرنده خربوت
و طرابلس غرب ولایتلری اوقاف مدیرلککنده بولوبینه خافان. شارالیهک

اواخر سلاطنتلرنده

ترك مأموریتله

مملکتی اولان

ارکوبده اختیار

اقامت و ۱۳۰۵

سنه سی رمضان

شریفی ابتداسنده

وفات ایدن عبدالله

عونى افندی مر-

حومك اوغلیدر .

۱۲۸۳ ده ارکوبده

طوغندی . بیوک

پدری ارکوب

قاضی ابراهیم

افندی ، آنک



اوستریالی رسام قراوسک تابلسندن مقتبدر .

پدری علمادان نقیب الاشراف عبدالله افندی ، آنک پدر و بیوک

پدرلری ده علمادان عبدالرحمن وحسن و محمد افندیلردر .

پدرینه کلنجهیه قدر اجدادی ، قره مان اوغلی ابراهیم بکک ارکوبده

کائن جامع کیرینک اوقافه متولی اولدقلری دفاتر قدیمه و قفیه ده

مقیّدور . پدری عبدالله عونى افندی، وظیفه تولیتی ایفادن استکاف ایلدیکی کبی مشارالیه ده پدرینک وفاتیه کندینه توجه ایدن تولیتی عمجه زاده سنه ترك ایتدی .

عمجه سی حاجی منیب افندیدن ملا جامی یه قدر تحصیل ایدرک او صره ده سیواس ولایتی عدلیه مفتشی بولان بیوک برادری حق بکک نزدینه کیندی . سیواسده مظنه کرامتدن شیخ مور علی بابا حضرتلرندن فارسی تعلم ایتدی .

۱۳۰۰ ده برادری مشارالیه حق بککه برابر درس عاده کلهرک فاتحده بحرسفید جهنده باش قورشونلی مدرسه سنه قید اولندی . ملا جامی تدریس ایتکده اولان طاش کوپرلی عبدالله رشدی افندینک درسه (عدل) بختده داخل اولدی .

۱۳۰۲ ده پدریه برابر ارکوبه کیدوب استانبوله عودتنه قدر کذار ایدن ایکی سنه نک تحصیل زمانلرنده قیصریه عزیمتله یاغموور اوغلی مدرسه سنده حجره نشین اولدی . منطق ، معانی ، بیان ، بدیع و تعطیل موسملرنده ارکوبده داییمی مفتی احمد طاهر افندیدن تفسیر شریف او قودی .

۱۳۰۴ ده استانبوله عودتنده مدرسه سنه دخول و خواجه سی عبدالله رشدی افندینک حلقه تدریسه تصورات درسده التحاق ایدرک ۲۳ ذی القعدة ۱۳۱۲ ده اجازتنامه علمی اخذ ایلدی .

مکتب حقوقه دوام ایله ۱۸ اغستوس ۱۳۱۳ ده - صنفک ایکنجیسی اوله رق - علی الاعلی درجه ده مآذونیت رؤسی آلدی .

۱۹ رجب ۱۲۹۷ ده با ابتداء خارج بروسه رؤسی اعطا ، ۳ جمادی الاخره ۱۳۱۵ ده ابتداء داخله ، ۱۶ جمادی الاولی ۱۳۲۲ ده موصله سلیمانیه ترفیع اولندی .

۳۰ ربیع الاول ۱۳۱۶ ده مرعش ، ۴ ذی الحجه ۱۳۱۷ ده طرابلس شام سنجانغی بدایت محکمه سی مدعی عمومی معاونلکنه ،

۱۷ محرم ۱۳۱۹ ده لازقه بدایت محکمه سی جزا دائره سی ریاسته ،
۲۰ ذی الحجه ۱۳۲۰ ده ترفیعاً سوریه ولایتی ، ۱۶ رجب ۱۳۲۲ ده
مناستر ولایتی بدایت محکمه سی مدعی عمومی معاونلکنه ، ۱۸ شوال
۱۳۲۴ ده ترفیعاً سلانیک ولایتی مرکز بدایت محکمه سی جزا دائره سی
ریاسته تعیین اولندی .

اعلان مشروطیتی متعاقباً نیکده مبعوثانغه انتخاب و درسعادتیه
ورودنده ۴ ذی الحجه ۱۳۲۶ ده دارالفنون حقوق شعبه سی مجله معلمکنه
تعیین ایدلدی .

اوتوز برمارت وقعه مؤلمه سنی متعاقباً اعیانندن توفیق پاشا حضرتلرینک
ریاستده تشکیل ایدن هیئت وکلاده عدلیه و مالیه نظارتلرینک انحلالی
اوزرینه ۸ ربیع الآخر ۱۳۲۷ ده مشارالیه ، عدلیه و سلانیک مبعوثی
جاوید بک افندی مالیه نظارتلرینه نصب اولندیلر سه ده بیان معذرت
ایتدیلر .

مجلس مبعوثانک ۱۳۲۶ و ۱۳۲۷ اوچنجی سنه اجتماعیه سی مناسبتیه
تجدید اولنان انتخابانده ۱ تشرین ثانی ۱۳۲۶ تاریخندن اعتباراً برنجی
رئیس و کالته انتخاب و ۱۶ ذی الحجه ۱۳۲۷ ده مدرسه القضاة تنظیم
اعلامات جزائیه معلمکنه تعیین قلندی .

۱۹ ذی الحجه ۱۳۲۸ ده اوقاف هایون نظارتنه وذات شوکات
جناب پادشاهینک روم ایلییه سیاحتلرنده داخلیه ناظری خلیل بک
افدینک معیت سنیة خلافتناهیده عزیمته بناءً ۷ جادی الاخره
۱۳۲۹ ده داخلیه نظارتی و کالته تعیین بیورلدی . ۱۳ صفر ۱۳۲۹ ده
مشاغاندن طولای دارالفنون مجله معلمکندن استعفا ایلدی .

حجاز قطعه سی امور صحیه سنک اصلاحی و حجاج کرامک امراضدن
محافظه لری و قطعه مبارکه ده کی مؤسسات صحیه و خیریه نک اداره سی
ایچون مقدا درسعادتیه تشکیل اولنان حجاز صحیه مجلسی اعضانغه

۹ اغستوس ۱۳۲۷ ده تعیین ، ۲ شوال ۱۳۲۹ ده برنجی رتبه مجیدی نشانی اعطا اولندی .

حق پاشا حضرتلرینک استعفا سی اوزرینه سعید پاشانک صدارته نصبده ۱۱ شوال ۱۳۲۹ ده عدلیه نظارتیه شورای دولت ریاستنه اصالة و اوقاف هایون نظارتنه وکالة تعیین قلندی . مؤخرأ عدلیه نظارتیه شورای دولت ریاستدن استعفا ایلدیکی جهته ۸ ذی القعدة ۱۳۲۹ ده اصالة - ایکنجی دفعه اوله رق - اوقاف هایون نظارتنه نصب ایلدی .

۲۶ ربیع الاول ۱۳۳۰ ده قرق کلیسایه عزیمت ایدن معارف ناظری امرالله افندینک عودتنه قدر امور نظارتی وکالة صورت فخریه ده رؤیت ایلدی .

سعید پاشا قاینه سنک استعفا سی اوزرینه ۶ شعبان ۱۳۳۰ ده اوقاف هایون نظارتدن انفکاک ایتدی . ۴ محرم ۱۳۳۱ ده مدرسه القضاة قانون جزا معلمکنه تعیین قلندی .

۱۶ صفر ۱۳۳۱ ده - ثالثاً - نظارت مشارالیه نصب اولندیسه ده راحتسز لکندن طولای اعتذار ایلسنه بناء ۲۷ صفر ۱۳۳۱ ده منفصل اولدی . نظارت برمدت وکالتله اداره اولندی .

۲۱ جمادی الاولی ۱۳۳۱ ده - رابعاً - اوقاف هایون نظارتنه تعیین قلندی . ۲۳ رمضان ۱۳۳۱ ده جمعیت تدریسیة اسلامیه هیئت عمومی سی ریاست وکالتنه انتخاب ، ۶ ذی الحجه ۱۳۳۱ ده برنجی رتبه عثمانی نشانی اعطا قلندی .

۱۸ ربیع الآخر ۱۳۳۲ ده - اوقاف هایون نظارتی عهده سنده قالمق اوزره - مقام مشیخت علییه نصب اولندی .

خط هایونك صورتی :

« وزیر معالیم محمد سعید پاشا

شیخ الاسلام اسعد افندینك وقوع استعفا سنه ومقام مشیخت بالجله محاکم شرعی ومدارس علمیة نك مرجی اولوب مؤسسات مذکور نك احکام شرعی و احتیاجات حاضر ه کوره تنظیم و اصلاح امور ی لایه و اوقاف هایونك ناظر ی خبر ی افندینك مؤسسات علمیة و خیریة وقفیه نك حسن اداره سی امر نده مساعی روتندانه سی مشرود اولسنه و کندیسی اساساً طریق علمی ه منسوب ومعاملات شرعی ه واقف بولسنه . بنی مسند مشیخت اسلامیة عهده استیاله توجیه واحاله اولنرق باب عالیزه اعزام قلنمشدر جناب حق توفیقات صمدانیه سنه مظهر بیورسون آمین بجرمة سیدالمراسین . ۱۸ ربیع الاخر ۱۳۳۲ » .

رجب ۱۳۳۴ ده مشیخت ونظارتدن استعفا ایلدی . مؤخر آجلس اعیان اعضالغنه تعیین بیورلدی .

§

مأمورین متعاقبه طرفندن اعطا اولنان معلوماته نظراً مشارائیک زمان نظارتلرنده کی اجرا آت بوجه آتیدر :

معاملات وقفیه نك تنظیمی

معاملات وقفیه نك تنظیم و تسریبی و واردات وقفیه نك توفیر وتأمین تحصیل ووظائفك حسن صورت و سرعت ایله ایفای اییون مرکزده وطشردده تدابیر لازمه یه توسل ایدیله نك تشکیلات نظامنامه سی یاپیش وتعلیمات اعطا قلنمشدر .

دعا کوی فدوله لر ی

خدمه خیرات واصحاب جهانه محض فدوله لردن بشقه اولق اوزره دعا کوی فدوله سی نامی آلتنده مرتب فدوله لرك مقدارینه وشروط تخصیصنه دائروقیه لرده صراحت بولنیوب سنداتدن مدورد قترله استناداً ویرله کلکده ایدی . بیاسه یه تبماً صالنده واکل اییون دکل ، سرمایهی نیمه اییون الدن اله کچهرک یوزده طسانی بدلاً تسویه ایدلکده ایدی . بوفدوله لر اییون خزینه اوقاقه سنوی اختیار اولنان (۱۲,۰۰۰) لیرا درجه سنده کی صرفیاتك ادامه سی بدجلیرك تأمین منافعی ووقفك اضرائی مؤدی اولدیغندن منحل وقوعنده

ترقین قیدلری جهته کیدلش ایسه ده اولاده انتقال ایتکده وقصریده مساعده ایدلمکده اولسندن طولای بوضورتله محاسی پک چوق سنه لره محتاج ایدی . بونلرک خارجه ده کی فیأنه کوره کاملاً صأتون آلنرق محاسی ایچون اقتضا ایدن (۳۶,۰۰۰) لیرا خزینة اوقافجه بویوزدن اختیار اولنان مصارفک نهایت اوچ سنه لکنه مقابل بولدیغندن ۳۲۶ سنه سی بودجه سنده تصرف ایدیلن (۲۴,۰۰۰) و ۳۲۷ سنه سی بودجه سنه دعا کوی فدوله لری مصارف بسوییه سی اوله رق داخل بوانان (۱۲,۰۰۰) لیرا قارشیلیق اتخاذا ایدیلهرک ۴۱ ربیع الاول ۱۳۲۹ و ۱۳ مارت ۱۳۲۷ تاریخی قانون ایله مذکور فدوله لره - استقراض عقیدنه حاجت قالدیسزین - بدلری دفعه و کاملاً بالتأدیه محاسا ایدلشد .

دعا کوی وظائفی

بعض اوقافک غلای اسمار و سائره دن طولای واردات معینه سی کفایت ایتمه یں مصارفنه قارشیلیق تدارکی مقصدیله تواریح مختلفه ده ترتیب وبا معجله فروخت ایدلش اولان دعا کوی وظائفی ایچون هر سنه خزینة اوقافدن (۳۵۵,۰۹۵) غروش تأدیات اجرا ایدلمکده ایدی . واقفین کرامک شرطلرینه مستند اولدینی کی منفعت وقفله تألیف ده ، قابل بولنیان تأدیاته نهایت ویرلک اوزره وظائف مذکوره نك خارجه آلنوب صالقمده اولدینی فیأ نلرک وسطیسنه کوره بدلری ۱۹ ربیع الآخر ۱۳۲۹ و ۶ نیسان ۱۳۲۷ تاریخی قانون موجبجه تأدیه اوله رق میدان تداولدن قالدیرلشد .

عمارتلر

پک علوی مقصدلره وجوده کتیرلش اولان عمارتلر علی التدریج بوزولهرق سوء استعمالات منجی اولشدی . ارباب وظائفه ، طلبة علومه ، محتاجینه ویریلن فدوله لر ، یملکر غیر قابل اکل برحاله کلشدی . خدمه اکل صالحو اولیان شیلری آلفدن ایسه بدلارینی استیفا ایتکی ترجیح ایدیورلردی . بو حال ایسه عمارت زرده منفعت شخصیله ری تأمینه چالیشانلرک ده زیاذه ایشلرینه کایوردی . چونکه خدمه نك طعامی ایچون خزینة اوقافک عماراته صرف ایتدیکی بزه نك انجق نصفی بلمکده ثلث بدل اوله رق خدمه نك الیه کچه رک اوست طرفی منفعت پرستانک کیسه لرینه کیریوردی . عمارتلردن طلبة علومه ویریلن شیلرده عین حالده ایدی . بناء علیه هم خزینة اوقافدن مدارس نامنه عمارتلره صرف ایدیلن مبالغک محتکرلر الیه کچمسنه مانع همده طلبة علومک

تأمین معیشتنه مدار اولق اوزره عمارتلردن ویریلن فدوله و سائره رینه طلبیه برهقدار ایجه اعطاسنه باشلاندی . عمارتلردن واقین کرامک شرط انسانیت پروریلری نسبتنده فقراده استفاده ایده میوردی . طلبه علومه و دعا کوی فدوله لرینه عائد مشغولیتلرندن استغنا حاصل اولان عمارتلرده کی سوءاستعمالاته نهمایت ویرلک مقتضی ایدی . ۱۹ ربیع الآخر ۱۳۲۹ و ۶ نisan ۱۳۲۷ تاریخلی قانون ایله بری استانبوله دیکری اسکدارده فقرایه مخصوص اولق اوزره ایکی عمارتدن ماعداسی الغا اولندی . عمارتلردن فدوله و معینات آلان ارباب جهات وظیفه لرینه معینات بدلی اوله رق ضائم اجرا ایدیلوب متکررله اوغراشمیدن قورتلریش و فقرایه مخصوص اولان ایکی عمارت حسن اداره اولنجه باشلاندی . تصرفی تأمین ایدیلن مبالغده شروط واقفه نظراً التوافق کوریلن طلبه علومه تخصیص ایدلشدی .

ضمائم

معاملات اوقافک اصلاحی ایمون واقع اولان تشیبات نتیجه سنده واردات اوقافک تزیادی نسبتنده عموم ارباب جهات وظائفنک حد کفایه به ابلاغه مدار اولق اوزره سنین متعدده بودجه لرینه ضائم قارشایی قولیش اولنجه برابر قبله کاه عامه مسلمین اولان کعبه معظمه ایله حرم ملائک خدم حضرت سیدالمرساینده خدمتله وایه مند مسعدت بولان ارباب جهات وظائفنه ضائم اجرا قلندق اوزره (۲۰۰۰) ایرانک صرفنه ۹ جمادی الاولی ۱۳۲۹ و ۲۵ Nisan ۱۳۲۷ تاریخلی قانونله مأذونیت استحصال ایدلشدی .

مکتب اوقاف

معاملات اوقافک ایجابات جلیله شرعیه و احکام موضوعه قانونیه دائره سنده حسن تمشیق ایمون مستخدمینک سویه عرفانلرینی یوکسکتمک و یکیدن مقتدر مأمور بتشدیرمک اوزره ۱۱ جمادی الاولی ۱۳۲۹ و ۲۷ Nisan ۱۳۲۷ تاریخلی قانونله مکتب اوقاف تأسیس اولنشدی .

مستغنی عنها اوقاف

مستغنی عنها اولان و خراب بولان مبانی وقفیه ایله وقف عرصه لر نقد ایله استبدال ایدیلدرک یکیدن مؤسسات خیریه و علیه انشاسی و مصارف دائمه لری ۳ جمادی الآخره ۱۳۲۹ و ۱۹ مایس ۱۳۲۷ تاریخلی قانون ایله تحت تأمین آلدلشدی .

توجیه جهات

تدقیقات و ملاحظات عمیقہ اوزرینہ تنظیم اولنوب مرعیت احکامہ
۲ رمضان ۱۳۳۱ و ۲۳ تموز ۱۳۲۹ تاریخندہ ارادہ سنیہ حضرت خلافتناہی
شرفعلی بیوریلان توجیه جهات نظامنامہ سیلادہ جهاتک اهلنہ توجیهی و معاملات
توجیهیہ نک طرز سالمده جریانی اسبابنہ توسل ایدلمشدر .

مدرسة الواعظین

احکام عالیہ قرآنیہ و سنت سنیہ نبویہ دائرہ سندہ مواعظ حسنہ اجتماعیہ
اجراسیلہ دین مبین اسلامک مؤسس مدنیت و فضیلت اولدیفنی جهان انسانیتہ
نشر ایدہ بیلہ جک ارباب کمال یتشدیرمک اوزرہ ۲۳ ربیع الاول ۱۳۳۲ و ۶
شباط ۱۳۲۹ تاریخلی نظامنامہ ایلہ (مدرسة الواعظین) تأسیس قلمشدر .

اوقاف اسلامیہ موزہ سی

آثار قدیمہ نادرہ و نفیسہ اسلامیہ ضیاعدن صیانت ایدلمک وارباب
عرفانک انظار تقدیر و استفادہ سندہ وضع اولتی اوزرہ (اوقاف اسلامیہ
موزہ سی) تأسیس وادامہ انتظامی و استحصال ترقیاتی ایچون ارباب اختصاصدن
مرکباً - صورت قخریہ ده - بر مجلس اداره تشکیل اولمشدر . [۱]

[۱] مشارالیه خیری افندی حضرتلری جانبندن موزہ سی تأسیسہ مأبور
ایدیلن شورای دولت اعضالغندن متقاعد کچه جی زاده رشاد نؤاد ، شهر امین
اسبقی و استانبول مہوئی عصمت ، دیوان محاسبات رئیس ثانسی ارمناق ،
ولایات نمازہ و مختارہ قلمی مدیری ابن الامین محمود کمال ، معارف نظارتی
تألیف و ترجمہ دائرہ سی اعضاسندن محمد ضیا و موزہ مدیرتہ تعین اولان
احمد حق بکمر ، آلبرجہ مباتی و قفیه بی دور و تدقیق و آثار و اشپای نفیسہ
جمع ایدرک سلیمانیه عمارتی - اصول قفیسہ موافق صورتده - جسیم برہوزہ
حالتہ افراغ و مکمل برتعلی نامہ تنظیم ایتلمشدر . ۱ جمادی الاخرہ ۱۳۳۲ ده
[۱۴ نیسان ۱۳۳۰] رسم کشادی اجرا ایدلمشدر . الیوم مجلس اداره ریاستده
مشارالیه رشاد نؤاد بک و اعضالغندہ ذوات مشارالیم بولمقدود هفته ده بر کرہ
موزہ داخلندہ اجتماع ایلہ مجلسہ تبلیغ اولنان خصوصاتی تدقیق و مذاکرہ
ایتکده درلر . ایام اخیرده عدلیہ نظارتی هیئت تفتیشیه رئیس علی باش همپا
بکده اعضالغہ تعین قلمشدر .

هیت فیه

صنایع هندسیه نك معمارلق ، الكتریق وصو مهندسلکی كبی مختلف اقسامنده صاحب اختصاص ذواتدن مركب مركزه بر هیئت فیه تشكیل ایدلدیكی كبی طشرده انشآت و تعمیرات وقفیه ایچون آیریجه هیئت فیه لر تشكیل قلمشدر .

تعمیرات

مركزه قیمت و اهمیت تاریخیه و معماریه یی حائز مبانی خیریه نك قیمت معماریه لرینه خلل كتیریلره رك شدیدی به قدر تعمیر نامیله ایدیلن خطیشاتك تصحیحی ایچون مساعی جدیده بولنامشدر كه یكی جامع ، سلطان احمد ، قلیچ علی پاشا ، شهید محمد پاشا، ادرنده سلطان سلیم ، بازیدثانی، قونیده سلطان سلیم جامع شریفلری ایله درگاه حضرت مولانا ومدارس عالیه اهمیت تاریخیه و معماریه لری ایله متناسب صورتده تعمیر ایدلمشدر .

برنجی وقف خان

اوروزدی باق قارشیشنده کی وانی افندی مدرسه سی وزینب سلطان جامع شریفی قربنده مجدداً انشا اولمشدر. متعدد مغازه لری و ۴۰ اوطه یی محویدر.

ایکنجی وقف خان

سلطان حمامنده خراب چشمه و خزینه علی ایله اتصانده کی وقف عرصه اوزرینه انشا ایدلمشدر. بودروملی متعدد مغازه لری و (۲۴) اوطه سی واردر.

اوچنجی وقف خان

بك اوغلنده آغا حمامنده تماماً منهدم اولان قول اوغلی جامع شریفنه بدل بوستانجیده مجدداً برجامع انشا اولنهرق برینه (اوچنجی وقف خان) بایلمشدر. آلتنده ایکی مغازه یی و اوستنده چاشیرلق، مطبخ، بانو کبی هر درلو مشتملاتی ویوک، كوچك آپارتمانی حاویدر .

دردنجی وقف خان

۱۹ ربیع الآخر ۱۳۲۹ تاریخی قانون ایله الغا اولوب یرلرینه وقف ایچون تأمین واردات ایدله جك عقارات تأسیس ایدله ییله جك اولان عمارتخانه لر دن حمیده عمارتی علیه (دردنجی وقف خان) انشا ایدلمکده در . آلت قانده برکچید ایله متعدد مغازه لری و فوقانی (۱۷۵) اوطه یی احتوا ایمکده در .

طلبه یوردی - بشنجی وقف خان

بر بودروم ایله برزمین اوچ فوقانی قاتدن مرکبدر. قونفرانس سالوتی، کتبخانه، حمام و (۱۰۰) طلبه استیغانه کافی اوطه لری و آیریجه اداره خانه یی و تفرعات سائرهی شامل اولق اوزره شهرزاده باشنده وقف عرصه یه انشا ایدلکه باشلائمش و حال حاضر دن طولای انشا آت شم دیك تعطیل قلمشدر.

مدرسة القضاء

سلیمانیه جامع شریفی اوکنده کی عتیق معلمخانه نواب خراب و طلبه یی استیغابه غیر کافی اولدیغندن بایزیده قبودان ابراهیم پاشا جامع شریفی اتصالده کی وقف عرصه یه (مدرسة القضاء) انشا ایدلشدر. مصارف انشائییه، قالدورفرله برابر (۱۱,۰۰۰) لیرادر. بر بودروم قاتی ایله اوچ قاتدن مرکب و بش درسخانه ایله اجتماع سالوتی، طعماخانه و تنفسخانه یی و هیئت اداره یه عائد متعدد اوطه لری مشتملدر.

بوستانجی مکتب ابتدائیی

بالچه قیوسنده کاش سلطان عبدالحمید اول حضرتلری عمارتنک یرینه دردنجی وقف خان انشایی حسیه سرکه چی جهت کوشه سننده کی سبیل ایله فوقانی مکتبکده قالدیرلسنه لزوم کورلمش، بونلردن سبیل زینب سلطان جامع شریفی کوشه سنه عیناً نقل و مکتبده بوستانجی قریه سنده مجدداً انشا ایدلشدر. مکتبک مع تفرعات مصارف انشائییه سی (۳,۶۶۰) لیرادر. بش درسخانه ایله اوچ اوطه، بر تنفسخانه دن مرکبدر.

بوستانجی جامعی

بك اوغلنده آغا حسانده مدرس قول اوغلی جامعك عرصه سنه اوچنجی وقف خان و جامع شریفه احتیاجی بولنان بوستانجی قریه سنده سلطان عبدالحمید اول حضرتلری مکتبی اتصاله مجدداً قبه لی بر جامع شریف انشا ایدلشدر. مصارف انشائییه (۴,۵۲۰) لیرادر. اوچ قبه لی صوك جماعت محلی واردر.

مقری کوی جامعی

مقری کویده ده قبه لی بر جامع شریف انشا اولتمده در.

قر خاتون جامی

سلطان سلیم ثالث حضرتلرینک دایه لری قر خاتون طرفندن بک اوغلنده انشا ایتدیرلش اولان جا هک اوجوارده کی آپارتمانلر آردسند خراب و متروک بر حالده قالسی موافق کورلیه رک مجدداً انشا ایدلشد . مصارف انشائیة (۲,۸۴۰) لیرادر .

بیک جامی

بوغاز ایچنده بیکده سلطان احمد ثالث حضرتلرینک اختاب جامع شریفی فوق العاده خراب اولدیغندن علانده مجدداً کارکیر و قبلی اوله رق انشا ایدلشد . مصارف انشائیة - ریختم و سائر تفرعاتی داخل اولقسزین - (۴,۶۷۶) لیرادر .

سلطان عبدالحمید اول مدرسه سی

سلطان عبدالحمید اول حضرتلرینک باغچه قیوسنده کی مدرسه سی ایله کتبخانه سی سلطان سلیم عمارتی عرصه سنه مجدداً انشا ایدلشد . مصارف انشائیة مع تفرعات (۱۶,۰۰۰) لیرادر . بنا اوچ قات ایله بر بودروم قاتندن مرکبدر . بودروم قاتنده مطبخ، طعمخانه ایله حمام و سائره ، دیگر قاتلرده درسخانه لر ایله متعدد اوطه لر وارددر . کتبخانه ، بیوک سالون ایله متعدد اوطه لردن مرکبدر .

اسکدارده آیازمه مکتبی

سلطان مصطفی ثالث حضرتلرینک اسکدارده کائن اختاب مکتبی خراب، علی الخصوص احتیاجه غیر کافی بولنسی حسیله مجدداً و کارکیر اوله رق انشا ایدلشد . مصارف انشائیة (۵,۰۰۰) لیرادر . بومیلغمدافعه ملیه جمعیتی طرفندن ویرلشددر . مکتب اوچ قاتدر . آلتی درسخانه ایله هیئت اداره یه عائد اوطه لری و تنفسخانه و طعمخانه بی حاویدر .

کوزتپه مکتب ابتدائیی

کوزتپه ده بر مکتب انشاسنه مباشرت اولنشددر . بدل حاله اولان (۵,۲۵۰) لیرا مدافعه ملیه جمعیتی طرفندن ویرلشددر . بومکتب دیگرلردن بیوکدر . اوچ کارکیر قات اوزرینه در . یدی درسخانه ایله متعدد اوطه لری و طعمخانه و تنفسخانه سی وارددر .

فاتح جامع شریفنك الكثریقله تنویری

فاتح جامع شریفنك مناره لريله داخلی — ایلک دفعه اوله رق — الكثریق ايله تنویر ایدلشدرد . جامعك طرز معماریسى ايله صور تزینییه سنه خلل کتیرله مش اولیق ایچون جریان الكثریق تللر ايله قدیم قندیلار دروننه موضوع لامبه لره ایصال اولمشدرد . مصارفات تأسیسیه و تجهیزیه (۸۷۳) لیرادر .

محمود شوکت پاشا تربه سی

صدرا سبق شهید عمود شوکت پاشانك شیشیلیده حریت ابدیه تپه سنده کی قبرینه برتر به انشا ایدلشدرد .

فتحیه مدرسه سی

فتحیه جامع شرینی حریمه صدر اعظم سنان پاشا مرحوم طرفندن انشا ایتدیریلن مدرسه فوق العاده خراب اولسی حسینله (۵۰۰۰) لیرا صرف ایدیلدرک برقات اوزرینه اون ایکی اوطه ايله حمام و مطبخ و مشتملات سائره یی حاوی اوله رق مجدداً انشا ایدلشدرد .

مدرسه الخطاطین

صانع نفیسه اسلامیه نك الكبارك و محترملرندن اولان خطوط متنوعه نك و صنعت تذهیب و تجلیدك احیایی متصدیلله باب عالی جوارنده — وقتيله خواجه تحسین مرحومك دارالعلم اتخاذا الیدیکی — وقف کارگیر مکتب تعمیر و تجدید ايله (مدرسه الخطاطین) تأسیس واهـ ماهر خطاطین و مذهبین معلم تعیین اولمشدرد . مدرسه نك ترقیاتی تأمین ایدلك اوزره اداره سی ، اوقاف اسلامیه موزه سی مدیریتله ، وزه اداره مجلسنه تودیع قلمشدرد .

غربای مسلمین خسته خانه سی

بزم عالم والده سلطان حضر ترینك یکی باغچه ده احیا کرده سی اولان غربای مسلمین خسته خانه سنك طباً دهـ مساعد بره وقعه ترقیات حاضره فنییه توفیقاً انشاسی تنسیب اوله رق بروزی شهرامینی ترا دوای یولنه ناظر بارونجی بوستانى نامه له معروف بوستان ، والده مشار الیها وقفی نامه صانون آلدنیکی کی جوارنده کی خانه لردن قسم اعظمی بالاستملاك یکی خسته خانه انشا ایدلشدرد . عرصه نك ترا دوای یولنه ناظر برنجی سوبه سنده برادره خانه بناسی ، ایکنجی سوبه ده امراض داخله نك تداو یسنه مخصوص بش بویون ايله بر عملیات جراحیه

دائره سی برده حمام ، اوچنچی سو به ده امراض ساریه بناسی ایله موتی خانه ، مطبخ ، چاشیرخانه ایله ماکنه دائره سی واردر .

ایکینچی سو به ده بولسان دواثر بربرینه بررقائی کجیدلر ایله برلشدیرلدیکی کبی هر سو به دخی آراه لرك مرورینه مساعد میلده یولار ایله برلشدیرلشدیر . اداره خانه بناسی بر بودوروم ایله تمام ایکی قات و قسماً چائی آره سی قاتندن مرکبدر . آلت قاتده خسته لرك بدایه معاینه سی وایجابنده برمدت یاعسی ایچون بردائره بی ، اطباءیه مخصوص دواثری ، هیئت اداره به عا ئدا و طه لری ، اجزاخانه بی قونفرانس سالوننده ، خسته باقیجی قادینلر یتشدیرمک ایچون اوزون بردائره بی ، طبائک یتاق او طه لری و تفرعات سائره بی مشتملدر .

خسته بایوینلری : هر قاتده صره ایله اون بش یتاقلق خسته قغوشنی ، تنفس واستراحت سالونلری و خللاله بانو مللری ، اطباءیه و خسته باقیجیلره مخصوص او طه لری ، صو ویک ایستق ایچون کوچک مطبخی متویدر . عملیات جراحیه بناسی : کوچک و بیوک عملیات سالونلری و تفرعاتی شاملدر .

حمام دائره سی : صوابله تدای ایچون لازم کلن ترتیبات و اقسامی ، بخاری صیجاق حاملری ، قوم و الکتریق بانو لری و استراحت و اوغوشدیرمه محالری حاویدر . بو خسته خانه (۳۰۰) یتاقلقدیر . مصارف انشائییه (۱۳۲،۰۰۰) لیرادر .

الکتریقی تراموای

اسکدار - قسقلی - علم طانغی الکتریقی تراموای خطنک اسکدار - قیسقلی قسمنک تسویه ترابه سیله رای فرشی ، یولارک قسماً منتظم طاش ایله ، قسماً شوسه اوله رق انشایی ختام بولشدیر . مصارف (۳۵،۰۰۰) لیرادر . تراموا یلک ایتمه سنه عا ئد ماکنه لرك وضی ایچون ده (۷،۵۰۰) لیرا صرفیله اسکدار ده سلامه سزده کی وقف عرصه به برقا بریقه دائره سی انشا اولمشدیر . الکتریق ماکنه لر یله تللر ، دیرکلر ، آراه لر ، تفرعات سائره (۴۶،۵۰۰) لیرابه المانیاده کی (برغمان) الکتریق شرکتنه و آراه لرك محافظه و تعمیرینه عا ئد دمیر آراه لقی بناسنک دمیر اقسامی (۵،۵۷۵) و کارگیر اقسامی ده (۵،۵۰۰) لیرابه احاله ایدلشدیر .

مؤسسات علمییه و فقیه

اسلاف کرامک شایان تجیل بر فکر عرفان پروری ایله انشا و وقف ایتدکلری مکتبلرک احوال حاضره سی سزاوار تأمل اولدیفندن اوقاف نظارتی

تشکیلاتی حاوی ۷ تنوز ۱۳۲۸ تاریخلی نظامنامه نك ۱۸ نجی ماده سی موجبجه مؤسسات علمیة و قییه اداره سی تشکیل اولمشدر . محصصات و تعمیرات اعتباریله اوقاف نظارته ، تدریسات و تفتیشات جهتیله معارف نظارته مربوط اولان معاملاتک تأمین وحدت و سلامتی ضمننده ایکی نظارت مأموریتدن منتجب قومیسونجه ۱۳ مایس ۱۳۲۹ تاریخده عقد اولنان مقاوله یه توفیقاً بناسی بالنسبه مساعد اولان سلطان احمدده جورى قالفه اثاث مکتبی کی سکز مکتب طلب وقوعده اعاده قلنق شرطیله موقتاً جهت معارفده ایبقا اولنهرق (۲۴۲) مکتب ایله بایزید کتبخانه عومیسندن ماعدا کتبخانه لرك اداره سی تماماً جانب وقفه رد و تودیع ایدلشدر . مکاتب مذکور بئالردن قسم اعظمی شرائط حفظ الصحه یه کلیاً مایر وعمومنده نظافت وانتظام مقفود اولدینی کی معلمینک اکثری وظیفه تعلیمی ایفا ایدمه یه چک درجه ده سن بری یه واصل یاخود سلك تعلیم تربیه ده راجل بولدیغدن تدابیر لازمه اتخاذا اولمشدر .

یکی بنالر وجوده کلنجه به قدر برودت . وقته ایچون ۱-۴ درسخانه لی مکتب حالنده بقاسی ممکن اولان (۱۹) مکتب توسیعاً و تعدیلاً تعمیر و ترمیم ایله هر درلو لوازم تدریسیه وسائر تماماً تدارک و معلمری تنسیق و تنجید ایدلشدر . بیوک الی درسخانه بی، اداره و علم اوپه لرینی، ایش، طعام، تنفس سالونلرینی و تفرعات سائر هی جامع اولق اوزره بوستانچیده سلطان عبدالحمیدخان اول، اسکدارده آایزمه ده سلطان مصطفای ثالث مکتب لری کی مکمل مکتبلر انشا و کشاد اولمشدر . محل صحت اولمسندن طولانی سد ایدیلن کهنه مکتبلرک طلبه سی ایچون مکاتب جدیده انشا ایدیلنجه به قدر ایکی اوچ سنه تطمین احتیاج ایتمک اوزره ذکور واثانه مخصوص اولهرق شرائط کافیه بی حائز واسع باغچه لری محوی قوناقلر تدارک ایدیلوب تعدیلات و تعمیراتی اجرا قلمشدر .

کتبخانه لر

درسعادته درت بش یوزبیک جلد آثار ی محوی بیوک برکتبخانه وجوده کتیرلک اوزره مناسب برعمده هروجه ایله مکمل برنا یاپلمسی مقرر اولغله اوزمانه قدر احتیاجی تأمین ایتمک ورطوبتلی ضیادن محروم بعض کتبخانه لرده چورومکده وقورونلمقده اولان آثار اسلافی ضیاعدن قورتارمق اوزره برقچ کتبخانه نك تعمیر ایله اورایه نقل اولنسی و بوکتبخانه لرك تنظیمی ایله ارباب مطالعه نك استراحتلرینی تأمین ایدمه چک صورتده تفریش و الکتریکله تنور ایدلمسی و بونلردن هربری بر ، ایکی شعبه عالییه تخصیص اولنهرق اوشعبه لره عائد کتابلری کاملاً وعلوم سائر هیه دائر کتابلرک مکرراتدن برر نسخه سنی

احتوا ایلمسی اساساری قبول ایدیلوب بوکا کوره تفریق و تعمیر اولنان راغب پاشا کتبخانهسی علوم ادبیه ، نورعثمانی کتبخانهسی علوم تاریخیه ، کوپرلی محمد پاشا کتبخانهسی فنون ریاضیه وطبیعه وسائریه ، حکیم اوغلی علی پاشا ، مراد ملا ، فاح کتبخانهلری تفسیر وحديث شریف وفقه وسائر علوم شرعیه به تخصیص اولمشدر . حمیدیه کتبخانهسی مقامنه سلطان سلیم جامی حریمده ومدرسه اتصالده مجدداً انما اولنان ایکی قاتلی بیوک کتبخانهک برقمینه سانف لدر علوم شرعیه دن کتابار وبرقمینه کچن سنه روسیه دن جلب ایدیلن وترک وشرق اقوامت لسان ، ادبیات ، تاریخ ، جغرافیا ، انتوغرافاسنه ، الحاصل شرق مدنیتنه دائر معلوماتی احتوا ایدن وروس ، آلمان ، هولاندا ، فینلندا ، انگلیز ، فرانسه وسائر لسانلر ایله محرر بولنان بیک پارچه یی متجاوز آثار وضع ایدلمشدر .

اوقاف اسلامیه مطبعهسی

شهزاده باشنده وفاجاده سنده کائن تابخانه مدرسهسی تعدیلاً تعمیر ایدیلهرک ۱۹ مارت ۱۳۳۲ ده (اوقاف اسلامیه مطبعهسی) نامیه مکمل برمطبعه تأسیس اولمشدر . صورت نفیسه ده آثار متعدده نمثیل ایدلرکی کبی احمد بن علی الرازی حضر تریک (احکام القرآن) عنوانی تفسیری ده طبع اولمقده در .

§

« اوقاف هایون نظارتک تاریخچه تشکیلاتی و نظارک تراجم احوالی » نامنده کی بوائر ، مشار الیهک زمان نظارتنده — برکونه مصرفه لزوم کوسترلمکسزین — تحریر ایدلمش و اوقاف اسلامیه مطبعه سنده طبع اولمشدر .

§

خیری اقدی حضرتلری ، ایلاک دفعه اوقاف هایون نظارتنه تعیننده نظارتک شامل اولدینی اشکال ونقاط حقنده اکابر قدامی رجا لدن بعض ذواته مراجعتله مطالعه لرینی استفسار ومتصف اولدینی خصیصه قدرشناسی بی بو صورتلده اظهار ایلش وشفاهاً و تحریراً بیان ایدیلن ملاحظاتدن استفاده ایتمشدر . بو جهلده اولمق اوزره صدر اسبق سعید پاشا مرحومک ویانه دن کوندردیکی جوابنامهک صورتی درج اولندی :

اوقاف هایون نظارت جلیله سنه

دولتو اقدم حضرتاری

۱۸ جادی الاخره ۱۳۲۹ و ۲ حزیران ۳۲۷ تاریخی تحریرات دولتلری
ویانه ده بولندیم حالده اخذ ایله مفتخرتیب اولدم . مفاد معنوسی حتمه
بیدریغ بیوریلان توجه و اخلاص صمیعی عالیترینه برهان اولقله اول باول
تشکراتک قبولی رجا ایدرم .

قانون اساسینک یوز اون برنجی ماده سی موجبجه هر قضاده جماعت
مجلسلری تشکیل اولسنه بوحال معاملات وقفه اسلامیته مرکزیت اصولندن
تجربیدی موجب اوله جخندن و برده اوقاف نظارتده بولنه جق ذواتک وظیفه
اصیلرینک سیاسیات عمومیه و کلاهی پکده تعلق ایدمه مامسی وقایتنه ایله برابر
تبدیلرینه عمل بولنمهمسی . ملاحظه لرینه مقابل هیئت و کلاهی داخل اولما لرنده
حقوق اوقافک صیانتنه متعلق مساعینک شیمدیکی کبی مشر اوله مامسی محذوری
ملحوظ بولندیندن محفوظیت مقصده عائد تصورات علیه لرینک بیانیه اویولده کی
ملاحظات عاجزانه اسفسار بیوریلور . معلوم عالیلری اولدینی اوزره حقوق
سیاسیه لرینه مالک اولان ملترده بالذات اداره امور حق و وجود و حاکمیت ملیه
قاعده سی دخی بوکا مستند اولوب یالکیز بالنفس اداره سی قابل اولیان امور علی
طریق الذیابه منتخب و یا منصوب بولان ذواته مودوع و تصرفات و معاملات سائر
ایسه بالذات علاقه دارانه عائددر . بی نوعنه معاونت ایچون طرق مخالفه دن
هانکیسی ایسترایسه آتی انتخاب ایتمکده واعانانک امراداروسنی ایجابی حالنده
مناسب کوره جکی واسطه یه تودیع ایلمکده مادام که هرکسک حق وارددر ،
اداره اوقافده حکومتک توسطنی قبوله مجبوریت یوقدر . بوقاعده نک مسلم اولدینی
زمانلرده بیله بزده عصر سابق واسطنه قدر تولیتلری مقام سلطنته عائد
اولان اوقاف سلاطین مستننا اولق اوزره اوقاف سائرده اصحابنک وشروط
مخصوصه سنه کوره اداره سنده متولیلرینک مختاریت کامله لری وار ایدی .
شمی بقایاسنی کوردیکمز و معدوم و مشرف خراب اولانلرینه عین تأسفله
باقدیغمز انواع مؤسسات خیریه و مختاریت زمانلرنده وجوده کلش ایدی . اداره
حاضره اسلاف دولترلندن حبیب پاشا مرحومک عصری و کلاسنه قبول
ایتدیردیکی محدثانددر . برطرفدن قاعده و دیگر طرفدن اسلاف اوقافی صاحب
ومتولیلری اختیارلرینه ترک ایتلرنده کی فائده دوشونلیدیکی کبی بیان بیوریلان
مرکزیت اصولی که اوقافک اداره سنی ارکان حکومتدن بر نظارتک اداره سنده
جمع ایتمکدر ، بوکا لزوم کورنمبوب غایبی قانون اساسیده مسطور اولدینی اوزره

وقف ایشلارینی جماعت مجلسلرینه ویرمک لازم کلیور . لکن ازمته ماضیده تکثیر اوقافده اصول مصادره‌نک و اموال وقفیه یی مستقیمانه ادارهده محاسن اخلاق تأثیرات عظیمه‌سی وار ایدی . مصادره‌نک مرفوعیتی تأسیسات وقفیه فکریلرینی تحدید ایتیش و تحویل اخلاق ایسه متوالیرجه سوء استعمالاتی منتج اولمشدر . برده اوقافک مشروط لهرلی احتیاجات اجتماعیه یه تابع اولغله وقتیه مفید اولان بر وقف فی زماننا ابنای نوعک احتیاجاتنه یا هیچ خدمت ایده‌من یاخود فائده‌سی بک محدود قالیر . بونلر تأمل اولنورسه اولا ارباب خیر و حسنات فکریلرینک نشریات و تلتقینات مناسبه‌ایله جمعیت ملیه‌من ایچون احتیاجات عصره موافق اوله‌جق تخصیصات وقفیه‌یه آلیشدیراسی ، ثانیاً متوالیلرک سوء استعمالدن منعلری ، ثالثاً کرک یا تختده کرک ولایتلرده مبانی وقفیه رسم و پلانلرینک رؤیت و تدقیقیه معمارلرمنک اکثرنده کوریلان اجتهادات سقیمه یه بدل فته مستند و مقبول اولان طرز معماریه کوره بنالریایدیرلسی و تعمیراتک اصلارله متناسب بولمسی ، رابعاً مصارف کشفیه‌نک تدقیقیه عندالازوم تعدیلی خصوصلرینه و خصوصات سائرهمه مرجع اولق اوزره اوقاف نظارتک ابقاسی فکرینه اشتراک ایدرم . فقط ولایتلرده اوقاف مدیرلرینک نظارته واسطه‌منفردة اجرائیه اولملرندن ایسه یالکیز والی و یاخود والی و متصرف مرکز لرنددکل هر قضاده برر جماعت اسلامیه مجلسی تشکیل اولنسه هم هر عایده اوقافک حسن اداره‌سی دها زیاده تأمین اولمش همده قانون اساسینک بوکا متعلق احکامی بلا استثنا انفاذ اولمش اولور . بو مجلسلرک اعضاسنی ایسه ایکنجی درجهده بر انتخابله تعیین ایتک لازم کلیور ظنده‌یم . اوقاف نظارتنده بولنه‌جق ذاتک هیئت وکلایه داخل اولسی خصوصنده بیان بیوریلان اسباب شایان تسلیمدر . خصوصاً اوقافه دائر اولان لوائع قانونیه‌یی مجلس مبعوثان و اعیانده مدافعه ایده‌جک ذات قایمیه اعضاسندن بولنورسه حسبالحال تأثیری بشقه اولور . سائر حکومت مشروطه‌ده مؤسسات خیریه دوائر بلدییه‌نک و وجوه بره عائد خصوصات داخلیه نظارتنده بولنان معاونات عمومیه مدیرینک اداره‌سند بولنورلر . آثار عتیقه نفیسه که معابد مشهوره ایله قیمت فنیه و تاریخیلری اولان مراقد و سائر مبانی او نوعندرلر ، آتیلده صنایع نفیسه نظارتنده درلر . اگر دول مشروطه‌ده تأسیسات خیریه ایچون هیئت وکلایه داخل برناظر مخصوص موجود اولماسی بزده اوقاف نظارتی قایمیه ارکانندن عد ایتکه مانع کوریلور ایسه اوقاف نظارتک دیگر بر نظارتی دخی درعهده ایتیمی قابلدیر . شو صورتله که اداره مذهبییه بعضی محکمترلرده دخی امثال اولدینی کی اداره عدلیه دن تفریق ایدیلرک

مذاهب نظارتی و یا خود ممالک عثمانیه در اراضینک قسم اعظمی اراضی موقوفه بولنسی مدار مناسبت اتخاذ قلنه رقی دفتر خاقانی نظارتی اوقاف نظارتی ایله برلشد بریله بیلور . تحریرات علیه لرندن تشکیلات لازمه ایچون بر قانون لایحه سی قنیه آلتئمده اولدیغنی آکلادم . شعار مهماندانی سامیلری اقتضاسیجه بولایجه نیک مکملیتنده و اوقافک حسن حاله تحویلله کفایتده شبهه انجیکمدن تشکیل بخشنده تفصیلاته لزوم کورمدم . یالکز مساعده علیه لرله ایکی شی اخطار ایده حکم . بودفه صربستاندن کچرکن نیشده انجق ایکی مناره مشاهده اولدی . حال بوکه اوراده وقتیله بر چوق جامع وار ایدی . صوفیه ده ایسه قره مصطفی پاشا جامی اهل اسلام لندن آلمش ومعابد سائر اسلامیه معدوم حکمنه کیرمشد . بو حاللرک موجب اصلیبسی اورالرده انحلال حکومت اسلامیه ایسه ده ذکر اولنان محالرده ایوم ساکن بولنان اهل اسلامک اوقاف ملیه لرینی محافظه ده قهر همت ایله کیری ده محل شبهه دکلدر . بحیا بزمله علاقه حکومتلری قالمش اولان محالرده معابد ومساجد اسلامیه یی تعدی واهالندن قورتارمق ایچون بر چاره بولنه مازمی ؟ بوسنه و هر سیک ایچون بین الدولتین یاپیلان مقاوله یه شعائر اسلامیه نیک محافظه سی واهالینک ملی برپوشمز اولان فس کیمه لری ایچون بعض قیود ادخال ایتمشدی . مجارستان وویانه ده بوسنه اها لیسندن اولان عسکرلری هپ فسل کوردم . دینک که اوستریا الحاقدن صکرده ده حکم مقاوله یه رعایت ایدیور لکن بلغارستان جماعت اسلامیه سنه مخصوص ومقام مشیخت اسلامیه نیک اورالرده نفوذ وصلاحیتی مبین اولمق اوزره ینه وقتیله قبول ایتمیریلن عادات ونظامات شمندی مبطل وجوامع ومساجد دخی بو عطالته داخل ایمش . بیلیم که اوعادات ونظاماتک اعاده سنه امکان حالی وارمیدر . وار ایسه علاقه دار اولان زفقای فخالمله بالذاکره بر چاره بولنسی هم علیه لرینه منوطدر . تحیات توقیریه مک بیانی وملتزم اولان توجه عالیلرینک رجای استمراری ایله ختم مقال ایدیورم امر و اراده حضرت من له الامر کدر .

ل ۲۶ جمادی الاخره سنه ۱۲۸۹ و ل ۱۱ حذیران سنه ۱۲۸۷

ویانه دن مجلس اعیان رئیس

سعید



ابراهيم خير الله بك

« وكيل »

مقدمه ابن خلدون مترجمی شیخ الاسلام اسبق پیری زاده محمد صاحب افندی احفادندن شیخ الاسلام اسبق محمد صاحب منلا بك افندینك اوغلیدر .
محرم ۱۲۷۶ ده در سعا .
دنده طوغدی .



صورت خصوصیه ده
و مكاتب رسمیه ده
مقدمات علومى تحصیل
ایتد کدن صکره مکتب
حقوقه دوام و ۳ صفر
۱۳۰۶ ده اعلى درجه ده
مأذونیت رؤسى اخذ
ایلدی .

۱۳۰۰ سنه هجریه -

سنده محکمه تمیز حقوق

دائرة مى ضبط کتابته

فخریاً تعیین و اشباط ۱۳۰۱ ده (۵۰) غروش معاشله توظیف اولندی .
۲۲ ایلول ۱۳۰۴ ده باش مدعى عمومىك هیئت معاونه سى رفاقنه ، ۱۷
كانون اول ۱۳۰۶ ده مذکور مدعى عمومىك قلمى باش میز لکنه ،
۲۹ كانون اول ۱۳۰۷ ده باش مدعى عمومىك معاون لکنه تعیین قلندی .

۷ ذی الحجه ۱۲۸۵ ده توجیه اولنان بابتداء خارج استانبول مدرسلکی رؤسی ۹ ذی الحجه ۱۳۰۷ ده موصله سلیمانیه راده سنه واصل اولدی .

۲۸ کانون ثانی ۱۳۱۲ ده بك اوغلی بدایت محکمه سی اعضالغنه ، ۶ مارت ۱۳۱۵ ده عدلیه نظارتی حواله مدیریتنه وعلاوه تدقیق معاملات تفتیشیه قومیسونی ریاستنه ، ۲۸ مایس ۱۳۱۶ ده امور حقوقیه مدیریتنه ، ۲۸ کانون ثانی ۱۳۱۷ ده علاوه مکتب حقوقده متشکل هیئت میزه اعضالغنه نصب ایدلدی .

۲۴ تموز ۱۳۱۷ ده رتبه اولی صنف ثانیسی ، ۱۹ کانون اول ۱۳۱۹ ده رتبه اولی صنف اولی ، ۳ ربیع الاول ۱۳۱۸ ده اوچنجی رتبه عثمانی ، ۲۳ شعبان ۱۳۲۳ ده ایکنجی رتبه مجیدی نشانی ، ۲۳ مایس ۱۳۲۲ ده حجاز تیموریولی نیکل مدالیه سی توجیه اولندی .

۷ کانون ثانی ۱۳۲۲ ده درساعات استیناف حقوق دائره سی ریاستنه ، ۳۰ نیشان ۱۳۲۴ ده محکمه تمیز اعضالغنه ، ۳۰ نیشان ۱۳۲۵ ده — علاوه مأموریت اوله رق — شورای دولت رئیسک ریاستنده متشکل اختلاف مرجع انجمنی اعضالغنه تعیین قلندی .

۱۳۲۴ سنه سی مجلس مبعوثان اعضالغی ایچون اجرا اولنان انتخابده شهر امانتده متشکل هیئت تفتیشیه اعضالغیه ریاستنده بولندی .

۲ ایلول ۱۳۲۵ ده سلانیک والیلکنه تعیین ۱۸ جمادی الاخره ۱۳۲۹ ده برنجی رتبه مجیدی نشانی توجیه قلندی .

۱۷ کانون ثانی ۱۳۲۷ ده استانبول والیلکنه نقل و ۱۰ تشرین اول ۱۳۲۸ ده عزل ایدلدی برکون ولایت مشارالیه وکالتی ایفا ایدلدی .

۱۱ کانون ثانی ۱۳۲۸ ده عدلیه نظارتنه نصب اولندی . ۱۴ کانون ثانی ۱۳۲۸ دن ۱۵ نیشان ۱۳۲۹ تاریخنه قدر اوقاف هایون

نظارتی وکالة ایفا ایتدی . ۴ حزیران ۱۳۲۹ ده ابقاء عدلیه نظارتنه
تعیین قلندی . ۱۰ ایلول ۱۳۲۹ ده التون دونما مدالیه سی، ۲۴ تشرین
اول ۱۳۲۹ ده برنجی رتبه عثمانی نشانی احسان بیورلدی .

• ۱۵ مایس ۱۳۳۰ ده — علاوه و ثانیاً — شورای دولت
ریاستی وکالتنه ، ۲۰ نیشان ۱۳۳۲ ده اصالة ریاست مشار الیه ،
۲۶ نیشان ۱۳۳۲ ده — علاوه و ثانیاً — اوقاف هایون نظارتی وکالتنه
نصب ایدلدی .

۲۰ نیشان ۱۳۳۱ ده عهده سنه فخری سواری ملازم ثانلیکی
توجیه و ۱۰ اغستوس ۱۳۳۲ ده ملازم اوللکه ترفیع و حرب مدالیه سی
اعطا اولندی .

۱۱ ربیع الاخر ۱۳۳۵ (۲۲ کانون ثانی ۱۳۳۲) ده قابینه نك
تبدلنده شورای دولت ریاستیه اوقاف هایون نظارتی وکالتندن انفکاک
ایدرك مجلس اعیان اعضالغنه تعین قلندی .

§

مأمورین متعلقه طرفندن اعطا ایدیلن معلوماته نظراً مشار الیهك
زمان وکالتلرنده کی اجراءات بروجه آتیدر :

ابلك وکالتنده : مدینه منوره ده بر مدرسه کليه تأسيسی ایچون
نظام نامه تنظیم و اراده سنیه سی استحصال ایدلشد . نظام نامه یه توفیقاً قومیسون
مخصوص تشکیل و برده تعلیمات نامه ترتیب اوله رق نظارت هیئت فیه سنجه
تنظیم ایدیلن پلان موجبنجه انشاسی تقرر ایتشد . خیری افندی حضرتلرینک
زمان نظارتنده معار نراد بك وساطتیه انشاءآته مباشرتله بنانك برنجی قاتی
اکمال ایدیلهرک احوال حربیه سببیه انشاءات شمذیلک تعطیل اولنشد .

وقف کتبخانه لرك ترتیب و تصنیفی و بونلرك توحیدی ایله کتابلرك بریده
بولندیرلمسی و ارباب اختصاص و مطالعه نك مراجعتلرینک تسهیل ایدلمسی ایچون
برقومیسون تشکیلیه بر عمل مناسب تدارک اولنجه یه قدر کتابلرك موافق
کوریلن کتبخانه لره تودیبی قراراشدیریلهرق ترتیبات و تصنیفات خیری افندی

حضرتلری زماننده مباشرت ومؤخرأ میر مشارالیهك ایکنجی وکالتنده برطاقم مباینک استملاکیله سلیمانیه ثالث ورابع مدرسه لرینک کتبخانه حاله افرای اسبابنه مبادرت قلمشدر .

ایکنجی وکالتنده : فاتح جامع شرینی حولیسندہ کی محدث بنالرک رفعنه وتربه اطرافنک توسیع وتنظیمه مباشرت ایدلش وجامع شریف مدخلنده کی دکانلرده قالدیریلهرق تابخانه مدرسه سی میدانه چیقارلمشدر .

جوامع ومساجد خدمه سنک تنسیق وتصنیف ومعاشرینک تزییدی ایچون مقدا تشکیل ایدلش اولان قومیسونجه تنظیم اولنان اساسانه دائر شورای اوقافدن ویریلن قرار ، میر مشارالیهك ایکنجی وکالتنده بعض تعدیلاتله قبول وتصدیق اولنهرق اجرای ایجانه تشبث وخدمه معین برقادرویه ربط ایدلشدر .

منالقدم مصرده یاپلقده اولدینی حالده بعدازین مرکز خلافت سنیجه اعمال ایتدیرلسی مجلس وکلا قراری اقتضاسندن بولنان وخیری افندی حضرتلری زماننده اعمالنه مباشرت اولنان ستاره بیت مکرم میر مشارالیه زماننده اکمال وصره هایون امینته تودیع قلمشدر .

تعلیمات نامه موجبنجه ۱۳۳۲ سنه سی رمضان شریفنده برنجی دفعه اولهرق مدرسه الخطاطینده اوقاف اسلامیهموزه سی اداره مجلسی رئیس واعضاسنک نظارتیه - خطوط متنوعه سرکسی کشاد ایدلشدر [۱] .

خیری افندی حضرتلرینک زمان نظارتنده مدینه منوره یی زیارت ایدن حربیه ناظری وباش قوماندان وکیلی انورباشا حضرتلری طرفندن حرم شریف حضرت نبوی اطرافنک توسیمی حقنده واقع اولان اشعار اوزرینه نظارتجه انشآت مدیر عمومیمی معمار کمال الدین بک مدینه منوره یی اعزام ایدیلهرک میر مومی الیهک تنظیم الیدیکی راپور وپلان موجبنجه . ابراهیم بک افندی حضرتلرینک ایکنجی وکالتنده حرم شریف اطرافنده کی مباینک استملاکیله دائراً مادار توسیع وتنظیمه مباشرت اولمشدر .

میر مشارالیه بالذات بلده طاهره یی عزیمتله استملاکات وتوسعاتک تأمین حسن جریانته نظارتله حرم شریف داخلنده وحجره سعادتده موجود برطاقم فضله شیلر قالدیریلهرق تنظیم ایدلدیکی کبی جنت البقیعه اهل بیت حضراتیه حضرت عثمان رضی الله عنه تربته منیفه لری تزیین ایدلشدر .

[۱] میر مشارالیه ، مالک اولدینی مرقعات وقطعات والواح نفیسه یی سرکیده تشهره مساعده ایدلدیکی کبی مجلس اداره رئیس کیجی زاده رشاد فواد واعضادن ابوالامین محمودکمال بکار مرقفندزه بعض آثار وخطوط بدیعہ وضع وسرکینک تکملته خدمت ایدلشدر .

حرم شریفده هر نماز دن اول برر جزؤ قرآن کریم اوقویه رق آیده بش
ختم ایتمک اوزره بش حافظ تعین قلمشدر .
حرم شریف جناب نبویه کی خطبا ومؤذینک تنسیق حقنده بر نظام نامه
تنظیم ومدرسه کلیه نک شعبه سی اولق اوزره بر مدرسه الخطبا تأسیسه تشبث
وبلده طاهره نک صولرینک قواعد صحیه به موافق صورتده جریان ایچون بلانر
تنظیمه ابتدار اولمشدر .

§

خیری افندی حضر تلرینک زمان نظارنده تحریر ایدیلن بوائز
طبعه مشارالیه ابراهیم بک افندی حضر تلرینک زمان وکالنده مباشرت
ایدلمشدر .



موسی کاظم افندی

« وکیل »

ارضروم ولایتی داخلنده تورنوم قضااسنده ابراهیم افندینک
اوغلیدر . ۱۲۷۵ سنه هجریه سنده تورنومده طوغدی .

اوان صباوتنده

مقدمات علومى-فضل

و عرفانی او حوالیده

مشهوراولان-مشایخ

نفسبندیهدن شیخ

محمد افندی حضر-

تلرندن (۱) تحصیل


ایتدکدن صکره-

بالیکسریده مقیم-

عمجه سی احمدافندینک

نزدینه عزیمتله علمای

محلیده ن بانغیلرلی علی



لطفی افندیدن وذوات سائرهدن علم کلامه قدر اخذعلوم ایله دی .

۱۳۰۰ ده درسعاده کله رک حضور هایون مقررلرندن قاضیعسکر

اشرف افندینک درسنه دوام ایتدی . بر ایکی هفته صکره فاضل

مشهور خواجه حافظ شا کر افندینک زمره طلبانه الثحاق ایله

[۱] الیوم یوز یاشنده در.

شرح عقائدك ابتداسندن بدأ ايدرك ۱۳۰۸ ده علوم عاليه وآليه دن اجازت آلدی .

او سنه آچیلان رؤس امتحاننده ابراز اهلیت ایدرك فاتح جامع شریفنده (جامی) دن درسه چیقدی . ۱۳۱۸ سنه سنده اعطای اجازته موفق اولدی .

۱۳۱۳ ده استانبول رؤس هایونی اعطا و ۱۳۱۵ ده مکتب حقوق مجله معلمکنه تعیین اولندی . متعاقباً مکتب سلطانی عقائد و دارالفنون اصول فقه و فقه و دارالمعلمین منطق درس لری معلمکنه نصب ایدلدی . رتبه علمیسی تدریجاً مخرج پایه سنه ترفیع اولندی . ۱ محرم ۱۳۲۵ دن اعتباراً حلب مولوتینی ضبط ایدلدی .

ینه او سنه دائره مشیخنده تدقیق مؤلفات مجلسی باش کتابی ايله اعضالغنه و اعلان مشروطیتی متعاقباً معارف نظارتنده مجلس علمی و بالاخره مجلس اعیان اعضاالقرینه تعیین قلندی .
۵ رجب ۱۳۲۸ ده مقام مشیخت اسلامییه نصب بیورلدی .

خط هایونك صورتی :

« وزیر معالیمیرم حق پاشا

حسین حسنی افندینك اسباب صحیه دن طولای وقوع استعفا سنه منی مسند مشیخت اسلامییه رویت و اهلیتی جهتیله هیئت اعیان دن موسی کاظم افندی عهده سنه توجیه اولئشدر . جناب حق موفق بیوره » .
سعید پاشا مرحومك دفعه ثامنہ صدارتنده ۷ شوال ۱۳۲۹ ده مسند مشیخنده ابقا ایدلدی .

خط هایونك صورتی :

« وزیر معالیمیرم سعید پاشا

ابراهیم حق پاشانك وقوع استعفا سی جهتیله مجرب اولان رویت وحیت و وقوف و اهلیت کزه بناءً مسند صدارت عهده کزه تفویض و مشیخت اسلامییه موسی کاظم افندی ابقاءً تعیین اولئشدر . قانون اساسینك معدل یکرمی یدنجی

ماده سی احکامنه توفیقاً هیئت وکلای تشکیل ایدہ جک ذواتک انتخاب و عرضی ارادہ ایدرم . جناب حق موقیت خیرہ یہ مظهر بیورسون آمین .

۱۰ محرم ۱۳۳۰ دە استعفا ایتدی . ۱۳۳۱ دە مدرسه الواعظین تفسیر و مدرسه القضاة درر معلمکنه تعیین اولندی . معلمک الیوم عهدہ فضیلتندہ در .

۵ رجب ۱۳۳۴ دە - ثانیاً - مقام مشیخته نصب ایدلدی .

خط هایونک صورتی :

« وزیر معالیسمیرم محمد سعید پاشا

شیخ الاسلام خیری افندیکن اسباب صحیہ دن ناشی وقوع استعفا سی جہتہلہ مسند مشیخت درکار اولان اہلیت و فضیلتہ بناءً ہیئت اعیان اعضا سندن شیخ الاسلام اسبق موسی کاظم افندی عهدہ سنہ بالتوجیہ کندوسی باب عالی زہ اعزام ایدلشد . جناب حق جلہ منری ہرحال و کاردہ موفق بالخیر بیورسون آمین بخرمہ سید المرسلین . »

۱۱ ربیع الآخر ۱۳۳۵ دە تبدل صدارتدہ مقام مشیختدہ ابقا و علاوۃً اوقاف هایون نظارتی وکالتی توجیہ بیورلدی .

خط هایونک صورتی :

« وزیر معالیسمیرم محمد طلعت پاشا

محمد سعید پاشامک اسباب صحیہ دن طولانی وقوع استعفا سنہ و سزک مجرب اولان اہلیت و لیاقت کزہ بناءً مسند صدارت رتبہ سامیہ وزارتہ عهدہ کزہ توجیہ و مشیخت اسلامیہ موسی کاظم افندی عهدہ سنہ ابقا ایدلش و تشکیل اولان ہیئت جدیدہ وکلای تصدیق هایون زہ اقتران ایدلشد . حال وزمانک اہمیت و نزاکتی جلہ جہ معلوم اولدیفندن دولتک سلامت حالیہ و آتیہ سنک تأمینی و مملکتک سعاد و ترقیاتک استکمالی ایچون ہیئت وکلایہ بالاتحاد صرف ماحصل غیرت الیککز رویت و حجت مسلمہ کزدن منتظر در . ہان جناب حق سلامت ملک و ملت امرندہ مصروف اولہ جق مساعی خیرہ کزی توفیقات الہیہ سنہ مقرون بیورسون آمین بخرمہ سید المرسلین . »


محرم ۱۳۳۵ دە مدرسه المتخصصیندہ حکمت الہیہ درسہ در عهدہ ایدرک الیوم تدریسہ دوام الیکدہ در .

« صفوة الیان فی تفسیر القرآن » عنوانیله بر تفسیر مکمل تحریر
و سورة (اخلاص) و (علق) ایله سورة (کهف) ی متصوفانه تفسیر
ایلشدر. متصوفین کرامدن محمد جمال الدین نوری حضرتلرینک وحدت
وجوده دائر ۹۵۰ده عربی العبارة تألیف ایلدیکی رساله یی ، بدرالدین
سماوینک وارداتی ، جلال دوانینک (حورا وزورا) رساله سنی ،
امام غزالی حضرتلرینک (تهافت) ی ایله ابن الرشیدک اجوبه سنی
ترجمه ایتمشدر . مکتب سلطانیده تدریس ایلدیکی علم کلامدن
(عقد الحقائق) نامیله بر رساله نفیسه وجوده کتیر مشدر . (اسلامده
جهاد) عنوانلی اثر مهمی مطبوعدر .
مشارالیه حضرتلرینک غزتلرده و رسائل موقوتده مقالات
عالیه علمییه سی مندرجدر .



فہرست

صفحہ	تاریخچہ اوقاف نظار :	صفحہ
۱	الحاج یوسف افندی	۱۳۸
۳۹	محمد طاہر افندی	۱۴۲
۴۲	الحاج محمد سعید افندی	۱۴۵
۴۶	محمد حبیب پاشا	۱۴۸
۵۰	موسی صفوقی پاشا	۱۵۶
۵۸	احمد صادق زیور پاشا	۱۵۹
۶۲	محمد شوق افندی	۱۶۹
۶۹	نعمان ماہر بك	۱۷۱
۷۱	مصطفی کافی بك	۱۷۸
۷۵	محمد عارف پاشا	۱۸۲
۸۰	علی شفیق پاشا	۱۸۵
۸۳	علی رضا افندی	۱۹۰
۸۷	عبدالرحمن نافذ پاشا	۱۹۳
۹۱	محمد خالد افندی	۱۹۷
۹۸	علی غالب پاشا	۲۰۱
۱۰۰	عبدلغایف صبیحی پاشا	۲۰۵
۱۰۴	ابوبکر ممتاز افندی	۲۰۸
۱۱۱	احمد وفیق پاشا	۲۱۲
۱۱۴	اسماعیل حق پاشا	۲۱۶
۱۲۳	عبدالحمد فرید پاشا	۲۱۸
۱۲۵	شروانی زادہ محمد رشی پاشا	۲۲۰
۱۲۹	حسین مجد افندی	۲۲۳
۱۳۲	احمد توحید افندی	۲۲۵
۱۳۴		۲۴۳
		۲۴۸



خطا و صواب جدولی

صواب	خطا	سطر	صحیفہ
تخصیص	تخصیص	۳	۶
۹۲۳	۵۲۳	۴	۷
شمس الدین محمد	شمس الدین	۲۹	۸
عربستان ، ۹۲۵ دہ	۹۲۳ دہ	۳۰	۸
الشافعی	الشافعی	۲۰	۹
العلماء	العلماء	۱۵	۱۰
ادارۂ عمومہ سی	نظارت عمومہ سی	۱۳	۱۳
مفیض آلا لاء	مفیض آلاء	۲۴	۱۴
امطار	امطار	۱۵	۱۵
حسبی	ہبسی	۲۷	۲۴
(خیر اللہ افندی)، جادی الاخرہ	خیر اللہ افندی ضربخانہ	۸	۲۵
۱۲۳۶ دہ (السید محمد عطاء اللہ			
افندی)، ربیع الاول ۱۲۳۷ دہ			
(السید یوسف افندی) ضربخانہ			
صحیفہ ۳۱	صحیفہ ۲۱	۳۰	۳۱
حوادثی	حوادثلری	۱۷	۵۱
پاشانک صدارتدن	پاشانک	۱۷	۵۱
۱۲۶۴	۱۲۶۶	۵	۵۲
مکاتب	مکتب	۴	۵۴
۱۲۵۲	۱۲۵۸	۹	۵۵
یوز غروشدہ اون	یوز اون	۱۱	۵۶
موصل، شہر زورق و کتخدالقری	موصل قبو کتخدالقری	۶	۵۸
معرفت ایلدی وزیر مورہ لی ابو	معرفتہ مشغول اولدینی	۲	۷۱
بکر صدق پاشایہ	اشنادہ مورہ والیسی		
	ابو بکر سامی پاشایہ		
باش معاونلکی	باش معاونکی	۲۴	۶۶
دنیل مشدر .	دنیل مشدر [۲]	۲۴	۷۷
خارجیہ نظارتی	خارجیہ	۳	۷۸

صوب	خطا	سطر	صفحہ
محمود	محمور	۱۹	۷۸
۲۲ صفر	صفر	۱	۷۹
پاشادن	پاسادن	۷	۱۰۵
۲۶ ذی الحجہ ۱۲۷۶ ہجری	دفتراماتی	۲۴	۱۰۶
اولدینی دفتر امامتی			
اعضائی عہدہ سندہ	اعضائی اوزرہ	۱۹	۱۱۲
قلمی اوزرہ	عہدہ سندہ قلمی		
ویرمدیکی	ویرمدیکی	۲۶	۱۱۲
۱۲۸۷	۱۲۷۸	۴	۱۱۳
۱ ذی الحجہ	ذی الحجہ	۲۳	۱۱۵
نظارتہ تعیین	نظارتہ ، تعیین	۱۰	۱۲۶
نظارتی اعیانہ احمد	نظارتی احمد	۳	۱۴۰
۱۲۹۷	۱۲۹۳	۶	۱۴۱
۴ ذی الحجہ	ذی الحجہ	۳	۱۴۴
۹ جمادی الاخرہ	۱۹ جمادی الاخرہ	۱۳	۱۴۶
معلمین	معلمین	۳	۱۴۹
عبدالمجید	عبدالمجید	۱۱	۱۵۲
براقلمشدر	براقلمشدر	۱۳	۱۵۳
۱۲۷۶ ہجری	۱۲۷۶	۲۴	۱۵۳
کاتب ، شاعر ، عقیف	کاتب ، عقیف	۱۸	۱۵۵
۲۵۶	۱۲۵۶	۲۶	۱۵۷
ذی القعدہ	ذی القعدہ	۷	۱۶۴
فادر	فادر	۹	۱۶۷
صنف	صنف	۵	۱۶۹
۴,۰۰۰	۳,۰۰۰	۱۰	۱۷۲
نہ ٹرانڈہر	نہ ٹرانڈہر	۱۹	۱۷۷
درسعادتہ	درسعادتہ	۲	۱۸۲
۱۲۹۹	۱۲۸۹	۱۶	۱۸۳
ربیع الاول	ربیع الاول	۱۵	۱۹۱

صواب	خطا	سطر	صفیہ
بحریہ نظارتندہ وسعید پاشا	بحریہ نظارتندہ	۱۰	۱۹۵
خارجیہ نظارتندہ وذکی پاشا	وذکی پاشا		
استنساخ	سنسناخ	۱۰	۱۹۶
۲۵,۰۰۰	۲,۵۰۰	۱۶	۱۹۸
رمضان ۱۳۰۷	رمضان ۱۳۰۸	۱۳	۲۰۹
ابوتمی	ابوقی	۱۶	۲۱۸
برینہ	برینہ	۱	۲۳۱
فخریہ دہ	قخریہ دہ	۱۶	۲۳۲
ممتازہ	ممتازہ	۱۲	۲۳۲
والک	وا^	۱۴	۲۳۶
سالف الذکر	سالف الذکر	۷	۲۳۹
اثری دہ	تفسیری دہ	۱۵	۲۳۹
مختلفہ دن	مخلفہ دن	۱۷	۲۴۰
التحاق	التحاق	۱۸	۲۴۸
وارداتی	وارداتی	۵	۲۵۱



